

**JOHANNIS  
BORCHOLTEN J.CTI  
CLARISSIMI ...  
DISPUTATIONUM  
ORDINARIARUM...**

---

Johannes Borcholten, Statius  
Borcholten, ...







13 6. B 56.

1

1A.



JOHANNIS BOR-  
CHOLTEN Jcti CLARISSIMI  
ET IN ACADEMIA JULIA  
quondam Ordinarij

DISPUTATIONUM ORDINA-  
RIARUM TAM IN INCLYTA JULIA  
quàm in alijs Academijs habitarum



PARS SECUNDA,

*Nunc secundò edita.*

A

STATIO BORCHOLTEN, J.U.D.  
& Academiæ Juliæ pro-  
fessore.

ACCESSERUNT DISPUTATIONES EX-  
traordinariæ quamp̃urimæ, ab eodem au-  
tore habitæ.

*By Legat*



*W. Meijer*

Cum privilegio Sacræ Cæsariæ majestatis ad  
annos quindecim.

VVITEBERGÆ,

Sumptibus Clementis Bergeri

Anno 1609.



1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941

1000 21/11/1941



NOBILISSIMIS,  
VIRTUTE ET ERU-  
DITIONE PRÆSTANTISSIMIS  
VIRIS JUVENIBUS, LEVINO, JOANNI,  
ET JOACHIMO FRIDERICO, fratribus  
Germanis à SCULENBURG, in ~~De~~  
gendorff &c. fautoribus & ami-  
cis colendis,

S.



Ogitanti mihi & al-  
tius perpendenti, cuinam pa-  
trono præsentem hunc librum  
dedicarem, offerrem & conse-  
crarem, incidit Apellis illud tritum, suto-  
rem quendam repræhendentis; *Ne sutor ul-  
tra crepitam*: Equidem si hoc considera-  
rent, & semper in animo atque ob oculos

A 2

posi-

positum haberent miseri mortales nostri.  
non tot, me herclè, errores committerentur,  
non tot opinionum confusiones fierent. Sed ut fieri solet, nituntur homines  
semper in vetitum, cupiuntque negata, eo-  
que res devenit nostra hac ætate, licet mi-  
ferrima, ut quilibet falcem suam in alienam  
messiem mittere malit, ut vel hac ratione sa-  
piens videatur, quam ut vel in alienis rebus  
taceat, vel res sibi demandatas rectè agat.  
Quomodo verò hoc seculum subsistere diu  
poterit, his confusionibus ortis? Adducas,  
vel ex medio orbe, architectum quendam,  
qui de literis bonis iudicium ferat, quate-  
nus architectus est, aut literatum provo-  
ces, qui, quatenus literis solum operam de-  
dit, qui de architectonico opere senten-  
tiam ferat; Sane nec architectus de literis,  
nec literatus de architectonica rectius ju-  
dicabit, quam asinus ille Æsopicus de philo-  
melæ cantu suavissimo: quis verò sanæ  
mentis huic iudici credat? Perveniamus ad  
artes nostras, quibus vitæ hæc societas ma-  
ximè

ximè conservatur, sive Theologum constituas judicem, in ijs rebus quæ ad Jurisconsultum pertinent, sive Medicum judicare jubeas, de ijs quæ Theologi sunt propria, sive philosophum subsellium judicis ascendere jubeas, sive Jurisconsultum, ut sacra administret, adducas, nihil medium fidius, aliud efficies, quàm ut & Reipubl. & rerum humanarum omnium fiat confusio; Quid autem confusio aliud quàm corruptionem parit? Hæc ergo ut evitaretur, maximè optandum esset, ut omnes Apellei illius proverbij memores essent; sic nemo arrogans, nemo polypragmon, nemo curiosus, nemo denique calumniator fieret. Hoc ergo prædictum postquam mihi incidit proverbium, non vidi quibus potioribus patronis hoc committerem opus, quàm vobis, viri juvenes Nobilissimi, fautores & amici colendi. Quantum enim in amplissimo nostro juris studio desudaveritis, quantum in disputationum militia vtilissima & maximè necessaria exercitati hætenus fueritis,

A 3

non

non equidem sum nescius: Testis est Academia hæc ALMA JULIA, testis Academia Salana, themidis sacra nutrix ardentissima: tibi verò JOACHIME FRIDERICE, testis ipse sum, qui apud me vivis, & ita vivis, ut nec à literis, nec ab illis artibus, quæ juvenem verè nobilem decent, alienior videri cuiquam possis. Sicut itaq; quilibet de ea, quam novit, arte, rectiùs judicare potest, sic vos omnes, viri Nobilissimi, de hoc disputationum opere, rectiùs & meliùs judicatu-  
ros spero. Vestræ ergo curæ, vestræ tutelæ, vestræ defensionis hunc librum committo. Vosque oro ut fronte non adversa eum recipere & vestræ fidei commissum habere, non dedignemini. Faxit æternus DEUS, ut quemadmodum hætenus, divino ipsius auxilio adjuti, in jurisprudentiæ almæ sacris tractandis satis commodè versati estis, sic & in posterum, vestro consilio, vestra opera & ope Respubl. Christiana, DEO chara, ex parte conservetur, & promoveatur, ut æternam inde laudem & nominis gloriam



riam perpetuam reportetis. Valet viri  
Juvenes Nobilissimi, & me vestrum amate.  
Raptim ex Academia JULIA. 4. Non.  
Junij, Anno reparatæ salutis humanæ.  
CLO. IO. XCVII.

V.

studiosissimus

Statius Borcholten,  
J. U. D.



SECUN-

THE  
JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 37  
PART 1  
1907

CONTENTS  
PART I

THE  
JOURNAL OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 37  
PART 1  
1907

1907

# SECUNDAE PARTIS

## PRIMA DISPUTATIO,

### DE AUCTORITATE

#### TUTORUM.

#### I. Propositio.



Auctoritas est approbatio eius quod cum pupillo agitur.

#### ARGUMENTVM I.

Definitio est latior suo definito. Ergo non est bona. Antecedens probatur, quia qui contrahit cum pupillo probat quod cum pupillo agit. Hæc autem probatio non est auctoritas. R. Probationem cum dicimus intelligimus probationem quæ fit à tutore.

#### ALIVD.

Definitio angustior est suo definito. Igitur non bona. Antecedens probo. Auctoritas est approbatio. Et agere est quid perficere re vel verbis quod fit stipulatione vel mutuo. Et actum cum dicimus tantum stipulationem vel mutuum intelligimus, unde nascitur obligatio ex una tantum parte, promittentis scilicet vel accipientis, non intelligimus alios contractus qui consensu perficiuntur *l. Laeco 19. de V. S.* Hinc actum & contractum coniunguntur in *l. 2. de cap. minut.* At à pupillo tutoris autoritate non tantum stipulamur, item non tantum mutuum damus pupillo tutoris auctoritate, sed etiam contrahimus cum pupillo, ut in 3. propositione dicimus. R. Agere propriè loquendo significat rem peragere, re vel verbis, ut stipulatione vel mutuo. Sic gerere est propriè rem peragere sine verbis. Contrahere, est quid perficere con-

A

sensu,

sensu, *l. l. Labeo, de V. S.* Sed hæc verborum proprietates sæpè confunditur. Et gerere dicimur qualitercunq; quid fiat, siue contractus sit siue quid aliud contigit. *l. 7. de minorib. in princip.* Sic actus verbum quod latius patet quam verbum gestus, accipimus qualitercunque aliquid agatur. Et subtilis illa differentia inter actum, contractum & gestum, non perpetuò observatur & *κατὰ γενεάν*: inter hæc nihil interest, *ut de actis & factis Iurisconsultum loquitur in l. licet inter gesta, de V. S.*

### I I. Propositio.

Eaque ex lege 12. tabular. ex qua etiam tutela est, descendit.

### ARGUMENTVM. I.

Si esset tutela ex l. 12. tabul. tunc tutoris datio etiam esset ex l. 12. tabul. Sed tutoris datio est iurisdictionis *l. 1. de iurisdictione, §. sed hoc iure utimur, Instit. de Atilian. tutor. &c.* non est legis. Igitur tutela etiam non est legis. R. ad maiorem. Non omnis tutela est ex l. 12. tabul. sed testamentaria tantum, & legitima agnatorum & Patronorum. Et tutores testamentarii dantur auctoritate legis 12. tabul. Agnati etiam & patroni ex l. 12. tabular. tutores sunt. Cæterum ea tutela, quam vulgò dativam nominamus, non est ex l. 12. tabul. sed descendit ex iurisdictione magistratus, & ex iurisdictione magistratus dativi tutores constituuntur. Et de dativis tutoribus minor propositio loquitur.

### A L I V D.

Quæ iuris civilis sunt, illa capitis diminutione pereunt. *§. final. Instit. de leg. tim. agnator. tutel.* Sed tutela non perit capitis diminutione *l. tutelæ, de capite minutis.* Igitur tutela non est ex iure civili. R. L. tutelæ, de cap. minut. loquitur tantum de minima capitis diminutione, non de maxima aut media. Maxima aut media capitis diminutione, omnes tutelæ pereunt. Minima capitis diminutione, tutela Patronorum non perit, quia nec ius patronatus perit. Testamentaria etiam

iam tutela non perit minima capitis diminutione. Nam et si tutor paterfamiliās, filiusfamiliās efficiatur, non definit esse tutor cum filiusfamiliās non minus tutor esse possit quam paterfamiliās. Tutela autem agnatorum, minima capitis diminutione perit, quia ius agnationis, minima capitis diminutione perit. *Ulpian. in fragment. tit. 11. Et hoc Iurisconsultus tradidit in d. l. tutelas, de capit. minor.* Et in ea lege quædam nobis percripta fuerunt, de quibus notis Iustinianus loquitur in l. 2. de *Uter. iur. emuland.* atq; ita lex habuit exceptis his quæ A. P. P. deferuntur, id est, iure agnationis proximis potissimum deferuntur. Verum Tribonianus notas illas non est secutus ideoque ita vertit, exceptis his quæ in iure alieno personis politis deferuntur. *Cuiacius ad Ulpianum tit. 11.*

## A L I V D.

Iure ciuili est tutela introducta. Ergò non lege 12. tabularum necedens probatur definitione tutelæ quæ est in tit. de rel. in Institut. R. Ius ciuile pluribus modis dicitur. Quandoque ius ciuile significat l. 12. tabular. *ut in tit. de usucapion. in incip. l. si de bonis, C. de iure deliberand. l. necessarijs, de acquir. vel intend. heredit.* Quandoque ius Ciuile nominatur quod post 2. tabul. ex necessaria interpretatione atq; responsis Prudentum sine scripto esse cœpit. l. 2. §. *hæc disputatio, & §. ita in iustate nostra, de origine iur.* Tertiò ius ciuile cum dicimus, ius ille Romanum scriptum intelligimus ex sex partibus consis &c. §. *sed in quidem ciuile, Institut. de iure naturali Gentium iur.* Quartò ius ciuile dicitur ad differentiam iuris Præj, & tunc id est, quod ex legibus plebiscito, Senatusconsult. Principum placitis & auctoritate Prudentum venit. l. *in ciuile, de iustis, & iur.* Denique ius ciuile cum dicimus, nunquam illud ius intelligimus, quo vna aliqua ciuitas ut quod sibi commodum sit, quo si fortè alia uti velit, iam damnumque conciliabit. *Hæmenopol. lib. 1. Epitom. iur. l. 1. A. Theophilo τῆμικον* dicitur vulgò municipale legem nominamus aut statutum. In prima significatione accipis Ius ciuile in definitione tutelæ &c.

Tutela iuri naturali tribuitur §. *penult. Institut. de. Attilian. tutor.* Impuberes in tutela esse naturali iuri conueniens est &c. Apud Liuium lib. 1. & 4. legimus, tutores fuisse ante l. 12. tabular. Iurigentium igitur tutela tribuenda est. R. Tutela, quod ad originem & causam attinet profecta est à iure naturali. Et iuri naturali conueniens est &c. Verum confirmationem à Iure ciuili ex l. 12. tabular. accepit, ideoque iuri ciuili siue legi 12. tabular. accepto fertur. Sic contractus Emphyteutici ante D. Zenonem fuerunt. Verum quia Zeno certam formam contractui huic indidit, ideo Emphyteusis non iurigentium contractum sed Iuris ciuilis esse dicimus.

## A L I V D.

Tutela quam dotiuam nominamus est ex l. Attilia, item ex l. Iulia & Titia, *tot. tit. de Attilian. tutor. &c.* Tutela legitima parentum est ex contractu fiduciæ, vnde & propriè fiduciaria dicenda est. Tutela fiduciaria neque propalam ex l. 12. tabular. descendit neque etiam per consequentiam, sed aliàs iure ciuili est recepta, vnde & iure ciuili proprium illi nomen inditum est, & fiduciaria dicitur. Igitur malè dicimus tutelam ex l. 12. tabular. descendere. R. Hoc tantum dicimus de testamentaria tutela quæ l. 12. tabul. permittitur. Paterfamilias uti &c. *Ulpian. in fragment. tit. 11. Cornificius lib. 1. ad Herennium. §. 1 Institut. de lege Falcid. Nouell. 23. de his qui nuptias iterant.* Item de tutela legitima agnatorum, quæ ex l. 12. tabular. tunc datur agnatis, cum testamento tutor non est datus, *ut Iustinianus docet in tit. de legitim agnator. tutel. in princip.* Et hæc tutela legitima agnatis ex l. 12. tabul. propalam datur, *ut Ulpianus loquitur in fragment. d. tit. 11.* Item de tutela legitima Patronum quæ propalam ex l. 12. tabular. non descendit, sed per consequentiam. Eo enim ipso quod hereditates libertorum, libertarumque, si intestati decessissent iusserat lex ad patronos liberosque eorum pertinere, crediderunt veteres voluisse legem etiam tutelam ad eos pertinere, *ut loquitur Iustinianus in tit. de legitima Patronor. tutel. in Instit.*

Propo-

## III. Propositio.

At tunc necessaria est cum pupillus obligari debet. Etenim obligari ex nullo contractu pupillus sine tutoris auctoritate potest, quamvis acquirere sibi stipulando, & per traditionem accipiendo etiam sine tutoris auctoritate possit.

## A R G V M E N T V M I.

Obstat l. Marcellus scribit, de fideiussoribus. Marcellus scribit si quis pro pupillo sine tutoris auctoritate obligato, prodigum vel furioso fideiussarit, magis esse ut ei con subueniatur. Ecce textum expressum, quod pupillus sine tutoris auctoritate obligatur quodque ei obligationi fideiussor accedere possit. R. Nos hic loquimur de contractibus. Si contrahat pupillus sine tutoris auctoritate Civiliter non obligatur. At d. l. Marcellus loquitur quando pupillus iure obligatur. Iure obligatur pupillus ex delicto, & ex quasi contractu, *l. furiosus, de obligat. & action.* Ut si tutor aliquid in rem pupilli impenderit, ex quasi contractu pupillus tutori obligatus est. *§. tutores Institut. de obligation. que quasi ex contract. nascuntur.* Sic Iurisconsultus inquit. Si pro furioso, iure obligato fideiussorem accepero, tenetur fideiussor *l. si à reo §. si à furioso, de fideiussor.*

## A L I V D.

Quod statuitur in vno correlatiuorum, debet quoque statui in altero *l. final. C. de indict. viduitat. tollend.* Sed contrahens, & is cum quo contrahitur, sunt relatiua, & correlatiua. Et is cum quo contrahit pupillus obligatur. *§. unde in his causis, Institut. de auctoritat. tutor. l. 7. & ibi elegans est textus, de rescindend. vendit.* Igitur ex natura correlatiuorum pupillus quoque obligatur. R. Maior vera est, si in vno correlatiuorum eadem sit ratio, quæ est in altero. At hic in pupillo contrahente, & eo cum quo contrahitur, est ratio diuersa. Etenim pupillus infirmam ætatem, facili in captionem incidet, si

ret, si contrahendo sine tutoris auctoritate obligaretur. Tale nihil metuendum est in maiore, qui cum pupillo contrahit. Itaque qui cum pupillo contrahit obligatur, at contra pupillus non obligatur.

## A L I V D.

Contractus non potest ex vna parte subsistere, sed debet esse vtrò citroque obligatorius. *l. Labeo, de V. S.* Sed si pupillus contrahens absque tutore, non obligatur, subsistit contractus ex vno latere. Dicendum est igitur pupillum obligari. R. Maior vera est nisi fauor personæ aliud suadeat. Tunc contractus etiam ex vno latere subsistere potest. *Textus est elegans in l. Iulianus, §. si quis a pupillo, de actione empti. ibi Iurisc. consultus Ulpianus ita loquitur. Si quis a pupillo sine tutoris auctoritate emerit, ex vno latere constat contractus. Nam qui emit obligatus est pupillo, pupillum autem sibi non obligat.*

## A L I V D.

At nemo debet locupletari cum alterius iactura & damno, *l. nam hoc natura, de condition. indebit. l. iure natura, de R. l.* Huc pertinet quod apud Ciceronem 3. officiorum scriptum est. Detrahere inquit aliquid alteri, & hominem hominis incommodo suum augere commodum, magis est contra naturam quam mors, quam paupertas, quam dolor, quam cætera quæ possunt aut corpori accidere, aut rebus externis &c. Et idem eodem loco inquit. Ut quisque sibi malit quod ad usum vitæ pertineat quam alteri acquirere concessum est, non repugnante natura. Illud natura non patitur ut aliorum spolijs nostras facultates, copias, opes augeamus. Neque verò hoc solum natura, id est, iure gentium, sed etiam legibus populorum, quibus in singulis ciuitatibus res publica continetur, eodem modo constitutum est, ut non liceat sui commodi causa nocere alteri &c. Sed si is qui cum pupillo contrahit, obligatur, at inuicem pupillus non obligatur, tunc pupillus locupletatur cum alterius iactura & damno. Dicendum igitur est pupillum obligari. R. Maior vera est si quis locupletetur absque culpa alterius. Quod quis sua culpa damnum sentit, sentire, non videtur, *l. quod quis, de R. l.* Sic Paulus ait, nullam iniuriam



riam posse videri accipere qui volens acceperit. *l. in diem, de a qua pluitis arcenda.* Nulla enim est iniuria quæ in volentem fiat *ut l. ipse, ait l. 1. §. eff. ad ed. de iniurijs.* Sic Aristoteles in 5. Ethicor. *ἐξ ὧν γὰρ πρὸς τὴν ἀδικίαν, δὲ ἀδίκος ἐστίν.* Ad minorem. Pupillus locupletatur, cum culpa contrahentis. Sciebat enim contrahens eum pupillum esse, aut scire hoc debebat. Qui enim cum alio contrahit, vel est vel esse debet non ignarus eius conditionis. *l. qui cum alio contrahit, de R. l.* Deinde alio etiam modo respondeo, negando minorem, pupillum locupletari. Nec enim pupillus, ex eo quod non obligatur, locupletatur. Etenim qui cum pupillo contraxit, aut habet id, quod ex contractu pupillo debet, & tunc pupillo id petenti, & pretium recusanti obijcere potest exceptionem doli *§. ut ex contrario. Inst. quib. alieni licet vel non.* Aut non habet, sed iam tradidit pupillo, & tunc si pupillus locupletior factus est, ex naturali obligatione quam pupillus tenebatur in pupillum habet actionem in quantum locupletior factus est.

## A L I V D.

Rursus non debet alteri per alterum iniqua conditio inferri *l. non debet, de R. l.* Sed si pupillus non obligatur absq; tutore, tunc alteri per alterum iniqua conditio infertur. Igitur &c. Respondeo ad hoc argumentum ut ad superius.

## A L I V D.

De similibus ideni est iudicium. *l. illud, ad l. Aquil.* Sed furiosus, cui per omnia similis est pupillus, etiã Curatoris sui auctoritate nullum negocium contrahere potest. *l. in negotijs, de R. l.* Videtur igitur dicendum quod etiã pupillus tutoris sui auctoritate nullum negotium recte contrahat. Minor probatur hoc modo. Furiosi nulla est voluntas *l. furiosi, de R. l.* Sic etiam nulla est voluntas pupilli *l. pupillus, de R. l.* Furiosus per omnia & in omnibus absentis vel quiescentis loco habetur. *l. 2. de iure Codicillor.* Sic pupillus præsens pro absente habetur si tutorem non habeat. *l. si pupillus, quibus ex causis in possessionem eatur.* Furiosus ut neque scire neque decernere potest: ita quoque pupillus, etsi scire possit neque scire neque decernere potest. *l. pupillus, de acquir. vel omittend. hered.* Respon. Verum est quod pupillus furioso in multis comparatur, sed tamen melior est con-

conditio pupillorum quàm furiosorum in multis. Et in negotijs contrahendis, alia causa habita est furiosorum &c. *l. in negotijs de R. l.* Sic pupillus infans tutore auctore possidere & vſucapere poteſt *l. quamuis. §. infans, de acquir. poſſeſſione.* Furioſus ne quidem curatore auctore poſſidere & vſucapere poteſt. Similiter infanti per tutorem petitur ediſtalis bonorum poſſeſſio, per curatorem furioſi, petitur furioſo decretalis bonorum poſſeſſio *l. 2. ad Tertulian.* & in plerisque alijs differunt. Ratio differentiæ eſt, quia furioſo mens penitus eſt adempta, infans vel pupillus mente non caret, ſed nondum quicquam per ætatem ſcire poteſt. Eadem ratione iura plus fauent ſpadonibus quàm caſtratis. Etenim his abeſt ea pars corporis, quæ ad generandum eſt neceſſaria, illis non item, ſed gignendi vis in illis aut morbo aut aliquo vitio corporis impedita eſt.

## A L I V D.

Iniquum eſt inquit Iuriſconſultus tibi mecum actionem eſſe ſi velis, mihi autem tecum actionem non eſſe. Sed ſi pupillus contrahens ſine tutoris ſui authoritate non obligatur, tunc pupillo cum eo, cum quo contraxit eſt actio ſi velit. Ei autem qui contraxit cum pupillo, non eſt actio. Igitur hoc eſt iniquum, & per conſequens dicendum eſt, pupillum obligari. R. Maior vera eſt, niſi eius cum quo contrahitur, culpa, factum fuerit, quo minus actio eſſet. Tunc iniquum non eſt, vni actionem dari, alteri non dari. At hic culpa eius, cum quo contractum eſt, ſit, quo minus actio ipſi detur. Sciuit enim ſe contrahere cum pupillo quem ſibi efficaciter obligare non potuit, *ut ſuperius prolixius dictum eſt.*

## A L I V D.

Pupillus ſtipulando ſibi non acquirit. *l. 1. in princip. & l. mulier, de Verbor. obligat.* Igitur falſa eſt propoſitio noſtra tertia in qua contrarium aſſeritur. R. Pupillus dicitur qui impubes deſijt eſſe in patris poteſtate aut morte aut emancipatione. *l. pupillus, de V. S.* Et tres ſunt gradus ætatis pupillaris. Primus gradus infantia dicitur, eaque extenditur in annum ſeptimum.

## DE AVCTORITATE TVTOR.

septimum. Infantem enim dicimus vsque ad annum septimum *l. si infanti. C. de iure deliberand. l. i. de administrat. & pericul. tutor.* ideoque græci semper *ἐπ' ἑπτα* vertunt. Secundus gradus pupillorum, est eorum, qui proximi infantia appellantur. Proximus infantia est, qui egressus est infantiam, & linguæ gnarus est rerum ignarus. Tertius gradus pupillorum est eorum qui proximi pubertati cognominantur. Et proximus pubertati est, qui nondum egressus est pubertatem, sed propè eam est, ita vt annale tantummodo vel semestre tempus reliquum sit. Et quod hîc dicimus de pupillo, stipulando eum sibi acquirere, id de pupillo intelligimus, qui pubertati proximus est vel etiam proximus est infantia. Is pupillus rectè stipulatur. De pupillo proximo infantia, olim quidem dubitatum fuit verum posset stipulationem contrahere, propterea, quod non multum à furioso distat qui nullum habet intellectum. Sed etiam in eo propter vilitatem eius benignior iuris interpretatio facta est, vt idem iuris habeat quod pubertati proximus. *S. pupillus, Institut. de inutilibus stipulation.* At pupillus infans non rectè stipulatur, is stipulando sibi nihil acquirere potest, & de pupillo infante loquitur *Invisconsultum in d. l. i. & d. l. mulier. de Verbor obligat.*

### A L I V D.

Filius impubes qui in potestate parentis est, quiq; pupillus dicitur *in l. final. § i. de Verbor. obligation. ne auctore quidem patre obligari potest. Ita Iustinianus docet in d. §. pupillus Institut. de inutilib. stipul.* Igitur videtur dicendum quod multo minus pupillus, tutoris auctoritate intercedente obligetur. Minus quippè iuris tutor in pupillum habet, quàm pater. R. Pupillus tutore auctore obligatur, non patre auctore, propterea quod filio aduersus patrem nulla sit actio prodita ob rem malè gestam, & ideo si patre auctore obligaretur pupillus, malè ei consultum esset. Sed tutor pupillo tenetur actione tutelæ, & præterea fideiussor|quem tutor dat antequam tutelam gerat. *tot. titul. de satisfaction. tutor. vel Curator.*

### A L I V D.

Rursus ita in slo. Pupillus infans, pro herede gerendo,  
B
cum

cum auctoritate tutoris, hereditati obligatur. *l. seruum truito §. si pupillo, ad Trebellian.* Igitur etiam infans, tutore auctore stipulando, sibi acquirat. R. Quemadmodum infans tutore auctore possidere potest, & ea in parte, iudicium infantis suppletur auctoritate tutoris, idq; utilitatis causa receptum est. *l. quamuis pupillus, de acquir. possessione.* ita iure singulari, utilitatis causa etiam hoc receptum est, quod pupillus infans potest hereditatem acquirere auctoritate tutoris, alioquin fieret ut aut hereditas diu iaceret quod fugiendum est, aut infans nullo modo institui posset.

## A L I V D.

Obstat supra dictis *l. seruum pupilli*, rem pupilli saluam fore. Ibi dicitur, quod pupillus infans recte stipuletur saluam sibi rem fore. R. Accursius & omnes ferè Interpretes Accursium secuti, tradunt pupillum infantem recte contrahere stipulationem, rem pupilli saluam fore, moti dicta *l. seruum pupilli*. Sed illa lex non de infante loquitur, sed de eo qui fari potest quamuis non intelligat quid agat, hoc est, loquitur de proximo infantia, de eo qui annum septimum iam primum excessit. Is recte stipulatur, idq; utilitatis ipsius pupilli gratia receptum est ut Ictus inquit, & ut Iustinianus loquitur in huiusmodi pupillo benignior iuris interpretatio facta est.

## IV. Propositio.

Sed et si pupillus velit soluere, tutoris auctoritatem debet adhibere. Et pupillus ex omnibus causis soluendo sine tutoris auctoritate, nihil agit, quia nullum dominium transferre potest, si tamen creditor bonafide pecuniam pupilli consumserit, liberabitur pupillus.

## A R G V M E N T V M I.

Dicimus in 4. propositione pupillum qui sine tutoris auctoritate soluit, liberari si creditor bonafide pecuniam pupilli consumserit. Obstat. *l. interdum, de condition. indebit.*

bit: Ibi pupillus soluit sine tutoris auctoritate, & Iurifconsultus dicit, etiam nummis consumptis, pupillum conditionem habere. Hæc igitur sunt diuersa liberari nummis consumptis, & conditionem habere. R. Nos hic loquimur de pupillo qui obligatus reuera fuit. Is si soluat liberatur, pecunia bona fide consumpta. At lex interdum loquitur de pupillo qui indebitum sine tutore soluit. Hic pecunia bona fide ab accipiente consumpta, habet conditionem. Liberari non potest pupillus quia non fuit obligatus, & liberatio obligationem præsupponit. At Iurifconsultus dicit singulare id esse in pupillo. Interdum inquit persona facit locum repetitioni. Non est autem singulare si idem pupillus condicit, quia indebitam soluit pecuniam. Nam regulariter qui indebitam soluit pecuniam ex numeratione conditionem habet, si suam pecuniam soluit. Si soluit alienam, habet conditionem ex consumptione. Et quibus casibus si pecunia soluta dominium transferatur ex numeratione, indebiti cōditio competit, ijs etiam si, dominium non transferatur, ex consumptione cuiuslibet indebiti cōditio competit. R. Ictus loquitur non de omni indebito, sed de eo, quod per errorem facti solutum condici non potest ab alijs. Huiusmodi est indebitum quod soluitur ex ijs causis quæ inficiando crescunt in duplum. Nam Iustiniano auctore ita veteres definiuerunt. Ex quibus causis inficiando lis crescit, ex ijs causis non debitum solutum, repeti non potest. *§. ex quibusdam. Institut. de obligat. que quasi ex contractu nascuntur.* Vt actio legis Aquiliæ inficiando crescit in duplum. *l. inde Neratius. §. hac actio, ad l. Aquil.* Item actio depositi, ut si negetur depositum ex causa tumultus, incendij, ruinæ aut naufragij. *§. sed furti. Institut. de action. l. de positi.* Item actio legatorum ad pias causas *d. §. ex quibusdam, Institut. de obligation. que quasi ex contractu nascuntur.* Si quis igitur quasi deberet ex lege Aquilia, vel ex eo quod quasi deberet ex causa tumultus, incendij, ruinæ, naufragij, vel ex eo quod deberet ex legato ad pias causas relicto, soluerit, in factio errans, non habet conditionem, neque ex numeratione, neque ex consumptione. Et hoc regulare est quod quibus

casibus si dominium transferatur iure civili ex numeratione, indebiti conditio non competit, ijs etiam si dominium non transferatur, ex consumptione, indebiti conditio non competit. Ideò autem non datur conditio casibus supra dictis, quod qui soluit ex causis dictis, videatur sciens soluisse vt pœnam euitaret. Verum si pupillus soluerit ex causis supra dictis. Persona facit locum repetitioni. Et si extat pecunia vindicatur. Si est consumpta dolo malo ad exhibendum agitur. Si bona fide, indebiti conditio datur *d. l. interdum, de conditione indebiti*. atque ita intelligimus, singulare esse quod iuriconsultus dicit in *d. l. interdum*, etiam eo non obstante quod pupillus indebitam pecuniam soluit.

## A L I V D.

Pupillus, meliorem suam conditionem facere potest sine tutore. *§. 1. Institut. de auctorit. tutor.* Sed per solutionem melior fit conditio pupilli. Etenim pupillus obligatione liberatur, cum solutione eius, quod debetur, omnis obligatio tollatur. Igitur videtur dicendum quod pupillus possit solvere sine tutore. R. Nego minorem, quamvis enim solutione, melior videatur fieri conditio pupilli, tamen multa omnino accidere possunt vt per solutionem deterior pupilli conditio reddatur. Verbi gratia pupillus cum in diem deberet, ante diem soluit, aut cum deberet sub conditione, soluit antequam conditio existeret, his & similibus casibus, deterior pupilli conditio constituitur. Itaque placuit & rectè pupillum sine tutore solvere non posse, ne pupillus aliquo casu iacturam & damnum patiatur.

## A L I V D.

Acceptilatio est solutio, quia acceptilatione liberamur, & solutionis verbum pertinet ad omnem liberationem quoquo modo factam *l. solutionis verbum, de solutio. & liberatione*. Et qui acceptilatione solutus vel liberatus est, soluisse dicitur. *l. si ex pluribus, de acceptilat.* Sed pupillus per acceptilationem sine tutoris auctoritate liberatur *l. 2. de acceptilatione*. Igitur videtur dicendum, quod pupillus etiam per solutionem sine tutoris

tutoris auctoritate liberetur. R. ad maiorem. Acceptilatio solutioni similis est quoad quid, non per omnia. Etenim sicuti solutione ritè facta liberamur, ita liberamur quoque acceptilatione ritè facta, & in eo acceptilatio est similis solutioni: quod ad effectum attinet, non differt acceptilatio à solutione. Aliàs plurimum differt. Solutio quippè est modus liberandi naturalis. Acceptilatio modus civilis. Solutio fit naturaliter, id est, re ipsa, & vt crassius ac popularius dicam, reali pecuniæ numeratione *l. solutam, de solution.* Solutam inquit Iurisconsultus intelligimus pecuniam naturaliter, si numerata sit creditori. Acceptilatio fit civiliter, absque vlla pecuniæ numeratione. Et ideo pupillus per acceptilationem liberatur sine tutore, per solutionem sine tutore non liberatur.

## A L I V D.

Pupillus sine tutore, si tutor non compareat, auctor laudari potest *l. si dictum fuerit. §. final. de evict.* Igitur videtur dicendum, quod soluere quoque possit sine tutore. R. Hæc sunt diuersa, & à diuersis non fit bona illatio. Quod pupillus auctor, laudatur sine tutore, id benignè receptum est, *vt dicitur in d. l. si dictum fuerit. §. final. de evict.* propterea scilicet, ne emptores in fraudem incidant si non sit quem laudent, id est, cui denuncient, vt liti motæ de re empta subsistat. At quamvis pupillus non possit soluere sine tutore, non propterea in fraudem incidit creditor cui pupillus debet, cum suum creditor consequi à pupillo, tutore auctore possit.

## A L I V D.

Faciliores esse debemus ad liberandum quàm ad obligandum *l. Arrianus, de obligat. & action.* Sed si pupillus sine tutore soluens, non liberatur, tunc faciliores sumus ad obligandum quàm ad liberandum. Dicendum igitur est pupillum soluendo sine tutoris auctoritate liberari. R. ad maiorem ex d. l. Arrianus ad hunc modum. Maior vera est, & faciliores esse debemus ad liberandum quàm ad obligandum, si habeamus occasionem, & si expediat ei de quo liberando agitur. Illa conditio nominatim adscribitur in d. l. Ar-

rianus. At hic nullam habemus occasionem. Et magis expedit pupillo ne soluendo liberetur, quam vt liberetur. Etenim soluta pecunia repeti potest, & si quod damnum & detrimentum ex solutione pupillus percepit, vt quia soluit ante diem vel conditionis existentiam, id corrigetur ex eo, quod pupillus, soluens sine tutore nihil agit, quodque pecuniam solutam repetere potest.

## A L I V D.

Quilibet in re sua moderator est & arbiter. *l. in re mandata C. mandat* Igitur etiam pupillus quia vniuersalis dictio, neminem excludit & sic per consequens pupillus potest etiam pro suo arbitrio absq; tutoris auctoritate soluere. R. Maior est intelligenda de quolibet perfecta ætatis & sanæ mentis. Is in re sua moderator est & arbiter. At secus est in eo, qui perfecta ætatis non est, aut non est sanæ mentis & integræ. Vt pupillus, furiosus, prodigus. Hæ personæ omnes, domini quidem sunt suarum rerum. Caterum, ipsi rerum suarum administratio non conceditur. Pupillus est sub tutore, eoq; auctore omnia potest. *l. in negotijs, de R. l.* Furiosus & prodigus sub curatoribus agnatis, quia etiam hereditas agnatis desertur ex l. 12. tabular. his verbis. Si furiosus existeret, aut prodigus, agnatorum gentiliumque in eo pecuniaq; eius potestas esto. *Cornificius in l. ad Herennium.* Et quamuis supra dictæ personæ liberam suarum rerum administrationem non habent, non ideo tamen minus domini sunt. Et eleganter Seneca inquit. Non est argumentum ideo aliquid tuum non esse, quia vendere non potes, quia donare non potes aut permittare. Tuum etiam est quod sub certa lege tuum est. Hæc Seneca.

## A L I V D.

Quod initio vitiosum est, traûu temporis non confirmatur. Hæc regula Catoniana est. *l. 1. de regula Caton.* Sed pupillus ab initio non soluit rectè, nec per solutionem liberatus fuit. Igitur nec ex postfacto, & pecunia consumpta solutio confirmabitur, & pupillus liberabitur. R. Regula Catoniana propriè pertinet ad legata, & ideo post libros de legatis, ponitur

in



in ff. titulus de Regula Catoniana. Sed habet tamen etiam locum in contractibus. Vt stipulatio quæ ab initio inutilis est, ex postfacto non conualescit. Vt si quis rem suam sibi dari stipuletur purè, statim ab initio inutilis est stipulatio, nec conualescit ex postfacto si res stipulatoris esse desierit. §. 1. *Idem de inutilib. stipul.* Emptio quoq; quæ ab initio non habet vires ex postfacto non confirmatur, vt rei suæ emptio ab initio non valet, & ideo licet quis rem suam alienauerit, non tamen stipulatio conualescit. *l. fœ rei emptio, de contrah. emptio.* Caterum regula Catoniana non habet locum in legatis & institutionibus conditionalibus, itemq; in contractibus sub conditione, & multò minus procedit Regula Catoniana in tutelis, & auctoritatibus tutorum.

## A L I V D.

Pupillus deteriores suam conditionem potest facere absq; tutore *l. possessionem, de acquir. possession.* Igitur potest quoq; soluere, quia soluendo vt supra volumus deterior fit ipsius conditio. R. solutio ex d. l. possessionem petenda est. Quæ facti sunt, illa pupillus amittit, vt possessionem naturalem amittere potest. Civilem non amittit quia illa iuris est.

Postremò circa hanc & præcedentem propositionem notandum est, quod pupillus non possit seruo peculium constituere, nec auctoritate tutoris. *textus est in l. 3 §. 1. vers. idē adij. in de pecul.*

## V. Propositio.

Tutor verò statim in ipso negotio præsens debet auctor fieri. Post tempus aut per Epistolam interposita eius auctoritas nihil agit.

## VI.

Et purè auctor fieri debet, etsi conditionalis contractus cum pupillo fiat. Nam auctoritas non conditionaliter sed purè interponenda vt conditionalis contractus confirmatur.

## A R G V M E N T V M I.

In quinta propositione dicitur per Epistolam interponi auctoritatem non posse. Obstat. l. si per Epistolam §. de acquir. here-

heredit. In ea lege Iurisconsultus docet quod per Epistolam tutor auctoritatem interponat. R. In ea lege, non de auctoritate agitur sed de iussu. Iubere potest tutor absens per Epistolam. At absens tutor per Epistolam non potest auctor fieri. Ratio diuersitatis est, quia auctoritas verba requirit *l. 3. de auctoritate tutorum* & ideo mutus, tutor dari non potest *l. 1. de tutela*. Iussum non requirit verba. Sed per Epistolam aut nuncium iubere possumus, *l. 1. quod iussu*. Deinde iussum præcedere debet. *l. si quis mihi. §. iussu; de acquir. hered.* Auctoritas interponitur in ipso negotio, vel etiam negotio perfecto. *d. l. si quis mihi. §. iussum.*

## A L I V D.

Dicimus in quinta porrò propositione, quod tutor statim in ipso negotio debeat auctor fieri. Ei aduersatur *l. si quis mihi. §. iussum eius, de acquir. heredit.* Ibi Iurisconsultus ostendit quod tutoris auctoritas interponi possit etiam perfecto negotio. Iussum inquit eius qui in potestate habet, non est simile tutoris auctoritati, quæ interponitur perfecto negotio, sed præcedere debet. Igitur male dicimus statim in ipso negotio tutorem auctorem fieri debere. R. Quod dicimus statim in ipso negotio interponi debere auctoritatem, id cum aliquo temperamento temporis intelligimus, ut Iurisconsultus in simili loquitur *in l. quod dicimus, de solution. & liberation.* Heres inquit Iurisconsultus statim fideiussori debet soluere, sed id cum aliquo temperamento temporis intelligimus, nec enim cum sacco adire debet. Et statim dicitur interposita auctoritas, si vel in initio, in exordio, in ingressu ipsius negotij fuerit interposita, vel si statim perfectio negotio fuerit apposta antequam contrahentes ad aliud negotium digressi fuerint. Sic in stipulatione dicimus, cominus respondendum esse. *l. continuus. de Verbor. obligation.* Cominus, id est confestim, ilico, è vestigio, & tamen cominus, id est, confestim responsum est, si illo die respondeatur, antequam aliud negotium respondens aggressus fuerit. *d. l. continuus, de Verborum obligationibus.*

## A L I V D.

Ratihabitio mandato comparatur *l. 1. §. sed etsi, unde vi. l. vero procuratori. §. final. de solution. l. semper, de R. l. l. §. in princip. de iur. dotum, l. cum incertus, de legat. 1.* Igitur non est necessè quod statim in ipso negotio tutor auctoritatem suam interponat. R. Antecedens verum est, nisi nominatim lex exigat, ut statim in ipso negotio quid fiat. Hoc si lex exigat nominatim, tunc de forma ipsius negotij esse dicitur. Et ubi certa est forma à iure data, non sufficit illam servari per æquipollens, *ut latè Boërius in decisionibus suis aureis. decision. 1. & 2. tradidit.*

Itaque quamvis ratihabitio, mandato comparatur, tamen cum de auctoritate tutoris interponenda agitur non sufficit ratihabitio, quia pro forma exigitur ut tutor statim in ipso negotio præsens suam interponat auctoritatem. Sanè secundum constitutionem Iustiniani, id est, secundum *l. finalem C. ad Senatusconsultum Macedon.* videtur dicendum quod ratihabitio tutoris, hodiè sufficiat. Etenim hodiè Nouella lege Iustiniani generaliter omnis ratihabitio prorsus retrahitur & confirmat ea quæ ab initio subsecuta sunt. *Ita Iustinianus loquitur in d. l. final. C. ad Senatusconsultum Macedonian.*

## A L I V D.

Tutor auctoritatem suam interponit non tantum verbis, id est, si interrogatus utrum auctor fiat, dicat se auctorem fieri, verum etiam si nulla interueniente interrogatione dicat se probare quod agitur, id est, consensu. *l. 3. de auctoritat. tutor.* Et ideo titulus de auctoritate tutorum ita inscribitur de auctoritate & consensu tutorum. At quæ consensu expediuntur, non verbis, veluti stipulatione, illa per epistolam expediuntur. Ut emptio consensu perficitur & ideo per literas, per nuncium *l. i. in fine, de contrahend. emptio.* Sic sponsalia consensu constituuntur. *l. 4. de sponsalib.* & ideo contrahuntur per nuncium, per Epistolam. *l. final. de sponsal.* Videtur igitur dicendum, quod per Epistolam tutoris auctoritas interponi possit. R. ad minorem. Quæ consensu expediuntur, solo sci-

C

licet

licet ita vt verba omninò necessaria ad expeditionem non sint, illa per Epistolam expediuntur. At auctoritas, consensu expeditur, non solo, verum cum consensu necessaria sunt verba. Stipulatio non semper necessaria est, verum verba semper necessaria sunt. Ideoque mutus tutor dari non potest. *l. 1. de tutelâ.* Et in hoc auctoritas à iussu differt vt infra dicitur. Itaq; cum verba semper sint necessaria, auctoritas per Epistolam vel per nuncium interponi non potest.

## A L I V D.

Auctoritas per stipulationem interponitur. *l. 3. de auctor. tutor.* Sed stipulatio rectè per Epistolam conficitur, *l. ea qua. de donation. inter vir & vxor.* Igitur & auctoritas rectè per Epistolam interponi potest. R. In specie d. l. ea quæ à marito suo de donation. inter vir. & vxor. Epistola fuit emissâ cautionis loco inter præsentes, quod pro stipulatione est, vt *turif. consultus docet in l. Titia quæ ex alio filium habebat 134. §. penult. de Verborum obligation.* Et sic tutor præsens pupillo literis potest exprimere auctoritatem si quis absens pupillo per Epistolam quid vendat. *l. obligat. §. final. de auctoritat. tutor.*

## A L I V D.

Tutor sub conditione rectè datur. *§. ad certum tempus. Institus. qui testam. tutor, dari poss.* Igitur etiam auctoritas sub conditione interponi potest. Respon. Nego consequentiam, & ratio est, quia hæc sunt dissimilia. Et à dissimilibus non fit bona illatio. Quod dissimilia sint ita ostendo. Tutor datur à testatore. Auctoritas interponitur à tutore. Et potest testator ideò dare tutorem sub conditione, quia fieri sapenumero potest, vt id pupillo expediat. Finge enim is qui tutor datus est testamento, rationibus reddendis adhuc obnoxius est. Hic sanè expedit pupillo, vt tutor detur sub conditione, si rationes prius reddiderit. At cum contractum celebrat pupillus conditionalem potest videre & scire tutor vtrum contractus profuturus sit pupillo an non. Et ideò tutor pure auctoritatem suam interponere debet, non sub conditione.

A L L

## A L I V D.

Accessorium sequitur naturam Principalis *c. accessorium, de R. I. in 6.* Sed auctoritas, quam tutor super contractu conditionali interponit est accessio quædam, contractus conditionalis. Igitur videtur dicendum quod sequatur naturam principalis, atque ita sub conditione interponi possit. R. Maior vera est quandoque non semper quod hoc modo probo. Pupillus mutuam pecuniam accepit absque tutore, & eam pecuniam in suam vtilitatem conuertit, ex eaque locupletior factus est. Hic pupillus naturaliter tantum obligatus est non Ciuilitur. Verum si pupillus fideiussorem creditori dederit, fideiussor naturaliter & ciuilitur obligatus erit, & tamen fideiussor est accessio principalis obligationis. Sic pupillus contractum conditionalem inire potest, ei tamen auctoritas purè accedere debet.

## VII. Propositio.

Pluribus tutoribus datis, vnus auctoritas sufficit, si modò is auctoretur, cui administratio tutelæ concessa est. Si alius, ratum id non habebitur, & ideò si eo tutore auctore qui tutelam non gerit, emam à pupillo, sciens alium eius tutelam gerere, dominus non fio. Idem est si eo auctore emam, qui à tutela fuerit remotus, nec enim id ratum habebitur.

## A R G V M E N T V M. I.

Quod omnes tangit, ab omnibus approbari debet, *c. quod omnes, de R. I. in 6. l. final. C. de auctoritat. præstand.* Sed auctoritas omnes aqualiter tangit, & omnes tutores post pubertatem pupilli, tutelæ iudicio rationem reddere compelluntur *§. final. Institut. de Aulisan. tutor.* Igitur videtur dicendum quod omnes tutores pupillo debeant auctores fieri, & quod vnus auctoritas non sufficiat. Respondeo ad maiorem, quod

omnes tangit , ab omnibus debet approbari vel apertè vel tacitè , & cum vnus tutorum auctoritatè suam interponit, vnus expresse approbat quod cum pupillo agitur, reliqui approbant tacitè. Etenim ita inter tutores conuenisse videtur, vt vnus auctoritatè interponeret omnium nomine.

## A L I V D.

Si duo sint tutores , vnus rerum Italicarum alter rerum prouincialium , & cum pupillo agatur super rebus Italicis , non potest tutor rerum prouincialium auctoritatè suam interponere *l. final. C. de auctoritat. prestand.* Igitur malè dicimus quod ex pluribus tutoribus vnus auctoritatè suam interponere possit. R. Si plures sint tutores, qui libet eorum potest auctoritatè suam interponere , & vnus auctoritatè interposita , ea pupillo sufficit, si modò tutela etiam non sit diuisa. Vbi diuisa est administratio tutela, tunc singuli pro suis partibus pupillo auctoritatè præstant. *Ita Imperator docet in d. l. final. C. de auctorit. prestand.*

## A L I V D.

Si pupillus se velit in arrogationem dare , tunc non sufficit vnus auctoritas , sed omnes tutores suam auctoritatè tenentur præstare. *d. l. final. C. de auctoritat. prestand.* Igitur malè dicimus quod vnus auctoritas sufficit. R. Iste casus nominatim excipiendus est , & in illo , tacita auctoritas non sufficit , propterea quod solutionem adfert tutelæ. Etsi illi qui tutelam soli administrant , malè administrauerint tutelam , non tantum ipsi tenebuntur sed etiam honorarij tutores qui tutelam non administrant , ita tamen vt prius excutiantur facultates eorum qui tutelam administrârunt : Facultatibus eorum prius excussis, tunc tenebuntur etiam honorarij tutores. Dati enim sunt quasi obseruatores actus eorum , & custodes , imputabiturque eis quandoque , cur si malè eos conuersari videbant , suspectos eos non fecerint , *quemadmodum prolexe Iuriconsultus docet in l. 3. de administr. & pericul. tutor.* Et de honorarijs tutoribus loquitur Iuriconsultus in d. l. 4. de auctorit. tutor. Illis non conceditur tutelæ administratio , illis aucto-

auctoribus à pupillo emi non potest. Et de honorario tutore accipienda quoque est d. l. pupillum, de acquir. hereditat. quæ loquitur de aditione hereditatis. Pupillus per tutorem hereditatem adire non potest *l. potuit. C. de iure delib. rand.* Per se potest adire, tutore honorario auctore, *d. l. pupillum.* & in hoc separanda est aditio hereditatis ab emptione, quæ honorario tutore auctore fieri non potest. *d. l. 4. de auctoritat. tutor.* Differentiæ ratio est quia aditio animi potius est quam facti vel administrationis *l. 20. de acquir. hereditat.* Et animus facile suppletur quolibet tutore auctore. *l. pupillum, de R. l.* Venditio contra facti est potius quam animi *l. consilio. §. ultimo, de curator. furios.* & ideo pupillus auctoritatem eius tutoris desiderat qui administrat, nec sufficit honorarij auctoritas.

## A L I V D.

Quæ facti sunt pupillus amittere potest. *l. possessionem, de acquir. posses.* sed solutio est facti *l. consilio. §. final. de curator. furios.* Igitur videtur dicendum quod pupillus possit solvere. R. adminorem, quæ facti sunt, ita scilicet ut præter factum nihil aliud sublit, illa pupillus rectè exequitur. Verbi gratia possessio naturalis tantum facti est, & illam possessionem pupillus amittere potest sine tutore. Et possessionem naturalem Iurisconsultus intelligit cum factum nominat. Solutio est facti, id est, ipsa pecuniæ numeratio facti est, verum comprehendit aliud sub se nempe translationem pecuniæ quæ iure dominij, pupilli est &c.

## A L I V D.

Porrò in hac propositione dicitur, dominum me non fieri si co-tutore auctore emam, qui tutelam non gerit. Obstat vehementer *l. pupillum 49. de acquir. hereditat.* Pupillum, inquit Iurisconsultus, etiam co-tutore auctore qui tutelam non gerat hereditatem adeundo obligari. Interpp. vulgò ita respondent, quod in propositione nostra septima, hoc est in *l. 4. de auctoritat. tutor.* agatur de co-tutore, cui denegata est administratio tutelæ. Et hæc verba. Cui administratio



tutelæ concessa non est, ita exponunt, id est, cui denegata est administratio. In l. pupillum, de eo, cui non est denegata administratio, quamvis non gerat. Sed illa solutio est rejicienda. Et sciendum est, quod pluribus tutoribus datis testamento, pater vni administrationem concedere possit, vel etiam duobus, & is vel illi duo, solus vel soli tutelam administrabunt. Reliqui tutores non administrabunt tutelam sed erunt tantum honorarii tutores.

### VIII. Propositio.

Tutor in rem suam auctor fieri pupillo non potest.

Tutor in rem suam non potest auctor fieri, directò & principaliter. Secundariò autem & in consequentiam potest *ut est textus in l. 1. de auctorit. tutor.* Et multa permittuntur in consequentiam quæ principaliter non permetterentur. Videmus enim quod dolus de futuro principaliter remitti non potest, & tamen in consequentiam remittitur *l. si unus. §. illud, de pat. fil.* Et iudex qui de causa status principaliter cognoscere non potest cognoscit tamen incidenter & in consequentiam *l. 3. C. de iuricis.* Et multa cum dicimus permitti in consequentiam, non omnia dicimus. Et plerumque quæ principaliter non permittuntur, non permittuntur in consequentiam. *Exemplum in l. Athletas, de his qui notant, infamia.*

### ARGUMENTVM. I.

Obijcitur l. quotiens. §. sicut autem. de administrat. & pericul. tutor. Ibi dicitur quod pupillus sibiipso possit solvere. Potest ergò tutor in rem suam auctor fieri. R. Ibi tutor fuit creditor patris pupilli, & hoc nominatim à ICto ibi dicitur. Sic in l. fistulas. §. fundum, de contrahend. empt. tutor non gessit negotium cum pupillo, sed cum patre pupilli. Et generaliter cum pater pupilli, non pupillus contraxit, negotium cum patre inchoatum ita impletur, quasi semper cum patre agatur, non cum pupillo. *l. AEmilius Larianus, de minorib.* nec tunc dicitur in rem auctor fieri. In rem suam auctor fit tutor, quoties cum pupillo contrahit aut negotium aliquod



quod gerit. l. i. & l. pupillus, de auctoritat. tutor. Hic tutor non contraxit cum pupillo &c.

## A L I V D.

Obijcitur l. 5. C. de contrahend. emptio. ibi dicitur, quod tutor rem pupilli sui emere possit. Sic lex tutor rerum §6. de administrat. tutor. innuit, tutorem posse aliquid ex bonis pupilli emere. Tutor igitur in rem suam potest auctor fieri. R. Ibi tutor se auctore non emit à pupillo, sed auctore contutore, quod leges permittunt, l. pupillus §. Item ipse tutor, de auctor. tutor. Et quidem tunc autoritate contutoris, tutor rectè emit, cum emit palam & bona fide d. l. 5. C. de contrah. empt. Mala fide non rectè emit l. si in emptione. §. final. de contrahend. emptio.

## IX. Propositio.

Itaq; nec pupillus obligari tutori eo auctore potest.

## O B I E C T I O.

Pupillus tutori suo sine tutoris auctoritate obligatur. l. r. de contraria tutela & utili action. Igitur nostra propositio est falsa. R. ut ad legem Marcellus scribit, supra responsum fuit. Pupillus obligatur ex delicto & quasi ex contractu. Si enim tutor impendit aliquid in rem pupilli, vel pro pupillo fuit obligatus, aut rem suam creditoribus pupilli obligavit, his casibus ipso iure ex quasi contractu, pupillus tutori obligatur, & habet tutor cum pupillo contrariam tutelam actionem. §. tutores quoq; in §. i. de obligation. qua quasi. ex contractu nascuntur.

## X. Propositio.

Planè si plures sint tutores, quorum unus auctoritas sufficit, altero auctore pupillus tutori obligari potest siue mutuam pecuniam ei det siue stipuletur ab eo.

## XI.

Sed & cum solus tutor, mutuam pecuniam pupillo dat, vel ab eo stipulatur, naturaliter pupillus obligatur in quantum locupletior factus est, ex eaque naturali obligatione non solum tutori verum cuius actio in pupillum datur ex rescripto Divi Pij.

Deni-

Denique ad auctoritatem præstandam tutor cogi non potest, quia iniquum est, si non expedit auctoritatem eum præstare, & si expedit, tutelæ iudicio, hanc iacturam pupillus consequitur.

## O B I E C T I O.

Tutor cogi potest ut auctoritatem præstet. *l. 1. de administrat. & pericul. tutor.* R. Ibi Iurisconsultus loquitur de gestione siue administratione tutelæ. Prætor cogit tutorem ut tutelam gerat & administret.



## DISPUTATIO

## DE LEGATIS PRIMA,

Cuius sequentes propositiones publicè defender

M. CHRISTOPHORVS FABER  
*Halenfis.*

## I. Propositio.



Estator secundum legem 12. tabular. totam hereditatem legatis exhaurire & insumere potuit.

## II.

Sic enim lex 12. tabular. habuit: Paterfamiliâs uti super pecunia tutelaue suæ rei legassit, ita ius esto.

## III.

Cæterum eam nimiam legandi licentiam & potestatem lex Falcidia refrenauit.

Ex

## IV.

Ex ea lege testator de dodrante hereditatis, prout vult, disponere potest: quadrantem autem heredi illibatum relinquere cogitur.

## A R G V M E N T V M I.

Verba legis 12. tabular. ita habuerunt. Vti legassit suæ rei, ita ius esto. I. verbis legis 12. tabul. de V. S. §. 1. Institut. de lege Falcid. Igitur malè nos facimus, quod legem 12. tab. corrumpimus, & aliter eius verba referimus quàm concepta fuerint. R. Lex 12. tabul. ijs verbis concepta fuit, quibus à nobis relata est, auctor est Vlpianus in fragment. tit. 11. Et quod scriptum in lege 12. tabul. fuerit, super pecunia, tutelaue, ostendit. I. sæpè de V. S. Sed quod in locis in contrarium adductis aliter recitatur, hoc breuitatis studio factum esse dicimus.

## Instari potest.

Imò Vlpianus in fragment. d. titulo 11. non agnoscit verbum paterfamiliàs. Reliqua quidem verba apud Vlpianum leguntur, sed non verbum paterfamiliàs. Itaque adhuc legem duodecim tabul. corrumpimus. R. Verum est, apud Vlpianum non inuenitur verbum paterfamiliàs. Integra tamen lex ita concepta fuit, Paterfamiliàs vti legassit &c. auctore Cornificio lib. 1. ad Herennium, & notauit Cuiacius in notis ad Vlpianum d. tit. 11.

## Rursus instatur.

Cicero in 2. de Inuentione, ita legem 12. tabul. refert. Paterfamiliàs vti super pecunia familiaue &c. Igitur lex 12. tabul. adhuc à nobis corrupta est. R. Recitantur quidem ad eum quo dictum est, modum, verba legis, sed perperam omnino. Lex namque 12. tabular. non distinxit familiam à pecunia.

D

Rursus

*Rursus instituitur.*

Lex 12. tab. habuit, super pecuniæ tutelæ, *ut ostendit d. l. sepè, de V. S.* Ita enim ibi in ff. Florent. legitur. Igitur adhuc vitiosè retulimus legem. R. In l. sepè, ff. Florentinæ ita habent, super pecuniæ tutelæ. Verum Norici libri legunt, super pecunia tutelæ, & ita habet Vlpianus in fragmentis. Ac hæc lectiones conueniunt propterea quod Genitiuus, Græcorum more pro ablatiuo positus est, quod in libris nostris est frequens. Sic in Institutis dicitur, damni iniuriæ actio, pro actione damni iniuria dati &c.

Deniq; obijcitur Nou. 22. In ea Nouella Iustinianus scribit. Quod his verbis l. 12. tab. fuerit concepta, uti legasset quisq; de re sua, ita ius esto. R. Iustinianus ibi vititur particula penè, atque ita ipse fatetur, formalia verba legis, non ita fuisse concepta, prout referuntur.

#### A L I V D.

Dicimus legem Falcidiam, nimiam legandi licentiam refrenasse. At ante legem Falcidiam, idem fecit lex Furia & Voconia. Ergò non solius legis Falcidiæ, sed etiam Furia & Voconia mentionem facere debuissimus. R. Verum est quod ante legem Falcidiam lex Furia, itemq; Voconia latæ fuerunt & nimiam legandi licentiam refrenârunt. Sed neutra lex sufficiens ad rei consumationem fuit, ut Imperator loquitur in Institut. de lege Falcidia. Lex Furia prohibebat, ne supra mille asses cuiquam legaretur, mortisue causa donaretur, & in eum qui plus capisset, quadrupli pœnam constituebat. *Vlpianus in fragment. tit. 1.* Sed hæc lex satis circumspèctè concepta non fuit. Siquidem de singulis duntaxat legatarijs lex loquitur, non de omnibus, ac potest testator, saluis verbis legis, totam suam hereditatem nihilominus legatis absumere. Ut verbi gratia finge, Testatorem quatuor millia solidorum habere, & quatuor legatarijs, singulis mille relinquere. Hic testator nihil contra legem Furiam facit, quia supra mille asses uni legatario non dat, & tamen nihil penitus heredi scripto relinquit. Hoc vitio animaduerso, lata deinde fuit lex Voconia, quæ vetabat, ne quis census plus cuiquâ legaret quàm ad

ho-

heredem perueniret, auctoribus Cicer. in 3. Verrin. & Graco Interprete Theophilo. Censur dicebatur qui centum milia scelerum professione detulisset, ut Asconius Padianus interpretatur. Hæc etiam lex ut Imper. Iustinian. loquitur in tit. de Falc. sufficiens ad rei consumationem non erat. Nam quamuis, secundum eam legem, testator aliquid cogebatur heredi scripto relinquere: tamen certa quantitas definita non erat, & vel minimum quiddam relinquendo, non videbatur testator legem offendisse. Ut, pone; testator centum habens in bonis, nonaginta nonem facit legatarios, & singulis solidum dat, solidus vnus apud heredem remanet, atque ita tantum heres habet, quantum quisque legatariorum. Non facile verò heres, videns tam exiguum lucrum sibi propositum esse, adducetur, ut oneribus hereditariis se implicet. Quare ne testamentum desituetur, nouissime lata est lex Falcidia, quæ permittit testatori de dodrante disponere, prout vult, modo quadrantem illibatum heredi relinquat. Hæc lex est perfectissima, ceteræ imperfectæ, & ideo legis Falcidiæ mentionem tantum fecimus, non ceterarum legum imperfeciarum. A L I V D.

Dicimus testatorem ex l. Falcidia quadrantem, hoc est tres vncias heredi debere relinquere. At obstat. §. 1. Inst. de lege Falcid. Ibi dicitur, quartam partem apud heredem remanere debere. R. Vtrumque recte dicitur, & quadrantem apud heredem remanere debere, & quartam partem apud heredem remanere debere. Nam quadrans est quarta pars assis siue totius hereditatis. Icti omnem hereditatem in assen diuidunt, hoc est in 12. vncias. Iam quadrans, hoc est, tres vnciae, constituunt quartam partem de duodecim, atque ita nihil interest, vtrum dicas, testatorem heredi relinquere debere quadrantem, an verò dicas, testatorem, debere heredi relinquere, quartam partem hereditatis. Res omnino in idem recidit.

## A L I V D.

Dicimus testatorem de dodrante posse disponere, modo quadrantem heredi relinquat. Contra ita argumentari quis potest. Testator cogitur relinquere liberis suis, trientem vel semissem. Nou. 18 Igitur de dodrante non testabitur. R. Quod hic dicimus

de testatore, eum de dodrante posse testari, dummodò relinquat heredi quadrantem, hoc ad legem Falcidiam referimus, ut verba ipsa, quartæ nostræ propositionis, ostendunt. At quod pater cogitur liberis relinquere trientem vel semissem, hoc est ex noua Iustiniani constitutione, hoc est ex Nouel. 18. Ante eam Nouellam, pater cogebatur, tantum quadrantem, relinquere liberis. *S. igitur quartam, Institut. de inofficis. testam. de dodrante reliquo, pro suo arbitrio poterat disponere. l. parentibus. C. de inofficis. testamento.*

### Quæritur.

An igitur liberis legitima siue quadrans, ex lege Falcidia debeatur? R. Minimè. Sed ante legem Falcidiam iam constitutum fuit, ut parentes liberis quadrantem relinquerent. Et hoc constitutum fuit, uti viri docti arbitrantur, à Diuo Marco Philosopho, auctore. *Nicephoro lib. 3. Ecclesiastica historia c. 31. Iacobi Cuiacius lib. 3. observation. c. 8.* Hunc quadrantem, qui liberis relinquendus est, Iurisperiti appellant debitum bonorum subsidium. *in l. sitotas facultates. C. de inofficis. testam. Iustinianus in Nouel. 18. itemq. Harmenopul. lib. 5. Epitom. tit. de Falcid. 2<sup>æ</sup> nominant. Zenaras in Theodosio iunioris νόμιμα λαχ<sup>ον</sup>, & idem in Pio & Senero, νόμιμα μέρ<sup>η</sup>, quod lege, hoc est constitutione Diui Marci Philosophi debeatur. Et quod Diui Marci constitutio, liberis dedit, hoc lex Falcidia postea dedit alijs omnibus heredibus, quibus quadrans a testatore relinquendus est.*

### ALIVD.

At rursus dices, testator non tantum quadrantem vnum, filio heredi, quem rogauit, ut hereditatem alij restitueret, relinquere cogitur, sed duos quadrantes. *l. Raynatius extra, de testamem.* Ergò adhuc malè dicimus quadrantem heredi relinquendum esse. R. Ex Pontificum decretis hoc est, quod filius cogatur hereditatem restituere, primum quadrantem, secundum ius vetus, aut trientem vel semissem, secundum ius nouum detrahit, deinde alium quadrantem. Ut pone duo sunt filij. Primus & secundus & vna filia, & pater 90. in bonis habet.

habet. Hic pater secundo & filia satisfaciēt, si singulos heredes fecerit in 10. id est in trientem legitimæ portionis, atque ita poterit primum instituere ex reliquis 70. Et si primum rogauerit, portionem hereditatis suæ, fratri restituere. Primus iure filij detrahet trientem legitimæ portionis, id est decem. Deinde detrahet etiam ex reliquo quadrantem, hoc est quindecim & restituet 45. Sed hæc duarum portionum deductio. Iuri ciuili non congruit. Et Cynus profitetur, ea decreta Pontificum ex falso iuris intellectu processisse. Et Fulgosi-  
us dicit, errorem Pontificum, originem habuisse ex errore nostrorum commentariorum. *Cuiac. lib. 8. obseruation. c. 3.*

## V. Propositio.

Ad hanc legem Falcidiam Iurisconsultus Florentinus respiciens, Legatum definiuit, delibationem hereditatis, qua testator ex eo quod vniuersum heredis foret alicui quid collatum velit.

## VI.

Modestinus breuius dixit, legatum esse donationem testamento relictam.

## VII.

Vtraque definitio plena, integra ac perfecta est, cum à summis artificibus constituta sit.

## VIII.

Et Iurisconsultos in constituendis definitionibus, admodum sollicitos fuisse, innumeris Pandectarum loci ostendunt.

## IX.

Idque ex eo etiam intelligitur, quod summum eloquentiæ parentem Ciceronem sapius ob malas constitutas definitiones repræhendunt.

## X.

Neutra tamen definitio, hodiè sustineri potest.

## XI.

Idque sacratissimus Iustinianus Imperator pro ingenij sui

nij sui acumine intelligens, nouam definitionem legati, in suis Institutorum libris constituit.

## XII.

Sic namque legatum definit. Legatum est donatio, à defuncto relicta.

## XIII.

Adduntur huic definitioni hæc verba: ab herede præstanda, sed illa verba Græcus Interpres Theophilus non agnouit.

## XIII.

Absunt etiam à libris manuscriptis, si Ludouico Rufardo fides habenda est.

## XV.

Nos quoque ea supposititia & omninò expungenda esse censemus.

### Aduersus 5. & sequentes, vsq; ad 15. inclusiue.

Contra definitionem legati. Definitio non debet esse latior suo definito, aliàs est vitiosa. *l. 1. de dolo malo* Sed definitiones legatorum, quæ hic ponuntur ex ff. sunt latiores suo definito. Ratio est, quia conueniunt etiam donationibus causamortis. Donatio namq; mortis causa est delibatio hereditatis &c. Sic donatio mortis causa est donatio testamento relicta. Igitur definitio legati, vitiosa esse videtur. R. Duplex est, donatio mortis causa. Alia testamento relinquitur, alia fit ab intestato *l. si filius 20. de legat. præstand.* Donatio mortis causa, quæ fit in testamento, est legatum, & definitiones legatorum hic relata pertinent etiam ad mortis causa donationem, testamento scilicet relictam, quod sic ostenditur. Legatum est donatio, Legatum mortis causa capitur. *l. mortis causa capitur, de mortis causa donation.* Ergo legatum est donatio mortis causa, & contra donatio mortis causa est legatum. Hinc



Hinc Diuus Seuerus legem Falcidiam, quæ legatis modum imponit, ad donationes mortis causa pertraxit. *l. 2. de mortis causa donat.* Hinc Icti etiam tradiderunt, mortis causa donationes, legatis comparari. *l. 1. § 1. si quid in fraud. pat. factum sit.* Et mortis causa donationes, ad exemplum legatorum reuocatas esse. I. Marcellus notat, de mortis causa donation. donationes mortis causa ad exemplum legatorum capi. *l. 2. de publician. in rem action.* Et mortis causa donationes, legatorum instar obtinere. *l. etsi debitor eodem.* Et donationes mortis causa, legatis esse comparatas, & idè quodcunq; iuris est in legatis, idem in mortis causa donationibus esse accipiendum. *l. illud generaliter memniffe oportebit, de mortis causa donationibus, quod tandem Iustinianus etiam confirmauit in l. ultim. C. de mortis causa donation.* Verum hæc omnia procedunt, in donationibus mortis causa, quæ testamento relinquuntur. Ab intestato mortis causa donationes legatis non comparantur *d. l. si filius, de legat. prestand.* Ibi Iurifconsultus inquit, Intestato mortuo patre, super donationibus mortis causa factis, non poterit filius queri, quoniam comparatio nulla legatorum occurrit.

### At instatur hoc modo.

Legatorum definitiones hîc ex Pandectis relatæ, conueniunt fideicommissis. Nam fideicommissum est deliberatio hereditatis &c. Est item donatio testamento relicta. Igitur definitiones legatorum adhuc sunt latiores definito. Respon. Istæ definitiones legatorum, quæ ex ff. hîc relatæ sunt, non conueniunt fideicommissis. Nam deliberatio verbum est directum, quo significatur per legatum, ipso iure hereditatem imminui *l. a Titio 65. de furt.* Fideicommissum ipso iure non minuit hereditatem. Legati ius consistit in vindicatione. Fideicommissi in petitione, persecutione, restitutione heredis. Legatum pendet ex solo testamento. *§. penultim. de fideicommissar. hered. et in institutionibus.* Fideicommissum non ex testamento sed ex fide heredis. Definitio igitur legati, legatum est deliberatio &c. fideicommissio non conuenit.

Alteræ

Altera etiam definitio, legatum est donatio &c. fideicommissum non convenit. Etenim donatio ius directum significat. Fideicommissum non est donatio directa, nec enim ita relinquitur, do, lego, illi dato, sed ita, rogo te ut des. Deinde legatum relinquitur verbis directis, & inde legatum dicitur, quod legis modo, id est, verbis Imperatiuis relinquatur. Legis virtus est imperare *l. legis virtus, de legibus*. Fideicommissum relinquitur verbis precarijs. Neutra itaque definitio, fideicommissum convenit.

## A L I V D.

Nova ista definitio legati, quam Iustinianus tradidit, videtur vitiosa, & fideicommissis convenire, itemque mortis causa donationibus, quæ ab intestato relinquuntur. Nam fideicommissum est donatio, & à defuncto relinquitur. Donatio item mortis causa quæ sit ab intestato, est donatio, & à defuncto relinquitur. R. Olim legatum, erat donatio, quæ verbis directis siue Imperatiuis, testamento relinquebatur. Itaque fideicommissa, ad legata nihil pertinebant. Nihil etiam ad legata pertinebant donationes mortis causa ab intestato relictæ. Hodie autem legatum est donatio à defuncto relicta, & penitus est sublata differentia inter verba directa & precaria. Itaque hodie etiam definitio legati in effectu convenit fideicommissis. Nam fideicommissum est donatio hodiè, & à defuncto relinquitur. Hodie etiam definitio legati convenit donationibus mortis causa ab intestato. Nam donatio mortis causa ab intestato, est donatio, & à defuncto relinquitur. Et sicuti lex Falcidia ad legata pertinet & Diuus Severus eam ad mortis causa donationes, quæ testamento relinquuntur, pertraxit, ut ante dictum est. Ita iam ante Iustinianum, Gordianus Imperator legem Falcidiam ad donationes mortis causa ab intestato pertraxit *d. l. 2. C. de donation. mortis causa*. Et ex Senatusconsulto Pegasiano, Falcidia pertinet ad fideicommissa particularia testamento relicta. *§. ex singulis iustit. de fidei commiss. hered. l. 1. §. Marcellus in fin. si cui plus quam per legem &c. l. is cui fideicommissa, ad l. Falcidiam* Et ex constitutione Dni Pij lex Falcidia pertinet ad fideicommissa

missa ab intestato relicta *l. si filiusfamilias 18. ad legem Falcidiam.*

## A L I V D.

Dicimus novæ legati definitioni, malè adijci hæc verba, ab herede præstanda. Sed contra ita quis argumentari potest. Definitio ita constitui debet, ut pertineat ad ea quæ plerumque fiunt. *l. iura constitui oportet, cum aliquor seqq. de ll.* Sed legata plerumque ab herede præstantur. Rectè itaque definitioni legati, adiecta sunt hæc verba, ab herede præstanda. R. Maior propositio, non ad definitionem pertinet, sed ad iura ac leges. Et leges de ijs constitui debent, quæ ut plurimum accidunt. Definitiones autem hoc modo, ut omnia complectantur, quæ vocabulum quod definitur complectitur & comprehendit.

## XVI. Propositio.

Olim legatorum quatuor erant genera, per vindicationem, damnationem, finendi modo, & per præceptionem.

## XVII.

Ac multum intererat, quonam genere legati quid relictum esset.

## XVIII.

Cæterum hodiè omnibus legatis eadem natura, vis & potestas tributa est.

## XIX.

Et legatarius potest hodiè legatum, quocunque modo relictum, vel vindicare, vel condicere, vel etiam per hypothecariam actionem persequi.

## A D N O T A T I O.

Per vindicationem ita solebat legatum relinqui, do, lego, capito, sumito, habeto. Et huius legati nomine compete-  
bat actio in rem ut Theophilus tradit. Per damnationem

E

hoc

hoc modo: heres meus damnas esto dare, vel heres meus dato, vel heredem meum dare iubeo. Aliàs iubeo est verbum precarium, & significat idem quod opto, cupio, desidero. Idem de verbo impero dicimus, quod modò est directum. modò precarium. Et hoc legatum petebatur actione in personam. Legatum sinendi modo ita relinquebatur: heres meus damnas esto sinere, vel heres finito illum illam rem sumere sibi; habere. Et huius quoq; legati nomine erat actio in personam. Per præceptionem non nisi heredibus scriptis legabatur, hoc modo: rem illam præcipito, idq; appellatur prælegatum & præcipuum. Huius legati nomine compete bat actio mista tam in rem, quam in personam. Hæ erant genera legatorum, & hæ actiones quæ legatorum nomine compete bant.

## A R G V M E N T V M I.

Dicimus hodiè legatum posse vindicari, vel condici, vel peti actione hypothecaria. Imò & olim ante Iustinianum id ipsum obtinuit *l. cum filius. 76. §. varijs, de legat. 2.* Ibi Papinianus ostendit, varias actiones dari, & legatum non posse peti partim actione in rem, partim actione in personam: sed legatarium debere vnam actionem eligere, eaq; legatum petere. R. Quod Papinianus tradit in d. §. varijs, hoc accipiendum est, de legato vindicationis, quod illa verba ostendunt. Legatum datum in partes diuidi non potest. Id propriè dicitur datum quod per vindicationem est relictum. Et legatum per vindicationem relictum poterat peti actione in rem & in personam, *quemadm. ostendit. l. si seruus 105. §. cum homo, de legat. 1.* Ibi homo generaliter fuit legatus, & inquit Ictus, in arbitrio est legatarij qua actione velit uti. Hoc autem tantum obtinebat in legato vindicationis, homine generaliter legato per vindicationem, legatarij erat electio. Per damnationem, heredis. Igitur vindicationis legata, varijs actionibus petebantur. Et sic *l. nulliusmodi 84. §. final. cum l. seq. similiter de vindicationis legato accipienda est.* Dicitur in illis legibus, legatum posse peti actione in rem vel in personam.

A L I-

Actio in personam vel ex contractu est vel est ex maleficio, quia descendit ex obligatione, vt definitio actionis in personam, satis ostendit *l. actionum, de obligat. & action. §. 1. Instituit. de action.* At heres legatario neque ex contractu est obligatus, neque ex maleficio. Igitur videtur dicendum, quod legatarius actione in personam aduersus heredem agere non possit. R. Actio in personam non tantum est ex contractu vel maleficio sed etiam ex quasi contractu. Et heres adeundo hereditatem, quasi ex contractu legatarijs obligatur. *§. heres, Instituit. de obligation. qua quasi ex contractu nascuntur. l. 5. §. heres, de obligation. & action.* Adeundo enim hereditatem contrahere videtur. *l. 3. §. final. quibus ex causis in possession. eatur.* hoc est, videtur in se recipere solutionem legatorum, & propterea legatarius ab herede quasi cum eo contraxisset, legatum petit actione in personam.

A L I V D.

Actione in rem, petimus rem nostram, hoc est, quæ dominij iure ad nos pertinet, & ab alio possidetur *d. l. actionum, de O. & A.* At legatum dominij iure ad nos non pertinet, sed legatum est heredis, & cum heres legatum legatario tradit, tunc dominium legati legatarius acquirit. *l. si seruum Titij 70. de legat. 1.* Ibi seruus Titij mihi furtum fecit. Deinde Titius me herede instituto, seruum tibi legauit. Ego hereditatem adeo, sicque dominium serui tibi legati acquirō. Per additionem hereditatis, confunditur actio furti, quam eius serui nomine habebam *tot. titulo de noxal. actionibus.* Verum si tu legatum non repudies, sed seruum petas, actio furti noxalis mihi restituitur. *Idem traditum est, in l. si legatum 110. §. final. de legat. 1. l. in omnibus (aliter Papinianus) de seruitut.* Videtur igitur dicendum legatarium, cum dominium non habeat, legatum vindicare non posse. Respon. Hac de re, vtrum legatarius qui agnouit legatum, hoc est, constituit se velle habere legatum, statim ab adita hereditate dominium rerum legatarum acquirat, ita vt vel momento vllō, legati

dominium in persona heredis consistat, diuersæ extant sententia. Nam affirmatiuam partem defendunt Iurisperiti in l. seruo legato 69. de legat. 1. in princip. l. legatum, 80. de legat. 2. l. 3. §. si rem, de legat. 3. l. à Titio. 64. in fine, de furt. l. quæstum 40. de acquir. rer. domin. l. si tibi homo 85. §. cum seruu legatur, de legat. 1. Contraria sententia defenditur in locis supra adductis. Et hæc pugna aliter conciliari non potest quàm vt dicamus, videndum esse, vtrum per vindicationem, an vero per damnationem legatum sit relictum. Si per vindicationem legatum est relictum, legatum legatario agnoscendi, statim, recta via, sine facto heredis, iure dominij acquiritur, eiusque statim ab aditionis tempore fuisse intelligitur. Et de legato vindicationis accipienda est l. si seruo legato, de legat. 1. & reliquæ ll. supra adductæ. Si per damnationem legatum est relictum, tunc legatum heredi acquiritur per aditionem hereditatis. Verum si legatarius postea legatum non repudiet, tunc acquirit dominium rei legatae, non per agnitionem, sed per traditionem heredis qui damnatus est dare. Et de damnationis legato, accipienda est lex si seruus Titij, de legat. 1. cum similibus supra. Hodie differentia inter vindicationis & damnationis legatum, est sublata, & eodem iure est damnationis legatum quo fuit vindicationis. Inde sequitur hodie, omnium legatorum dominium, legatario statim ab adita hereditate acquiri, si legatarius legatum non repudiet. Cum igitur legatarius, dominus sit rei legatae, cum legatum agnoscit, & constituit legatum ad se pertinere, ideo rectè legatum vindicat.

## A L I V D.

Dicimus legatarium legatum persequi posse, actione hypothecaria. Contra ita argumentor. Actio hypothecaria tunc datur, quando vel res tradita est creditori, vel saltem conuenit inter debitorem & creditorem, vt res pignori esset. §. item *Seruilana*, Institut. de action. Sed inter heredem & legatarium neque conuenit, vt res pignori esset, heres etiam rem pignori legatario non dedit. Igitur videtur dicendum, quod legatarius aduersus heredem hypothecaria actione agere non possit.

fit. R. breuiter. Legatario res heredis sunt oppignoratae, tacite non etiam expressis verbis. Et actio hypothecaria etiam tunc locum habet, cum iure taciti pignoris res obligatae sunt. Et dictum, actionem hypothecariam tunc dari, quando res debitori tradita est, est falsum. Re enim tradita, non actio praetoria hypothecaria conuenit, sed actio ciuilis.

## XX. Propositio.

Legari autem potest, non solum res propria, verum etiam aliena, ita ut heres cogatur eam redimere & praestare, vel si eam redimere non potest, aestimationem eius dare.

## XXI.

Et si legatarius re aliena legata, viuo testatore, dominus eius factus fuerit, ut quia rem legatam emit, ex testamento actione, pretium consequi potest.

## XXII.

Secus est si res aliena legata, legatario donata fuerit, tunc enim ad precium agere non potest, propterea quod duae causae lucrativae in eundem hominem & in eandem rem concurrere non possunt.

## A R G V M E N T V M. I.

Dicimus re aliena legata, heredem debere rem legatam redimere & praestare, vel aestimationem eius dare. Obstat I. si quis in princip. 22. §. final. de legat. 3. Ibi seruus alienus fuit legatus, & tamen serui alieni aestimatio non debetur. R. hoc ideo fit, quia seruus alienus legatus mortuus fuit antequam heres moram faceret in dando seruo, & propterea ibi nihil debetur, non debetur aestimatio.

## A L I V D.

In I. si heres 35. de legat. 1. heres fuit damnatus alienum seruum dare, & Iurisconsultus inquit nihil ex eo legato deberi. Ergo re aliena legata, aestimatio non debetur. R. Ideo

ibi æstimatio serui non debetur, quia seruus ante moram heredis à domino fuit manumissus, sicque esse desijt, & eius rei quæ non est, vel esse desijt, æstimatio haberi non potest. Et sicuti mortuus non est, ita manumissus intelligitur non esse, quia manumissio morti comparatur. *l. si mihi alienum, 92. de solution.*

## A L I V D.

In l. cum seruus 39. §. final. de legat. 1. testator res alienas legauit & Iurisconsultus dicit æstimationem non deberi. R. Ibi testator legauit res, quarum commercium non est, hoc est, quæ à nemine haberi, acquiri & possideri possunt, vt sunt Salustianus hortus, Campus Martius, res sacræ, hæ res vel publicæ sunt, vel diuini iuris, ijsq; legatis non debetur æstimatio.

## A L I V D.

In l. mortuo boue. §. Labeo, de legat. 2. res aliena fuit legata & non debetur æstimatio. R. Ibi agitur de legato cuius commercium legatarius non habet, huius legati æstimatio non debetur.

## A L I V D.

Dicimus duas causas lucratiuas in eundem hominem & eandem rem non concurrere. Obstat l. Titius 83. de legat. 1. & l. Mæuius. 66. §. duorum, de legat. 2. Ibi Stichus in duorum testamento mihi est legatus, & ex utroq; testamento Stichum possum petere. R. In ll. in contrarium adductis, pars Stichi in testamento vnius fuit legata, & in testamento alterius, altera pars Stichi. Hoc casu ex utroq; testamento est actio, quia eadem pars non videtur legata.

## A L I V D.

Stichus aut Pamphilus sub disiunctione mihi legatus est. Ego Stichum acquirō ex causa lucratiua, antequam dies legati cederet. Hoc casu superest Pamphili petitio. *l. huiusmodi 84. §. si Titio, de legat. 1.* Ergo duæ causæ lucratiuæ concurrunt. R. Dicimus duas causas lucratiuas circa eandem rem non concurrere. Et cum Stichus aut Pamphilus mihi est legatus, egoque Stichum ex causa lucratiua acquirō, & postea Pamphi-



Pamphilum peto, non concurrunt duæ causæ lucratiuæ circa eandem rem, quia Pamphilus alia res est quam Stichus.

## A L I V D.

In l. si alij 42. in fin. de usufructu. l. nutu 27. de legat. 3. In ijs legibus traditur æstimationem deberi quamvis quis ex causa lucratiua rem nactus sit. R. Regula huic, duæ causæ lucratiuæ &c. addenda est exceptio, nisi alia fuerit voluntas defuncti. Tunc enim æstimatio debetur, quamvis quis habeat rem ex causa lucratiua. Et in ll. in contrarium adductis ea fuit defuncti voluntas, ut æstimatio præstaretur, quamvis quis rem haberet ex causa lucratiua. Et requiritur hoc casu expressa voluntas.

## A L I V D.

In l. non quocunque modo, 82. de legat. 1. Legatarius habuit rem ex causa lucratiua, & tamen debetur æstimatio, sicque duæ causæ lucratiuæ concurrunt in eandem rem. Resp. Ibi legatarius rem nactus est ex causa lucratiua, quæ tamen res rursus legatario auelli potuit. Et hoc casu regula duæ causæ lucratiuæ &c. non procedit. Ut siinge, res aliena mihi legata est purè testamento primi, eadem res testamento secundi, veri domini, legata est Titio sub conditione. Pendente conditione legati, heres secundi eam rem mihi donauit, atque ita accepi eam ex causa lucratiua. Verum ea donatio infirma est, utpote quæ renocatur existente conditione. Nam heres legatam rem sub conditione, pendente conditione, frustra alienat. l. seruo legato 69. §. 1. de legat. 1. Hæc igitur donatio mihi non obstat, quo minus eam rem petam actione ex testamento primi, existente scilicet conditione legati. Quod si conditio defecerit, actio ex testamento perimitur quia tunc rem habeo ex donationis causa. Rursus siinge. Vsucepi rem absentis Reipublicæ causa, tanquam pro derelicto habitam, bona fide. Acquisitio illa lucratiua est, sed vsucapio rescindi potest per restitutionem in integrum reuerso priori domino, & ita acquisitio ea est infirma. Eadem res post vsucapionem mihi legata est. Deinde rescissa

scissa est vfucapio, valet legatum, & possum agere actione ex testamento, quia non videtur ad me peruenisse res ex causa lucratiua quam retinere non potui.

## A L I V D.

Dicimus eum qui rem alienam legatam sibi, emit, premium consequi posse. Obstat l. planè 34. §. quod si rem emissem, de legat. 1. Ibi non dicitur quod premium rei legatæ consequi possim, sed dicitur tantum quod premium consequi possim quod mihi abest. R. Cum dicimus eum qui rem sibi legatam emit, premium consequi posse, hoc non intelligimus, de vero rei legatæ precio, sed tantum de precio quod legatario abest, quodque legatarius venditori numerauit. *d. l. planè.*

## A L I V D.

In l. si à substituto 45. de legat. 1. legatarius rem legatam emit, & nihilominus agit ad rem ipsam. R. Ibi legatarius rem quam emit, alienauit, antequam sciret eam sibi legatam esse. Et quia rem amplius non habet, agit vel ad rem, vel ad verum rei pretium. Vt si nge pupillus est heres institutus, ei que datus est substitutus, si pupillus intra pubertatem moreretur, à substituto pupilli ancilla mihi legata est. Ego antequam existeret conditio substitutionis, ancillam emi à pupillo, eamque rursus alienauit, antequam scirem mihi legatam esse. Iurisconsultus inquit utile esse legatum, hoc est competere mihi actionem ad rem ipsam.

## A L I V D.

In l. seruum filij 44. §. penult. de legat. 1. agitur ad verum pretium, ad veram æstimationem rei legatæ. Ergò niale supra contrarium diximus. R. Cum agitur ad rem legatam, semper intelligitur agi ad rem ipsam vel ad verum premium. Secus est quando premium petitur actione ex testamento.

## A L I V D.

In l. huiusmodi 84. §. qui seruum, de legat. 1. & in l. cui res 29. de acton. empt. legatarius rem sibi legatam emit & pretium non consequitur. Igitur falsa est nostra propositio.

R. Nos

R. Nos loquimur de legatario, qui rem alienam sibi legatam emit ab alio quam à quo legata est. Si emit ab eo à quo legata est, tunc aut sciens rem sibi legatam emit, aut ignorans. Si sciens sua culpa legati petitionem amisit. Id enim emit quod potuit ex testamento statim consequi, si ignorans emit, aut res ei tradita est ex causa emptionis, aut nondum est tradita. Si iam ei res tradita sit, aget ex testamento, non ad rem quam habet, sed ad precium quod numeravit pro ea re. Re autem non tradita ex causa emptionis, legatarius aget ex testamento ad rem, & non tenebitur pretij nomine actione ex vendito si non soluit pretium, vel si soluit, id recipiet actione ex empto quasi re euicta. *d. l. huiusmodi &c.*

## XXIII. Propositio.

Quod legatarij est, legari ipsi non potest, quia quod proprium alicuius est, amplius eius fieri non potest.

## XXIV.

Si legatarius, re propria sibi legata, rem legatam alienauerit, nec res ipsa debetur, nec aestimatio eius.

## ARGUMENTVM I.

Dicimus rem quæ propria legatarij est, inutiliter ipsi legari. At obstat l. cætera. §. i. de legat. i. Ibi dicitur legatum rei meæ mihi factum, valere. R. res mea mihi inutiliter pure legatur, at sub conditione mihi legari potest res mea, & valet legatum si tempore existentis conditionis res mea non sit, atq; ita loquitur Iurisconsultus in d. l. cætera.

## A L I V D.

At obstat totus tit. de dote prælegat. Dos, vt alibi dicitur, proprium est mulieris patrimonium. At maritus rectè legat dotem mulieri. Ergo res propria potest legari. R. Dos restituenda est soluto matrimonio annua bima trima die iure veteri. At cum legatur dos à marito mulieri tunc statim reddenda est, & ideo prælegari dicitur dos, hoc est, ita dicitur

F legari

legari cum legatur aut statim sine ulla dilatione, mora sit restituenda, atque ita plenius est legatum quam de dote actio ut Iustinianus in Institutis loquitur.

## A L I V D.

Dicimus legatum rei propria non valere, licet post testamentum res legatarij esse defierit. Obstat l. 1. §. fin. de Regula Caton. Ibi Celsus ait, si tibi est legatus fundus, qui scribendi testamenti tempore tuus est, si eum vivo testatore alienaveris, legatum tibi debetur, quod non debetur, si testator statim decessisset. R. Celsus Iuriconsultus; hac in re à reliquis Iuriconsultis dissentit. Sententia reliquorum Iuriconsultorum est, quod re legatarij legata, eaque post testamentum alienata, nihil debeatur, neque res ipsa neque aestimatio. Ab hac sententia Celsus dissentit, Celsus motus videtur hac ratione. Qui rem meam mihi legat, videtur tacite eam legare in eum casum quo mea esse defierit, quod expressim vtiliter fit, atq; ita Celsus tacitum pro expresso accepit. Reliqui non item quorum sententia obtinuit, atq; ita Eguinario Baroni & Iacobo Cuiacio visum est. Sic Celsus in alio à reliquis dissidet. Iuriconsulti communiter tradunt, si arca legata post testamentum factum aedificium sit impositum, utrumq; & solum & superficiem legatario deberi. 1. si arca legata, de legat. 2. Id Celso non placet in l. si chorus 79. §. penult. & ultim. de legat. 3. ac pugnat hac in re Celsus cum reliquis, ut nominatim Paulus scribit in l. qui res suas. §. arcam, de solution.

## A L I V D.

In l. cum servus legatus 39. §. si Titius, de legat. 1. ego emptori rem vendidi sed nondum tradidi. Mea igitur est. Emptor eam mihi legavit. Hoc legatum valet, & si postea precio accepto, rem emptori tradidero, atque ita eam alienavero, rursus eam recipiam iure legati, atque ita habeo rem meam & pretium. Pretium iure venditi. Rem iure legati. Legatum igitur rei meae valet, & ex postfacto conualescit, post alienationem. Respon. Hoc legatum non conualescit ex postfacto, sed ab initio fuit utile. Emptor enim qui mihi legat rem emptam.

emptam nondum traditam, videtur mihi remittere actionem ex empto, & ea ratione statim ab initio legatum valet.

## XXV. Propositio.

Si eadem res duobus legata sit, & vterque legatariorum ad legatum perveniat, scinditur inter eos legatum.

## XXVI.

Si alter deficiat, quia aut spreuit legatum, aut vivo testatore decessit, totum ad collegatarium pertinet.

## XXVII.

Iure scilicet accrescendi.

## XXVIII.

Si modò re & verbis legatarij coniuncti fuerint, vel re tantum.

## XXIX.

Re & verbis coniunguntur, cum testator duobus fundum Tusculanum legat hoc modo: Titio & Seio, fundum Tusculanum do, lego.

## XXX.

Re tantum coniunguntur, cum ita legat testator: Titio fundum Tusculanum do, lego. Seio fundum Tusculanum do, lego.

## XXXI.

Si verbis tantum coniuncti fuerint legatarij, vt quia testator dixit: Titio & Seio fundum Tusculanum ex aequis partibus do, lego, ius accrescendi cessat, & ideo Titio legatum repudiante, totus fundus Tusculanus, ad Seium non pertinet.

## XXXII.

Eaque Accursij est sententia, quam & nos, communi opinione reiecta probamus.

DISPUTATIO I.  
ARGUMENTVM I.

Dicimus coniunctos esse, cum testator duobus fundum legat, hoc modo, primo & secundo fundum do, lego. Contra, coniuncti non sunt, qui sine partibus instituntur *l. item quod Sabinus 17. §. 1. de hered. instituend.* Hic primus & secundus sine partibus instituuntur. Ergo non sunt coniuncti. R: Sabinus non negat coniunctos esse, si testator primum & secundum, ex 11. vncijs, tertium & quartum sine parte ita instituat, tertius & quartus heredes sunt. Hic tertius & quartus sunt re & verbis coniuncti, & in residuam assis partem compelluntur, idque Sabinus, ut dixi, non negat. Sed hoc vult Sabinus, pro coniunctis eos non haberi, quantum ad ius accrescendi, ut cæteris præferantur scilicet.

A L T V D.

• Rursus ita instatur, sunt quidem coniuncti, cum testator duobus legat hoc modo, primo & secundo fundum do, lego, sed non sunt coniuncti re & verbis, sed re tantum. Nam cum testator primum nominat, statim verbum lego intelligitur, quasi plus nuncupatum & minus sit scriptum. *l. 1. de hered. instituend.* Sed cum dicitur primo fundum do lego, secundo fundum do lego, primus & secundus sunt re coniuncti. R. In d. l. 1. Iurisconsultus exempla proponit imperfectarum orationum, ut testator ita dixit, Titius heres, intelligitur verbum esto, aut dixit Titius esto, & intelligitur verbum heres. Hac autem oratio primo & secundo fundum do lego est perfecta oratio. Igitur cum illis imperfectis malè comparatur.

A L I V D.

Diximus re coniunctos esse, quibus hoc modo legatur, primo fundum Tusculanum do, lego, Secundo fundum Tusculanum do, lego. Contra, qui legat secundo, quod iam ante legauit primo, videtur primo legatum adimere. *l. sicut de adimend. legat.* Sed cum testator dicit primo fundum Tusculanum do lego, secundo fundum Tusculanum do, lego, legat secundo, quod iam ante legauit primo. Ergo primo legatum adimit.

adimit. R. aut testator legat secundo sub commemoratione primi, & tunc legatum primo censetur ademptum *d. l. sicut* aut testator non facit mentionem primi cum legato secundo, & primus & secundus sunt re coniuncti.

## A L I V D.

Cum testator ita legat, primo fundum Tusculanum do, lego, secundo fundum Tusculanum do lego, primus & secundus sunt re & verbis coniuncti, quia oratio soluta in coniunctionem resolvitur. Vt cum testator ita dicit: primus, secundus & tertius heredes sunt, aut primo, secundo & tertio fundum legat, primus, secundus & tertius sunt re coniuncti & verbis, *l. triplici, de V. S.* R. Aut plures personæ in una eademque oratione soluta ponuntur, aut in diuersis orationibus. Priori casu pro re & verbis coniunctis habentur. Posteriori pro re coniunctis tantum.

## A L I V D.

Contra solutionem paulò ante datam ita instari potest. Distinctio subuertitur per l. Iulianus 15. de hered. instituend. Ibi testator primum ex parte dimidia heredem instituit, secundum ex altera dimidia, Postea dixit ex qua parte primum institui, ex eadem tertius mihi heres esto. Hic tertius institutus est, facta commemoratione primi, & tamen Vlpianus ait primum & tertium in eandem semissem coniunctos videri. R. In l. Iulianus tertij institutio cum commemoratione primi ita facta est, vt verba non ad ius ipsum hereditarium, quod primus habet, referantur, sed ad partem ex qua institutus est. Dixit namque testator, ex qua parte primum institui &c. ideoque tacitam ademptionem non continent. At cum dicit testator, quod primo legavi, id secundo do, lego, verba omnimodò ad ipsum ius, quod primus habuit, se extendunt, & idcirco ademptionem tacitam inducunt.

## A L I V D.

Contra definitionem coniunctorum verbis tantum, ita argumentari potest quis. Expressio eorumque tacite insunt, nihil operatur. Sed cum dicitur primo & secundo fundum

do, lego, hic tacite inest hoc, ut aquas partes habeant. *l. legata inutiliter data. §. fin. de legat. 1.* Ergo expressio partium nihil operabitur, & primus & secundus erunt re & verbis coniuncti. R. non omne quod dicitur inesse, vno eodemque modo semper inest. Nam vel inest simpliciter, vel secundum quid. Legato hoc inest simpliciter, si heres scriptus, heres erit, idque frustra exprimitur. Sic homini simpliciter inest animal esse, & qui hominem legat, frustra dicit se animal legare. Secundum quid inest legato ut legatarii aquas partes habeant, quoniam testator pro suo arbitrio potest æqualiter vel inæqualiter legatum diuidere. Et hoc frustra non exprimitur.

## A L I V D.

In 1. triplici, de V. S. tale proponitur exemplum confusionum re & verbis. Primus & secundus ex diuisione parte heredes sunt. Igitur verbis coniuncti non sunt quibus eadem res ex partibus legatur. R. Cum dicimus verbis coniunctos esse, quibus eadem res ex partibus legatur, hoc dicimus, coniunctos verbis ex eo dignosci quod semper in re legata partes habent. *l. re coniuncti. de legat. 3.* Non etiam hoc dicimus, verbis coniunctos esse, quibus pars, puta semis, triens, vel quadrans legatur.

## A L I V D.

*De coniunctis re & verbis.*

Dicimus inter coniunctos re & verbis, esse ius accrescendi *l. 1. de usufruct. accrescend. §. si eadem res, Institut. de legat. 1. re coniuncti, de legat. 3.* Obstat 1. filius emancipatus. *§. 1. ad l. Cornel. de falsis.* Ibi Titius adhibitus à testatore ad testamentum scribendum legatum adscripsit seruo communi, suo & Sempronij. Legatum ex parte Titij pro non scripto est. Senatusconsultum enim Libonianum prohibet, ne quis sibi vel ei quem in potestate habet, legatum adscribat. Hic legatum totum Sempronio non debetur, quod tamen videbatur dicendum. Nam cum seruo duorum dominorum legatur, dominis legari intelligitur, & domini iuris potestate pro coniunctis re & verbis habentur. Iurisconsultus autem respondet, Sempronio nihil deberi, sed totum pro non scripto esse. Igitur



tur pars, quæ pro non scripta habetur, coniunctio non accrescit, imò pars illa totum legatum euertit. R. Id fieri ibi optima ratione, nam serui nomen quasi falsum subducitur ut Marcellus ait, & ob id neutri dominorum, legatum debetur. Quod si legatum seruo communi relictum valeat, & vnus dominorum partem suam repudiaret, reiecta distinctione inter proprietatem & vsumfructum, videndum erit quibus verbis testator vsus sit, cum seruo duorum legauit. Si ita dixit, Sticho seruo communi Titij & Sempronij lego, Tunc Titius & Sempronius, non sunt re & verbis coniuncti, & si Sempronius partem suam repudiet, Titius non nisi partem accipiet. *l. & Proculus, de legat. 2.* Si simpliciter testator dixit, Sticho do, lego, domini sunt coniuncti, & iure accrescendi vtuntur. *l. 1. §. 1. de vsufr. accrescend.* Differentiæ ratio est, cum testator seruo simpliciter legat, eius personam in solidum considerat, & ideò inter dominos est ius accrescendi. Cum dicit communi, ad dominica iura respicit, & ius accrescendi cessat. Hæc Zasius. Sed hæc distinctio Zassij non placet. Rectius dicemus, inter dominos esse ius accrescendi, quoties seruo eorum legatur, siue proprietas legetur, siue vsusfructus, & siue testator dicat seruo communi lego, siue ita Sticho lego. *l. 1. §. 1. de vsufr. accrescend.* Et ita Iulianus censuit cuius sententiam Vlpianus probat in d. l. 1. A Iuliano dissenserunt Proculus & Celsus *l. & Proculus, de legat. 2.* quod euidenter ex eo intelligitur quod Iulianus respondet rationi, qua Proculus & Celsus vtébantur.

## A L I V D.

In l. si duobus 6. de legat. 1. Testator legauit primo & secundo fundum Tusculanum. Secundus non est in rerum natura, legatum ex eius parte, est pro non scripto. Ictus inquit, primo partem tantum deberi. Ergo pars non accrescit, & inter coniunctos re & verbis non est ius accrescendi. R. aut duobus coniunctim eadem res legata est per vindicationem, & sunt re & verbis coniuncti, & inter eos est ius accrescendi, & is qui deficit non facit partem. Ratio est, quia ita coniuncti, singuli ab initio solidum habent, còcursu partes &c. Et de hoc genere legati accipiendæ sunt omnes leges, quæ dicunt inter  
con-

coniunctos re & verbis esse ius adcrefcendi. Aut duobus eadem res est legata coniunctim per donationem, & tunc legatarij non sunt coniuncti re & verbis, quoniam finguli ab initio partes habent, & ideo inter eos non est ius adcrefcendi, & is qui non capit partem, partem facit. Et de hoc genere legati accipienda est l. si duobus, de legat. 1. Item l. plane 34. §. si coniunctim, de legat. 1. quæ lex dupliciter nobis aduersatur. Nam dicit, primum coniunctos re & verbis ab initio partes habere. Deinde dicit, inter coniunctos non esse ius adcrefcendi. Ibi testator legauit primo & seruo proprio sine libertate. Legatum seruo inutiliter est relictum, & pro non scripto habetur, seruo enim proprio sine libertate legari non potest. l. si minor 102. de legat. 1. Et Iurifconsultus dicit, primum non nisi dimidiam partem legati habere, sicque pars quæ pro non scripta est, coniuncto non adcrefcit. Similiter de damnationis legato est accipienda l. huiusmodi 84. §. si Titio, de legat. 1. Ibi testator mihi & Titio coniunctim legauit fundum Tusculanum qui meus erat. Ego ex legato nihil ferre possum, sed ex parte mea est inutile. Titius enim non fert ex legato nisi partem, & ego quamuis partem non capio facio tamen partem & sic coniuncto mea pars non adcrefcit. *Hæc autem distinctio traditur ab Ulpiano in fragment. tit. 24. de legatis. Et superfluitus rei vestigia in l. 7. de legat. 2.*

## A L I V D.

In l. mulieri & Titio 74. de condit. & demonst. mulieri & Titio vsusfructus est relictus sub hæc conditione, si mulier non nupserit. Mulier nupsit. Vterque nihilominus ad legatum admittitur, quia conditio appositæ tanquam publicæ utilitati contraria, rejicitur. At pone, Titius partem suam repudiauit, Et Iurifconsultus docet, mulieri totum non deberi. Igitur inter coniunctos re & verbis non est ius accrescendi. R. Ideo ibi ius adcrefcendi cessat, quod vterque & mulier & Titius, iure quodam singulari, contra voluntatem testatoris ad legatum admittitur, & boni consilium vterque debet quod ei pars sua conseruatur, quamuis pars alterius alteri non adcrefcatur. Secus est, cum legatarij secundum volunta-

luntatem defuncti legatum percipiunt. Tunc pars deficiens apud coniunctum remanet. Id tamen perpetuò verum non est. Nec enim procedit cum ratio aliqua subest, quæ aliud suadet ut in l. dominus 57. §. final. de usufruct. Ibi testator libertis per fideicommissum, alimentorum nomine, usufructum prædiorum reliquit. Liberti habentur pro coniunctis utroque modo. Nomine enim collectiuo coniuncti, sunt coniuncti re & verbis. l. interdum, de heredibus instituend. l. si quis Attio, de usufr. adcrescend. l. planè, in princip. de legat. 1. Vnus ex libertis moritur, eius emolumentum ad reliquos, qui re & verbis coniuncti sunt, non pertinet. Hoc ideo fit, quod testator, qui ei alimenta legauit, videtur voluisse, ne ultra modum alimentorum singuli liberti quicquam haberent. l. 3. §. si coniunctim, de legat. præstand. Finge, testator filio præterito, coniunctim legauit parenti & extraneo. Testamentum postea est rescissum petita bonorum possessione contra tabul. Ex edicto prætoris, coniunctis personis ut liberis & parentibus, legata conseruantur, extraneis non item. Quaritur an pars extranei collegatarij, parenti adcreseat. Iurisconsultus docet non adcrescere, sed parenti tantum suam portionem conseruari. Id quoque optima fit ratione. Licet enim parens utatur voluntate testatoris, tamen voluntas illa, nulla est testamento rescisso, & pars quæ ei datur, ex humanitate datur, cum aliàs non deberetur, l. Papinianum § final. l. cum mater, de inofficios. testament.

## A L I V D.

In l. si quis Attio, de usufruct. adcrescend. Ibi testator legauit heredi suo, & Attio usufructum. Legatum ex persona heredis non valet, quia heredi à semetipso inutiliter legatur. l. 18. de legat. 1. Attio non debetur usufructus totus, sed Iurisconsultus docet, Attium, dimidiam partem usufructus habiturum, alteram dimidiam heredem. Portio igitur, quæ pro non scripta habetur, coniuncto non adcrescit. Zasius in responsis singularibus c. 19. scribit, quod Interpp. miserè violent d. l. si quis Attio, sed & ipse Zasius errat. Nam testator ibi non legauit heredi & Attio, sed heredibus & At-

G

tio. Le-

tio. Legatum illud etiam ex parte heredum valet. Etenim heredes non à semetipsis legatum accipiunt, sed vice mutua legatum præstant quod iure fit. *l. ab omnibus, 104. § si Aulio, de legat. 1.*

## A L I V D.

Pars repudiata perinde habetur ac si nunquam fuisset legata. *l. legatarius 38. l. si tibi homo 86. §. cum servus, de legat. 1.* Sed si pars repudiata nunquam fuisset legata, tunc apud heredem remansisset. Ergo &c. Respon. Maior loquitur de vno legatario, cum vni tantum res legata est, Is si legatum repudiet, habetur legatum, ac si nunquam fuisset relicum. Non ita est cum duo sunt legatarij.

## A L I V D.

Dicimus inter coniunctos re & verbis esse ius adcrefcendi. Obstat *l. item quod Sabinus 17. de heredib. instituend.* Ibi testator primum & secundum ex 11. vncijs heredes instituit. Tertium & quartum sine parte. Hic tertius & quartus sunt re & verbis coniuncti, & iuris potestate in vnciam quæ superest vocantur. Si tamen tertius moriatur, portio eius quarto non adcrefcit. Ergo inter coniunctos re & verbis non est ius adcrefcendi. R. Inter coniunctos re & verbis, est ius adcrefcendi. Verum cum testator plures instituit heredes, tunc videndum est, vtrum omnes ex partibus sint instituti, an sine partibus. An deniq; aliqui ex partibus & aliqui sine partibus. Si omnes heredes sint ex partibus instituti, vt si dixit testator. Primus & secundus ex vndecim partibus heredes sunt. Tertius & quartus ex vncia, & tertius moriatur, portio ipsius soli coniuncto quarto adcrefcit. Si omnes heredes sine partibus sint instituti, vt si testator dixit, primus heres esto, secundus esto heres, tertius & quartus heredes sunt, & primus moriatur, portio eius reliquis, non soli re coniuncto, secundo scilicet adcrefcit, sed omnibus: quia tertius & quartus sunt etiam re coniuncti. At si tertius moriatur, portio eius soli quarto coniuncto adcrefcit *l. heredes 63. de hered. instituend.* Si aliqui ex partibus sunt instituti, aliqui sine partibus. Vt si testator

testator ita dixit. Primus & secundus ex ii. vncijs, heredes sunt, tertius & quartus heredes sunt: qui sine partibus instituti sunt, non habentur pro coniunctis, quantum ad ius adcreſcendi, vt alijs præferantur, ideoque tertio mortuo, portio ipsius ſoli quarto non adcreſcit, ſed omnibus ſimul.  
*d. l. item quod Sabinus, 17. de heredib. Inſtituend.*

## A L I V D.

Obſtat l. 2. §. ſi duo, de bonor. poſſeſſion. ſecundum tabul. Ibi teſtator duos heredes inſtituit, primum & ſecundum, Primus & ſecundus ſunt re & verbis coniuncti. Secundo poſtea ſubſtituit tertium. Ictus inquit. Secundo omittente hereditatem Tertius ſuccedit. Ergo inter coniunctos re & verbis non eſt ius adcreſcendi. R. Inter cõiunctos re & verbis eſt ius adcreſcendi, ſed ſi vni coniunctorum datus ſit ſubſtitutus, iſ præfertur ſecundo. Ratio eſt, quia ſubſtitutus venit ex voluntate teſtatoris expreſſa, coniunctus tacita.

## A L I V D.

Contra ſolutionem obijcitur. l. quidam teſtamento 30. de vulgar. & pupillar. ſubſtit. Ibi teſtator primum inſtituit ex quarta parte, ſecundum ex quarta & dimidia. Et primo ſubſtituit, ſubſtituit & ſecundo, & ſubſtitutis, alios ſubſtituit. Primus eſt mortuus itemq; ſubſtitutus eius. Et Ictus ait, partem primi non pertinere ad ſubſtitutos tertio gradu, ſed ad ſecundum. Igitur ſubſtitutus non præfertur coniuncto. Reſpon. Hoc ideo, quia teſtator voluit, vt tertio gradu ſubſtituti, ita demum admitterentur, ſi tota hereditas vacaret, vt Iuriſconſultus ibi ſcribit.

## A L I V D.

Teſtator legauit primo & filijs fundum. Primus & filij teſtatoris ſunt re & verbis cõiuncti, & ſemiſſem habet primus, alterum ſemiſſem filij. Vnus filiorum moritur, portio eius fratribus adcreſcit, non ſimul primo. Ergo inter cõiunctos re & verbis non eſt ius adcreſcendi. R. Cum teſtator legat primo & filijs, & vnus filiorum moritur, portio eius fratribus adcreſcit,  
 G 2

crefcit, non quod illi ſint coniunſtiores quàm primus, ſed quod ſeorſim à primo inter ſe videntur coniunſti & penitus ſeiunſti à primo.

## A L I V D.

At obſtat l. Lucius. §. Lucius Titius, de legat. 2. Ibi teſtator legauit, libertis & Scia alumna ſua & Iuriſconſultus docet, non fieri duos ſemiſſes, ſed viriles partes pro numero perſonarum. R. Hoc ideò ibi fit, quòd perſpicua eſt voluntas defunſti, quod omnes ad viriles partes vocauerit. Perſpicuitas inde colligitur, quod teſtator dixit, ne de nomine familiae exeat.

*De coniunſtis re tantum.*

Quod ad coniunſtos re tantum attinet, ſuperiori diſtinctione vtendum & dicendum eſt. Aut teſtator diſiunſtum per vindicationem legauit, aut per damnationem. Si per vindicationem, ſunt legatarij re coniunſti, & inter eos eſt ius adcreſcendi. Ratio, quia ſinguli ab initio ſolidum habent, concuſſu partes, quia teſtator ita dixit, primo do, lego; ſecundo do, lego. De hoc legati genere accipienda eſt lex ſi mihi purè 59. de legat. 2. quod verbum datum ſatis oſtendit. Si quidem datum dicitur quod per vindicationem relictum eſt. De eodem genere legati accipienda eſt l. planè. §. ſed ſi in pupillari, de legat. 1. ſed ibi partem legit pro totum. Si per damnationem legauit, tunc legatarij non ſunt re coniunſti, nec inter eos eſt ius adcreſcendi, ſed teſtator bis legatum ad eos pertinere voluit. Itaq; ſingulis ſolidum debetur, vni res, alteri æſtimatio. *Ulpian. in fragment. tit. 24.*

## A L I V D.

Obijcitur l. vxorem 41. §. 1. de legat. 3. Ibi teſtator per damnationem legauit primo domum, poſtea ſecundo liberto per damnationem legauit diſtam ex domo. Quæritur an heres teneatur primo, domum integram dato precio reple-re. Iuriſconſultus reſpondet, non teneri. Igitur verum non eſt, quod diximus, re per damnationem duobus diſiunſtim lega-

legata, singulis solidum deberi. R. Nihil id obstat, nos enim loquimur de eadem re duobus disiunctim legata, quo casu posterius legatum non minuit prius, sed utrique debetur solidum. §. in contrarium adductus, loquitur de re vni legata, & deinde de parte, legata alteri, hoc casu posterius legatum minuit prius.

## A L I V D.

Obstat l. qui duos reos 13. §. final. de legat. 2. Ibi testator nomen debitoris sui duobus separatim legauit, primo & secundo. Non potuit nomen legari nisi per damnationem. *d. l. qui duos, in princip. l. non quocumq; modo 77. §. qui Caium, de legat. 1. l. nomen, in princip. de legat. 3.* Iurisconsultus tamen in d. l. qui duos, docet, heredem ita demum debere vni actionem cedere, alteri pecuniam soluere, si testator in solidum separatim legauerit. Igitur verum non est, quod re per damnationem legata, solidum singulis legatarijs debetur. R. Ex constitutione Iustiniani, damnationis legatum exæquatur vindicationis legato, & idè legatarijs quibus separatim per damnationem legatum est, singulis solidum non debetur. *l. vnic. C. de caduc. tollend.* Ex illa constitutione Tribonianus adiecit hæc verba ad d. l. qui duos, in solidum. Idem factum in l. 1. de legat. 1. Et in l. duos 14. de vsu & vsufruct. Testator legauit duobus separatim vsufructum sinendi modo. Legatum, quod sinendi modo relinquitur quasi ad sine, adiungitur damnationis legato. Heres itaque singulis solidum debet. Et si passus est eos communiter vti, data pecunia vnicuiq; quod deest replebit, ita vt vnusquisque habeat solidum. Nec enim possunt singuli vti frui in solidum & qua parte, vnus vtitur fruitur fundo, ea parte alter non vtitur, fruitur. Et Celsus ibi rationem adiecit, quare heres utrique ex testamento in solidum teneatur, quia testator vtrumque solidum habere voluit. Sed Tribonianus pro quia posuit, si, propter Iustiniani constitutionem.

## A L I V D.

Obstat l. si res mihi, 20. de legat. 3. Ea l. loquitur de fideicommisso eiusdem rei, duobus relicto disiunctim. In fideicom-

missio idem ius est quod in legato damnationis. Finge, Eadem res duobus per fidei commissum est relicta disiunctum. Vni debetur res, alteri pretium, sed ita demum, inquit Iurisconsultus, si non communicandi animo, sed vtrique in solidum res per fidei commissum fuerit relicta. Igitur re per damnationem separatim legata, non debetur singulis solidum, nisi testator id specialiter expresse. R. hæc verba, si non communicandi animo, sed vtrique &c. sunt Triboniani ex d. l. vnic. C. de Caduc. tollend.

*De coniunctis verbis tantum.*

Inter coniunctos verbis tantum, non est ius adcrendi. *l. penult. de usufr. adcrend.* Ibi Iurisconsultus inquit: si quis &c. Ratio est, quia coniuncti verbis tantum semper habent partes. *l. re coniuncti. 89. de legat. 3.* hoc est ab initio & per concursum. Ius autem adcrendi tunc locum habet, cum res duobus in solidum legata, concursu diuisa est. *l. 3. in princip. & l. penult. de usufr. adcrend.*

A L I V D.

Obstat l. si duobus. §. final. de legat. 1. vide ibi speciem perspicuam, qua probatur inter coniunctos verbis tantum esse ius adcrendi. R. Inter verbis coniunctos non est ius adcrendi, nisi testator, de industria & data opera legatarios coniunxerit ut concurrerent in idem legatum. Tunc habentur pro coniunctis utroque modo, & ideo inter eos est ius adcrendi. Et sic data opera testator legatarios coniunxit in d. l. si duobus. §. final. de legat. 1. Ita etiam accipi debet. §. final. d. l. re coniuncti, de legat. 3. ubi quaeritur, an verbis tantum coniunctus cæteris præferatur, hoc est, an ei soli adcrendi? Et hoc frustra quaeretur, si coniunctio verborum non adferret ius adcrendi. Et hoc ita procedit si per vindicationem sit legatum. Non si per damnationem, tunc ius adcrendi cessat. Et vel ab initio singuli habent partes, quod fit cum legatur eadem res coniunctum, vel semper singulis solidum debetur, vni res, alteri pretium quod fit cum disiunctim eadem res legatur. Verum ex Iustiniani constitutione, hoc est, ex l. vnic. C. de caduc. tollend. sunt illi quibus per damna-



damnationem legatum est, eodem iure, quo sunt quibus legatum est per vindicationem, itaq; inre vtuntur ad crescendi.

## A L I V D.

Obstat 1. si ita quis heredes 66. de heredib. instituend. Item l. Mauius 41. de legat. 2. In l. si ita quis heredes, testator ita dixit. Primus heres esto. Secundus & Tertius ex aequis partibus heredes sunt. Hic secundus & tertius sunt verbis coniuncti, & inter eos est ius ad crescendi, quamuis testator eos data opera non coniunxit. Ergo inter coniunctos verbis tantum, est ius ad crescendi, quamuis de industria coniuncti non fuerint. R. Sunt quidem secundus & tertius coniuncti verbis, sed non sunt coniuncti, quantum ad ius ad crescendi vt reliquis praferantur. Itaque secundus & tertius verè coniuncti non sunt. Et cum dicimus aliquos coniunctos esse, hoc dicimus, ita eos coniunctos esse, vt propter coniunctionem reliquis praferantur.



## DISPUTATIO II.

## DE LEGATIS.

## I. Propositio.



Vnde generaliter legato, legatum est inutile.

## II.

Idemque de domo generaliter legata, dicimus.

## III.

Si modò testator fundum nullum aut nullam domum reliquerit.

## IV.

Sic si quis fundum vel etiam domum generaliter

liter stipuletur, stipulatio nullius est momenti, nec fundus nec domus debetur, si promissor fundum aut domum non habeat.

## V.

At homine generaliter legato, vtile est legatum, & homo peti potest.

## VI.

Idemque est si equus, asinus, vas, lanx & similis res generaliter legata fuerit.

## ARGUMENTVM. I.

Dicimus fundo generaliter legato, legatum esse inutile, idemque esse sentiendum de domo legata. *l. quod post diuortium, de iure dotium l. si domus, de legatis. 1.* At obstat quod homine generaliter legato, legatum est vtile. *l. cum incertus, de legat. 1.* R. Constituenda est differentia inter hominem & fundum. Homine legato, incertus quidem homo legatus est, certa tamen est demonstratio rei legatae. Certa enim est hominis finitio. Idem est si legetur equus, bos, scyphus, lanx vel alia quaelibet species, cuius certa est finitio. At fundo generaliter legato, certa non est demonstratio legatae rei quoniam vel gleba vna, fundus dici potest, modicus locus est fundus, *l. locus, de V. S.* Idem de domo dicimus, nam vel vilissima quaeque materia, domus dici potest. *l. quod in rerum natura, de legat. 1.* Et hac ratione hominis legatum valet generaliter relictum etiam si homines nullos testator reliquerit. Valet & lancis legatum, etiam si nullam lancem reliquerit. Non valet legatum fundi vel domus, si nullum fundum, nullum domum testator reliquerit, derisorium magis quam vtile est legatum. *d. l. si domus, de legat. 1.*

## A L I V D.

Obstat l. vbi autem non apparet, in princip. de Verbor. obligation. ibi Iurisconsultus stipulationem fundi generaliter conceptam, confert cum stipulatione hominis generaliter

ter concepta. Nihil igitur differt stipulatio fundi generalis, à stipulatione hominis generali. R. In l. vbi autem non apparet, in princip. de Verbor. obligation. valet stipulatio fundi generalis, quia promissor fundos habuit. Et sic legatum fundi generale valet, si testator fundos reliquerit. *argumento l. si domus, in princip. de legat. 1.* Et cum testator qui fundum legauit, fundos habet, aut promissor qui fundum promisit, habet fundos, nihil differt legatum fundi à legato hominis, nihil etiam differt stipulatio fundi, à stipulatione hominis generaliter concepta.

## VII. Propositio.

Si quantitas generaliter legetur, legatum non valet.

## VIII.

Cum autem quantitati, numerum, mensuram aut pondus adijcias, vt cum certus pecuniæ numerus, aut certa vini, hordei, tritici, mensura, aut certum pondus auri vel argenti legatur, valet legatum, etiam si testator, nullas huiusmodi res reliquerit.

## IX.

Quantitas quippe certa legata videtur quæ semper esse in hereditate intelligitur, quamuis res illæ in hereditate non sint.

## ARGVMENTVM. I.

Dicimus, quantitate generaliter legata, legatum non valere. Obstat l. nummis legatis, de legat. 3. Ibi nummi indistinctè fuerunt legati, id est, generaliter, & Iurisconsultus dicit, hoc receptum esse, vt exiguiore debeantur. Igitur utile est legatum nummorum generaliter relictorum. R. in d. l. nummis legatis, nummorum numerus fuit legatus, atque ita hæc verba nummis legatis exponenda sunt, ex l. si seruus plurium. §. ult. de legat. 1. Et cum quantitati vtpote numerus nummis, mensura aut pondus adijcitur, tunc legatum quantitatis valet. Alias est inutile.

H

A L I V D.

Obstat l. vbi autem non apparet, in princip. de Verbor. obligation. Ibi stipulator stipulatus fuit vinum, oleum, vel frumentum sibi dari. Et hæc stipulatio, utilis est, & incerta, ex eaque datur actio ex stipulatu. Igitur legatum etiam quantitatis generale non valet. R. In d. l. vbi autem non apparet, stipulator stipulatus est vinum, oleum vel frumentum sibi dari, certa addita mensura, hoc modo, vini amphoras decem, frumenti modios decem. Hæc stipulatio incerta est, & utilis, ex eaque datur actio ex stipulatu. Et cum Iurisconsultus dicit, qui vinum stipulatur, aut frumentum, hoc dicit, qui certas amphoras vini, puta 10. amphoras stipulatur, aut certos modios frumenti, puta 10. modios. At dices, qui ita stipulatur vt proposuisti, non incertum stipulatur sed certum, quia dicit 10. amphoras vini, 10. modios frumenti. R. nihilominus incertum stipulatur, quia non addit qualitatem vini aut frumenti, *ut Iurisconsultus in d. l. vbi autem non apparet, de Verborum obligationibus,*

## A L I V D.

Si vinum sit legatum, vinum cum vasis debetur. l. 3. §. 1. *de tritic.* Igitur vino, atque ita quantitate generaliter legata, valet legatum. R. Cum Iurisconsultus dicit vino legato, vinum cum vasis deberi, hoc dicit, certa mensura vini legata, vt puta centum amphoris vini, vinum cum vasis deberi, atque ita Iurisconsultum intelligendum esse, præcedentia & sequentia satis ostendunt. Sic in l. si pecunia, de legat. 2. pecunia fuit legata, hoc est certus numerus pecuniæ, & Iurisconsultus dicit heredem compelli dare pecuniam, etsi pecunia in bonis legantis non sit, soluendo tamen hereditas sit. Eodem modo accipere oportet, quod traditur in l. heredes. §. final. famil. herciscund. pecuniam per præceptionem relictam, pro partibus hereditariis præstandam esse. Pecuniam relictam hoc est, certum numerum pecuniæ relictum.

## X. Propositio.

Homine generaliter legato legatarij esse electio.

Ac

## XI.

Ac eliget legatarius seruum ex familia defuncti, si familiam defunctus reliquit.

## XII.

Similiter si defunctus vasa, lances, boues, equos & res similes reliquerit, ex ijs legatarius, vnum eliget.

## XIII.

Et quamuis ipso iure, quemcunque seruum voler eligere potest: tamen non cum eligere debet, ex cuius iactura facile familiæ euersio sequi potest.

## XIV.

Si in modo eligendi legatarius & heres, non possunt conuenire, arbiter sumetur, qui ius eligendi præscribet, moderabitur, definiet.

## XV.

Quantitate legata puta centum aureis, decem modijs frumenti, hordei, centum amphoris vini, de electione nulla est quæstio, propterea quod quantitas sui semper similis est, non variatur, & quantitas mutuam functionem recipiet, in genere magis quàm in specie, quod in corporibus, secus se habet, cum corporum variæ & dissimiles sint præstationes.

## XVI.

Re certa, vtputa Stichus, legata, valet legatum quamuis testator plures Stichos reliquerit, nec constat de quo testator senserit, sed tunc non legatarij, sed heredis est electio.

## XVII.

Fundo quoque Corneliano legato, si plures sint fundi eiusdem nominis, valet legatum, sed heres fundum eliget, quem dare volet.

## XVIII.

Si cui fundus alienus legatus sit, & legatarius emerit

H 2

pro-

proprietaem, deducto usufructu, & usufructus ad eum peruenit, rectè legatarius ager, & fundum petet quia usufructus in petitione seruitutis locum obtinet sed officio iudicis continetur, vt deducto usufructu iubeat æstimatione præstari.

## XIX.

Si quis debitori suo liberationem legauerit valet legatum.

## XX.

Ex contrario si debitor creditori suo, quod debet legauerit, inutile est legatum, si nihil plus est in legato, quàm in debito, quia nihil amplius per legatum habet.

## XXI.

Quod si in diem vel sub conditione debitum purè legauerit, vtile est legatum propter representationem.

## XXII.

Et quamvis viuo testatore dies venerit, vel conditio extiterit, vtile nihilominus erit legatum.

## XXIII.

Si eadem res sapius legetur, in eodem testamento, amplius quàm semel peti non potest, sufficitq; vel rem consequi vel æstimationem.

## XXIV.

Idque verum esse putamus, etiam si à diuersis heredibus in eodem testamento eadem res vni sapius legata fuerit.

## XXV.

Quod si duorum testamentis mihi eadem res sapius legetur, bis eam petere potero vt ex altero testamento rem consequar, ex altero æstimationem.

## XXVI.

Si quantitas eadem, puta centum aurei, in eodem testamento

stamento sapius legata fuerit, tunc ex constitutione Diui Pij, sapius summa præstabitur, si evidentissimis probationibus ostendatur, testatorem multiplicare legatum voluisse.

## XXVII.

Similiter si pondus auri vel argenti sapius sit relictum, Papinianus respondit, magis summæ legato comparandum & merito quoniam non species certa relicta videtur.

## XXVIII.

Sed etsi quid aliud quod pondere, numero & mensura continetur, sapius sit relictum, ut puta, decem modij frumenti, idem erit dicendum, hoc est sapius debetur si testator voluerit.



## DISPUTATIO

DE IVRE ADCRESCEN-  
DI.

## I. Propositio.



Oniunctorum tria sunt genera. Aut enim re & verbis coniunguntur: aut re tantum: aut verbis tantum.

## II.

Re & verbis coniunguntur quibus eadem res coniunctim legatur hoc modo, primo & secundo fundum Tusculanum do, lego. Re tantum quibus eadem res separatim siue disiunctim legatur, ita primo fundum Tusculanum do, lego, secundo fundum Tusculanum do, le-

H 3

go. Ver-

go. Verbis tantum quibus eadem res iuncta scriptura ex partibus legatur ad hunc modum, primo & secundo fundum Tusculanum ex æquis partibus do lego.

### ARGUMENTVM. I.

Qui legat secundo, videtur adimere primo. Vt cum testator dicit, quod Titio legauit, id Seio do, lego, legatum Titio adimitur, & transfertur ad Seium. *l. sicut, de adimend. legat.* Ergo & cum testator ita dicit, Titio hominem Stichum do, lego, Seio hominem Stichum do, lego, non videtur eos coniungere, sed alteri legatum adimere. R. Per distinctionem aut testator legauit secundo sub commemoratione primi, *ut in d. l. sicut,* & tunc legatum primo videtur ademptum, aut testator primi non fecit mentionem cum legaret secundo, & tunc primus & secundus coniuncti intelliguntur.

### ALIVD.

Obijcitur l. Iulianus, de heredib. instituend. Ibi talis est species. Testator primum ex parte dimidia heredem instituit, secundum ex altera dimidia, postea dixit, Ex qua parte primum institui, ex eadem tertius mihi heres esto. Iurisconsultus ait, Primus & tertius in eundem semissem coniuncti intelliguntur, & ideo coniuncti videntur instituti. Ecce ibi testator tertium instituerat sub commemoratione primi, & tamen primus cum tertio heres est. Quare subsistere non potest quod dictum est, facta commemoratione primi, ademptionem intelligi. R. Communis solutio quam etiam Zasius noster probat in l. si pluribus, de legat. i. est hæc, quod aliud dicendum est in hereditatibus, aliud in legatis. De hereditatibus loquitur d. l. Iulianus. In ijs difficilior est ademptio, quam in legatis, quod omnis vis atque effectus testamenti ex herede pendeat, & ut Iustinianus loquitur, caput ac fundamentum totius testamenti est heredis institutio. Non sic est in legatis, quæ siue adimantur, siue transferantur, siue in eis variet testator, non tangitur iugulum & caput testamenti. Et in his cautius est agendum in quibus malus est periculum, *c. ubi periculum,*

de



*de election. in 6.* Et ita quidem Interpp. communiter respondere solent. Sed ego hac responsione reiecta; ita respondendum censeo. Lex Iulianus nihil solutioni obstat. Nam ibi posterior institutio cum commemoratione prioris facta est, ut verba non ad ipsum ius hereditarium, quod prior habet, referantur, sed ad partem, ex qua institutus est. Verum cum dicit testator quod primo legavi, id secundo do, lego, verba ad rem legatam omnimodò referuntur, atque ideo tacitam ademptionem continere dicuntur. Ita Duarenus respondens lib. 1. de iure adcrescendi, quod valdè probo.

## A L I V D.

Oratio soluta in coniunctam resolvitur. Ut cum testator dicit, Primus, Secundus, Tertius heredes sunt, primus, secundus & tertius, re & verbis coniuncti sunt. *L. triplici, de V.S.* Ergo & cum testator dicit. Primo fundum Tusculanum do, lego, secundo fundum Tusculanum do, lego, hæc oratio soluta pro coniuncta haberi debet, & per consequens primus & secundus, non tantum re coniuncti erunt, sed re & verbis simul. R. Per distinctionem. Aut plures personæ in una eademque oratione solutè ponuntur, & pro coniunctis habentur. Aut ponuntur in diuersis orationibus, in orationibus distinctis, separatis, & non habentur pro coniunctis.

## A L I V D.

In l. vnic. C. de caduc. tollend. illi quibus eadem res separatim legatur, hoc modo, primo fundum do, lego, secundo fundum do, lego, disiuncti dicuntur, nunquam coniuncti. Ergo malè nos eos coniunctos hîc vocamus. R. Re tantum coniuncti respectu verborum, minus sunt coniuncti quàm cæteri, & idè cum cæteris comparati, disiuncti appellantur. Sic obligatio naturalis comparata cum obligatione Ciuili quandoque dicitur obligatio non esse, cum tamen obligatio in naturalem & ciuilem diuidatur.

## A L I V D.

Expressio eorum, quæ tacitè insunt, nihil operatur l. 3.  
de le-

*de legat. i.* Vt si testator ita dicat. Si primus mihi heres erit, aut, si primus hereditatem meam adierit, secundo decem do, lego, legatum purum est, non conditionale. Quia conditio illa tacite inest legato, si heres hereditatem adierit, nec aliter debetur legatum quam si adita fuerit hereditas. Est enim regula iuris: Si nemo hereditatem adierit, nihil valet ex his quæ in testamento scripta sunt. *l. si nemo, de testamentar. tutel.* Itaque quamuis conditio illa legato iniiciatur: aut quamuis exprimatur conditio illa: tamen perinde habetur ac si expressa non esset, & legatum purum est, & mortuo legatario, ad heredem eius transmittitur. Sequitur minor. Huic orationi primo & secundo fundum Tusculanum do, lego, tacite viriles siue æquæ partes adscriptæ videntur, *l. legata inutiliter data, §. final. de legat. i.* *Ibi Vlpianum inquit. In legato pluribus relicto, si partes adscriptæ non sunt, æquæ servantur.* Ergo quamuis partes illæ exprimantur, hoc modo, Primo & secundo fundum Tusculanum ex æquis partibus do, lego: tamen expressio illa nihil operari debet, & per consequens primus & secundus haberi debent pro coniunctis quoquo modo, non pro coniunctis verbis tantum. R. Eorum quæ tacite insunt, non vna eademque est ratio. Quædam necessario insunt. Vt legato hoc inest necessario, vt debeat, si heres hereditatem adierit. Ea quæ ita insunt, si exprimantur, operatione carent, nihil operantur, & de his maior loquitur. Quædam insunt voluntariè, hoc est, dependent omninò ex voluntate testatoris, & pro voluntate testatoris possunt mutari. Vt testator potest inter primum & secundum, legatum, puta fundum Tusculanum aequaliter diuidere, potest etiam inæqualiter diuidere. Illa quæ ita insunt voluntariè, si exprimantur, omninò aliquid operantur, expressio neutiquam otiosa est. Et de his loquitur minor propositio. Sunt igitur quatuor in Syllogismo termini. Maior loquitur de ijs, quæ necessario insunt. Minor de his, quæ voluntariè.

## A L I V D.

Qui sine partibus instituuntur non sunt coniuncti: *l. item quod Sabinus. §. i. de heredibus. instituend.* Cum testator ita dicit.

Primus

Primus & secundus heredes sunt, aut primo & secundo fundum Tusculanum do, lego, primus & secundus partes non habent. Ergo videtur dicendum, quod non sint coniuncti. R. Nego consequentiam, & ratio est, quia sunt quatuor termini in Syllogismo. In maiori hæc verba sine partibus, accipiuntur pro vna eademque parte, quæ duobus in solidum legatur. In minore, pro parte diuersa, cum scilicet duobus non in solidum res legatur, sed pro partibus. Et quidem in minore, ita verba accipi, omni dubitatione caret. Quod verò in maiori ita accipiantur, hypothesis siue facti species ostendit, quæ clara est & aperta.

## A L I V D.

Quod in vna persona recipitur & præsumitur, id multò æquius est vt recipiatur & præsumatur in duabus personis. Sed in vna eademque persona, multiplicatio legati præsumitur. Vt si testator legauit Titio 10. in testamento, postea in codicillis similiter 20. Debentur Titio 20. quia multiplicatio legati præsumitur, non repetitio, nisi heres contrarium probauerit. *l. quinquaginta, de probation.* Ergò multò magis idem dici debet in duobus, quibus separatim eadem res, puta fundus Tusculanus legatur, & sic per consequens, non erunt coniuncti quibus ita legatur, primo fundum Tusculanum do, lego, secundo fundum Tusculanum do, lego. R. Nego consequentiam & ratio est, quia plus est in conclusione quàm in præmissis. Præmissa loquuntur in illo casu, cum quantitas legata est. In conclusione agitur de quantitate, & hoc amplius de corpore legato. Quantitate legata sapius, præsumitur multiplicatio legati. *d. l. quinquaginta, de probation.* quia eadem quantitas siue summa, volente testatore multiplicari potest. Corpore verò sapius legato, siue re eadem sapius legata, multiplicatio non præsumitur, quia eadem res sapius præstari non potest. Ita docet Iurisconsultus in *l. planè. §. 1. de legat. 1.* Illud notandum est, quod in *d. l. quinquaginta, de probationibus*, eadem quantitas sapius legatur in diuersis scripturis, & ideo heres probare cogitur, testatorem legatum non multiplicasse. Quod si in vno eodemque testamento, eadem quantitas bis

legaretur, non præsumeretur multiplicatio legati, & ideo tunc onus probandi incumbit legatario. Ita accipiendum est quod Diuus Pius rescripsit in d. l. planè. §. 1. de legat. 1. quod rescriptum prima facie pugnare videtur cum d. l. quinquaginta, de probation.

## A L I V D.

Cum seruo communi duorum dominorum legatum relinquitur, ipsi domini habentur pro coniunctis re & verbis, Vt cum testator dicit, Stichus fundum Tusculanum do, lego, si Stichus est primi & secundi, Primus & secundus sunt re & verbis coniuncti. *l. 1. de usufr. ad crescend.* Hic autem primo & secundo eadem res coniunctim legata non est. Ergo videtur dicendum, quod definitio nostra, re & verbis coniuncti sunt, quibus eadem res coniunctim legatur, sit imperfecta. R. Secundum Interpp. possem hoc modo respondere. Duplex est coniunctio, alia legis est: alia hominis. Nos hic loquimur de coniunctione hominis. Cum verò seruo communi duorum dominorum legatum relinquitur, inter dominos est coniunctio legis, hoc est, domini potestate legis, vi legis, pro coniunctis habentur. Cæterum cum nusquam nostri auctores huius diuisionis mentionem faciant, nec à nostris auctoribus, coniunctio alia legis, alia hominis dicatur, ego quoque ita loqui nolo. Cupio enim quàm minimè discedere à more loquendi veterum Ictorum. Sic itaque respondeo. Nouum & inusitatum non est in omni doctrinarum genere, vt multa in definitionibus intelligantur. Cum dico, Re & verbis coniuncti sunt, quibus eadem res coniunctim legatur &c. tacitè subintelligi volo, eos quoque coniunctos esse, quorum seruo legatum. Et omninò hic nostros auctores secutus sum, qui vt plurimum ita loqui solent, eos esse coniunctos re & verbis, quibus eadem res coniunctim legatur hoc modo, primo & secundo fundum Tusculanum do, lego, *ita vt è multis locis vnum adiucam loquitur Iustinianus in §. si eadem res, Institut. de legat.*

## A L I V D.

Obijcitur, verum non esse quod primus & secundus coniuncti sunt, cum seruo eorum legatur. *l. 1. & Procinio, de legat. 2.* Ibi

ICTus

ICTUS inquit. Et Proculo placebat & à patre sic accipi, quod seruo communi legatur, si alter dominorum repudiet, alteri non adcrefcere. Non enim coniunctim sed partes legatas. Nā si ambo vindicarent eam quemque legati partem habiturum quam in seruo haberet. R. Interpp. nostri vt l. & Proculo cōciliant, cū d. l. i. §. i. de vsufr. adcrefc. dicunt l. & Proculo loqui de proprietate legata l. verò i. de vsufr. legato, sicq; differentiam constituunt inter proprietatem & vsumfructum, vt legata proprietate, domini coniuncti non sint. Vsumfructu verò legato, sint coniuncti. Sed hæc solutio non placet. Nec enim verè dici potest, in l. & Proculo, de proprietate agi. Est diuinitio quædam, quæ admodum fragilis & infirma est. Ego ita respondeo. Magna inter ICTos fuit dissensio, an legato, seruo cōmuni, duorū dominorum relicto, ipsi domini coniuncti essent, ita vt vno repudiante, alter totū haberet. Et Proculus quidem & Celsus volebant, dominos coniunctos nō esse, & portionem deficientem alteri non adcrefcere. Contra Iulianus defendebat, dominos coniunctos esse, & idcirco, altero repudiante alteri portionē repudiatam adcrefcere. Et hæc sententia Iuliani obtinuit. Quod verò dissenserint Proculus & Celsus à Iuliano, ex eo apparet, quod Iulianus respondet rationi, qua Proculus & Celsus utebantur. Dicebant illi, ideò domini coniuncti non sunt, & ius adcrefcēdi inter illos cessat, quoniam si ambo vindicarent legatum, non haberent quas partes, sed vnusquisq; eam partem legati haberet, quam in seruo habet. Nam inquit Celsus, si ambo vindicarent legatum, eam quemq; legati partē habiturum, quam in seruo haberet. Huic rationi Iulianus respondet, & docet, personam serui inspicere debere non dominorum. Et licet, inquit, dominis vsufructus non æquis portionibus, sed pro dominicis acquiratur: tamen persona eius nō dominorum inspecta, ad alterum ex dominis pertinere non proprietati accedere. Certū est igitur quod Iulianus à Proculo & Celso in hac quæstione dissenserit. Et hæc quædā iuris civilis antinomia est certissima. Nequaquam enim fides habenda est Iustiniano aut potius Triboniano, affirmanti in iure nullas esse antinomias. Multæ sunt, & nimis negligenter plerisq; in locis libri nostri confarcinati sunt.

Contraria videmur dicere in 2. & 6. propositione. In secunda asserimus, eos quibus ita legatum est, Titio & Mævio fundum ex æquis partibus do, lego, verbis coniunctos esse. Id negamus in 6. propositione, ibi, quia testator non tam eos coniunxisse quàm celerius dixisse videtur. R. Contraria quidem prima facie videri possunt, sed contraria non sunt. Nam quod dicimus in secunda propositione, coniunctos esse quibus ita legatur, Titio & Mævio fundum ex æquis partibus do, lego, id referimus tantum ad figuram coniunctionis. Sed in 6. propositione respicimus ad vim & effectum coniunctionis. Hæc verba, Titio & Mævio fundum Tusculanum ex æquis partibus do, lego, figuram coniunctionis habent, nam, &, syllaba coniunctionem facit, *l. si ita quis heredes, de hered. instituend.* Cæterum effectum aut vim coniunctionis non habent, quia testator noluit eos coniungere, sed voluit celerius dicere. *d. l. si ita quis heredes.* Ita propositiones nostræ inter se non pugnant. Quod verò dixi, de figura & vi coniunctionis, verba scilicet figuram quidem habere coniunctionis, non effectum, id mirum videri non debet. Sæpè ita nostri auctores loquuntur. Ego vnum locum hîc verbi gratia adducam. *In lege Cornelii op. de heredib. instituend.* Testator ita dixit, Titius & Mævius vter eorum volet, heres esto. Hæc verba, inquit Proculus, in extraneo herede figuram conditionis habent, non vim conditionis. Sed in necessario herede, non solum figuram sed vim quoque conditionis continent.

## A L I V D.

Cum testator dicit, primo & secundo fundum Tusculanum do, lego, statim ubi primi mentionem fecit, intelligitur verbum lego. *l. 1. de heredib. instituend.* quasi plus nuncupatum sit, minus scriptum. Ergo videtur dicendum, quod primus & secundus non sint re & verbis coniuncti, sed re tantum. R. Sunt scopæ dissolutæ. In l. 1. de heredib. instituend. proponuntur exempla imperfectæ orationis. Ut testator dixit, Titius heres, intelligitur verbum, esto, aut ita dixit, Titius esto,

esto, intelligitur verbum heres. Hic verò est perfecta oratio, primo & secundo fundum Tusculanum do, lego &c. Deinde tacitus intellectus non est in consideratione quantum ad ius adcrescendi.

## III. Propositio.

Inter coniunctos re & verbis, quoniam singuli ab initio solidum habent, partes autem concursu fiunt, est ius adcrescendi.

## IV.

Nec refert portio deficiens pro non scripta habeatur, aut repudietur, an in causa caduci sit, vel caduca.

## ARGUMENTVM I.

Obstare primum videtur l. filius emancipatus, ad l. Corneliam de falsis. Finge testamenti scriptor seruo communi Titij & suo, legatum adscripsit. Legatum ex parte scriptoris testamenti, pro non scripto est propter Senatusconsultum Libonianum, quo prohibemur nobis vel his quos in potestate habemus, legatum adscribere. Quæritur an Titio, qui scriptori testamenti re & verbis coniunctus est, totum debeatur. Iurisconsultus respondet, Titio nihil deberi. Ergò inter coniunctos re & verbis non est ius adcrescendi. R. Iurisconsultus in l. filius emancipatus, ad l. Corneliam, de falsis. rationem reddit, cur in illa specie non sit ius adcrescendi. Quia, inquit, serui nomen quasi falsum subducitur, hoc est serui nomen pro non scripto est. Vnde sequitur quod totum legatum necessariò corruat. Proponit Iurisconsultus in d. l. filius emancipatus, & aliam facti speciem, hanc nimirum, testamenti scriptor sibi & Titio legatum adscripsit. Quæritur hoc casu quid iuris sit. Iurisconsultus ad hanc questionem non respondet. Nos ad eam respondere possumus ex sententia Pauli, quod totum legatum Titio debeatur. Si, inquit Paulus, quis sibi & Titio legatum adscripserit, magis est, ut totum legatum ad coniunctum pertineat. *Locus est apud Paulum lib. 3. sentent. tit. 6. de legat.*

Obstat l. si duobus, de legat. i. Finge testator primo & secundo fundum Tusculanum legauit coniunctim. Primus non est in rerum natura, legatum ex parte primi pro non scripto est. *l. penult. de his quæ pro non script. habent.* Quæritur an totum secundo debeatur. Iurisconsultus respondet partem tantum deberi. Si duobus, inquit, res coniunctim legata sit, quamuis alter in rerum natura non fuerit, alteri solam partem deberi puto verum esse. Ergo inter coniunctos re & verbis non est ius adcrefcendi.

## A L I V D.

Obstat l. planè. §. si coniunctim, de legat. i. Finge testator legauit primo & seruo proprio sine libertate coniunctim. Legatum, quantum ad seruum attinet, pro non scripto est. Seruo enim proprio sine libertate legari non potest. *l. si minor 102. de legat. i.* Quæritur an primo totum debeatur. Iurisconsultus respondet partem duntaxat deberi, & seruum partem facere: Non solum, inquit, hi partem faciunt, in quorum persona legatum consistit, verum hi quoque in quorum persona legatum non consistit, vt si Titio & seruo proprio sine libertate legetur. Ergo inter coniunctos, re & verbis non est ius adcrefcendi.

## A L I V D.

Obstat quoque l. huiusmodi. §. si Titio, de legat. i. Finge. Testator legauit primo & secundo Stichum qui primi erat. Legatum quo ad primum, pro non scripto est. Nec enim legatario res sua legari potest. *§. sed si rem legatarij: Inst. de legat.* Quæritur, an secundo totus Stichus debeatur. Iurisconsultus respondet, partem duntaxat deberi. Si Titio, inquit, & Mæuio legatus fuerit Stichus, qui Titij erat, debebitur pars Stichi Mæuio. Nam Titius, quamuis ad legatum non admittatur, partem faciet. Ergo videtur dicendum, quod inter coniunctos re & verbis non sit ius adcrefcendi. R. Interpp. nostri valde intricatè hæc omnia explicant, ita etiam, vt ipsi non videantur sese intelligere. Nos ita explicabimus, vt omnia sint clara



clara & perspicua. Ex fontibus enim respondebimus. Sic ergo dicimus. Differentia est constituenda inter genera legatorum. Aut enim testator duobus coniunctim legavit per vindicationem, aut per damnationem. Si per vindicationem legavit, tunc legatarij sunt re & verbis coniuncti, & inter eos est ius adcrendi. Ita accipienda est l. i. de usufruct. adcrendi omnes etiam aliæ leges, quæ inter legatarios ius adcrendi dicunt esse, debent de vindicationis legato accipi. Quod si testator legavit duobus coniunctim per damnationem, legatarij non sunt coniuncti, quia singuli ab initio solidum non habent, sed partes, & ideo inter eos non est ius adcrendi. Et de damnationis legato accipi debet. d. l. si duobus, in princip. d. l. planè. §. si coniunctim & d. l. huiusmodi. §. si Titio, de legat. i. Hoc in ijs locis suppressum est, quod sublatæ iam essent à Iustiniano legatorum differentiæ, & ex eo etiam apparet, quàm hebetes aut negligentes fuerint si quibus studium fuit Pandectarum capita ex veterum Iuriscōsultorum libris decerpere. Quod autem ita verè ex fundamentis respondendum sit, docet Ulpianus in fragment. tit. de legat. §. si duobus eadem res. Et apertissimè intelligitur ex l. 7. de legat. 2. Ibi testator Titio & ei qui capere non poterat, decem legauerat. Sola quinque inquit Iurisconsultus Titio debentur. Rationem addit, quia, ait, heres duobus dare damnatur, hoc est, ideo quinque debentur Titio, nec pars deficiens illi adcrefcit, quod testator per damnationem legavit. Ergo si non legavit per damnationem sed per vindicationem, tunc aliud erit dicendum. Hodie ex l. vnica, C. de caduc. tollend. eodem iure est damnationis legatum quo vindicationis.

## A L I V D.

Voluntas testatoris est seruanda. l. i. C. de sacrosanct. Ecclesijs, siquidem pro lege habetur. l. verbis legis 12. tabular. de V. S. Hæc est voluntas testatoris vt singuli solidum habeant, quemadmodum nos ipsi adferimus. Ergo hæc voluntas testatoris seruanda est, & legatarij concursu solidum habere debent,

ROM

non partes, vnus scilicet rem, alter æstimationem. R. Voluntas testatoris est seruanda cæteris paribus. Hæc est voluntas testatoris vt singuli solidum habeant, id verum est. Cæterum idem testator, legatum semel tantum ad legatarios peruenire voluit non bis, l. duobus, de legat. 1. l. si mihi purè, de legat. 2. Itaque necesse est vt concursu habeant partes. Quod si ex scriptura testamenti apparuerit, testatorem voluisse, vt vterque eorum solidum acciperet, aut vt legatum bis præstaretur, tunc voluntatem testatoris sequemur, & vni pretium, alij rem ipsam assignabimus, electione rei vel pretij seruanda ei qui prior de legato vel fideicommisso litem contestatus fuerit. l. si pluribus, de legatis 1. Ea lex descripta est ex l. vnic. C. de caduc. tollend. & duo aut tria priora verba Pauli duntaxat sunt, reliqua Tribonianum vel Iustinianum.

## A L I V D.

Mistum quod sequitur naturam simplicium, eam partem simplicium adsumit, cum qua magis communicat l. queritur, de statu homin. l. 2. §. proinde mixta, de eo quod certo loco. Sed coniunctio mista magis communicat cum verbali quàm cum reali. Etenim verbalis, non omnino separat à re. Realis separat coniunctos verbis siue nominibus. Ergo eam partem simplicium adsumit, & per consequens quemadmodum in coniunctione verbali legatarij habent partes, ita coniunctione mista, partes eos habere dicendum est. R. Primum ad maiorem. Maior vera est, si necessitas id expostulet, eaque euidenter appareat. Vt in l. queritur, de stat. hom. hermaphroditus eius sexus existimatur qui in eo præualet. Est enim Hermaphroditus partim vir, partim mulier, & eleganter Hermaphroditum, Aufonius describit his versibus.

*Mercurio genitore satius, genitrice Cythere,  
Nominis ut mixti, sic corporis Hermaphroditum  
Concretum, sexu, sed non perfectum utroque.*

Itaque cum partim cum viro communicet, partim cum muliere, necessario dicendum est, hermaphroditum eius sexus æstimandum qui in eo præualet, idque communis ratio iudicat. Sic

cat. Sic in l. 2. §. proinde mixta, Mixta rerum alternatio, locorum alternationi facit electionem actoris necessariò. Nam in alternatione rerum, electio est promissoris, ita tamen ut alteram rem in solidum præstet. Ut si Titius promissit sub dis-iunctione Stichum aut Pamphilum, ipse potest eligere, utrum velit præstare, ita tamen ut alterutrum semper in solidum præstet. In alternatione locorum, electio non est promissoris, ne sit in potestate eius, an velit esse obligatus, sed electio est petitoris. Ut si Titius promissit dare Ephesi aut Capuæ, si dicemus in eius arbitrio esse ubi ab eo petatur, conveniri nunquam poterit. Semper enim alienum locum eligit. Igitur datur electio petitori necessariò, ne sit in promissoris potestate, an velit esse obligatus. Quod si mixta fuerit rerum alternatio locorum alternationi, electio quoque erit petitoris necessariò. Ut si Titius promissit Stichum aut Pamphilum se daturum Ephesi aut Capuæ, electio non est Titij sed petitoris, quia si Titius posset eligere, ex eius arbitrio omninò dependeret obligatio, semper enim diceret locum illum ad soluendum sibi commodum non esse. Itaque facta mixtione rerum & locorum, necessariò electio est petitoris, nec aliud vltimo modo dici potest, idque Iurisconsultus in illo. §. nominatim scribit. Mixta, inquit, rerum alternatio locorum alternationi, ex necessitate electionem facit petitoris & in rem propter locum. Notanda sunt verba illa, ex necessitate. Sic ergò nunc dico. Mistum assumit partem simplicium, cum qua magis communicat si necessitas id postulet, eaque euidenter appareat, ut ex suprà dictis speciebus constat. Nunc ad minorem, quæ transeat. Sequitur conclusio. Ergo eam partem simplicium assumet, sed id necessitas non postulat. Nec enim in coniunctione mista, ut in superioribus speciebus, aliqua inuenitur necessitas, quæ nos cogat, ut dicamus, legatarios partes, contra expressa verba testatoris, quæ singulis solidum dant, habere. Et hæc prima sit solutio quæ satis euidentis est.

Potest & hoc modo ad minorem responderi. Coniunctio mista magis communicat cum verbali quàm cum reali, ve-

K

rum

rum est, respectu verborum, non etiam respectu rei. Nam ut in coniunctione reali testator partes non adscribit, ita nec partes adscribit in coniunctione mista. Et magis semper ad rem ipsam respicere debemus, quam ad verba, quod ex eo intelligitur, quod in coniunctione reali, verborum completus non accedit & tamen realiter coniuncti, verè coniuncti sunt.

## A L I V D.

Nomine collectiuo coniuncti, ab initio habent partes. Nomine collectiuo coniuncti, sunt coniuncti re & verbis. Ergo re & verbis coniuncti ab initio habent partes. Maior probatur quod natura collectiuorum est, rem in partes scindere. *l. Lucius Titius. §. Lucius Titius, de legat. 2. l. cum pater. §. volo & §. libertis, eodem. l. ita vulneratus, ad l. Aquiliam.*

*Vel ita forma.*

Natura collectiuorum est rem in partes scindere. Plures per copulam vniti habent vim collectiuæ orationis. Ergo ita vniti habent partes. R. Natura collectiuorum est, rem in partes scindere per concursum scilicet, quod intelligitur ex iuribus allegatis. Nam in *l. Lucius Titius. §. Lucius Titius, de legat. 2.* testator legauerat libertis, & Scia alumnae suae, omnes inquit ICTus, ad viriles partes vocantur, per concursum scilicet. In *l. cum pater. §. volo*, testator libertis legauerat prædia, hoc modo, prædia libertis dari volo, & si quis eorum sine liberis decesserit, partes eius ad reliquos pertinere volo. Partes intellige, quas habent per concursum. In *§. libertis*, eiusdem legis, testator prædium libertis legauerat, ac petierat, ne id alienarent, sed ut in familia retinerent. Si excepto vno, inquit ICTus, ceteri partes suas vendiderunt, qui non vendidit, cæterorum partes, quibus non dedit alienandi potestatem, integras petet. Partes intellige, quas habent per concursum.

## A L I V D.

Quæ per copulam ne&untur, in partes scinduntur. *l. reos §. 1. de duob. res.* Ibi in tabulis erat scriptum, primum & secundum.

dum centum aureos stipulatos esse, neque adiectum fuit, eos duos reos stipulandi esse, Ictus inquit, singuli virilem partem stipulati videntur. *Probatum quoque, l. 1. C. si plures una sententia condemnati sint* Iudex primum & secundum, in vnam eandemque certam quantitatem condemnauit, puta in centum. Singuli tenentur pro virilibus partibus, & si primus partem suam soluerit, secundus cessauerit, ob eius cessationem primus conueniri non potest. Minor. Cum testator dicit, primo & secundo fundum do, lego, primus & secundus per copulam necuntur. Ergo partes habent ab initio. R. Maior: quæ per copulam necuntur, in partes scinduntur, non est regula generalis, nec usquam in libris nostris scripta extat. Verum ex vna atque altera hypothesi colligitur, in qua simul ratio, cur partes fiant non obscura est. Vt in l. reos, §. 1. de duobus reis, partes fiunt, quia obscurum & incertum est, an primus & secundus sint duo rei stipulandi, an verò singuli seorsim quinquaginta sint stipulati. Itaque, ut fieri solet in re obscura, incerta & dubia, præsumitur quod benignius est, & singuli seorsim stipulati videtur. Sic in l. 1. C. si plures una sent. & c. primus & secundus in vnam eandemque quantitatem condemnati, pro virilib. partib. condemnati intelliguntur, quia agitur de pœnis, & æquius est ut in obscuro & ambiguo benigniorem interpretationem sequamur. *l. 3. de his que in testam. delentur.* Sic in l. si Titio & mihi, quæ etiam hic adferri solet, no. de Verbor. obligation. partes fiunt; quia alteri stipulari nemo est & c. Ex his itaque intelligitur cur partes fiant in copulatiuis illis orationibus. Caterum inde generaliter dici non debet, quæ per copulam necuntur in partes scinduntur. In quibusdam nexis per copulam partes fiunt. Ergo in omnibus, vitiosa est consequentia.

## A L I V D.

Obstat l. cui fundus, de condition. & demonstration. Finge: Testator duob. eandem rem legauit coniunctim puta fundum Tusculanum sub conditione, si decem heredi darent. Singuli legatarij, inquit Ictus, statim à testamento partes debent. Ergo videtur dicendum quod singuli etiam partes statim ab initio habeant. Respon. Nego consequentiam, quia alia ratio

est antecedentis, alia consequentis. Cum testator legat duobus fundum sub conditione, si decem dederint, statim ab initio legatarij partes debent, quia non est verisimile testatorem voluisse eos onerare in solidum quibus legatum reliquit. Sed singuli legatarij in legato ab initio partes non habent, quia iam non de onere, non de incommodo legatariorum agitur, sed de eorum commodo & lucro. Et ideo nulla causa est, cur recedere debeamus à verbis testatoris, quæ singulis solidum adscribunt.

## A L I V D.

Obstat 1. si quis Attio, de usufructu adcrendum. Ibi testator legavit heredi & Attio. Legatum ex persona heredis non valet, pro non scripto est, quia heredi à semetipso inutiliter legatur. Quæritur an coniunctio adcrendum? Iurisconsultus respondet, non adcrendum. Sed dimidiam partem heredem habere, alteram dimidiam, Attium. Ergo portio, quæ pro non scripta habetur, non adcrendum. R. Zasius in singularibus responsis. c. 19. scribit, quod Interpp. miserè confligent in explicanda 1. si quis Attio, & ipse aliquid certius conatur adferre, sed aquè fœdè errat ac reliqui Interpp. Errat in hypothesi. Ibi enim testator non legavit heredi & Attio, sed heredibus & Attio. Illud legatum etiam ex parte heredum valet. Nam heredes non à seipsis legatum accipiunt, sed vice mutua legatum præstant.

## A L I V D.

Qui sine partibus instituuntur non habent ius adcrendum. 1. item quod Sabinus. §. 1. de heredib. instituend. Coniuncti re & verbis, vel re tantum non habent partes, instituuntur sine partibus. Ergo non habent ius adcrendum. Respons. Sunt quatuor termini in Syllogismo ut supra dictum est, ubi idem argumentum, contra 2. propositionem fuit inductum, sed paulò aliter.

## A L I V D.

Adcrendum dicitur quod quis antea non habuit. Ut cum agro meo flumen aliquid per alluvionem adiecit, id adcrendum dicitur, 1. ergo si insula, de acquir. rer. dom. Itaque alluvioni com-

ni comparatur ius adcrefcendi in l. fi Titio 33. de vfufructu. Sed re & verbis coniuncti, vel re tantum, folidum ab initio habent. Ergo illis nihil poteft adcrefcere. R. Legatarij re & verbis coniuncti, vel re tantum, ab initio quidem folidum habent ex voluntate teftatoris expreffa vel tacita. Verum idem teftator voluit, vt femel tantum res praefteretur, non bis, vt fuprà dictum eft. Nec enim voluit vt vnus haberet rem; alter æftimationem. Fieri autem per rerum naturam non poteft, vt re femel tantum praefita, legatarij folidum nihilominus habeant. Itaque neceffariò per concursum fiunt partes. Is concursus femper fecundum voluntatem teftatoris fieri debebat, & hoc Iurisconfulti confiderant, eaque confideratione, ea contemplatione, eo refpectu, ius adcrefcendi inter re & verbis coniunctos, vel re tantum coniunctos dicunt effe, non ius non decrefcendi, vt quodammodo Imperator in l. vntic. C. de caduc. tollend. loqui videtur.

## A L I V D.

Obftat l. dominus 57. §. final. de vfufr. Ibi teftator libertis per fideicommißum, alimentorum nomine, vfufructum praediorum reliquit. Liberti habentur pro coniunctis vtroq; modo. Nomine enim collectiuo coniuncti, habentur pro coniunctis re & verbis. Finge nunc, vnus ex libertis moritur. Quæritur an eius emolumentum ad reliquos qui ipfi re & verbis coniuncti fuerunt, pertineat. Iurisconfultus refpondet non pertinere. Per fideicommißum inquit, fructu praediorum, ob alimenta libertis relicto, partium emolumentum ex perfona vita decedentium, ad dominum proprietatis recurrit. Ergo inter coniunctos re & verbis non eft ius adcrefcendi. R. Cum teftator in alimenta legat, videtur velle, ne vltra modum alimentorum, finguli legatarij aliquid habeant. Itaque ex voluntate teftatoris, ius adcrefcendi ceffat. Nec verò tantum in legatis ius adcrefcendi à teftatore prohiberi poteft, verum etiam in hereditatibus, quamvis ea de re magna fit inter Interpp. controuerfia. Poße prohiberi ex eo intelligitur, quod teftator fubftituendo vni ex coheredibus, ta-

cité prohibet ius adcrefcendi. Nam fubftitutus coniuncto præfertur. Hoc tamen quod dico, ius adcrefcendi poffe prohiberi, ita accipiendum eft, nifi ob eam caufam teftator pro parte teftatus, & pro parte inteftatus decederet, quod ius noftrum non patitur.

## A L I V D.

Obftat l. mulieri & Titio 74. de condition & demonftrat. Finge, Teftator legauit Titio & mulieri vsumfructum fub hac conditione fi mulier nõ nupferit. Mulier nupfit. Titius quamuis conditione defectus fit, partẽ vsumfructus habet. Qui fi Titius legatũ repudiet, ea res mulieri non prodeft, inquit, Ictus Ergo videtur dicendum quod inter coniunctos re & verbis non fit ius adcrefcendi. R. Tota lex explicanda eft. Mulier confequitur legatum in fpecie propofita tametfi conditioni non paruierit, propterea quod ea conditio quæ auocat mulierem à nuptijs, tanquam publicæ vtilitati contraria, reiicitur & pro non fcripta habetur. Titius etiam partem vsumfructus habet propter mulierem quamuis conditione defectus fit. Cũ enim mulieri beneficio legis non amplius concedatur quàm fi conditioni paruiffet, confequens eft, eam totum vsumfr. minimè habituram eſſe, fed ita diuidendum eſſe vt Titius partẽ obtineat. Sed eam partem habet Titius quàm diu viuit, & in eodem ftatu manet, quoniam morte & ftatus mutatione finitur vsumfructus. Sed fi Titius partem repudiet, non hoc quidẽ cafu mulier totũ vsumfructum habebit iure adcrefcendi. Nã iure, quodam fingulari, vterq; admittitur ad legatum contra voluntatem teftatoris. Et idcirco boni confulere debet vterq; fi ei fua pars falua fit, nec pars alterius, adcreſcat alteri.

## A L I V D.

Obftat l. 3. §. fed etfi coniunctim, de legat. præftand. contra tab. bonor. Finge teftator filio præterito, coniunctim legauit parenti fuo & extraneo. Teftamentum poſtea reſciſſum eſt, petita bonorum poſſeſſione contra tabular. Hoc cafu edicto prætoris præſtanda ſunt legata coniunctis perſonis relictæ, vtputa liberis & parentibus. Alijs autẽ legata relictæ non præſtantur. Quaritur ergo, an in propoſito exemplo, pars extranei



tranei collegatarij parenti adcreseat. Ictus Vlpianus respondet, parenti suam tantū portionem conseruari. Ergo inter cōiunctos re & verbis non est ius adcrescendi. R. Cum testamentum rescinditur tanquam inofficiosum, omnia simul rescinduntur, quæ in testamento scripta sunt. Sed edicto prætoris ex gratia quadam & singulari humanitate, parentibus & liberis legatum conseruatur, & idcirco mirum non est quod ius adcrescendi cessat. Parens quamuis testatoris voluntate vtatur, tamen ea voluntas nulla est, testamento rescisso, & pars quæ ei datur, ex humanitate datur, cum aliās non deberetur.

## A L I V D.

Non entis nullæ sunt qualitates *Isidomus de legat.* Legatum quod pro non scripto habetur, non est. Ergo eius nullæ possunt esse qualitates & per consequens nō erit in eo ius adcrescendi. R. ad minorē. Legatum quod pro non scripto habetur non est, respectu scilicet legatarij cui relictū est. Vt si legatum relictum est primo, qui in rerum natura non est, legatum deficit propter personam primi, non est, non extitit vnquam in persona primi, sicq; nullum est legatum. Verum respectu substantiæ, hoc est, respectu ipsius rei quæ legatur, legatum est & existit. Vt cum testator legat fundum Tusculanum primo, qui non est in rerum natura, certum est, legatum esse, fundum existere. Et ideo legatum hoc, instar aliorum legatorum qualitates recipit. Ita puto respondendum esse nec aliter quomodo, responderi possit video.

## A L I V D.

Finge testator legauit Titio & filijs, Titius & filij testatoris, sunt coniuncti re & verbis. Nunc vnus ex filijs deficit. Quæritur an portio eius, Titio coniunctio re & verbis, vnā cum filijs adcreseat? Placet, & ab omnibus Interpp. receptum est, portionem deficientem filijs tantum adcreſcere, non etiam Titio coniunctio. Ergo inter coniunctos re & verbis non est ius adcrescendi. Respon. Portio deficiens hoc casu ad solos filios pertinet, propterea quod cū testator ita dicit Titio & filijs lego, legatum non diuiditur pro numero personarum, sed in duas partes. Vnam Titius habet, alteram reliqui liberi

omnes

omnes in vnum coacti. *l. si quis Astitio, de usufructu adcrescend. l. interdum hac adiectio, de hered. b. instituend.* Tantum solus Titius consequitur ex legato, quantum reliqui liberi omnes: Itaq; cum vnus ex filijs deficit, merito eius portio reliquis tantum adcrescit, excluso Titio. Secus est cum testator dicit, primo & secundo fundum Tusculanum do lego. Hic legatarij viriles siue æquas partes habent, vnus non consequitur maiorem partem fundi quàm alter. *l. legata inutiliter data. §. final. de legat. 1.* & ob id vno deficiente pars eius alteri adcrescit.

## A L I V D.

Obijcitur *l. Lucius Titius. §. Lucius Titius, de legat. 2.* Ibi testator legauit libertis & Scia alumnae suæ. Omnes inquit Iurisconsultus ad viriles partes vocantur. Ergo verum non videtur quod diximus, legato Titio & filijs relicto duos fieri semisses. R. Non obstat *l. Lucius Titius. §. Lucius Titius*, quoniam ibi perspicua est defuncti voluntas omnes ad viriles partes vocantis, quod non tam huius vel illius quàm familiae rationem habuerit, vt subiectum legato præceptum demonstrat, hoc scilicet, ne ex familia nomine alienetur. Sic in *l. ultim. C. de impuber. & alijs substitution.* cum testator ita substituit, Quisquis mihi heres erit, & Titius, filio meo impuberi, heredes sunt, non sunt duo semisses, sed hereditas pupilli diuidetur pro numero personarum abrogata *l. 9. si pater filio, de vulgari & pupillar. substit.* in qua non dicendum est, vt malè Duarenus & alij tradunt, ita substitutionem factam esse, heredes mei & Titius, cum omnia sint de priori illa substitutionis formula.

## A L I V D.

Annulato onere, annullatur legatum, siue extincto onere, extinguitur legatum *l. penult. §. matri, de adimend. vel transferend. legat.* In legato quod pro non scripto habetur, annullatur onus, extinguitur onus, vt nos in *9. propositione* fatemur. Ergo legatum ipsum annullatur, extinguitur, & per consequens non adcrescet coniuncto. R. In *l. penult. §. matri*, onus non fuit separatum, diuersum aut distinctum à legato, quod facti species

cies indicat. Nos autem cum dicimus legatum quod pro non scripto habetur, adcrefcere sine onere, loquimur de eo legato quod per se subsistit, & onus annexum habet, vt cum testator ita dicit: Primo & secundo fundum Tusculanum do, lego, & voio vt primus decem det heredi. Si primus non est in rerum natura, portio eius secundo adcrefcet, sed sine onere.

## A L I V D.

Regula iuris est; qui non admittitur ad partem, partem facit. *l. plane. §. si coniunctim. l. huiusmodi. §. si Titio, de legat. 1.* cum similibus. Ergo videtur dicendum, quod portio quæ pro non scripta habetur, coniunctio non adcrefcet. R. Interpp. nostri vt explicent quando duæ illæ regulæ: Qui non admittitur ad partem, partem facit. Item. Qui non admittitur ad partem, partem non facit, locum habeant, ita distinguunt. Aut loquimur de coniunctione reali, aut de coniunctione mista. Priori casu, inquirunt semper negatiua regula procedit. Posteriori verò casu, septem distincti articuli considerandi sunt.

1. Aut enim Titio & mihi res mea legatur & tunc affirmatiuæ regulæ locus, *l. huiusmodi. §. si Titio, de legat. 1.*

2. Aut legatur Titio & ei qui tempore testamenti non est in rerum natura, & tunc regula negatiua locum habet, *l. vnus. C. de Caducis tollend.*

3. Aut legatur Titio & ei qui captus est ab hostibus, & rursus affirmatiua regula procedit.

4. Aut legatur Titio & ei qui viuo testatore moritur, aut incapax est, & hoc quoque casu, affirmatiua regula procedit *l. si duobus in princip. de legat. 1. l. 7. de legat. 2.* Sed hic inquirunt excipe, cum legatur Titio & postumo qui in utero est *l. si duobus. §. final. de legat. 1.*

5. Aut testator legat seruo suo & Titio & regula affirmatiua quoque locum habet *l. plane. §. si coniunctim de legat. 1.*

6. Aut testator legat heredi instituto & Titio, & negatiua locum habet. *d. l. plane. §. si duobus, de legat. 1.*

7. Aut denique testator legat seruo duorum dominorum, & tunc vno ex dominis repudiante, alter totum accipit, sicuti cum

L

ti cum

ti cum legatur duobus seruis vnius eiusdemque domini. *l. si duobus, de legat. 1.*

Ita Interpp. nostri docent. Sed profectò ea doctrina, valde intricata, perplexa & difficilis. Quare reliquis Interpp. nos ad fontes confugientius, & omnia plana erunt ac perspicua. Sic igitur dicemus. Quod ad duas illas regulas attinet, quarum altera affirmatiua est, altera negatiua, ita dicendum est. Regula affirmatiua locum habet cum testator legauit per damnationem hoc modo, heres meus damnas esto dare primo & secundo Stichum seruum, hoc casu quamuis Stichus primi sit, & legatum ex parte primi pro non scripto sit: tamen totum secundo non debetur, quia testator per damnationem legauit. Ita omnia iura, omnes leges accipiendae sunt, quae dicunt, eum qui non admittitur ad partem, partem facere. Negatiua verò regula locum habet in legato vindicationis. Et hæc distinctio non mea est, sed ipsorum ICtorum, quod Ulpianus testatur in fragm. tit. de legat. Intelligitur quoq; ex *l. 7. de legat. 2.* Finge testator primo & secundo qui capere non potest, decem legauit. Secundus quamuis partem, non capiat, facit tamen partem, & sola quinq; primo debentur. Paulus rationem adijcit, quia inquit heres duobus dare damnatur, hoc est, idè secundus qui ad partem non admittitur, partem facit, quia testator per damnationem legauerat. Ibi igitur Paulus expressè significat, aliud esse dicendum si testator per vindicationem legasset. Hodie inter vindicationis legatum & damnationis nullum est discrimen. *l. vnic. C. de caduc. tollend. sec.* temporibus ICtorum distinctio illa necessariò adhibenda erat.

#### A L I V D.

In diuisione non est solidum. In coniunctione reali est diuiso, quia testator separatim legat duob. Ergò in coniunctione reali, non est solidum. R. In coniunctione reali est diuiso personarum, legatariorum scilicet, non est diuiso rei.

#### A L I V D.

Qui ab initio solidum habent, partes per concursum, illis portio

portio deficiens sine onere adcrefcit. *l. fi feperatim, de condition. & demonftration.* Sed coniunctis re & verbis portio deficiens cum onere adcrefcit. Ergo re & verbis coniuncti, non habent ab initio solidum. R. Ad maiorem. Maior vera eft tantum, fi difiunctim legatum fuerit.

## A L I V D.

Obftat *l. fi duobus 37. de militari testam.* Ibi miles Titius duos heredes inftituit primum & fecundum. Secundus omifit hereditatem, portio eius primo non adcrefcit, fed patrono competit ab inteflato bonorum poffeffio, nifi hæc voluntas defuncti probata fuerit, vt omittente fecundo, ad alterum vellet totam hereditatem redire inquit Iurifconfultus. Ergo inter coniunctos re & verbis non eft ius adcrefcendi. R. Lex fi duobus, loquitur de testatore milite. Miles fi duos inftituat heredes & vnus poftca deficiat, portio eius non adcrefcit alteri. Sæcus eft in pagano. Ratio diuerfitatis eft, quia voluntas militis liberrima effe debet, & quamvis pugnet cum regulis Iuris, feruanda tamen eft. *l. ius noftm, de R. l.* Itaque ne quid fiat contra eius voluntatem, placet ius adcrefcendi in eius teftamento ceflare.

## A L I V D.

In contractibus non eft ius adcrefcendi *l. fi mihi & Titio 110. de Verbor. obligat.* Ergo nec in vltimis voluntatibus, quia recte argumentamur à contractibus ad vltimas voluntates & contra. R. Interdum recte argumentamur à contractibus ad vltimas voluntates & contra, fed non femper, quod ita demonftro Sumè Exemplum ftipulationis in annos fingulos, & legati in annos fingulos. Stipulatio in annos fingulos pura eft, & ideo confectim ex ea agi poteft initio cuiusque anni. *l. cum quibus §. qui ita, de Verborum obligationibus* Legatum initio quoque cuiusque anni recte petitur, fed quod ad transmissionem attinet, primi anni purum eft *l. 4. de annis legat.* Cæterorum conditionale vi ipfa. Deinde ftipulatio in annos fingulos vna eft. Legatum in annos fingulos multiplex, & ideo in ftipulatione femel, in legato quotannis ius

capiendi inspicitur. *l. 4. l. cum in annos, de annuis legat. l. si Stichum aut Pamphilum, de Verborum obligation.* Denique stipulatio est perpetua, *l. si Stichum aut Pamphilum.* Legatum finitur morte. *d. l. 4 & d. l. cum in annos singulos.* Ex hoc vno exemplo apparet perpetuò non rectè nos argumentari à contractibus ad ultimas voluntates & contra.

## A L I V D.

Ex post facto non habet locum ius adcrendi. *l. 1. §. inter dum, de usufruct. adcrend. & ibi Dd.* Pars quæ repudiatur ex postfacto deficit. Ergò pars illa non adcrendit. R. Ambiguitas est in verbis ex postfacto. In maiore, verba ex postfacto significant post acquisitionem hereditatis aut legati. *d. l. 1.* In minore verò ex postfacto, hoc est, factò heredis aut legatarii ante acquisitionem scilicet. Sunt tamen certi casus in quibus etiam post acquisitionem iuri adcrendi locus est qui enumerantur à Duarenò in 1. de iure adcrendi c. ult.

## A L I V D.

Rectè argumentamur ab oneratis ad honoratos & contra. *l. quidam referunt, de iure Codicillor.* Sed in oneratis ita est ius quod singuli in solidum tenentur. Vt si testator dixit, primus heres meus dato, & postea secundus heres meus dato Sempronio, singuli in solidum tenentur. *l. si pluribus 44. §. final. de legat. 2.* Ergò in honoratis idem dici debet, & per consequens cum testator ita legat. Primo fundum Tusculanum do, lego, secundo fundum Tusculanum, do, lego, singulis etiam per concursum solidum debetur. R. Concedo, rectè argumentum duci ab oneratis ad honoratos & contra. Verum necesse est, vt in eo genere argumentationis eadem hypothesis perpetuò retineatur, quod cum in proposito non fiat, bona non est argumentatio. In minore agitur de quantitate legata. In conclusione de corpore legato, & magna est differentia inter quantitatem legatam & corpus legatum. *l. planè, §. 1. cum seqq. de legat. 1.*

## A L I V D.

Testator ita dixit. Primus & Secundus heredes sunt. Primus

mus & Secundus sunt re & verbis coniuncti. Primo pars sua tanquam indigno aufertur, & fisco applicatur. Postea secundus partem suam repudiat. Pars illa secundi, primo non adcrefcit sed fisco. *l. si totam, de acquir. vel omittend. hereditat.* Ergo inter coniunctos re & verbis non est ius adcrefcendi. R. Inter coniunctos re & verbis est ius adcrefcendi, si coniuncti rem ipsam hereditariam detineant. Secus est si portio ipso iure abcefferit. Tunc inter heredes non est ius adcrefcendi, sed portio deficiens portioni adcrefcit non personæ *d. l. si totam, de acquir. vel omittend. hered.*

## A L I V D.

Rurfus obiicitur, si heres partem hereditatis vendat, ius adcrefcendi non transit in emptorem licet Bartolus aliter sentiat in *l. re coniuncti, de legat. 3. per d. l. si totam.* Hic autem heres rem non habet. Ergo solutio nostra, bona non videtur. R. Dictum est in solutione si ipso iure res abcefferit. Hic autem ipso iure heres rem non amittit, imò ipse heres nihilominus permanet, & ideo habet ius adcrefcendi.

## A L I V D.

Pars repudiata perinde habetur ac si nunquam fuisset legata. *l. legatarius, de legat. 1. l. si tibi homo, §. cum ferum, Eod.* Sed si pars repudiata nunquam fuisset legata, tunc apud heredem remansisset. Ergo & repudiata debet apud heredem remanere non adcrefcere alteri. R. Maior loquitur cum vni res legata est. Is si legatum repudiet, perinde habetur ac si legatum non fuisset. Secus est cum duo sunt legatarii.

## A L I V D.

Obstat *l. si quis heres institutus 35. de acquir. vel omittend. heredit.* Finge testator primum & secundum heredes instituit. Postea primum substituit secundo. Secundus partem suam repudiavit. Pars repudiata ad primum pertinet iure substitutionis non iure adcrefcendi. Ergo inter coniunctos non est ius adcrefcendi. R. Inter coniunctos est ius adcrefcendi, nisi forte vnus alteri substitutus fuerit, quo casu portio deficiens ad alterum pertinet iure substitutionis non

iure adcrefcendi. Ratio eft quia ius fubftitutionis fortius eft iure adcrefcendi cum defcendat ex voluntate teftatoris expreffa, ius verò adcrefcendi ex tacita.

## A L I V D.

Obftare videtur l. 6. de bonor. poffeff. Primum illud fcindum eft, quod fi libertus moriatur factio teftamento, fcripto herede extraneo & patrono praterito, datur patrono poffeffio bonor. contra tabul. partis dimidia ex iure pratorio, ex conftitutione Iuftiniani partis tertiæ. Verum ita datur hæc bonorum poffeffio fi heres fcriptus adierit vel agnouerit bonorum poffeffionem fecundum tabul. *l. illud, de bonis libertor.* Quod fi repudiauit heres fcriptus, tunc patrono omnium bonorum poffeffio vnde legitimi competit. *l. filibetue, de bonis libertor.* Interdum tamen patrono datur bonorum poffeffio etiam antequam fcriptus adierit, fed ea eft fine re, fine effectû, eft inanis. Finge nunc, Patronus petijt bonorum poffeffionem contra tabul. herede fcripto adhuc deliberante, itaque præmaturè & intempeftiue. Deinde fcriptus repudiauit hereditatem. Quæritur an pars fcripti adcrefcatur patrono praterito? Lex ait non adcrefcere quoniam non vocantur eodem iure. Nam fcriptus vocatur ex teftamento, Patronus beneficio pratoris. Itaq; neceffe eft vt patronus relicta priori poffeffione tanquam inani, agnofcat totorum bonorum poffeffionem, vnde legitimi. Ergò ibi non eft ius adcrefcendi. R. Id nobifcum non pugnat. Nam nos loquimur de coniunctis, ibi nulla eft, coniunctio, ergo nec ius adcrefcendi, quod ex coniunctione nascitur.

## V. Propositio.

Idem, de coniunctis re tantum, ius eft.

## A R G V M E N T V M. I.

Obftat l. quid ergò. §. fi quis duos, de legat. 1. Finge teftator mihi & filio meo aut mihi & feruo meo eandem rem difiunctim legauit. Sine dubio, inquit Iurifconfultus, legatum vtriuſq; valet. Ergò non videtur verum quod dicimus legatarios partes habere per concurſum. R. Certum eft. §. illum loqui



loqui de legato damnationis. Cum eadem res duobus separatim per damnationem legatur, singuli legatarij ab initio solidum habent, solidum quoq; habent per concursum. Nam vni debetur res, alteri æstimatio, nec inter eos est ius adcrefcendi. Secus est cum duobus eadem res separatim legatur per vindicationem. Et omninò necesse est, eandem distinctionem hîc adhibere quam suprà adhibuimus, cum de coniunctione mista diximus.

## A L I V D.

Obstat l. penult. de usufruct. adcrefcend. ibi testator à singulis heredibus eiusdem rei vsumfructum separatim primo & secundo legauerat. Ictus inquit inter fructuarios primum & secundum, non est ius adcrefcendi. R, Textus ille etiam loquitur de legato damnationis, quia ab heredibus legari non potest nisi per damnationem. Id nunc non placet. Nam in l. i. in princip. testator non eiusdem partis vsumfructum legauerat, sed diuersarum partium. Itaq; legatarij non sunt coniuncti. Nam coniuncti sunt qui in eandem rem vocantur eodem testamento.

## V I. Propositio,

Inter coniunctos verò verbis tantum, quia semper partes habent, & testator non tam eos coniunxisse quam celerius dixisse videtur, ius adcrefcendi cessat.

## A R G V M E N T V M. I.

Obstat l. si duobus. §. final. de legat. i. Finge. Testator legauit primo & postumo fundum Tusculanum ex æquis partibus, hoc modo, primo & postumo fundum Tusculanum ex æquis partibus do, lego, primus & postumus sunt verbis coniuncti. Postumus non est natus. Quaritur an primo totus fundus debeat? Iurisconsultus ita respondet. Si testator Titio & postumo viriles partes dari voluisset vel etiam id expressisset, totum legatum Titio debetur, non nato postumo. Ergo inter coniunctos verbis tantum est ius adcrefcendi.

## A L I V D.

## A L I V D.

Obstat l. re coniuncti. §. final. de legat. 3. Ibi Iurisconsultus dicit, quod verbis tantum coniunctus præferatur omnibus alijs. Si inquit, verbis coniunctus sit, re autem non, quæstionis est, an coniunctus potior sit? Et magis est, ut & ipse præferatur. Ergo inter coniunctos verbis, est ius adcrefcendi.

## A L I V D.

Obstat l. 7. de rebus dubijs. Finge, testator primo & postmo fundum legauit ex æquis partibus. Postumus inquit Iurisconsultus, ita demum partem facit si natus est. Si natus non est partem non facit, sed totus fundus ad primum pertinet, quasi illi ab initio totus fundus fuerit relictus. Ergo inter coniunctos verbis est ius adcrefcendi. R. Hæ tres difficultates ita tollendæ sunt. Inter verbis coniunctos non est ius adcrefcendi, quia legatarij semper partes habent, ut loquitur Iurisconsultus in l. re coniuncti, de legat. 3. Semper, hoc est, ab initio & per concursum. Ut autem iuri adcrefcendi locus sit, necesse est legatarios ab initio solidum habere, partes verò per concursum. l. 3. de usufruct. adcrefcend. Præterea testator non tam legatarios, quos verbis coniungit, coniungere videtur, quam celerius dicere, ut Iurisconsultus scribit in l. si ita quis heredes, de heredibus instituend. hoc est, testator non videtur legatarios coniungere velle, sed videtur tantum voluisse quærere compendium quoddam orationis. Et hoc semper præsumimus. Quod si constet testatorem non compendij gratia, non celeritatis, legatarios coniunxisse, sed data opera, tunc non videbuntur partes ab initio habere, & ideo inter eos erit ius adcrefcendi. Ac testator partes tantum videtur adscripsisse demonstrandi causa, ut intelligeretur quæ partes per concursum fieri debeant *argumento l. cum pater, §. pater qui filio, de legat. 2.* Et ita data opera testatorem legatarios coniunxisse ponendum est, in d. l. si duobus, §. final. d. l. re coniuncti & d. l. 7. de rebus dubijs.

## A L I V D.

Obstat l. si ita quis heredes, de heredibus instituend. Ibi Iuris-

Iurisconsultus docet, verbis coniunctum non quidem reliquis præferri, sed tamen ei portionem deficientem adcrefcere. Quamvis inquit, ET, syllaba coniunctionem faciat, tamen si quis ex his decesserit, non alteri soli portio eius adcrefcit, sed omnibus coheredibus pro portionibus hereditarijs. Ergo videtur dicendum quod inter coniunctos verbis tantum sit ius adcrefcendi.

## A L I V D.

Obstat 1. Mævio, de legat. 2. Testator ita dixit, Mævio fundi dimidiam, Seio fundi dimidiam do, lego. Hoc casu Mævius & Seius sunt coniuncti verbis, idemque est, ac si testator ita dixisset, Mævio & Seio fundum ex æquis partibus do, lego. Finge nunc Seius decessit. Pars eius inquit Iurisconsultus, utrique adcrefcit. Ergo inter coniunctos verbis est ius adcrefcendi. R. Utrobique, hoc est, & in l. si ita quis heredes, de heredib. instituend. & in l. Mævio, de legat. 2. nulla est coniunctio. In l. Mævio, id nominatim Iurisconsultus scribit, quia ait separatim partes fundi datas esse. In l. si ita quis heredes, fatetur quidem coniunctionem factam esse, sed tamen sine effectu. Licet inquit, ET, syllaba, coniunctionem faciat, tamen testator non tam eos coniunxisse, quam celerius dixisse videtur. Quod si nulla est utrobique coniunctio, consequenter sequitur, ius quoque adcrefcendi non esse, de quo nos hic loquimur. Nam nos hic adcrefcendius, ad coniunctionem referimus. Vnde & tria coniunctorum genera, in prima statim propositione proposuimus. Ideo autem in l. si quis ita heredes, de hered. instituend. portio deficiens coheredibus omnibus adcrefcit, ne testator intestatus pro parte decedat, & pro parte testatus, quod ius nostrum non patitur. *l. ius nostrum, de R. l.* In l. Mævio idcirco adcrefcit, quod testator voluit totum fundum legatarios habere. Noluisset pars aliqua fundi ad heredem perveniret, & idcirco totum fundum Titio legavit, quia verò non soli Titio legavit sed Mævio quoque, idcirco portio deficiens utrique adcrefcit.

M

A L I V D.

Qui sentit incommodum, debet quoq; sentire commodum, *l. secundum naturam, de R. l.* Sed ita est quod verbis coniuncti, habentur pro vna eademq; persona, & sic propter coniunctionem onus siue incommodum sentiunt. Ergo debent quoq; sentire commodum, & per consequens vno partem suam repudiante, pars illa alteri adcrefcit, sicq; ius adcrefcendi inter eos erit. R. ad maiorem. Maior loquitur de eo onere, de eo incommodo, quod nullum commodum, nullam vtilitatem adiunctam habet: breuiter, loquitur de mero onere, de mero incommodo. Minor, verbaliter coniuncti sentiunt incommodum, quia pro vna persona habentur. Verum hoc incommodum, merum incommodum, aut merum onus non est, quia legatarij nihilominus lucrum aliquod percipiunt.

Coniunctio inutilis parit ius adcrefcendi. *l. plane. §. si duobus, de legat. 1.* Verbis coniuncti inutiliter coniuncti sunt. Ergo habent nihilominus ius adcrefcendi. R. Maior est vera cum coniunctio inutilis est ratione legatariorum, vt quia legatum in persona vnus non subsistit. Secus si sit inutilis propter voluntatem defuncti, qui coniunxit legatarios non vt verè coniuncti essent, sed vt tantum celerius diceret.

## VII. Propositio.

Quod si commixti fuerint coniuncti & disiuncti, & pars coniuncti deficiat, soli coniuncto, adcrefcit. Et enim coniuncti vnus personæ potestate funguntur. Secus est in disiuncto quem constat ceteris non esse portio- rem. Vt si testator dixit. Primo & secundo fundum Tusculanum do, lego, tertio eundem do, lego fundum, quarto eundem fundum do, lego, & pars secundi deficiat, soli primo adcrefcit. Sin autem portio quarti deficiat, soli tertio non adcrefcit, sed simul omnibus.

## A R G V M E N T V M. I.

Obijcitur l. 2. §. si duo sint heredes instituti, de bonor. possession. secundum tabul. Ibi testator duos heredes instituit, primum & secundum, secundo substituit tertium. Omittente secundo, tertius succedit inquit Iurisconsultus. Et si tertius noluerit hereditatem adire vel bonorum possessionem accipere, tunc primo ipso iure adcrefcet. Heredi enim scripto sicuti portio hereditatis, ita & bonorum possessio adcrefcit. Ergo verum non videtur, quod dicimus portionem coniuncti deficientem, coniuncto soli adcrefcere. Aut verum non videtur, quod dicimus in 3. propositione inter coniunctos re & verbis esse ius adcrefcendi. R. Coniunctio ius prælationis inducit inter ipsos coheredes tantum. Caterum si unus ex coheredibus substitutum habuerit, substitutus quin coniuncto præferatur, nulla dubitatio est. Causa illa est quod voluntate testatoris expressa utitur substitutus. Coniunctus tacita quæ minus potest. Alia namq; est ratio expressorum, alia tacitorum, ut Ictus alibi loquitur.

## A L I V D.

Rursus obijcitur l. quidam testamento 30. de vulgar. & pupillar. substitut. Finge, testator primum ex quarta parte, Secundum ex quarta & dimidia heredem instituit. Deinde primo substituit Titium, secundo Mæuium. Et si Titius & Mæuius heredes non essent, secundo substituit Coloniam Leptitanorum, primo complures heredes. Postea secundus hereditatem adiit, primo eiusq; substitutis, viuo testatore mortuis Quæritur an quadrans primo datus, ad secundum, an ad substitutos tertio gradu pertineat? Ictus respondet, quadrantem hereditatis ad secundum pertinere. Ergo verum non videtur quod diximus substitutum coniuncto præferri R. Semper cū quæritur an quis substitutus sit ut coheredi præferatur, expēdenda est testatoris voluntas, & diligenter videndum est, an extiterit conditio substitutionis. l. 4. C. de Impub & alijs substitution. In d. autem l. quidam testamento testator tertio gradu

substituit sub hac conditione si tota hereditas vacaret, quod nominatim ibi Iuriconsultus scribit. Ea conditio non extitit. Ergo coheres substituto præfertur. Alias autem substitutus coheredi præfertur, idque dubitationem nullam recipit.

## A L I V D.

Obstare videtur l. item quod Sabinus. §. 1. de heredib. instituend. Finge, testator ita dixit, primus & secundus ex ii. vncijs heredes sunt, tertius & quartus heredes sunt, Quartus deficit. Portio eius soli tertio non adcrefcit, sed omnibus simul. Ergo verum non videtur quod dicimus, portionem coniuncti deficientem soli coniuncto adcrefcere. Respon. Nihil obstat. Nos enim hic loquimur in illo casu, cum coniuncti & disiuncti permiscetur. At in l. item quod Sabinus, omnes heredes coniuncti sunt. Primus enim & Secundus, sunt re & verbis coniuncti. Nec enim instituuntur ex partibus singuli, sed singuli instituuntur ex vna parte quæ ipsis in solidum datur. Et cum testator aliquos ex heredibus ita instituit aliquos verò sine partibus, vt in proposita specie, tunc illi qui sine partibus instituuntur, non habentur iure nostro civili pro coniunctis, & ideò ipsis non solum adcrefcit, sed omnibus coheredibus simul. Licet enim iuris potestate, in residuam assis partem compellantur: tamen verbis testatoris in certam partem vocati, non sunt vt cæteri. Secus est cum coniuncti & disiuncti permiscetur. Vt cum testator dicit. Primus heres esto, Secundus heres esto. Tertius & quartus heredes sunt. Hoc casu si quartus deficiat soli tertio pars eius adcrefcit. l. heredes, de heredibus instituend.

## VIII. Propositio.

Adcrefcit autem coheredi quidem cum onere quocunque modo deficiat, idque siue coniunctim siue disiunctim fuerint heredes scripti. Collegatario verò disiunctim sine onere, coniunctim cum onere.

A R G V.

## A R G V M E N T V M I.

Obstat l. 1. §. final. de legat. 3. Ibi Titius intestatus decedens, ab eo qui primo gradu ei potuit succedere, fideicommissum reliquit. Ille hereditatem repudiavit, ad secundum gradum successio devoluitur. Nec ille inquit Ulpianus, qui secundo gradu est, fideicommissum debet. Ergo portio repudiata sine onere adcrefcit. R. §. ille nihil aduersatur. Nam nos loquimur de coheredibus. In illo §. agitur de secundo gradu heredum. Coheredi portio adcrefcit cum onere, quia testator videtur voluisse omnino ut coheres illud onus sentiret, nec defugere onus illud iure potest, cum à testatore sit heres scriptus. Secus est in eo qui alicui secundo gradu succedit. Is nihil ex iudicio & voluntate testatoris consecutus est. Ergo nec onus quod ei qui primo gradu succedit, impositum est, agnoscit.

## A L I V D.

Qui sentit commodum debet sentire onus, *tot. tit. de legatim. patron. tutel.* Sed collegatarius disiunctus sentit commodum, quia portio deficiens ei adcrefcit. Ergo videtur dicendum quod debeat quoque sentire onus, & sic adcrefcet illi cum onere. R. ad maiorem. Maior vera est nisi aliud testatorem vel legem voluisse cōstet. Sed testator voluit, ut collegatarius disiunctus totum haberet sine onere. Itaque portio deficiens illi sine onere adcrefcit. Voluisse id testatorem nominatim scribit Imperator in l. vnica, C. de caduc. tollend.

## A L I V D.

Obstat l. pater meus, §. vltim. & penult. de legat. 2. In §. penult. inquit Iuriconsultus, quod alicuius heredis fidei nominatim committitur, potest videri ita demum dari voluisse, si ille heres extitisset. Et deinde in §. final. ait. Si filio heredi pars eius à quo nominatim legatum est, adcrefcit, non prastabit legatum quod iure antiquo capit. Ecce ibi textus expressi sunt, quod portio deficiens coheredi adcrefcit sine onere. R. Quod coheredi portio deficiens adcrefcit cum onere, id est, ex constitutione Diuorum, Antonini & Seueri.

M 2

I. licet

*l. licet Imperator, de legat. 1. l. si Titio & Mauro, de legat. 2.* Celsus verò ante eos fuit, nempe tempore Hadriani Imperatoris, quo & Iulianus fuit, Ideoque vterque scribit portionem deficientem coheredi adcrefcere sine onere. Sed quod Vlpianus ad Iulianum adiiecit in d. l. si Titio & Mauro, idem ad Celsum est adijciendum, & ita omnia sunt plana.

### Nota hæc.

Quod dicimus portionem deficientem adcrefcere cum onere, id intelligendum est cum diftinctione quam Iustinianus ponit in l. vnic. C. de caduc. tollend. Nam si in dando onus confistit, omnimodò impleri debet ab eo cui pars deficiens adcrefcit. Si in faciendo, & per alium impleri potest, tunc debet omninò à coheredi impleri. Si verò per alium impleri non potest, coheredem onus non fequetur, fed portio deficiens coheredi sine onere adcrefcet.

#### A L I V D.

Voluntatem testatoris fic interpretari debemus vt valeat potius quàm vt pereat. Sed cum collegatario difunctio portio deficiens sine onere adcrefcit, perit voluntas defuncti. Tunc autem conseruatur cum adcrefcit cum onere. Ergo videtur dicendum quod debeat adcrefcere cum onere. Respon. Nego minorem quia defunctus voluit vt is tantum à quo onus nominatim reliquit, onus sentiret, non etiam vt coniunctus sentiret, & ideo eos difunxit, vt Imperator scribit in l. vnic. circa finem. C. de caduc. tollend.

#### A L I V D.

Subrogatum fequitur naturam eius in cuius locum fubrogatur. Sed collegatarius difunctus fubrogatur collegatario difuncto. Ergo videtur dicendum quod eius naturam fequatur, & per confequens quod portio deficiens illi adcrefcet cum onere. Respon. Maior est vera, nifi fit diuerfa ratio fubrogati, & eius in cuius locum fubrogatur: aut nifi caufa aliqua fubfit quæ diuerfum fuadeat. Conclusio ergo eius naturam fequitur. Sed hic diuerfa caufa est collegatarij fubro-



subrogati & eius in cuius locum subrogatur. Testator enim voluit ut in tantum sentiret onus à quo nominatim fideicommissum reliquit, non etiam collegatarius, idque nominatim Iustinianus scribit. Ideoque licet subrogetur in locum collegatarij deficientis, tamen portio illi sine onere adcrefcit.

## A L I V D.

Substitutus non agnoscit onus *l. sub conditione, de hered. instituend.* Ergò nec coheres, quia coheres est quasi substitutus. *l. si Titio & Manio, de legat. 2.* R. rectè Accursius respondet quod L. sub conditione loquatur de conditione casuali. Illa conditio imposita instituto, non videtur imposita substituto nisi nominatim in substitutione fuerit reperita secus est in conditione potestatiua.

## IX. Propositio.

Nisi fortè deficiat quod pro non scripta habeatur, quo casu onus collegatarium non sequitur.

## A R G V M E N T V M.

Obstat *l. ciuitatibus. §. penult. de legat. 1.* Finge testator ita dixit. Primus & secundus heredes mei, Sempronio 10. dare damnas sunt. Secundus heres non extitit. Primus totum legatum debet. Nam inquit secundus pro non scripto habendus est. Ecce ibi portio pro non scripta est, & tamen coniuncto adcrefcit cum onere. Ergò verum non est quod dicimus, portionem quæ pro non scripta habetur, coniuncto sine onere adcrefcere. R. Vera est Accursij solutio dicentis, ibi improprie non scriptum accipi, pro eo quod repudiatum est. Nam Iurisconsultus inquit, Secundus heres non extitit. Non ita solent loqui nostri auctores, cum heres vel legatarius reuera pro non scripto habetur, ut intelligitur ex *l. si duobus, de legat. 1. & l. 7. de legat. 2. cum similibus.* Repudiauit ergò ibi heres hereditatem, sicque perinde heres habetur ac si non scriptus fuisset.

Pro-

## X. Propositio.

Denique coheredi inuito, ipso iure adcrefcit, ficut & collegatario difiunctim, fed collegatario coniunctim non item.

## A R G V M E N T V M I.

Obftat I. fi folus. 89. §. final. de acquir. vel amittend. hered. Finge teftator Stichum feruum Sempronij, ex parte heredem inftituit purè, ex altera parte fub conditione. Stichus iuffu domini hereditatem adiit. Pars hereditatis Sempronio acquiritur. Poftea conditio extitit. Quæritur an altera pars hereditatis, agnitæ parti adcrefcet? Iurifconfultus refpondet, non adcrefcere, fed iterum adeundam effe hereditatem fi conditio extitit. Ergò verum non videtur quod dicimus, coheredi inuito, ipfo iure portionem adcrefcere. R. nihil id nobis aduerfatur. Nam nos loquimur de coniunctis. Ibi nulla eft coniunctio, ne quidem ea quæ legitima ab Interpp. vocatur. Vnus enim ibi Dominus eft, non plures. Deinde Iurifconfultus rationem reddit, cur illo cafu; noua aditione opus fit. Quod inquit dicimus femel adeundam effe hereditatem, hoc in eiuſdem perfona locum habet, non etiam locum cum per alium acquirenda eft hereditas.

## A L I V D.

Obftat I. fi minor 61. de acquir. hered. Finge, minor 25. annis ex parte heres extitit. Poftea cum videret hereditatem damnofam effe, petijt reftitutionem in integrum, & reftitutus eft. Quæritur an coheredi pars eius adcrefcet. Iurifconfultus fcribit. Diuum Seuerum conftituiffè vt eius partis onus coheres fufcipere non cogatur. Ergò verum non eft quod dicimus, coheredi portionem deficientem inuito, ipfo iure adcrefcere. R. Illud fingulare eft quod ibi inuito coheredi, pars hereditatis deficiens non adcrefcit. Quia minor iam adierat hereditatem. Hereditas iam erat adita, iam erat adquiſita, & poſt adquiſitionem, poſt aditionem rurfus deficit propterea quod minor fuit qui hereditatem adiit. Itaq; & à D. Sc-

**D.** Seuero specialiter constitutum est vt inuito & nolenti pars hereditatis ita deficiens, non adquiratur.

## A L I V D.

Obstat Nouella i. de heredib. & Falcid. In ea Nouella disponitur vt si pars hereditatis, quæ semel heredi adquisita est, & postea rursus adimitur, quod admonitus non paruerit testatoris voluntati, coheredi tantum volenti adcreseat. Ergo verum non est quod dicimus, coheredi inuito portionem adcrefcere. R. Mirum id quoque videri non debet, cum pars hereditatis iam quasita heredi, ratione singulari deficiat.

## A L I V D.

Obstat l. cum hereditate 55. de acquir. vel amittend. heredit. Cum hereditate patris inquit Iurisconsultus, necessarius heres se abstinet, conditio coheredi desertur, vt aut totam agnoscat, aut à tota recedat. Ergo non videtur verum quod dicimus portionem deficientem coheredi inuito ipso iure adcrefcere. Respon. Loquitur ibi Martianus, de suo & necessario herede. Suus heres & necessarius, iure ciuili tam ex testamento quàm ab intestato, velit nolit heres est. Sed beneficio Pratoris, hereditate paterna se abstinere potest. Quod cum contra ius ciuile concedatur, id quoque contra ius ciuile receptum est, vt coheres aut totam hereditatem agnoscat aut à tota recedat. Caterum regula Martiani ad alium heredem qui extraneus sit, non videtur trahenda esse.

## A L I V D.

Vltima voluntates seruandæ sunt l. i. C. de SS. Ecclæs. Hac est vltima voluntas testatoris, vt Titius legatum habeat. Ergo Titius legatum repudiare non potest, & per consequens ipsi inuito legatum quoque adcrefcet. R. Vltima voluntates expressa scilicet seruandæ sunt. Hac est vltima voluntas testatoris tacita scilicet, vt Titius totum legatum habeat.

## A L I V D.

Legatarius non potest legatum pro parte adquirere & pro parte repudiare, l. legatarius, de legat. i. l. 4. de legat. 2. Imò si legatarius rem legatam aliqua ex parte voluerit suam esse,

N

totam

totam adquiret. *l. si cui res 58. de legat. 2.* Ergo videtur dicendum quod etiam collegatario coniuncto inuito, portio deficiens adcreseat. R. Explicanda est ratio, cur collegatario disiuncto, inuito adcreseat, coniuncto non item, & cognita ratione, facilis erit ad propositum argumentum responsio. Ratio differentiae est hæc. Collegatarij coniuncti & disiuncti singuli ab initio solidum habent, partes per concursum, & in eo conueniunt. Caterum re tantum coniunctis expressim. solidum datur, re & verbis coniunctis tacite, & ideo illis inuitis adcreseat, his non item. Nunc ita respondeo. Maior vera est, si totum legatum palam sit adscriptum, non si tacite &c.

### Quod re & verbis coniuncti ab initio habeant solidum ita probatur.

1. Iustinianus in §. si eadem res, Institut. de legat. inquit. Si eadem res duobus legata sit siue coniunctim siue disiunctim, si ambo perueniant ad legatum scinditur inter eos legatum. Ecce Iustinianus dicit. Legatum scindi, si ambo perueniant ad legatum. Ergo antequam concurrunt, habent solidum.
2. Coniunctorum appellatione intelliguntur coniuncti re & verbis quod Zasius etiam fatetur, & summè notandum esse dicit. Ergo *l. coniunctim, de legat. 3. de coniunctis re & verbis accipi debet.* Ibi autem Iurisconsultus ait, coniunctos ab initio solidum habere, partes verò fieri concursu.
3. Nunquam ius adcrescendi inter collegatarios locum habet, nisi ab initio solidum habeant partes per concursum, *l. 1. de usufruct. adcrescend.* Sed inter coniunctos re & verbis est ius adcrescendi. Ergo necessario dicendum est, eos ab initio solidum habere.
4. Cum testator dicit. Primo & Secundo fundum Tusculanum do, lego, non possumus dicere testatorem legatarijs partes dedisse, quia nullas adscripsit. Ergo satendum est, singulos.

los legatarios solidum habere. Neque obstat quod dicitur in legato pluribus relicto si partes adscriptæ non sunt, æquè servantur. Nam id accidit ex interpretatione iuris, non ex testatoris certa voluntate.

5. Denique hæc est communis Interpp. sententia, quæ cum fortissimis fundamentis nitatur, multum hîc quoque ponderis habere debet.



DISPUTATIO PRIMA  
DE ACQVIRENDA ET AMIT-  
tenda possessione, cuius sequentes pro-  
positiones publicè defendet.

NOBILIS HENRICVS ALBERTVS  
*Mynsingerus à Frundeck.*

I. Propositio.



Pud Iurisconsultos possessionis verbum *πλὴ-  
σμον* est. Interdum enim significat proprieta-  
tem, nonnunquam fundum, frequentius  
*κατὰ χῆν* Et hoc postremo modo nos possessio-  
nem hîc accipimus.

II.

Nomen habet possessio à sedibus, quasi positio, quia naturaliter tenetur ab eo qui ei insistit.

III.

Et est nihil aliud quàm detentio siue detentatio.

IV.

Quod si placeat definire vsum, non aduersabimur,  
cum ita quoque Iurisconsultus definiuerit.

## AD NOTATIO.

Prima propositio probanda est. Possessio proprietatem significat. *l. interdum 78. de U. S.* Ibi Iurisconsultus ita loquitur, Interdum proprietatem quoque verbum possessionis significat, sicuti in eo qui possessiones suas legasset, dicimus. Et hoc fit ex mente pronunciantis. Ex mente pronunciantis, possessionibus legatis, proprietas agrorum legata videtur *l. quæsum est, de instructo vel instrum. legat.* Ibi Iurisconsultus dicit. Instrumentum est sine quibus possessio exerceri nequit, hoc est sine quibus fundus nequit exerceri. Litigare de possessionibus sibi donatis. *l. penult. de alien. iudi. ij. mutand.* Propter modicum æs alienum magna possessio distrahi non debet. Item minor possessio, vel minus utilis distrahi debet, non maior & vtilior *l. 5. §. idem prator, de rebus ecr. qui sub tut. &c.* Medicus compulit agrum, suas possessiones vendere *l. 3. de varijs & extraord. cognition.* Sibi & parentibus, in possessione matris monumentum extruere *l. 25. in fin. de acquir. vel amittend. hered. Fornerius in l. 78. de U. S.* possessiones legare *l. interdum 78. de U. S.*

Vsucapionem significat, in *l. ait prator. §. 1. ex quibus caus. maior. &c.* Qui, inquit Iurisconsultus, apud hostes est, ceptam possessionem non potest implere, hoc est vsucapionem inceptam. Sic in *l. denique eod. tit.* possessio significat vsucapionem, cum Iurisconsultus inquit, Interrupta possessio, postliminio non restituitur, hoc est vsucapio interrupta. Sic cum in eadem lege dicitur. Possessio sine possessione non procedit, per possessionem vsucapio intelligitur. Possessio, hoc est vsucapio sine possessione non procedit. Sic cum Paulus dicit, possessionem quasi iunctam ad heredem descendere *l. cum miles, ex quibus caus. maior.* per possessionem, vsucapionem intelligit, quemadmodum sequentia verba, & plerumque iacente hereditate completur, satis ostendunt. Quod possessio significat *καταχρη*, docet Iurisconsultus in *l. 1. de acquir. poss. vbi* inquit, possessio em græcos vocare *καταχρη*. Et sic Theophilus, possessionem definit *συνεχὴ καὶ ἀδιαλείπτῃ κατὰ χρῆμα* in tit. de interdict.

Possessio

Possessio dicitur esse detentio siue detentatio. Rectè, idque probatur primum, *per l. 1. in princp. de adquir. possess.* vbi possessio dicitur κατὰ χη, & κατὰ χη est detentio siue detentatio.

Secundò probatur, *per l. possessio quoq., de adquir. possess.* vbi qui in aliena potestate sunt res tenent, hoc est, possident, *ve Iurisconsultum interpretatur in l. stipulatio ista habere licere, de V. O.*

Tertiò. Nulla possessio potest adquiri nisi animo & corpore. Si corpore acquiritur possessio, Ergò detentio vt sit, necesse est.

Quartò. Possessio dicitur facti esse non iuris. *l. 1. § 1. de adquir. vel amittend. poss.* corporis item *d. l. possessio quoq., de usurpation & usucapion.* Et plurimum facti continere. *l. deniq., ex quibus caus. maior.* Facti esse *l. 1. §. Scaevola, si is qui testam. liber &c.*

Denique possessio dicitur esse factum *in l. bonafidei emptor, de adquir. rer. domin.* Si igitur factum est possessio, ergo detentio.

Quintò. Detinendi verbo vtitur Imperator bis pro possidendi *l. vnic. C. de usucapion. transfor.* Et possessor detentator dicitur aliquoties *in l. penult. de prescription. 30. vel 40. annor. in C.* Et detentationis verbum non tantum ad iniustum, sed etiam ad iustum possessorem refertur. Inquit enim Imperator si bona fide detinuerit. Possessio ergo detentio est.

Sextò. Iurisconsulti dicunt, corpore & animo possessioni incumbere. *l. qui bonafide, de adquir. possess.* Incumbere autem possessioni nihil aliud est quàm detinere. Possessio igitur detentio est.

Septimò. In *l. iusto. §. final. de usurpat. quaritur.* Anquod seruus vel filius emit, tenere incipiat. Et Iurisconsultus dicit, si ex causa peculiari possedit. Igitur possessio est detentio.

Denique possessio nomen habet à sedibus, qui autem sedet in aliquo loco, detinet locum illum. Possessio ergò est detentio, quod etiam Iurisconsultus ostendit *in l. 3. §. ex contrario, de adquir. possess.* vbi postquam dixit duos in solidum pos-

fidere non posse, mox subiicit, quippè contra naturam est, vt cum ego aliquid teneam, tu quoque id tenere videaris.

### ARGVMENTVM I.

Possessionem rei adipiscimur, licet illam non detineamus. *l. 1. §. si iusserim, de acquir. poss.* Igitur possessio non est detentio. R. In d. §. si iusserim, res videtur tradita, quam iussi vt procuratori meo traderes, & hoc rei præsentia facit, idq; nominatim traditur in d. §. si iusserim.

### ALIVD.

In l. quod meo, §. si venditorem, de acquir. poss. dicitur, me possidere quod venditorem iussi in domo mea deponere, quanquam inquit Iurisconsultus id nemo attigerit. Ecce hic possessio sine detentione acquiritur, quod evidentius adhuc Iurisconsultus ostendit in sequentibus, si inquit venditor fundum quem emi, in mea turre, mihi demonstraret, ego possideo, non minus quàm si pedem intulissem. Ergo possessio non est detentio. R. In d. l. quod meo, de acquir. poss. res vendita præsens quoq; fuit & oculis subiecta, & ideò, ego possideo, & res pro tradita habetur. Res præsens autem dicitur non quæ est in potestate emptoris, sed quæ est in præsentia, & oculis contrahentium subiicitur. Sic mercium repositarum in horreo & venditarum possessio translata videtur, si clauæ apud horrea, hoc est, in re præsenti, traditæ fuerunt. *l. clauibus, de contrah. emptio.* Sic columnarum venditarum possessio transfertur, si in re præsenti, id est, apud columnas, contractus fuerit habitus, *d. l. 1. §. si iusserim, de contrahend. emptio.* Ibi Iurisconsultus inquit. Non esse necesse actu & corpore apprehendere possessionem, sed etiam oculis & affectu apprehenditur, sed ita vt Iurisconsultus subiicit, si in re præsenti consenserint. Tunc possessio longa manu tradita, apprehensa videtur *vt Cicero loquitur in l. pecuniam de solution.* Possessio itaq; est detentio.

### ALIVD.

Incorporalia etiam possidentur *l. naturaliter, de acquir. vel amit-*



*amittend poss* Incorporalia autem detineri non possunt, quia tangi, videri, oculis conspici non possunt. §. *incorporales, instituitur. de rebus corporal. & incorporal.* Igitur possessio non est detentio, sed definitio est vitiosa. Respon. Nos proprie hic definimus possessionem. Possessio proprie loquendo est rerum corporalium. l. 3. *in princip. de acquir. possess.* Possideri inquit Iurisconsultus possunt quæ sunt corporalia, quod & ratione probatur. Nam nulla possessio acquiri nisi animo & corpore potest. l. *quemadmodum, de acquir. possess. d. l. 3. in princip. de acquir. possess. l. ferè, de R. l.* Si corpore acquirimus possessionem, necesse est ut rerum corporalium sit possessio, cum incorporalia, corpore nostro non contrectemus. κατὰ φύσιν τῶν πραγμάτων tamen & abusiue etiam incorporalia possidemus, & propterea Iurisconsulti cum incorporalia possideri dicunt, videntur dictione quasi. Sic quasi possessio ususfructus dicitur. l. *ante prator, §. 1. ex quibus caus. maiores.* Quasi possessio iuris acquiri ducenda. l. 10. *si feruit. vindicetur.*

Quasi possessio ususfructus in l. 3. §. *final. de vi & vi armata.*

## A L I V D.

Possessio ius est. l. 3. §. *bonorum, de bonor. possess* atque ita octo istæ definitiones, à Ludouico Romano relatæ in princip. l. 1. *de acquir. poss.* postrema definitione tantum excepta, hoc volunt possessionem esse ius. *Fornerius in l. 78. de Verborum significat.* ita quoque definit. Possessio est ius detinendæ rei corporalis, non ipsum quod possidetur corpus. Igitur non est detentio. Resp. Duplex est possessio, Vna iuris, altera corporis. In d. l. 3. agitur de possessione iuris. Nam ita Iurisconsultus in d. l. 3. inquit. Hæc possessio iuris magis est quam corporis. Magis ponitur, γενικῶς non συγκεκριμένως, ut & alibi sæpe. Et quod iuris sit bonorum possessio Iurisconsultus ibi ostendit, quia inquit sine vilo corpore consistit. Sic hereditas iuris est, & sine vilo corpore iuris intellectum habet. Nos hic loquimur de possessione corporis l. 1. §. *adiptiscimur, de acquirend. possession.* Hæc possessio inquit Iurisconsultus, cor-

cor-

corporis est, non iuris. Et Papinianus in l. possessio. §. 1. Eod. inquit. Possessio non tantum corporis est, sed & iuris. Et possessionem hanc quæ corporis est, nos hic definimus.

## A L I V D.

At hæc possessio de qua loquimur, iuris etiam est. *d. l. possessio, de acquir. possess.* Ergo nihil differt ab altera. R. Hæc possessio non tantum iuris est, sed simul etiam corporis, & magis corporis quam iuris. Illa iuris magis quam corporis, cum sine vllle corpore consistat.

## A L I V D.

Definitio possessionis, naturali tantum possessioni conuenit, non ciuili. *l. possessio quoq. §. 1. de acquir. possess.* Ibi dicitur, qui in aliena potestate sunt, tenere possunt, habere & possidere non possunt. Tenere naturalis possessionis est. Habere & possidere ciuilis. Igitur definitio angustior est suo definito. R. Verum est quod definitio propriè naturali possessioni conuenit. Naturalis possessio propriè est detentio siue detentatio, est facti non iuris, corporis non iuris, *d. l. 1. §. ad ipse iur. de acquir. possess.* Contra ciuilis possessio, iuris est non tantum corporis, *ut Papinianus loquitur in l. possessio quoq. h. t.* Non tantum, inquit, corporis, vt naturalis possessio, verum etiam iuris. Sic Papinianus in l. denique, ex quibus caus. maior. de ciuili possessione loquens, hæc possessio, inquit, plurimum facti habet. Et possessio facti est & animi. *l. 1. §. Scauola, p. is qui testamento liber &c.* Ibi per animum ciuilis possessio significatur. Et sic animus plerumque significat domini animum, sub tit. de acquir. vel amittend. possess. Et ad hanc possessionem quæ animi est, hoc est ad ciuilem possessionem requiritur etiam factum, & ideo dicitur esse possessio facti & animi. Quia igitur ciuilis possessio, plurimum facti habet & corporis est, licet non tantum. Ideo definitio vtrique possessioni conuenit, naturali & ciuili.

## A L I V D.

Iurisconsultus opponit inter se detentionem siue detentionem & possessionem. *l. stipulatio ista habet e licere. §. hac quoq. stipulatio, de Verbor. obligation.* Ergo possessio non est detentio.

R. Iu-

R. Iurifconsultus ibi possessionem accipit pro ciuili possessione. Seruus qui in aliena potestate est, non possidet, ciuilitè scilicet. Naturaliter tamen possidet, hoc est tenet, vel detinet. Sic habere, de ciuili possessione dicitur. *l. possessio quoque, de acquir. vel amittend. poss.* & tamen qui habet, dicitur tenere. *d. l. stipulatio ista habere licere. §. hac stipulatio, de Verborum obligation.*

## A L I V D.

Possessio non est absque animo. *l. 3. in princip. de acquir. poss.* *l. quemadmodum, eod. l. ferè, de R. I.* Quinimò animus in possessione præcipuè spectatur. Nam possessio solo animo retinetur, solo etiam animo amittitur *l. 3. §. in amittenda, de acquir. poss.* Sed animi, in definitione possessionis non fit mentio, Igitur est vitiosa. R. In definitione, non fit mentio animi expressè scilicet, tacitè fit. Nam nulla possessio acquiri, nisi animo & corpore potest. Et qui rem detinet, per externam illam detentionem, ostendit satis animum, quia vt dicitur, *τὸν ἐν τῷ, εἰς αὐτὸν ἐκ τῶν*, id est, ab exterioribus deprehendimus quid sit intrinsecus. Cum igitur animus insit possessioni, detentioni, non fuit necesse, in definitione, animi facere mentionem.

## A L I V D.

Definitio possessionis latior est definito. Nam usufructuarius & Colonus detinent rem, non tamen possident. *l. scendum, qui satisfare cogantur*, Ibi Iurifconsultus inquit, qui usufructum habet, possessor non est, *l. qui vniuersas, de acquir. poss.* *l. si id quod possidemus, Eod.* Ibi dicitur quod Coloni ipsi non possident, sed nos per colonum possidemus. R. Cum dicimus possessionem, detentionem esse, non intelligimus nudam detentionem, sed huiusmodi detentionem cui adsit animus possidendi. Hunc animum usufructuarius & Colonus non habent. Igitur non possident, non detinent.

## A L I V D.

Solo animo acquiritur possessio. *l. si me in vacuam, de acquir. poss.* Igitur non rectè definitur detentio. R. In *l. si me in vacuam*, quæritur de illo, an errans in corpore adquirat possessionem.

O

fessio-

sessionem? Et Iurifconsultus dicit, Errantem non acquirere possessionem. Et quidam voluerunt animo solo adquiri possessionem, quod tamen falsum est. Posito tamen hoc falso, animo scilicet solo adquiri possessionem: tamen errans non adquirat possessionem. Iurifconsultus igitur ibi non vult quod solo animo adquiratur possessio, sed tamen posito illo falso, ostendit, errantem possessionem non acquirere. Et sic in l. lecta, Iurifconsultus falsum præsupponit, & posito falso ex eo ostendit, non deberi vsuras totius sortis, sed trecenorum duntaxat denariorum.

## A L I V D.

In l. 3. §. Neratius, de adquir. posses. Iurifconsultus docet quod is qui scit thesaurum in fundo suo positum, continuo possidet, simul atq; possidendi affectum habuit, quia inquit, quod deest naturali possessioni id animus supplet. Solo igitur animo adquirimus possessionem, & per consequens possessio non est detentio. R. Iurifconsultus initio quidem, hoc quod propositum est, dicit, sed postea id corrigit, & docet eum qui scit thesaurum in suo fundo positum esse non aliter possidere, quam si sit thesaurus loco motus.

## A L I V D.

Quarundam rerum possessionem animo adipiscimur. *l. quarundam, de adquir. posses.* Igitur possessio non est detentio, R. Iurifconsultus id postea corrigit in versiculo sed videamus.

## A L I V D.

In l. certi conditio. §. final. de rebus credit. dicitur, animo cepit possidere. Possessio igitur non est detentio, cum solo animo adquiratur. R. Animus ibi significat animum domini, animo cepit possidere, hoc est civiliter cepit possidere. Et hoc vult Iurifconsultus ibi dicere: Nec tamen ibi possessio, solo animo adquiritur, sed acquiritur animo & corpore simul. Mea enim pecunia apud te fuit, quia illam deposui, & postea conuenit ut mutua esset. Hic pecunia ilico fit mutua, & tu meam pecuniam detines animo & corpore.

## A L I

## A L I V D.

Si possessio est detentio atque ita factum, tunc per seruum domino possessio non acquiritur. Quæ enim facti sunt ad dominum non transeunt *l. qui heredi in princip. de condition. & demonstrat.* Sed possessio domino per seruum acquiritur. Ergo possessio non est detentio, non est factum. Respon. Quæ facti sunt, ad dominum non transeunt, facti scilicet transeuntis. Vt si seruus sit iussus dare, hoc est tradere, ibi enim ita accipitur dare: ipse tradere debet non porrigere domino vt ipse tradat. Sic cum seruus est stipulatus sibi ire agere licere, hæc stipulatio ad dominum non transit, quia ire, agere, est facti transeuntis. Secus est in factis permanentibus. Vt possidere est facti permanentis. Nam cum seruus cepit possidere, factum illud manet, non transit. Et quæ facti permanentis sunt, ad dominum transeunt.

## A L I V D.

Possessio est vsus. Vfus autem quiddam est incorporeum. *§. incorporales Institut. de rebus corporal. & incorporalibus.* Igitur possessio non est detentio. R. Cum possessionem dicimus esse vsum, vsum non accipimus pro seruitute, pro re incorporali, sed pro detentione, & vsum significat *καταχρησ.* non *χρησισ.*

## A L I V D.

Nullum homonymum definiri potest. Sed possessio est homonymum vt prima propositio habet. Ergo definiri non potest. R. ad maiorem. Nullum homonymum quamdiu homonymum manet, definiri potest. Sed cum homonymum ad certam significationem redigitur, rectè definitur. Vel sic responde. Duplex est homonymum, distinctum & confusum. Distinctum, potest definiri, non confusum.

## A L I V D.

Possessio est res incorporalis, siue ius. *Iacob. Cuiac. in tit. de reb. corpor. & incorpor. & sic Bartol. possessionem definit ius insistendi rei non prohibita possideri.* Ergo non est detentio. R. Possessio rectè definitur esse ius insistendi &c. Rectè etiã dicitur esse detentio siue  
deten-

detentatio. Nam & hereditas est ius, & res incorporalis. *S. incorporales. Institut. de rebus corporalibus & incorporal.* Et tamen hereditas definitur successio in vniuersum ius quod defunctus habuit. *l. nihil aliud de V. S. l. hereditas, de R. l.*

## A L I V D.

Quæ facti sunt non possunt definiri cum eorum interpretatio plerumque etiam prudentissimos fallat. *l. mora, de usuris.* Sed possessio est facti, vt in propositionibus nostris dicitur. Ergo non potest definiri. R. Iurisconsultus in d. l. mora, de v'suris, non dicit non posse definiri, quæ facti sunt, sed dicit difficilem esse definitionem. Et aliud est, non posse definiri quid, longè aliud difficulter quid definiri. Deinde Iurisconsultus ibi definitionem non accipit pro ἐπισήμῳ, sed pro regula, vt inscriptio legis indicat. Et difficilis est definitio quando mora facta sit, hoc est, regula certa comprehendi & definiri non potest, quando mora sit facta. Tertiò ambiguitas est in verbo facti. Quæ facti sunt, non definiuntur, hoc est quæ in mero facto consistunt, & de quibus dubitatur an facta sint nec ne, non definiuntur. At possessio naturalis est facti, hoc est, consistit in sola detentione, rei, quæ iure dominij non nititur.

## A L I V D.

Possessio est quiddam incertum, quia per conditionem incerti repetitur *l. qui exceptioem. § final. de condit. indeb. l. indebiti 15, Eod.* Ergo non definitur. R. V'susfructus repetitur per conditionem incerti. *l. ubi autem non adparet. §. fundi ceteri, de Verborum obligationibus:* Et tamen definitur v'susfructus.

## V. Propositio.

Est autem duplex possessio, alia naturalis dicitur, quam Iurisconsulti etiam corporalem siue corporis & possessionem facti, appellant, nonnunquam factum. Alia ciuilis, quæ iuris possessio dicitur.

## V I.

Vtraque possessio legitima est.

A D N O-

## A D N O T A T I O.

Antiquus Glossator Iohannes censuit duas esse distinctas species possessionis, quarum altera naturalis dicatur, altera ciuilis. *Et hanc sententiam defendit Dynus in c. sine possessione, de R. I. in 6. eaq. est communis ut Alciatus affirmat in l. 1. in 3. quaestio. de adquir. possessione.*

Contra Placentinus & Azo vnam duntaxat esse possessionem affirmarunt, Naturalem, quæ si à lege fomentum accipiat, ciuilis dicatur. *Hanc sententiam probat Alciatus in d. l. 1. de adquir. possess. & in singulari tractatu, de quinq. pedum prescription. & in l. quaestio, de V. S. Eandem sententiam probat Zasius, Socinus & deniq. Conarrunius.*

Sed verior est sententia Iohannis quod possessio est duplex, naturalis & ciuilis. Probatur primum l. 1. §. deijcitur, de vt & vt armat: Deijcitur, inquit, Iurisconsultus is qui possidet, siue ciuilitè siue naturaliter possideat, Nam & naturalis possessio ad hoc interdictum pertinet.

Secundò. Probatur in l. 2. §. quod vulgò, pro herede, ibi dicitur, quod vulgò respondetur, causam possessionis neminem sibi mutare posse, sic accipiendum est, vt possessio non solum ciuilis, sed etiam naturalis intelligatur.

Tertiò. Probatur in l. 3. §. final. ad exhibend. ibi Ictus inquit Sciendum est aduersus possessorem hac actione agendum, non solum eum qui ciuilitè, sed etiam eum qui naturaliter incumbit possessioni.

Quartò. Probatur in l. stipulatio ista habere licere. §. hac quoq. stipulatio, de Verbor. obligationibus. Ibi Iurisconsultus inquit, hanc stipulationem habere mihi licere, seruus in suam personam vtiliter concipit. Quamuis enim seruus, iure ciuili non possideat: tamen ad possessionem naturalem hoc referendum est.

## A R G V M E N T V M I.

Cum Iurisconsulti plurali numero vtuntur, tunc sub titulo diuersæ species continentur, vt de seruitutibus, de

bonorum possessionibus, de pactis. At cum vtuntur singulari numero, tunc vna sola species sub titulo illo proponitur, vt de locato, commodato, deposito. Sed ita titulus est inscriptus, de acquirenda possessione non de acquirendis possessionibus. Ergo vna tantum est species possessionis. Respon. per Instantiam. In Pandectis est titulus de capitis diminutione, & tamen non est vna capitis diminutio. Sic habemus titulum de rerum diuisione, & tamen non est vna rerum diuisio. Sic est titulus de iustitia & iure, & tamen non est vnum ius, sed triplex. Quamuis itaque titulus ita inscribatur, de acquirenda possessione, tamen non vna est possessio sed species duæ sunt.

## A L I V D.

Si possessio naturalis & ciuilis sunt diuersæ species, vna sublata non tollitur altera, quia separatorum separata est ratio. Sed possessione ciuili sublata, simul tollitur naturalis. Vt cum animo possideo, ciuilitèr possideo, & si definam animo possidere, simul amittitur naturalis possessio. Ergo non sunt distinctæ species. Ad hoc argumentum inquit Zasius respondeat qui potest, ego neminem adhuc vidi, qui illud dissoluere potuerit. Respon. Nego minorem. Nec enim possessione ciuili sublata, simul tollitur naturalis. Et exemplum quod Zasius adfert non subsistit. Verum namque non est quod Zasius dicit, ciuilem possessionem esse, cum animo possideo, naturalem, cum possideo corpore. Vtraque enim possessio, ciuilis & naturalis, consistit animo & corpore. Sic enim Iurisconsultus in l. 3. inquit in princip. Adipiscimur possessionem animo & corpore, neque per se animo, neque per se corpore. Sic in l. quemadmodum, de acquir. possess. inquit Iurisconsultus, Nullam possessionem acquiri, nisi animo & corpore, quod traditum quoque est in l. ferè, de Regulis Iuris. Igitur ciuilis possessio non tantum animo consistit sed etiam corpore. Et naturalis non tantum corpore consistit sed etiam animo. Et cum animo amitto possessionem, simul amitto possessionem  
corpo-



corpore. Et si ciuilititer possidebam, quia animo desino possidere, simul etiam desino possidere corpore. Si naturaliter possidebam, quia animo desino possidere, simul etiam desino possidere corpore. Et hæc est Ictorum sententia, cum dicunt animo amitti possessionē, quæ tamen solo animo non fuit adquisita sed animo & corpore simul. Nequaquam hoc volunt, quod cum animo amittimus possessionem, simul amittamus possessionem ciuilem & naturalem, sed cum animo amittimus possessionem, desinimus simul corpore possidere, & siquidem ciuilititer possidebamus, amittimus simul possessionem corpore, quæ ciuilis possessio constabat. Si naturaliter possidebamus, amittimus simul etiam possessionem corpore, quæ constabat naturalis possessio.

## A L I V D.

Diuerſitas effectuum non arguit diuerſitatem specierum. Sed naturalis & ciuilis possessio diuerſos tantum effectus pariunt. Ergo specie non differunt. R. Hic primum maior posset negari, sed concessa maiori, nego minorem. Nec enim naturalis possessio & ciuilis diuerſos tantum effectus pariunt, sed etiam differunt substantia. Nam possessio naturalis, corporis tantum est, non iuris *l. 1. de acquir. possess.* ideoque naturalis possessio, corporalis quoque dicitur. *l. si id quod, de acquir. possess.* Ciuilis possessio contra iuris est, non tantum corporis *l. possessio, eod.* Et propterea qui in aliena potestate sunt, tenere possunt. *d. l. possessio*, hoc est, naturaliter possidere. *l. stipulatio hoc modo concepta, §. hæc quoque, stipulatio, de Verborum obligation.* & *§. habere de Verborum obligation.* Habere possidere non possunt, hoc est, non possunt possidere ciuilititer. *d. l. possessio, de acquir. poss.*

## A L I V D.

Vtraque possessio, naturalis & ciuilis dicitur legitima, ut in propositionibus nostris dicitur ex *l. nemo ambigit. C. de acquir. & retinend. possess.* Ergo vtraque iuris est & specie non differunt. R. Vtraque possessio dicitur legitima non propterea quod vtraque possessio sit iuris, sed quia tam naturalis possessio quam

quàm ciuilibs, legibus & interdictis defenditur. Et Imperator in d. l. nemo ambigit, vnam tantum possessionem dicit esse iuris alteram corporis. Sic enim Imperator inquit. Nemo ambigit, possessionis duplicem esse rationem, aliam quæ iure consistit, aliam quæ corpore. Et postea subiicit, Vtraque autem legitima est.

## A L I V D.

In l. qui bona, de acquir. poss. dicitur corpore & animo incumbere possessioni. Et possessio corporis est naturalis possessio, possessio animi, est ciuilibs possessio, & tamen Iurisconsultus dicit, possessioni incumbit non possessionibus. Hoc Socini est argumentum, quo conatur ostendere, vnam tantum esse speciem possessionis, sed Socinus in eo errat, quod corpus ibi pro naturali possessione, animum pro ciuili accipit, quæ sententia Iurisconsulti non est, sed Iurisconsultus significat vel naturalem possessionem vel ciuilem. Et qui possidet vel naturaliter vel ciuilitè corpore & animo potest incumbere possessioni. Vt si fundum emi bona fide, in eoque sum, iam corpore & animo incumbō possessioni, & ciuilitè possideo. Si sciam eum qui fundum mihi vendidit, dominum non esse, & in fundo sim, iam corpore & animo incumbō possessioni & naturaliter possideo. Ex illo itaque loco non probatur, vnam tantum esse possessionem, quia Iurisconsultus de possessione tantum loquitur, vel naturali vel ciuili, cui corpore & animo incumbere possumus.

## A L I V D.

Imperator in l. nemo ambigit. C. de acquir. vel retinend. poss. rescriptit, possessionis duplicem esse rationem, ijsque verbis significat, duplici ratione considerari possessionem. Vna itaque est possessio, sed illa dupliciter consideratur. R. Imperator his verbis, nemo ambigit, possessionis duplicem esse rationem, ostendit duplicem esse possessionem, aliam corporis, quæ naturalis dicitur, aliam iuris quæ dicitur possessio ciuilibs l. i. §. adipiscimur. l. possessio quoq; § penult. de acquir. poss.

## A L I V D.

## A L I V D.

Iurisconsultus in l. 3. §. ex contrario, de acquir. posses. inquit, in summa possessionis non multum interesse, iuste quis possideat, an iniuste. Iuste possidet, qui ciuilitur possidet, iniuste qui naturaliter possidet, & in summa possessionis non multum interest quomodo quis possideat. Ergo vna tantum est possessio. R. Videndum est de qua re Iurisconsultus ibi loquatur. Docet ibi Iurisconsultus, duos in solidum possidere non posse, Sabinus contra sensit, & Sabini sententiam Trebatius probauit, existimans, vnum iuste, alterum iniuste possidere. Trebatium reprehendit Labeo, hac ratione quod in summa possessionis non multum interest, iuste quis, an iniuste possideat, hoc est, si summam loquamur de possessione, tam possidet, qui iniuste possidet, quam qui possidet iuste. Igitur duo in solidum possidere non possunt, vnus iuste alter iniuste. Deinde falsum est quod dictum est, eum qui naturaliter possidet, iniuste possidere. Intelligitur ex eo, quod qui precario rogauit, qui item pignori accepit, naturaliter possidet, & tamen iuste. *Ita loquitur Ictus in l. si seruus depositus. §. 1. de noxalibus action. l. 7. §. inter pradones, commun. diu. dundo.*

## A L I V D.

In l. 3. §. penult. de acquir. posses. dicitur, in summa, vnum esse genus possidendi. Igitur vna tantum est possessio, quæ modò naturalis, modò ciuilis dicitur. R. Hoc locus ille non probat, vt præcedentia & sequentia satis ostendunt.

## A L I V D.

Possessio ius est, vt supra est dictum. Ergo possessio alia non potest esse corporis, alia iuris, quia omnis possessio ius est. R. Vocabulum iuris aliter in antecedenti, aliter in consequenti sumitur. Possessio ius est, hoc est, quiddam incorporatum est, sicuti vsusfructus, hereditas. At cum dicimus, possessionem esse iuris, hoc dicimus possidentem detinere rem iure dominij. Cum dicimus possessionem esse corporis, hoc dicimus, possidentem detinere rem tantum corporaliter

est: 2

P

& præ-

& præter corporalem detentionem, nihil iuris in re habere. Diuersimodè itaque iuris vocabulum sumitur.

## A L I V D.

At videtur rursus obstare l. possessio h. t. vbi Iurisconsultus de naturali possessione loquitur, & dicit plurimum ex iure, possessionem mutuari. R. Hoc dicit Iurisconsultus propter vsumfructum, qui iuris est.

## VII. Propositio.

Possessionem naturalem vulgò dicunt illam esse, quando quis corpore possessioni incumbit.

## VIII.

Ciuilem quando quis animo possessioni incumbit.

## IX.

Addunt & tertiam speciem quam mixtam appellant, cum quis simul & corpore & animo possessioni incumbit.

## X.

Sed hæc à iure ciuili alienissima sunt.

## XI.

Iurisconsulti quippe naturalem eam dicunt esse possessionem, quando quis rem, quam quis habet, detinet sine animo, opinione aut cogitatione domini, non eo animo vt dominum se esse credat. Vt qui vi aut clàm possidet, naturaliter possidet. Rem enim tenet, non tamen animo domini. Et eodem modo, creditor, qui pignus accepit, possidet. Detinet enim pignus, & scit, dominum se non esse.

## XII.

Idemque de eo, qui precario rogauit dicendum est.

Ciuilem

## XIII.

Ciuilem, Iurisconsulti dicunt esse, quam quis habet animo, opinione siue cogitatione domini & ψυχῇ & δυνάμει, vt Theophilus inquit.

## XIV.

Vt qui pro emptore, pro herede, pro donato, legato, pro suo, pro derelicto & similibus modis possidet, ciuilitcr possidet, quia rem tenet animo, opinione siue cogitatione domini, & ea mente, vt rem sibi habeat propriam.

## XV.

Vnde sequitur mixtam possessionem nullam constitui posse.

## A R G V M E N T V M . I.

Erubescimus sine lege loqui. Sed sine lege asseueramus, ciuilem possessionem esse quæ consistit opinione domini. Naturalem quæ non consistit opinione domini. Ergò hæ definitiones sunt reiiciendæ. Respon. Verum est quod definitiones hîc à nobis propositæ, verbotenus in iure nusquam extant. Nec enim vîquam dicitur, ciuilis possessio est quæ consistit opinione, cogitatione siue animo domini. Naturalis quæ non consistit opinione domini. Verum Iurisconsulti nihilominus satis ostendunt, ciuilem & naturalem possessionem ita definiendam esse, pro vt nos definiuimus. Nam Iurisconsulti eum qui pignori rem accepit, vel precario rogauit, dicunt possidere *l. si seruus depositus. S. i. de noxalibus action.* Et quidem hi naturaliter possident. Non possident autem animo domini. Creditor enim scit, se dominum non esse. Qui precario accepit, id quoq; scit. Sic qui possidet vi aut clam, naturaliter possidet. Hi autem non possident animo domini. igitur naturalis possessio est, cum quis rem quidem detinet, sed non eo animo, non ea cogitatione & opinione quod dominus sit. Contra qui possidet pro emptore, pro herede, pro

donato, legato, pro derelicto &c. possidet ciuilitcr, quia vsucapit, & qui ciuilitcr possidet, vsucapit, non qui naturaliter. *l. 2. pro herede.* Hic autem possidet animo & opinione domini, quia putat & credit se rei dominum esse, quia emit à domino, quia iure hereditario accepit, quia eam occupauit cum pro derelicto haberetur. Ergo ciuilis possessio est, quæ consistit opinione siue animo, siue cogitatione domini.

Deinde Imperatores & Iurisperiti dicunt, animo, opinione, cogitatione domini aliquid possidere. *l. si seruus depositus. §. 1. de noxalib. action.* Ibi dicitur. Qui pignori accepit vel precario rogauit, non tenetur noxali actione. Licet enim iuste possideat, non tamen opinione domini possidet. *l. penult. C. de furtis*, ibi dicitur, cum bonæ fidei possessor, domini cogitatione furem possidet, tenetur noxali actione. *l. quæcumq; de publican. in rem action.* Ibi Iurisperitus inquit. Neque creditor neque qui precario rogauit, eo animo nanciscitur possessionem, vt credat se dominum esse. Theophilus *ψυχῇ τῷ δέσποτι*. *§. idem placet, per quas personas nobis adquir.* Qui autem possidet animo, opinione siue cogitatione domini hunc necesse est vel ciuilitcr possidere vel naturaliter. Sed naturaliter non possidet. *d. l. si seruus depositus. §. 1. de noxalib. action. d. l. quæcumq; de publican. in rem action.* Ergo ciuilitcr possidet qui possidet animo, opinione siue cogitatione domini.

Rursus aliud est tenere, aliud habere possidere. Tenere est naturalis possessionis, & serui tenent ac possident naturaliter. Habere possidere est ciuilis possessionis, & serui non possunt habere possidere. *l. possessio quoq; de adquir. possesi. l. stipulatio ista habere licere. §. hæc quoq; stipulatio, de Verborum obligat.* Habere autem possidere, est iure dominij possidere. *d. §. hæc quoq; stipulatio.* Inde sequitur, ciuilem possessionem esse, quæ consistit opinione, cogitatione siue animo domini.

Hoc amplius qui bona fide ab eo qui dominus non est, cum crederet cum dominum esse, rem emerit, vel ex alia causa acceperit, potest vsucapere, vt in initio tituli de vsucapion.

in-

in Institution. traditum est. At qui bona fide rem emit, vel ex alia causa, puta pro donato, legato, tenet, possidet ciuili-  
ter, & sola ciuilis possessio prodest ad vsucapionem non natu-  
ralis *l. 2. §. ultim. pro herede*. Et quidem possidet animo, opinio-  
ne siue cogitatione domini, bonæ fidei possessor, loco domini  
penè est *l. bonæ fidei, in princip. de adquir. rerum domin.* Ciuilis igitur  
possessio est, quæ consistit opinione domini.

Denique Theophilus in §. idem placet, Institut. per  
quas personas nobis adquir. Possessionem qua mediante vsu-  
capimus, ita definit. *νομήν ἐστι ψυχῇ δεσµὸς τῆς ἐµερῆς, id est,*  
possessio est ciuilis, animo domini possidere.

### Contra.

Res illas possidemus quarum dominium habere non pos-  
sumus, *l. questio, de V. S.* Possessio igitur ciuilis non est, quæ  
consistit animo siue opinione domini. R. Quod Iurisconsul-  
tus dicit, possessionem esse rerum quarum proprietas ad nos  
non potest pertinere, hoc non est accipiendum de omnibus  
rebus, vt præcedentiâ verba satis ostendunt, sed est accipi-  
endum de quibusdam rebus, quarum dominium siue proprie-  
tas ad nos non potest pertinere, possessio potest. Vt vecti-  
galia, stipendiaria & tributaria prædia possidemus, istorum  
tamen prædiorum proprietatem habere non possumus, ideo-  
que res illas non vsucapimus sed longo tempore adquirimus.  
*l. cum sponsus, §. in vectigalibus, de publiciana in rem action. l. si finita,  
§. si de vectigalibus, de damno infecto.*

### A L I V D.

Qui naturaliter possidet, possidet animo & cogitatione  
domini, quia dominia rerum à naturali possessione ceperunt.  
*l. 1. de adquir. possess.* Igitur ciuilis possessio non est, quæ consi-  
stit animo domini sed potius naturalis. R. Cum Iurisconsul-  
tus dicit, dominia rerum à naturali possessione cepisse, per  
naturalem possessionem, intelligit apprehensionem rerum,  
estque illa naturalis possessio, actus corporeus, ab animo se-  
paratus vt Ferrettus definit. Et ita ter naturalis possessio  
accipitur *in l. 1. de adquir. possess.* At aliter naturalis possessio

P 3.

accipitur

accipitur cum dicimus, possessionem aliam naturalem, aliam civilem esse. Hic naturalis possessio non significat nudam apprehensionem sed significat talem apprehensionem, quæ fit illo animo, cogitatione illa quod quis velit possidere. Hunc animum non habet qui feram bestiam apprehendit, sed is habet animum dominij siue proprietatis.

## A L I V D.

Mixtam possessionem reiicimus. Contra. In l. raptores 41. C. de Episcop. & Cleric. fit mentio plenæ possessionis, hoc est possessionis mixtæ. Igitur malè nos mixtam reiicimus. R. per plenam possessionem, Iurisconsultus intelligit possessionem civilem. Illa plena est, quia qui civiliter possidet possidet animo & corpore domini. Qui naturaliter plenè non possidet, quia animum domini non habet, ideoque nec ad vscapionem proficit. Sic Iurisconsultus possessionem nudam vocat. *l. stipulatio ista habere licere. §. si quis forte, de Verborum obligationibus.* Si quis inquit non de proprietate sed de possessione nuda controuerfiam fecerit. Nudam vocat possessionem, quæ separata est à proprietate, à dominio. Inde apparet, plenam possessionem esse, quæ detinetur animo dominij siue proprietatis.

## A L I V D.

Dicimus civiliter nos possidere quod pro donato possidemus. Obstat l. 2. §. final. pro herede. Ibi filius rem donatam à patre, vscapere non potest pro herede, quia naturaliter possidet. R. Nos hic loquimur de donatione valida. Cū valida est donatio, donatarius rem iure dominij tenet & sic civiliter. At donatio collata à patre in filium, iure civili nulla est, nec morte patris confirmatur *l. 1. §. 1. pro donat.* Hodiè ex Iustiniani constitutione confirmatur. *l. donationes, 1. C. de donation. inter vir. & uxorem.* Cum itaque nulla sit donatio, quando pater donat filio, & filius hoc sciat aut scire debeat, non potest filius iure dominij & sic civiliter possidere, sed possidet naturaliter tantum. Sic cum vir vxori donat, vxor naturaliter tantum possidet.

## A L I V D.



## A L I V D.

Dicimus ciuilliter possideri, quod pro herede possidetur. Contra. Qui ciuilliter possidet, vsucapit. At qui possidet pro herede, non vsucapit. *l. 1. pro hered.* Ergo non possidet ciuilliter. Respon. d. l. 1. loquitur de illo qui pro herede quid possidet, ex viui bonis. Hoc vsucapi non potest, quia viuentis non est hereditas. Aliàs autem quod pro herede possidemus, vsucapimus.

## A L I V D.

Nec obstat l. 5. pro legato, vbi legatum vsucapitur titulo pro legato quamuis testator adhuc viuat. Nam titulus pro herede in hoc distat à titulo pro legato, quod pro legato ex viui bonis vsucapi potest, non pro herede. Ratio differentix est quod legata, viuo testatore prastari possunt. *l. Lucius, de legat. 2. l. Sola de auro & argent. legat. l. filia. C. de legat.* Hereditas viuo testatore adquiri non potest.

## A L I V D.

Qui naturaliter possidet, fructus suos facit *l. naturaliter, de acquir. possess.* Ibi Iurisconsultus de vsufructuario loquitur, & docet eum naturaliter possidere. At hic fructus suos facit, quod dubio omni caret. Sic qui precario possidet, naturaliter possidet *l. quacumq. de publician. in rem act.* & fructus percipit. *l. Iulianus. §. possessionem, de act. on. empt.* At qui vi vel clam possidet, fructus suos non facit. Igitur non possidet naturaliter. R. Primum quod ad vsufructuarium attinet, ille naturaliter non possidet. Textus est expressus in §. de his, Institut. per quas personas &c. Similis est textus in l. certè, §. is qui precario. Item in l. sciendum, qui satisfacere cogantur. Sed fructuarius dicitur esse in possessione. *l. cuiusfructus. §. 1. de vsufruct.* Quandoque tamen improprie dicitur possidere vt in d. l. naturaliter. Deinde non quisquis naturaliter possidet fructus suos facit. Creditor enim pignus naturaliter possidet, & tamen fructus suos non facit. *lege 1. & 2. Codice de pignoratitia actione.* Sic qui vi vel clam

clām possidet, fructus suos non facit, quia malā fide possidet.

Quod de usufructuario dixi, idem videtur dicendum de Emphyteuta. Nam Emphyteusis est ususfructus. Et quamvis interdum Emphyteuta dominus dicitur. *l. possessores in fin. C. de fund. patrimon. lib. 11.* propterea quod habet ius quoddam dominio proximum, tamen hoc fit κατὰ χρευστικῶς. Nec enim Emphyteuta verè dominus est. *l. 1. si ager vectigalis petatur.*

#### A L I V D.

Creditor possessor non est, qui pignus accepit. *l. penultim. qui satisfac. cogan. R.* Ibi non habetur pro possessore, ut satisfacere non compellatur, aliās autem creditor qui pignus habet, possidet. *l. si rem alienam §. propriè. l. cum & sortis. §. final. de pignorat. actio. l. per seruum, in princip. de acquir. rer. domin. Qui precario rem habet, non possidet d. l. penult. qui satisfac. cogantur, ut scilicet satisfacere non compellatur. Sequester cui partes possessione cesserunt, possidet naturaliter l. interesse, de acquir. poss. §. l. licet. §. rei, de pignori. Qui vi, clam, precario possidet, habet interdictum uti possidetis, & unde vi, aduersus alios. *l. 1. §. ultim. uti possid. l. 1. §. qui à me, unde vi,* non aduersus eum à quo possidet, aut quem rogauit. *Vide Cuiacium lib. 9. obseruat. c. 32. & 33.**

#### A L I V D.

Dicimus mixtam possessionem nullam esse. Contra. Qui rei insistit, naturaliter possidet. *l. 1.* At hīc qui rei insistit, potest possidere animo, opinione siue cogitatione domini. Igitur possidet naturaliter & ciuilitè simul. *R.* His verbis, quibus Iurisconsultus utitur, naturaliter tenetur, ab eo, qui ei insistit, hoc dicitur, qui insistit rei, corporaliter, siue corpore suo, rem detinet, corpore suo rei incumbit ut alibi Iurisconsultus loquitur. Nequaquam hoc vult Iurisconsultus quod naturaliter possideat qui rei insistit.

#### XVI. Propositio.

Possessio acquiritur animo & corpore, neque per se animo, neque per se corpore, sed animo & corpore simul. Et

## XVII.

Et quidem animo & corpore nostro, vel etiam animo nostro, corpore alieno, nonnunquam etiam animo & corpore alieno.

## A R G V M E N T V M I.

Sed videtur ob stare I. si me in vacuam, de acquir. poss. Finge, misisti me in vacuam possessionem fundi Cornelianum. Ego putavi me in fundum Sempronianum missum & iui in Cornelianum. Quæritur an acquisierim possessionem fundi. Iurisconsultus respondet, me possessionem non adquisivisse, nisi fortè in nomine erraverimus in corpore consenserimus. Postea Iurisconsultus quærit, cum in corpore non consenserimus, an à me tamen recedat possessio? quia animo deponimus possessionem, & vtrum tibi adquisita fuerit possessio, si inquit animo adquiri possessio potest. Et respondet Iurisconsultus, te errantem possessionem non adquisivisse, nec me amisisse. Textus igitur ibi videtur esse expressus, quod solo animo possessio acquiritur. R. Iurisconsultis hoc usitatum est, ut quandoque ex falsis præsuppositis, vera eliciant, & conuincant. *l. lecta, de rebus credit.* Et sic in d. I. si me in vacuam, Iurisconsultus falsum præsupponit, ut verum eliciat. Quæritur an errans in corpore, adquirat possessionem. Et dicit Iurisconsultus non adquirere, sed quidam voluerunt animo adquiri possessionem, quod falsum est. Sed inquit Iurisconsultus, si animo adquiri possessio potest, nunquid possessio adquisita erit ei qui erravit in corpore. Et dicit Iurisconsultus, etiamsi illud præsupponamus, animo solo adquiri possessionem, tamen possessionem non esse quasi tam per errorem.

## A L I D V.

Vnumquodq; eodem vinculorum genere debet dissolui quo colligatum est. *l. nihil tam naturale, de R. I. l. quamvis saltus de acquir. poss.* Sed possessio solo animo amittitur. Igitur solo

Q

quoq;

quoque animo adquiritur. R. ad maiorem. Maior plerumq; vera est non semper. Et sicuti possessio, corpore adquiritur & animo, ita quoque corpore & animo amitti potest. Potest etiam solo animo amitti. *l. ferè, de R. l.* Ibi particula fere propter possessionem adiecta est, quæ ut animo & corpore adquiritur, ita ferè amittitur. Ferè, quia solo animo amitti potest, atque ita ferè quibuscunque modis obligamur, iisdem in contrarium actis liberamur.

## A L I V D.

In l. & habet. §. cum qui, de precario, dicitur, eum possidere, qui precario rogavit, quia corpore possidet, eum item possidere qui rogatus est, quia non discesserit animo possessione. Solo igitur corpore adquiri possessio potest. R. Ex eo loco non euincitur, solo corpore, vel solo animo adquiri possessionem posse. Et corpore possidere ibi idem est, quod possidere naturaliter. Animo possidere, idem quod possidere ciuilitur. Et sic animo & corpore possidere, accipimus *in l. possessionem, de adquir. poss.*

## A L I V D.

Iuriconsultus in l. 3. §. Neratius, de adquir. poss. docet quod is qui scit thesaurum in fundo suo positum, continuò possideat, simul atq; possidendi affectum habuerit, quia inquit quod deest naturali possessioni id animus implet. Solo igitur animo absq; corporis ministerio possessio adquiritur. R. eleganter! Cuius in l. inciuile, de legibus, inquit, quod inciuile sit, nisi tota lege perspecta, una aliqua eius particula proposita, iudicare vel respondere. Contra illius legis dispositionem, præsens argumentum formatum est. Nam quamuis in initio d. §. Neratius dicatur, eum qui scit thesaurum in fundo suo positum, continuò possidere simul atque possidendi affectum habuerit: tamen in fin. illius. §. illud corrigatur, & in fine Iuriconsultus docet eum qui scit thesaurum in fundo suo positum esse, non aliter possidere quàm si sit thesaurus loco motus, atq; ita thesaurus nò solo animo, verum etià corpore adquiritur. Ac notandum quod naturalis possessio ibi significat-

gnificat loco motionem. Theſaurus non tantum animo & affectu poſſidendi acquiritur, verum etiam naturali poſſeſſione, id eſt, loco motione, vt Ictus ipſe explicat.

## A L I V D.

In l. 1. §. ſi iuſſerim, de acquir. poſſeſs. Ictus inquit non eſt neceſſe, corpore & actu adprehendere poſſeſſionem, ſed etiam oculis & affectu apprehendi poteſt. Ergò ſolus animus ſufficit. R. Iuriſconſultus ibi loquitur de rebus quæ in præſentia ſunt. In præſentia dicuntur eſſe non vt volunt Dd. quæ iam ſunt in poteſtate alicuius ſed quæ oculis contrahentium ſubiſciuntur. Et hoc ſenſu in re præſenti vindicare, in re præſenti cognoscere, & in rem præſentem, venire dicimus. Harum autem rerum quæ in præſentia ſunt, proprietas & poſſeſſio, ſine naturali poſſeſſione, id eſt, ſine naturali traditione, acquiruntur. Et Iuriſconſulti hic fingunt, traditionem interueniſſe, quæ tamen reuera non interceſſit.

## A L I V D.

In l. quarundam, de acquir. poſſeſs. dicitur, quod quarundam rerum poſſeſſionem, animo adipiſcamur. Igitur non animo & corpore acquiritur poſſeſſio. R. Iuriſconſultus initio quidem videtur velle, quod ſolo animo adquiratur poſſeſſio, cum aceruum lignorum à te emi, eiq; custodiam appoſui. Sed poſtea adfirmat, etiam corpore poſſeſſionem adquiſitam eſſe, in illis verbis, ſed videamus. Videamus affirmantis eſt. Videamus ne hæc ipſa corporis traditio ſit, id eſt, appoſitio custodiæ, eſt corporalis traditio. Quia tamen aceruus lignorum non apprehenditur per appoſitionem custodiæ, ideo animi quodam genere, poſſeſſio aſſimari dicitur, in ſine legis, id eſt ficta quædam traditio, quæ etiam per traditionem clauium introducitur.

## A L I V D.

In l. clauibus, de contrah. emptione, dicitur, traditis clauibus, mercium in horreis conditarum poſſeſſionem traditâ videri, ſi claues apud horrea ſint traditæ. Igitur ſolo animo poſſeſſio acquiritur. R. Ibi claues apud horrea, h. e. in re præſenti

senti, traditæ fuerunt. In re autem præsentī, ficta traditio quæ per traditionem clauium introducitur, admittitur.

## A L I V D.

Si rem meam possideas, & eam velim tuam esse, fiet tua, quamuis possessio apud me non fuerit. *l. si seruus, §. final. de adquir. rer. domin. §. interdum Institut. de rerum diuision. l. si rem in princip. de eulction. l. sine. §. 1. de publician. in rem actio.* Igitur solo animo possessio acquiritur. R. Sicuti ubi quis rem non tenet ficta traditio admittitur, si in re præsentī vterq; consenserit. Ita ubi emptor rem tenet, ficta traditio inducitur, etiamsi in re præsentī non consenserint. Et in dictis legibus emptor rem possidebat.

## A L I V D.

Possessio acquiritur per abusuam inuestituram, cum dominus vasallo baculum, ensem, hastam, vexillum aut quid aliud corporeum tradit & per hoc se inuestituram facere affirmat. At ibi corpus non intercedit. Igitur possessio, corpore & animo non acquiritur. R. per abusuam inuestituram non aliter acquiritur possessio, quàm si in re præsentī fiat, id est si fundus præsens sit & oculis subijciatur, tunc possessio transfertur. Si plures sint fundi, per vnius ingressum omnium possessionem consequimur, si modò reliqui fundi, sub illo quem ingressi sumus tanquam partes contineantur. *Vide quæ dixi in titulo de feud. c. 7. in primomodo quo feudum acquiritur.*

## XVIII. Propositio.

Et adipiscimur possessionem per nosmetipsos, si mentis compotes simus & puberes, vel etiam pupilli, intellectus tamen capaces, item per seruum & filium, qui in potestate est.

## XIX.

Et quidem earum rerum, quas peculiariter tenent etiam ignorantes, animo & corpore eorum.

## XX.

Itaque ex causa peculiari & infans & furiosus acquiritur

quirunt possessionem & vsucapiunt, & heres si hereditarius seruus emat.

## XXI.

Sed & per eum, quem bona fide possidemus, quamuis alienus sit vel liber, possessionem adquirimus. Ex duabus tamen causis tantum, siquidem possessionem ex re nostra, vel operis suis adquirant.

## XXII.

Per eum quoque in quo vsufructum habemus, possidere possumus ex dictis duabus causis si possessionem ex re nostra vel operis suis adquirat.

## XXIII.

Cæterum ille, per quem volumus possidere, talis esse debet, vt habeat intellectum possidendi, & ideo si furiosum seruum miseris, vt possideas, nequaquam videris apprehendisse possessionem.

## XXIV.

Si impuberem miseris ad possidendum incipies possidere, sicuti pupillus maximè tutore auctore acquirit possessionem.

## XXV.

Hæc quæ de seruis diximus, ita se habent si & ipsi velint nobis adquirere possessionem. Nam si iubeas seruum tuum possidere, & is eo animo intret possessionem, vt nolit tibi, sed potius Titio adquirere, non est tibi adquisita possessio.

## XXVI.

Denique per procuratorem, tutorem, curatorem possessio nobis acquiritur.

## A R G V M E N T V M. I.

Possessionem per quemlibet adquirimus. *Id est, a qua et uulter, de acqui. rer. dominio.* Igitur male hic certas tantum personas enumeramus

meramus per quas possessio adquiratur. R. Quod dicitur per quemlibet possessionem adquiri, hoc ita restringendum est ut procedat, dummodo is per quem adquirimus, sit ex eorum numero qui sunt in nostra potestate vel quos bona fide possidemus, vel in quibus usufructum habemus.

## A L I V D.

Dicimus nos possidere etiam si pupilli simus, modò intellectum habeamus. Imò infantes possidere possunt, qui tamen intellectum nullum, nullum sensum habent. *l. quamvis, de adquir. vel amittend. posses.* R. Infantes possunt possidere, sed tutore auctore *d. l. quamvis*. Idem ostendit Iurisconsultus in *l. i. §. 1. de adquir. posses.* ubi dicit pupillum, tutoris auctoritate possidere, hoc est pupillum infantem. Pupillus infans dicitur usque ad annum septimum. *l. si infanti. C. de iure deliberandi. l. i. de administrat. & petic. tutor.* Aliàs est pupillus proximus infantia, qui egressus est infantiam, & lingua gnarus est, remignarus. Alius est pupillus proximus pubertati, qui nondum egressus est pubertatem, sed propè eam est, ita ut annale duntaxat vel semestre tempus reliquum sit. Et pupillus proximus pubertati, possessionem adquirere potest sine tutoris auctoritate. Idemque de pupillo, proximo infantia sentiendum est. Nam in proximis infantia propter utilitatem eorum, benignior iuris interpretatio facta est, ut idem iuris habeant quod pubertati proximi. *§. pupillum, Institur. de inutil. stipul. l. i. §. penult. de obligation. & action.* & de pupillo proximo infantia, & pubertati proximo accipiendum est quod traditur, pupillum sine tutoris auctoritate nancisci possessionem posse. *d. l. i. §. 1. d. l. quamvis, de adquir. possession.*

## A L I V D.

Obstat *l. 3. C. de adquir. & retinend. posses.* ibi dicitur, infanti, corpore quæri possessionem. Sed hoc ita intelligendum est, ut infanti quæratu possessionem corpore, tutore scilicet auctore, si res donata tradantur infanti, tutore auctore, atque ita Iohannes Glossator interpretatur, à quo recedendum non est.

## A L I



## A L I V D.

Furiosus etiam acquirit possessionem. Igitur non hoc exigitur ut mentis compotes simus. R. Furiosus acquirit possessionem, non per se, sed per seruum suum, si seruus peculiari nomine possideat. Ratio est quia quod seruus peculiari nomine tenet, nobis ignorantibus acquiritur & furiosus absentis & ignorantis loco, habetur. *d. l. 1. §. item adquirimus, de adquir. vel amittend. posses.*

## A L I V D.

Frustrà hîc loquimur de rebus, quas serui peculiariter tenent aut filij familiâs. Nam & res quas seruus meo nomine tenet, vel filius, ego per seruum possideo, itemque per filium ignorans *l. nunquam. §. si seruus, de usurpation. & usucap.* R. Ita est, sed nos rerum quas serui peculiariter tenent, ideò meminimus, quia ita loquitur Iurisconsultus *in d. l. 1. de adquir. vel amittend. posses.* Non tamen interim negamus, quod possideam per seruum ignorans quod seruus meo nomine acquirit.

## A L I V D.

Imò distinguendum videtur id quod seruus ex peculiari causa tenet, ab eo quod tenet meo nomine. Nam quod peculiaritèr seruus meus tenet, ego ignorans per seruum vel filium usucapio. Quod meo nomine tenet, ego non usucapio nisi sciens. *l. 2. §. Celsus, pro emptor. l. iusto. §. final. de usurpat. de usucapion.* R. Quod ad possessionem attinet, nihil interest, seruus vel filius peculiari nomine teneat an meo. Nam semper mihi ignorantiper seruum vel filium possessio acquiritur. Ceterum differentia est, quo ad usucapionem. Nam quod seruus ex causa peculiari tenet, ignorans usucapio per seruum. Quod meo nomine tenet, non usucapio nisi sciens *d. l. 2. §. Celsus d. l. iusto. §. final. de usurpation. & usucapionib.*

## A L I V D.

Dicimus heredem possiderè & usucapere quod hereditarius seruus emit ex causa peculiari. *l. qui seruo. §. fin. de oblig. & action. l. pen. de caprim. & postlimini. euerf. l. iusto §. nondum, de usurpation. & usucap. on. l. 1. §. item adquirimus, de adquir. vel amittend. posses.*

Obstat

Obstat l. præscriptio, de vsurpat. & vsucap. quæ seruo hereditario possessionem alicuius rei adepto, negat ante aditam hereditatem vsucapionem procedere quæ non cepit à defuncto. Tempus itaque iacentis hereditatis ad vsucapionem non proficit. Sed respondendum, hoc verum esse si speciemus ius commune, rationem iuris communis, si regulas iuris, quæ volunt ne cuiquam nisi scienti, vsucapio procedat. Sed iure singulari aliud est receptum in rebus peculiaribus.

## A L I V D.

Dicimus eum qui possidetur, nec vero domino acquirere nec sibi. Contra. Liber homo mala fide possessus, cognito suo statu, sibi acquirit, & seruus domino. *l. 1. C. de reuindicatione*. R. Hoc de dominio accipiendum est. Nos hîc loquimur de possessione. Qui ab alio possidetur, nec vero domino acquirit possessionem ciuilem & vsucapiendi causam, nec sibi, quia nec possidere intelligitur qui ipse possidetur *l. homo liber. §. final. de acquir. rer. domin. l. qui in seruitute est 118 de R. I.* qui possidetur, possidere non videtur. Nota igitur hîc casum quo quis dominium acquirit sine possessione. Et sic sæpè aliàs dominium sine possessione adquiri solêt.

Si quæratur, quare de communi seruo in propositionibus nostris nihil dicamus, responderi poterit, hoc idè factum esse, quod Paulus in l. 1. §. per communem, de acquir. possess. de communi seruo loquitur, & tradit duos dominos per communem seruum possessionem itemque dominium adquirere, etiam singulos in solidum, quod ibi Paulus ex sententia Sabini refert, qui voluit duos in solidum possidere posse. *l. 3. de acquir. possess.* Sed ea sententia vera non est, nec à Paulo probatur in d. l. 3. de acquir. vel amittend. poss. & propterea nos illam Pauli relationem, nostris propositionibus inferere nolimus. Si autem quæratur an per communem seruum possessio & dominium nobis adquiratur, dicendum est adquiri, sed singulis dominis pro parte dominica. *l. communi, de acquir. rer. domin. l. communis, communis diuidend.*

In l. quicquid. h. t. n. de acquir. vel amittend. possess. dicitur, patrem possidere, si filius ab alio tanquam seruus possidea-

possideatur. Hoc videtur pugnare cum propositione 27. Sed per eum quem bona fide possidemus, ex duabus tantum causis possessionem adquirimus. Si quam possessionem ex re nostra adeptus fuerit, vel ex operis suis. At possessio quæ acquiritur ex alijs causis, ad patrem pertinet.

## A L I V D.

Non obstat, quod qui ab alio possidetur nec vero domino nec sibi acquirit. Nam civilem possessionem non acquirit, sed naturalem potest ei adquirere in cuius potestate est. Vt filius patri. *d. l. quisquid, b. r.* Seruus domino *l. si cui 25. de liber. causa.*



DISPUTATIO SECVNDA,  
EX TIT. DE ACQVIREN-  
DA VEL AMITTENDA  
possessione.

## In qua

*De rebus quæ possideri possunt, & causis, ex quibus possidemus, agitur: simulq; ostenditur, duos in solidum non possidere: Nec quem sibi ipsi causam possessionis mutare.*

Ad cuius sequentes propositiones respondit

FRANCISCVS LANGER NYSSAEVS  
*Silesium, 27. Februarij Anno 1590.*

## I. Propositio.



Offideri possunt res corporales. *l. 3. in princip. b. r. n.*

## II.

Siue mobiles sint siue immobiles. *l. si*

R

rem

130 DISPUTATIO II. DE ACQV.  
rem 47. hoc titulo. l. clam possidere. §. qui ad nundinas,  
Eodem.

ARGVMENTVM.

Incorporalia etiam videntur possideri posse. l. naturaliter,  
12. h. t. n. R. Res corporales propriè possidentur, l. 3. in pr. de  
acquir. poss. quod etiam hac ratione probatur: Quod nulla pos-  
sessio potest acquiri, nisi animo & corpore. l. quemadmodum §. h.  
t. l. ferè 153. De R. l. l. 3. §. 1. h. t. Et res incorporales corpore  
non contrectamus, cum corpus nullum habeant. Non igitur  
res incorporales possidentur. Abusiue tamen incorporalia  
etiam possideri dicuntur, & propterea Iurisperiti vtuntur  
dictione, quasi, vt quasi possessio vsusfructus. l. ait prator. §. 1.  
Ex quibus causis. l. 3. §. finali, de vi & vi armat. Quasi posses-  
sio iuris aquæ ducendæ. l. si quis diuturno, 10. Si seruus. vindicet. Aut  
dictione velut. l. 5. §. pen. de itin. actus. pr. velut longa possessio  
seruitutis. Et pro eis etiam interdicta dantur, l. quotiens, de ser-  
uitut.

III. Propositio.

Dummodo sint certæ d. l. 3. §. incertam 2. h. t.

ARGVMENTVM.

Quicquid vindicatur, possidetur. At pars incerta vindi-  
catur. l. qua de tota. 76. §. 1. De rei vend. Igitur pars incerta possi-  
detur. R. Maior vera est. Nam quicquid vindicatur, posside-  
tur, vt ex definitione vindicationis apparet. Vindicatio est  
actio in rem, per quam rem nostram, quæ ab alio possidetur,  
petimus. l. actionem. De obligat. & actio. §. 1. Institut. de act. Et  
pars quæ vindicatur, certa esse debet. Actor enim debet rem  
designare, & vtrum totam, an partem, & quotam petat. l. 6.  
in pr. de rei vindic. At interdum vindicatur etiam, quod incer-  
tum est. Incertæ enim partis vindicatio est. l. 3. in fin. & d. l.  
qua de tota. De rei vindic. l. 1. §. finali, si pars hered. pet. Et ea tunc  
fit, cum iusta causa interuenit, vt dicitur in d. l. quæ de tota.  
Et indulget prator certæ partis petitionem idoneis causis  
interuenientibus, vt dicitur in d. l. 1. §. fin. si pars hered. pet. Iu-  
sta &

ita & idonea causa est, si res per vindicationem legata petatur, quam tamen l. Falcidia interueniens minuat, & incertum sit, pro qua parte minuatur h. e. interim dum iudex examinat, an legi Falcidiae locus sit, legatario datur vindicatio incertae partis, hoc modo. Quantum paret in ea re, iure legati, meum esse: Et aequum est dari legatario vindicationem incertae partis, ne incidat in periculum plus petendi. Alias vt certa debet esse sententia, ita & actio debet esse de re certa, Inquit Iurisconsultus vix apud Iudicem examinari, an & quatenus sit locus legi Falcidiae: Vix cum difficultate summa & tractu temporis, & ideo non prohibetur legatarius inter moras incertam partem rei legatae vindicare. Aliud exemplum proponitur in d. l. 1. §. fin. Si pars hered. pet. Ex eo autem, quod pars incerta vindicatur, non sequitur incertam partem possideri. Alius est qui vindicat, alius, qui possidet rem, quae vindicatur. Qui vindicat in superiori casu rem incertam petit. At qui possidet rem, puta heres, à quo vindicatur, rem incertam non possidet, sed possidet rem totam legatam.

## IV. Propositio.

Et non solum integer fundus, verum etiam locus certus ex fundo, & possideri, & per longam possessionem capi potest. *l. locus 26. in pr. h. t.*

## V.

Certa pars pro diuiso, & pro indiuiso, quae introducitur, vel ex emtione, vel ex donatione, vel qualibet alia ex causa rectè possidetur. *d. l. locus 26. l. 3. §. 2. h. t. l. si quis fundum 43. in pr. eodem. Alciarius in d. l. locus, in pr.*

## A D N O T A T I O.

Certa pars siue ratione loci, siue ratione quotae tantum pro diuiso, vel indiuiso possideri potest. Secus si omnino incerta sit. *l. si quis fundum, h. t.* Non solum autem certa pars pro indiuiso possideri potest, sed & alienari, & euinci. *l. falsi. C. de commun. reb. alien. l. 1. de euict.* adeo, vt de ea iudicemus, sicut de loco omnino certo.

## VI. Propositio.

Incertam autem partem rei, quæ nec haberi, neq; capi potest, nemo possidere potest: Vt si hac mente sis, vt, quicquid Titius possidet, tu quoque velis possidere, non propterea possides. *d. l. locus in fin. h. t. l. 3. §. 2. eodem*

## A R G V M E N T V M I.

Quod Titius possidet certum est, quia incertum nemo possidet. E. Si hac mente sim, vt possideam, quod Titius possidet, ego quoque possideo certum. R. Quod Titius possidet, certum est, respectu scilicet Titij, quia aliàs id possidere non posset: At respectu mei est incertum, quod Titius possidet. Quia ego non scio, quid, quale & quantum sit, quod Titius possidet. Ideoque ego non possideo, si hac mente sim, vt quicquid Titius possidet, ego quoque possideam.

## A L I V D.

Valet venditio, si quis mihi vendat, quicquid iuris habet in illo fundo, etsi incerta sit pars, quam mihi vendidit. Ergo & incertæ partis est possessio. R. Iurisconsultus obseruans *ro*, Nequid nimis, cum regulam illam, ad acquirendam possessionem, animo & corpore simul opus esse, iam restrinxerat, & satis esse docuerat, si quis vnâ partem fundi circumambulasset, noluit vltius procedere. *Duaren. ad l. 3. §. incertam partem h. t.*

## VII. Propositio

Sed si ita tibi tradam (quicquid mei iuris in eo fundo est) tu non possides: Nam qui ignorat, nec tradere, nec accipere id, quod incertum est, potest. *d. l. locus, in fin. h. t.*

## A R G V M E N T V M.

Heres ignorans ex qua parte sit heres potest adire. *l. si quis extraneus. §. sciendum, De acquir. her. & vsucapere. l. 3. §. ex pluribus.*

*ribus. h. t. l. final. de usucap.* Ergo & possidere *l. sine, de Usucap.*  
 R. Facile potest fieri certus per testamentum, vnde proinde  
 est, ac si sit. *argumento l. quod meo. §. fin. h. t. l. locus. De U. S. l. §.*  
*fur. §. final. de usucap. l. emptor. Pro emptore.*

## VIII. Propositio.

Locum religiosum aut sacrum non possumus possidere, etsi contemnamus religionem, & pro priuato eum teneamus. *l. qui uniuersas 30. §. 1. h. t.*

## A R G V M E N T V M. I.

Possessio est detentio. At locum religiosum, sacrum, & hominem liberum possumus detinere. Ergo & possidemus.  
 R. Possessio est detentio, rei scilicet non prohibita possideri. At possessio loci sacri, religiosi, hominis liberi, est prohibita. Quamuis igitur detineamus, non tamen possidemus.

## A L I V D.

Interdicta dantur de loco sacro & religioso, vt de sacellis & sepulcris *l. 2. §. quedam interdicta. De interd.* Itemque datur interdictum de libero homine exhibendo. *ff. de hom. lib. exhibendo.* Interdicta autem omnia sunt de possessione *§. 1. Institut. De interd.* Ergo ea possidemus. R. Iustinianus in d. *§.* De interd. In Instit. non dicit, interdicta dari de possessione tantum, sed adiicit, Vel quasi possessione. Et ita locum sacrum vel religiosum quasi possidemus. Proprie locum sacrum vel religiosum possidere non possumus, quia nullius in bonis sunt: quasi tamen possidemus, & propterea interdicta competunt de loco sacro & religioso. Sic liberum hominem proprie non possidemus, sed quasi possidemus: Et datur interdictum de liberis exhibendis *l. 2. De interd. h. e.* de quasi proprietate & quasi possessione. De quasi proprietate est hoc interdictum, de liberis exhib. quia potestas, quam in liberos habemus, quasi proprietas quædam est. Eaque ratione vindicatio est liberorum hominum *l. 1. §. per eam 2. De rei vindicat.* Sed reuera liberi in nostro dominio non sunt, quia liberi ho-

mines sunt. Liberos etiam aduersarius non possidet *l. 1 de acquir. vel amitt. poss.* sed tamen quasi possidet.

## A L I V D.

Vindicatio datur liberorum nostrorum *d. l. 1. §. per eam. De rei vind.* Ergo liberi nostri possidentur. R. Proprie non possidentur, sed quasi possidentur.

## A L I V D.

Filius ab alio possidetur. *l. qui quid, h. t. n.* Ergo male nos dicimus liberos homines non possideri. Respon. Filius ab alio possideri potest, non tanquam liber, sed tanquam seruus. *l. 4. in fin. h. t.*

## IX. Propositio.

Nec hominem liberum. *d. l. qui vniuersas. §. 1. in fin. l. cum hered. 23. in fin. h. t.*

## X.

Aedes recte possidemus. *d. l. qui vniuersas in pr.*

## XI.

Singulas res, quæ in ædificio sunt, non possidemus. *l. qui vniuersas. 30. in pr. h. t.*

## A R G V M E N T V M I.

Obstat. I. quæ de tota 76. in pr. De rei vend. Quod iuris est de toto, est etiam de singulis eius partibus. Sed totas aedes possidemus. E. & singulas partes. R. Quod iuris est de toto, est etiam de parte, nisi diuersa ratio fuerit totius & partium. At hic est diuersa ratio.

## A L I V D.

Tigna iuncta ædibus vindicantur. *l. qui res suas 98. §. final. de solution. (vide ad hanc Horro. 8. Illustr. quæst. Cuiac. ad l. 36. De vsucap. 5. ad Afric. & ad l. 83. De V. O.)* Ergo possidentur tigna. Respon. Tigna ædibus iuncta non vindicantur, nec eo nomine ad exhibendum agitur. *§. cum in suo solo. Institue. De rerum diuision. Idem quoque a Paulo traditum est in l. in rem actio. §. signum, de rei vind. l. gemma 6. ad exhibendum.*

Quod



Quod autem idem Paulus dicit l. 12. tab. sancire, tignum vindicari posse, *in d. l. qui res suas 93. §. fur. de solut.* Hoc ita intelligendum est, vt tantum à sciente, qui consultò tignum ædibus iunxit, vindicetur, *d. l. in rem actio. §. tignum. De rei vindicat.* Vel etiam dici potest, tignum vindicari non simpliciter, sed hæcenus modò, vt actor, dominus tigni, æstimationem pro eo non eximendo consequatur. *Forpertus in l. tigni appellatione, De U. S.* Vel etiam dici potest, tignum vindicari diruto ædificio, sed interim dum diruatur ædificium, solui tignum non debet, sed eius pretium dari.

## A L I V D.

Siue tignum à sciente vindicetur, siue ita vindicetur, vt quis æstimationem tigni consequatur, semper tignum possidetur: quia ea tantum vindicantur, quæ possidentur. Ergo adhuc malè dicimus singulas res, quæ in ædibus continentur, possideri. Respon. Cum tignum vindicatur, vno ex ijs, quo diximus, modo, tignum possidetur, vniuersaliter scilicet, vel, vt DD. loquuntur, possidetur tignum in concreto, quatenus scilicet ædes possidentur: In abstractio autem tignum per se non possidetur.

## XII. Propositio.

Idemque de naui & armario dicimus. *d. l. qui vniuersi. in fine pr.*

## XIII.

Itaq; qui ædes mercatus est, non aliud, quàm ipsas ædes possidet. Nam si singulas res possidere intelligeretur, ipsas ædes non possideret. Si paratis enim corporibus, ex quibus ædes constant, vniuersitas ædium intelligi non poterit. *l. cum qui 23. De usurpat. & usufructu. in pr. l. 2. §. cum Stichum. Pro emptore.*

## A R G V M E N T V M I.

Obstat l. emtor. pro emptor. in fin. Singulæ partes vsucapiuntur. Ergo & possidentur.

## A L I V D.

## A L I V D.

Nomine partium datur interdictum vnde vi. *l. quod meo. §. fin. h. t.* Ergo possidentur. R. Subaudiendum est vocabulum Tantum, vniuersitas, possidentur non singulæ partes tantum.

## A L I V D.

Obstat *l. qui fundum 7. §. si fundum. Pro emtor. vbi* partium, quæ emtioni fundi adijciuntur, propria & separata conditio est, & ideo possessionem quoque earum separatim nancisci oportet. R. Hic sunt duæ acquisitiones, fundi & partis ex altero fundo. Necessè est igitur, quemque separatim possideri, secus, si simul emti essent. Non enim trahitur vltima acquisitio ad primam, quod videbatur ratione cuiusdam vniuersitatis. Sed non est. *l. fin. C. fin. regund.*

## XIV. Propositio.

Causæ ex quibus possidemus, plures sunt, vt pro emtore, pro herede, pro donato, pro possessore, pro derelicto, pro legato, pro suo, clam, vi, precario, & similes.

## A D N O T A T I O.

Quamuis diuersæ sint possessionum causæ, tamen non constituunt diuersas species. Nam causæ ac tituli possessionum sunt res ab his separata: Sicut & aliæ causæ efficientes ab effectis distant, & qualitates accidentales species non mutant. *§. fin. Instit. De inst. & iur. Vdes. in parat. n. 3. h. t.* Nec in hac thes. 14. & seq. *παραλογίας* committimus. Hic enim dicimus, plures causas seu titulos esse, ex quibus possessio potest competere, in altera quærimus, an vna res ex pluribus causis possideri possit.

## XV. Propositio.

Ex pluribus causis possidere possumus, & qui v-  
sucepit, & pro emtore, & pro suo possidet. Sic enim  
etfici

et si ei qui pro emtore possidebat, heres sim, eandem rem, & pro emtore, & pro herede possideo. l. 3. §. ex pluribus. 4. & ibi Socin. n. 14.

## A R G V M E N T V M I.

Obstat l. 4. C. De contrah. emt. ibi dicitur, quod titulus possessionis duplicari non possit. R. Glossa ibi existimat possessionem dominium significare. Et titulus possessionis, id est, titulus dominij duplicari non potest, & huius glossæ sententiam Doctissimus Faber, in l. non vt ex pluribus. de R. I. secutus est. Sed rectius dicemus, possessionem ibi pro dominio non accipi, sed pro detentione. Ideò autem ibi titulus possessionis non duplicatur, quia tu non videris ex causa emtionis possidere, cum nulla ibi emtio fuerit. Finge, Res tibi est donata & tradita, postea eadem res ab herede donantis tibi venditur: Et hinc titulus possessionis non duplicatur, id est, tu non possides ex causa donationis, & ex causa emtionis; sed ex causa donationis tantum, quia nulla fuit venditio.

## A L I V D.

Contra solutionem obijcitur. l. 1. §. si vir vxori. De acquir. posses. Ibi ex inutili donatione, possessio transfertur. Igitur solutio data non valet, & titulus possessionis non duplicatur. R. In d. l. 1. §. si vir vxori, possessio transfertur, quamuis donatio sit inutilis. Quia maritus rem vxori donatam habuit, & possessionem in vxorem transtulit. At in d. l. 4. heres donatoris rem venditam non habuit, sed ea res apud donatarium fuit. Et ideò, cum heres donatoris possessionem in emtorem non transtulerit, titulus possessionis non duplicatur.

## A L I V D.

Rursum frustra ex pluribus causis possidemus. Quia ex vna causa tantum dominium acquirimus. Igitur ea resp. nullius est momenti. R. Verum est, quod ex vna tantum causa  
S domi-

dominium acquirimus. At propterea non frustra posidemus ex pluribus causis. Si ex vna causa possessionem non probem, ex alia causa eam probare possum. Et ad hoc prodest multiplicatio possessionis.

## A L I V D.

Non qui vsucapere cœperit, imò post vsucapionem completam nulla utilitas exigit, vt res à me possideatur ex alia causa, me iam effecto domino. Ergo res tantum ex causa vsucapionis possidetur, non etiam ex alia causa. R. ex l. in nouis. De const. princip. In rebus nouis constituendis euidentius debet esse utilitas, vt à iure constituto recedatur. Quia igitur constitutum antè erat ex pluribus causis, quem possidere posse, id in hoc nostro casu mutare noluerunt, cum, etsi nulla sit utilitas, tamen neque officiat eiusmodi possessio.

## A L I V D.

Cum res mihi quæsitæ sit vsucapione, etiamsi eam possideam ex alia causa, ea possessio non poterit valere ad vsucapionem. At obijcitur l. 2. §. ult. pro emptor. R. Ibi agitur de eo, cui litis æstimatione, causa possessionis mutata est. Et ita cum antè dominus non esset, per litis æstimationem, quæ ciuilis emptio est: l. 3. pro emptore, dominus fit, & ideo ei non procedit, aut prodest vsucapio. Possidet tamen ex veteri causa, sed impeditur vsucapio, quia causa possessionis est mutata.

## A L I V D.

Obstat. l. cum res. C. de contrah. emptio. R. Duar. ad l. 3. §. ex pluribus. h. t. Animaduertendum est, responsum hoc esse ab Imperatore consulenti ex facto, cuiusmodi sunt scripta omnia, quæ in C. Iustiniano reperiantur. In specie proposita quæstio fuit, de acquisitione dominij, propter possessionem, quod ostendunt verba, Dominium factum frustra. Et in ea specie emptio nulla est, quia cmi rem meam ab herede, quæ mihi à defuncto donata & tradita erat. Quia igitur rei suæ nulla est emptio, rescriptis Imperator, non multiplicari titulum.

Nec

## XVI. Propositio.

Nec enim sicut dominium non potest, nisi ex vna causa contingere, ita etiam possidere ex vna duntaxat causa possumus. *d. l. 3. §. ex plurib. in fin.*

## A R G V M E N T V M I.

Vsucapio adfert dominium. Ex pluribus autem causis vsucapimus. E. & dominium ex pluribus causis acquirimus. R. Vna tantum est proxima causa vsucapionis, possessio scilicet. Eius possessionis fieri potest, vt sit multiplex titulus. At titulus possessionis causa est, possessio vsucapionis. Et possessionis plures causa esse possunt, vsucapionis non nisi vna est, & vnus est titulus dominij. Quia, quod meum est, amplius meum fieri non potest, *§. sic itaq. Insti. De Att.* At habere plures titulos possessionis prodest, quia si ex vno non probem, ex altero probare possum.

## A L I V D.

Obstat etiam. l. Fundo. 4. ad l. Falcid. vbi etiam ex causa hereditaria, & ex causa legati eiusdem rei dominium acquiritur. R. Iurisconsultus seipsum explicat: Non dicit, quod vtraque ex causa fundus meus est, fungor hic duarum personarum vice, & heredis & legatarij, pendente conditione fundus ex causa hereditaria, existente ex causa legati.

## XVII. Propositio.

E contrario plures eandem rem in solidum possidere non possunt. Contra naturam quippe est, vt cum ego aliquid teneam, tu quoq; id tenere videaris. *d. l. 3. §. ex contrario §. h. t. Cuiaci. p. obs. 32. §. obs. 22*

## A R G V M E N T V M I.

Obstat lex, & habet. 15. §. eum qui 4. De precar. R. Summa est ea l. ex libris ad Sabinum, qui duos possessores admittebat. Sed verior est Proculianorum sententia, in ea specie, eum solum possidere, qui precario rogauit, vt sibi possidere liceret. *l. duo 19. De precar.*

## A L I V D.

Obstat l. 3. vti possidet. Et ea est l. ex sententia Sabini & Trebatij, quod ostendunt verba, si quis proponeret: Sed huic nec Proculiani, nec nos assentimur, propterea quod eorum reiecta sit sententia, approbata Proculi d. l. 3. §. ex contrario Si itaque vt in specie d. l. 3. vti poss. Titius vi aut clam à me possidet, vel ab alio, solus ipse possidet, non ego. Licet, cum à me vi aut clam possidet, futurum sit, vt eum vincam interdicto, vti possidetis. Et si enim non possideo, proinde tamen habeor, ac si possiderem, cum habeam interdictum, vnde vi, aut de clandestina possessione l. si quis vt. De acquir. poss. l. 7. §. Iulianus, comm. diuid.

## A L I V D.

Obstat l. si finita 15. §. cum autem plures 18. De Damn. infect. R. d. §. loquitur de creditoribus, qui in absentis aut contumacis bona missi sunt: & ex primo quidem decreto mittuntur saltem in possessionem, & in custodiam, non autem possident. Et mittuntur quidem singuli quasi in totum, sed concursu partes habent. Ex secundo autem decreto pro eis partibus possidere iubentur. Cuiac. p. obs. 22.

## A L I V D.

Obstat l. clam. §. fin. h. t. quæ expressè videtur affirmare duos possidere & eum qui ad nundinas profectus nondum sciuit fundum suum occupatum: & eum, qui occupauit. R. Ille qui occupauit clam possessionem absentis non ante adipiscitur possessionem naturalem, quam ille amiserit, qui iuit ad nundinas. Sed interea rem tantum detinet, & est in possessione absq; animo vel cogitatione sibi habendi.

## A L I V D.

Obstat id, quod prator inquit: Vti nunc possidetis eum fundum de quo agitur, ita possideatis, aduersus ea vim fieri veto. Ergo duo in solidum possident. R. Duos Prator dicit possidere, non, quod verè possideant, sed ratione contentionis tantum, quæ est inter duos de possessione, ne alter alteri vim faciat, Prator interdicit, vt vtrumque, sicuti vterque

terque affirmat, possidere dicat, sed vnus tantum verè possidet.

## A L I V D.

Cum Titius à me vi vel clam possidet, ego Titium vinco interdicto, vti possidetis. *l. 1. § fin. vii poss* Igitur & ego possideo. R. Cum Titius à me possidet vi vel clam, ipse solus possidet, non ego: Ego tamen cum vinco propterea, quod etsi non possideo, tamen perinde habeor, ac si possiderem, cum habeam interdictum, vel de vi, vel de clandestina possessione. *l. si quis vi. De acquir. poss. l. 7. §. Iulianus. Commun. diuidund.*

## A L I V D.

Iurisconsultus inquit, cum plures mittuntur in possessionem &c. Vide solutionem ad ipsam thesin.

## A L I V D.

In l. sciendum, qui satisfdare cogantur, dicitur, Si fundus in dotem datus sit tam vxor, quam maritus, propter possessionem eiusdem fundi possessores intelliguntur. Igitur duo in solidum possident. R. Sola vxor possidet verè, sicut sola vxor est domina dotis: At maritus possidet fictione iuris tantum. Et vterque propter petitionem (ita legendum) non possessionem h. e. vendicationem, possessor intelligitur.

## A L I V D.

Colonus & depositarius naturaliter possident. *l. commun. §. neq. commun. diuidund.* Possidet etiam dominus fundi & deponens. Igitur duo possident. R. Cum colonus & depositarius, alijque possidere dicuntur, impropria est locutio, cum in possessione potius sint, quam possideant.

## A L I V D.

In l. licet, Deposit. plures apud sequestrum rem in solidum deponunt, & sequester possidet. Id enim, inquit Iurisconsultus ea depositione agitur, vt neutrius possessioni id tempus procedat. Igitur duo in solidum possident. R. ex illa ipsa lege, Tunc inquit Iurisconsultus res apud sequestrum deponitur, cum res in controuersiam deducitur, Et ex ratio-

ne controuersia deponunt singuli in solidum, non quod verè deponant singuli in solidum.

## A L I V D.

Obstat l. clam possidere, De acquir. poss. & quidem dupliciter. Primò ibi clā possidere definitur, qui furtiuè possessionem ingressus est, eo ignorante, qui possidebat. Igitur duo in solidum possident; Is cuius erat possessio, quia animo retinet possessionem, & ignorat alterum clam possidere; Is item qui clam ingressus est possessionem. Deinde in §. fin. Iurisconsultus docet, Quod me ad nundinas profecto tu clam possideas, si dū ego absum, tu occupaueris possessionem. Ait enim Iurisconsultus me retinere possessionem, qui ad nundinas abiui. Duo igitur in solidum possident. R. Qui clam possidet, non statim vbi possessionem furtiuè ingressus est possidet, sed tūc demum, vbi clandestinè ingressus opinione comparata dominus possessione sua cesserit: Interim ergo is cuius est possessio, possessionem animo retinet: Et qui clam ingressus est, possessionem propriè non possidere, sed in fundo esse dicitur, *ut loquitur Iurisconsultus in l. 3. §. in amittenda, de acquir. poss.* Ad §. fin. respondeo Iurisconsultus, eum, qui absentis possessionem ingressus est, clam videri possidere scribit: At non quisquis videtur possidere, continuo etiam possidet. Nam usufructuarius videtur possidere. *l. naturaliter de acquir. poss.* & tamen non possidet, sed in fundo est. *l. certo. §. is qui precario rogauit: De precar.* Retinet igitur dominus possessionem, donec clandestini ingressus, opinione comparata, sua possessione cesserit. Tandiu enim prior possidet, quamdiu possessionem ab alio occupatam ignorat. Vt enim eodem modo vinculum obligationum soluitur, quo quæri adsolet: ita non debet ignorantia tolli possessio, quæ solo animo tenetur. *l. quamuis 40. b. t.* Idem traditur in l. si id 25. §. 1. eodem.

## A L I V D.

Pignus creditor possidet, quia eo animo pignus tradidit debitor, vt possessionem dimitteret. *l. per seruum: De acquir. rer. dom. l. cum & sortis. §. fin. de pignorat. act.* Possidet etiam debitor,



tor, quia rem pignori datam vsucapit, quamdiu res apud creditorem est. *l. non solum. §. qui pignori. De vsucap.* Ergo duo possident. R. Debitor, quamdiu creditor possidet, reuera non possidet, intelligitur tamen possidere ad hanc vnam causam, vt vsucapiat, vt eam impleat. *Ita loquitur Iurisconsultus in l. 1. §. per seruum corporaliter. l. qui pignoris, de acquir. poss. l. serui nomine, De usurpat. & vsucap. l. non solum. §. qui pignori, eodem.* Ideoque interrupta possessione creditoris, debitoris quoque vlucapio interruptitur. At creditor pignus non possidet. *l. sciendum, qui satiare cogant.* Ad hoc scilicet, vt releuetur ab onere satisfaciendi.

## A L I V D.

Qui in aliena potestate sunt, possident naturaliter. *l. possessio. §. 1. b. t. l. stipulatio ista habere licere. §. hac quoq; stipulatio, De V. O.* Possidet etiam pater & dominus. *l. 1. §. item acquirimus. possess.* De acquir. possess. Ergo duo in solidum possident. R. Maior vera est, si, qui in aliena potestate sunt, patri vel domino possessionem acquirere nolint, tunc sibi possident naturaliter. At si hac mente sunt, qui in aliena sunt potestate, vt patri vel domino acquirant possessionem, tunc ipsi non possident, sed pater.

## A L I V D.

In l. 1. §. per commun. seruum, hoc tit. De acquirend. poss. dicitur. Seruum communem singulis dominis in solidum acquirere. Ergo duo in solidum possident. R. Sententia eius loci hæc est, Seruus communis potest mihi possessionem in solidum acquirere, si hoc agat, vt mihi acquirat. Aut si seruus hoc agat, vt tibi soli acquirat possessionem, iam tibi soli possessio acquiritur. Hoc vult Iurisconsultus in d. §. per communem seruum. Nequaquam hoc etiam vult, quod mihi in solidum, & tibi etiam in solidum communis seruus possessionem acquirat, sed vel tibi in solidum acquirit, si ita vult, vel mihi in solidum, si ita velit: & tibi in solidum possessione qua sita semel, mihi eandem possessionem in solidum acquirere non potest.

## A L I V D.

## A L I V D.

Possessio acquiritur corpore, itemque animo: At cum filius, vel seruus apprehendit possessionem, corpore illam apprehendit, apprehendit illam etiam animo. Ergo possidet filius vel seruus, possidet etiam pater per filium vel per seruum, *l. i. b. t.* Duo igitur possident in solidum. R. Videndum est, quo animo filius vel seruus acquirat possessionem: Si eo animo, ut mihi acquirat, mihi acquiritur per filium vel seruum possessio, & ego solus possideo. Si eo animo acquisiuit filius vel seruus possessionem, ut sibi eam acquirat, ego non possideo, sed filius vel seruus.

## A L I V D.

Aspectu acquiritur possessio *l. i. §. si iusserim, & l. quann-dam, b. t.* At duorum aspectus potest concurrere. Ergo &c. R. Paulus dicit non magis eandem possessionem apud duos in solidum esse posse, quam ut quis stare videatur in eo loco, ubi ego sto, aut sedere, ubi ego sedeo, non affert rationem, cur non possideant eandem rem duo in solidum, sed similitudine utitur. Rationem autem in pr. §. adducit, cum ait, quippe contra naturam est, tenere &c.

## A L I V D.

Obstat 1. aliena 2. §. 1. De pignor. act. Et l. si fundus 15. §. si duo, de pignoribus. Illis locis pignus obligatur duobus in solidum. At creditor verè possidet. Ergo &c. R. Etiam si duobus pignus in solidum obligetur, tamen illi in solidum non possident, ut in *l. si finita. §. cum a. De damno infecto* Et l. ult. uti possidet: tenent fundum æqualiter usufructuarius & usurarius, sed non in solidum unusquisq; eorum possidet, quatenus ad ius suum conseruandum, necessarium est. Sed hoc posterius ex sententia Duareni est.

## XVIII. Propositio.

Nec refert iustè quis an iniustè possideat: quoniam in summa possessionis non multum interest, iustè quis an iniustè possideat. Non magis enim eadem possessio

sessio apud duos esse potest, quàm vt tu stare videaris in eo loco, in quo ego sto, vel in quo ego sedeo, tu sedere videaris. *d. l. 3. ex contrario, in fin. h. 1. Cuiacius 1. obseruat. 32.*

## XIX.

Per iustam possessionem non intelligimus civilem possessionem, nec per iniustam naturalem tantum: cum naturalis non minus, quàm civilis iusta esse possit. *l. nemo, h. 1. Cuiac. 9. obseru. 33.*

## XX.

Et siue iusta, siue iniusta sit possessio, legitima nihilominus est, quàm diu omnium aduersariorum silentio & taciturnitate firmatur, vt superioribus thesibus fuit ostensum. *d. l. 10. C. h. 1.*

## XXI.

Causam possessionis nemo sibi ipsi mutare potest, vt apud veteres autore Marcello scriptum, *l. qui bona 19. §. 1. h. 1.* & à veteribus secundum Paulum, præceptum, *in l. 3. §. illud. 19. h. 1.* & vulgò responsum est, vt Iulianus inquit, quos credibile est de eo cogitasse, qui cum & corpore & animo possessioni incumberet, hoc solum statuit, vt alia ex causa id possideret: Non si quis dimissa possessione prima, eiusdem rei denud ex alia causa possessionem nancisci velit, *l. 3. §. 19. h. 1. l. 19. §. 1. l. cum nemo. C. eodem.*

## XXII.

Si is qui apud me deposuit, vel commodauit, eam rem vendiderit mihi vel donauerit, non videbor causam possessionis mihi mutare, qui ne possidebam quidem. *d. l. 3. §. sed si is 20. h. 1.*

## XXIII.

Quod meo nomine possideo, possum alieno nomine possi-

T

ne possi-

ne possidere. Nec enim muto mihi causam possessionis, sed desino possidere, & alium possessorum ministerio meo facio: nec idem est possidere, & alio nomine possidere. Nam possidet, cuius nomine possidetur. *l. quod meo 18. in princ. h. t.*

## A R G V M E N T V M I.

Quod citrà animum seu factum domini possessio non acquiritur. *l. quemadmodum h. t. R.* Sufficit animus qui adfuit, cum procuratorem instituit, quod si procurator non sit, requiritur ratihabitio. Volentibus enim acquiritur. *l. in ea qua ciuilitur 53. De acquir. rer. dom.* Ergo voluntas probanda est. Et siue ab initio, siue nunc animus interueniat, utrobique animi quodam genere possessio erit æstimanda *l. quarundam, in fine. si. hoc tit.*

## A L I V D.

Ad translationem possessionum necessarius est corporalis actus. At hîc non interuenit. Ergo &c. Respon. Sufficit semel interuenisse, cum constituens ipse possessionem acquisiuit *l. si me in vacuam.* Trahitur enim ea acquisitio etiam ad eum, cuius nomine deinde se possidere constituit, sicut re apprehensa nomine nostro, sufficit deinde, si ratum habeamus. *l. communis 42. §. final. h. t.*





DISPUTATIO TERTIA,  
EX TIT. DE ADQVIREN-  
DA VEL AMITTENDA  
possessione.

In qua  
DE RETINENDA ET AMITTENDA  
possessione agitur.

*Cum sequentes propositiones defendit 22. Decembris  
Anno 1591.*

FRANCISCVS LANGER NYSSAEVS  
Silesius.

I. Propositio.



possessio solo animo retinetur l. 3. §. in amit-  
tenda h. 1.

II.

Saltus hybernos æstiuosq; animo pos-  
sidemus, quamuis certis temporibus eos relinquamus  
d. l. 3.

III.

Idque secundum Proculum exempli causa dicitur.  
l. 1. §. quod vulgò, de vi & vi armat.

IV.

Nam in omnibus prædijs, ex quibus non hac  
mente recedimus, aut possessionem amittamus, idem  
est, d. l. 1. d. §. quod vulgò d. 1.

T 2

Nec

## V.

Nec solum animo retineo possessionem, cum per me ipsum possideo, verum etiam cum possideo per seruum, colonum, procuratorem. *l. si id quod possidemus 2 §. 1. h. r.*

## VI.

Etenim si Colonus vel seruus, per quos corpore possidebam decesserint discesserint tūc, animo retineo possessionem. *d. l. 3. §. quod si seruus h. r.*

## VII.

Et si animo possideas, licet alius sit in fundo, adhuc tamen possides. *d. l. 3.*

## VIII.

Ad nundinas itaque profectus nemine domi relicto, possessionem retinet, quamuis aliquis dum ille à nundinis rediret, possessionem occupauerit. *l. clam possidere 6. §. qui ad nundinas, h. r. n.*

## IX.

Et si dum in alia parte fundi sum, alius quis clam, animo possessoris, intrauerit, non desisse ilicò possidere existimandus sum, facile expulsurus finibus simul atq; sciero. *l. quod meo 18. §. fin. h. r. n.*

## X.

Et si saltus proposito possidendi fuerit alius ingressus, nos animo possidemus, & quidem tamdiu quamdiu possessionem ab alio occupatam ignoramus. Vt enim eodem modo vinculum obligationum soluitur, quo quæri solet: ita non debet ignorantia tolli possessio, quæ solo animo retinetur. *l. quamuis saltus 46. hoc. tit.*

## XI.

Animo igitur non vsque eò possidemus, donec alius

lius corpore ingressus sit, vt potior sit illius corporalis possessio: sed vsque eò, donec aut nostra voluntate discefferimus, aut vi deiecti fuerimus. *l. si id quod possidemus. §. fin. 25. d. l. 3. h. t.*

## XII.

Quod tunc quoq; fit, cum reuertentes nos aliquis repellit, aut nos ita desinimus animo possidere, quod suspicemur repelli nos posse ob eo qui ingressus est possessionem. *d. l. si id quod possidemus. l. clam possidere. l. 7. hoc tit.*

## XIII.

Si quis nunciet domum à latronibus occupatam, & dominus timore conterritus, noluerit accedere, amississe eum possessionem placet. *l. 3. §. in amittenda h. t. n.*

## XIV.

In amittenda ergo possessione, affectio eius qui possidet, intuenda est. *d. l. 3.*

## XV.

Et si sis in fundo, nolis tamen eum possidere, protinus amittis possessionem. *d. l. 3.*

## XVI.

Igitur & animo solo possessio amittitur, quamvis adquiri non potest. *d. l. 3.*

## XVII.

Si modò possessor purè de possessione decedat.

## XVIII.

Nihil tamen refert, alius nactus sit possessionem an non.

## XIX.

Nam & si furioso, quem sanæ mentis existimas, eò quod fortè in conspectu adumbratæ quietis fuit con-

stitutus, rem tradideris, licet ille non erit adeptus possessionem, tu possidere definis. *l. quod meo. §. si furioso. hoc tit.*

## XX.

Sufficit quippe dimittere possessionem, etiamsi non transferas. Illud enim ridiculum est dicere, quod non aliter velit quis dimittere, quàm si transferat. Imò vult dimittere, quia existimat se transferre. *d. l. quod meo.*

## XXI.

Si quis sub conditione recedat de possessione, conditione non secuta, possidere non desinit. *l. qui absenti.*

## XXII.

Et idèdè si me in vacuam possessionem fundi Corneliani miseris, & ego putans me in Sempronianum missum in Cornelianum iëro, non adquireo possessionem, nec tu amittis possessionem qui quodammodo sub conditione recessisti de possessione *l. si me in vacuam 34.*

## XXIII.

Rerum mobilium possessio non solum animo amittitur, sed hoc amplius etiam tunc, cum sub custodia nostra esse desinunt. *d. l. 3. §. Nerva 13. l. si rem mobilem 47. h. r. n.*

## XXIV.

Desinunt esse sub custodia, quoties naturalem earum possessionem cum volumus, nancisci non possumus *d. l. 3. §. Nerva h. r.*

## XXV.

Pecus simulatque aherauerit, aut res ita exciderit, ut non inueniatur, protinus desinit à nobis possideri,



deri, licet à nullo possideatur. *d. l. 3. s. Nerva.*

## XXVI.

Cùm lapides iu Tiberim demersi sunt naufragio, & post tempus extracti, per id tempus, quo sunt mer-  
si, ego possessionem non retineo *l. Pomponius refert 13. in princip. h. t. n.*

## XXVII.

Quod ad alias quoque res trahendum est. Nam generaliter traditum est si id, quod possidemus, ita perdiderimus, vt ignoremus vbi sit, desinere nos possidere. *l. si id quod possidemus. h. t.*

## XXVIII.

Quinimò si rem mobilem apud te depositam vel tibi commodatam, tibi possidere neque reddere constitueris confestim ego possessionem vel ignorans amitto. *l. si rem mobilem 47. in princ. h. t.*

## XXIX.

Cuius rei ratio est, quod rerum mobilium neglecta atque omissa custodia, quamvis eas nemo alius inuaserit, veteris possessionis damnum adferre solet. *d. l. si rem mobilem. h. t.*

## XXX.

Non tamen semper dominus amittit possessionem cùm reposcenti ei commodatum non redditur. Nam si iusta & rationabilis causa fuit non reddendi, non vtique vt possessionem eius commodatarius interuerteret, non desinit dominus possidere. *l. si quis rem 20. hoc tit.*

## XXXI.

Rem, quæ sub custodia mea est, ego possideo licet non inueniatur, quia præsentia eius est, & tantùm  
cessat

ne controuersia deponunt singuli in solidum, non quod verè deponant singuli in solidum.

## A L I V D.

Obstat l. clam possidere, De acquir. poss. & quidem dupliciter. Primò ibi clā possidere definitur, qui furtiuè possessionem ingressus est, eo ignorante, qui possidebat. Igitur duo in solidum possident; Is cuius erat possessio, quia animo retinet possessionem, & ignorat alterum clam possidere; Is item qui clam ingressus est possessionem. Deinde in §. fin. Iurisconsultus docet, Quod me ad nundinas profecto tu clam possideas, si dūgo absum, tu occupaueris possessionem. Ait enim Iurisconsultus me retinere possessionem, qui ad nundinas abiui. Duo igitur in solidum possident. R. Qui clam possidet, non statim vbi possessionem furtiuè ingressus est possidet, sed tū demū, vbi clandestinè ingressus opinione comparata dominus possessione sua cesserit: Interim ergo is cuius est possessio, possessionem animo retinet: Et qui clam ingressus est, possessionem propriè non possidere, sed in fundo esse dicitur, *ut loquitur Iurisconsultus in l. 3. §. in amittenda, de acquir. poss.* Ad §. fin. respondeo Iurisconsultus, eum, qui absentis possessionem ingressus est, clam videri possidere scribit: At non quisquis videtur possidere, continuo etiam possidet. Nam usufructuarius videtur possidere. *l. naturaliter de acquir. poss.* & tamen non possidet, sed in fundo est. *l. certo. §. is qui precario rogauit: De precar.* Retinet igitur dominus possessionem, donec clandestini ingressus, opinione comparata, sua possessione cesserit. Tandiu enim prior possidet, quamdiu possessionem ab alio occupatam ignorat. Vt enim eodem modo vinculum obligationum soluitur, quo quæri adsolet: ita non debet ignoranti tolli possessio, quæ solo animo tenetur. *l. quamuis 40. b. t.* Idem traditur in l. si id 25. §. 1. eodem.

## A L I V D.

Pignus creditor possidet, quia eo animo pignus tradidit debitor, vt possessionem dimitteret. *l. per seruum: De acquir. rer. dom. l. cum & sortis. §. fin. de pignorat. aff.* Possidet etiam debitor;

tor, quia rem pignori datam vsucapit, quamdiu res apud creditorem est. *l. non solum. §. qui pignori. De vsucap.* Ergo duo possident. R. Debitor, quamdiu creditor possidet, reuera non possidet, intelligitur tamen possidere ad hanc vnam causam, vt vsucapiat, vt eam impleat. Ita loquitur Iurisconsultus in *l. 1. §. per seruum corporaliter. l. qui pignoris, de acquir. poss. l. serui nomine, De usurpat. & vsucap. l. non solum. §. qui pignori, eodem.* Ideoque interrupta possessione creditoris, debitoris quoque vlucapio interruptitur. At creditor pignus non possidet. *l. sciendum, qui satisficere cogant.* Ad hoc scilicet, vt releuetur ab onere satisfidandi.

## A L I V D.

Qui in aliena potestate sunt, possident naturaliter. *l. possessio. §. 1. h. 1. l. stipulatio ista habere licere. §. hac quoq; stipulatio, De V. O.* Possidet etiam pater & dominus. *l. 1. §. item acquirimus. possess.* De acquir. posses. Ergo duo in solidum possident. R. Maior vera est, si, qui in aliena potestate sunt, patri vel domino possessionem acquirere nolint, tunc sibi possident naturaliter. At si hac mente sunt, qui in aliena sunt potestate, vt patri vel domino acquirant possessionem, tunc ipsi non possident, sed pater.

## A L I V D.

In *l. 1. §. per commun. seruum*, hoc tit. De acquirend. poss. dicitur. Seruum communem singulis dominis in solidum acquirere. Ergo duo in solidum possident. R. Sententia eius loci hac est, Seruus communis potest mihi possessionem in solidum acquirere, si hoc agat, vt mihi acquirat. Aut si seruus hoc agat, vt tibi soli acquirat possessionem, iam tibi soli possessio acquiritur. Hoc vult Iurisconsultus in *d. §. per communem seruum.* Nequaquam hoc etiam vult, quod mihi in solidum, & tibi etiam in solidum communis seruus possessionem acquirat, sed vel tibi in solidum acquirit, si ita vult, vel mihi in solidum, si ita velit: & tibi in solidum possessione qua sita semel, mihi eandem possessionem in solidum acquirere non potest.

## A L I V D.

## A L I V D.

Possessio acquiritur corpore, itemque animo: At cum filius, vel seruus apprehendit possessionem, corpore illam apprehendit, apprehendit illam etiam animo. Ergo possidet filius vel seruus, possidet etiam pater per filium vel per seruum, *l. i. h. t.* Duo igitur possident in solidum. R. Videndum est, quo animo filius vel seruus acquirat possessionem: Si eo animo, ut mihi acquirat, mihi acquiritur per filium vel seruum possessio, & ego solus possideo. Si eo animo acquisiuit filius vel seruus possessionem, ut sibi eam acquirat, ego non possideo, sed filius vel seruus.

## A L I V D.

Aspectu acquiritur possessio *l. i. §. si iusserim, & l. quarundam, h. t.* At duorum aspectus potest concurrere. Ergo & c. R. Paulus dicit non magis eandem possessionem apud duos in solidum esse posse, quam ut quis stare videatur in eo loco, ubi ego sto, aut sedere, ubi ego sedeo, non affert rationem, cur non possideant eandem rem duo in solidum, sed similitudine vitur. Rationem autem in pr. §. adducit, cum ait, quippe contra naturam est, tenere & c.

## A L I V D.

Obstat 1. aliena 2. §. 1. De pignor. act. Et l. si fundus 15. §. si duo, de pignoribus. Illis locis pignus obligatur duobus in solidum. At creditor verè possidet. Ergo & c. R. Etiam si duobus pignus in solidum obligetur, tamen illi in solidum non possident, ut in l. si finita. §. cum a. De damno infecto Et l. ult. uti possidet: tenent fundum æqualiter usufructuarius & usurarius, sed non in solidum unusquisque eorum possidet, quatenus ad ius suum conseruandum, necessarium est. Sed hoc posterius ex sententia Duareni est.

## XVIII. Propositio.

Nec refert iustè quis an iniustè possideat: quoniam in summa possessionis non multum interest, iustè quis an iniustè possideat. Non magis enim eadem possessio

fectio apud duos esse potest, quàm vt tu stare videaris in eo loco, in quo ego sto, vel in quo ego sedeo, tu sedere videaris. *d. l. 3. ex contrario, in fin. h. 1. Cuiacius 1. obseruat. 32.*

## XIX.

Per iustam possessionem non intelligimus civilem possessionem, nec per iniustam naturalem tantum: cum naturalis non minus, quàm civilis iusta esse possit. *l. nemo, h. 1. Cuiac. 9. obseru. 33.*

## XX.

Et siue iusta, siue iniusta sit possessio, legitima nihilominus est, quàm diu omnium aduersariorum silentio & taciturnitate firmatur, vt superioribus thesibus fuit ostensum. *d. l. 10. C. h. 1.*

## XXI.

Causam possessionis nemo sibi ipsi mutare potest, vt apud veteres autore Marcello scriptum, *l. qui bona 19. §. 1. h. 1.* & à veteribus secundum Paulum, præceptum, *in l. 3. §. illud. 19. h. 1.* & vulgò responsum est, vt Iulianus inquit, quos credibile est de eo cogitasse, qui cum & corpore & animo possessioni incumberet, hoc solum statuit, vt alia ex causa id possideret: Non si quis dimissa possessione prima, eiusdem rei denuò ex alia causa possessionem nancisci velit, *l. 3. §. 19. h. 1. l. 19. §. 1. l. cum nemo. C. eodem.*

## XXII.

Si is qui apud me deposuit, vel commodauit, eam rem vendiderit mihi vel donauerit, non videbor causam possessionis mihi mutare, qui ne possidebam quidem. *d. l. 3. §. sed si is 20. h. 1.*

## XXIII.

Quod meo nomine possideo, possum alieno nomine possi-

T

ne possi-

ne possidere. Nec enim muto mihi causam possessionis, sed desino possidere, & alium possessorem ministerio meo facio: nec idem est possidere, & alio nomine possidere. Nam possidet, cuius nomine possidetur. *l. quod meo 18. in princ. h. t.*

## A R G V M E N T V M I.

Quod citrà animum seu factum domini possessio non acquiritur. *l. quemadmodum h. t. R.* Sufficit animus qui adfuit, cum procuratorem instituit, quod si procurator non sit, requiritur ratihabitio. Volentibus enim acquiritur. *l. in ea qua ciuilliter 53. De acquir. rer. dom.* Ergo voluntas probanda est. Et siue ab initio, siue nunc animus interueniat, vtroque animi quodam genere possessio erit æstimanda *l. quarundam, in fine. 51. hoc tit.*

## A L I V D.

Ad translationem possessionum necessarius est corporalis actus. At hic non interuenit. Ergo &c. Respon. Sufficit semel interuenisse, cum constituens ipse possessionem acquisiuit *l. si me in vacuam.* Trahitur enim ea acquisitio etiam ad eum, cuius nomine deinde se possidere constituit, sicut re apprehensa nomine nostro, sufficit deinde, si ratum habeamus. *l. communis 42. §. final. h. t.*





DISPUTATIO TERTIA,  
EX TIT. DE ADQVIREN-  
DA VEL AMITTENDA  
possessione.

In qua  
DE RETINENDA ET AMITTENDA  
possessione agitur.

*Cum sequentes propositiones defendit 22. Decembris  
Anno 1591.*

FRANCISCVS LANGERNTSSAEVS  
Silesius.

I. Propositio.



Offessio solo animo retinetur *l. 3. §. in amit-  
tenda h. 1.*

II.

Saltus hybernos æstiuosq; animo pos-  
sidemus, quamuis certis temporibus eos relinquamus  
*d. l. 3.*

III.

Idque secundum Proculum exempli causa dicitur.  
*l. 1. §. quod vulgò, de vi & vi armat.*

IV.

Nam in omnibus prædijs, ex quibus non hac  
mente recedimus, aut possessionem amittamus, idem  
est, *d. l. 1. d. §. quod vulgò d. 1.*

T 2

Nec

## V.

Nec solum animo retineo possessionem, cum per me ipsum possideo, verum etiam cum possideo per seruum, colonum, procuratorem. *l. si id quod possidemus 25. §. 1. h. 1.*

## VI.

Etenim si Colonus vel seruus, per quos corpore possidebam decesserint discesserint tūc, animo retineo possessionem. *d. l. 3. §. quod si seruus h. 1.*

## VII.

Et si animo possideas, licet alius sit in fundo, adhuc tamen possides. *d. l. 3.*

## VIII.

Ad nundinas itaque profectus nemine domi relicto, possessionem retinet, quamuis aliquis dum ille à nundinis rediret, possessionem occupauerit. *l. clam possidere 6. §. qui ad nundinas, h. 1. n.*

## IX.

Et si dum in alia parte fundi sum, alius quis clam, animo possessoris, intrauerit, non desiste illicò possidere existimandus sum, facilè expulsurus finibus simul atq; sciero. *l. quod meo 18. §. fin. h. 1. n.*

## X.

Et si saltus proposito possidendi fuerit alius ingressus, nos animo possidemus, & quidem tamdiu quamdiu possessionem ab alio occupatam ignoramus. Vt enim eodem modo vinculum obligationum soluitur, quo quæri solet: ita non debet ignorantì tolli possessio, quæ solo animo retinetur. *l. quamuis saltus 46. h. 1. rir.*

## XI.

Animo igitur non vsque eò possidemus, donec alius



lius corpore ingressus sit, vt potior sit illius corporalis possessio: sed vsque eò, donec aut nostra voluntate discefferimus, aut vi deiecti fuerimus. *l. si id quod possidemus. s. fin. 25. d. l. 3. h. 1.*

## XII.

Quod tunc quoq; fit, cum reuertentes nos aliquis repellit, aut nos ita definimus animo possidere, quod suspicemur repelli nos posse ob eo qui ingressus est possessionem. *d. l. si id quod possidemus. l. clam possidere. l. 7. hoc tit.*

## XIII.

Si quis nunciet domum à latronibus occupatam, & dominus timore contreritus, noluerit accedere, amisisse eum possessionem placet. *l. 3. s. in amittenda h. 1. n.*

## XIV.

In amittenda ergo possessione, affectio eius qui possidet, intuenda est. *d. l. 3.*

## XV.

Et si sis in fundo, nolis tamen eum possidere, protinus amittis possessionem. *d. l. 3.*

## XVI.

Igitur & animo solo possessio amittitur, quamuis adquiri non potest. *d. l. 3.*

## XVII.

Si modò possessor purè de possessione decedat.

## XVIII.

Nihil tamen refert, alius nactus sit possessionem an non.

## XIX.

Nam & si furioso, quem sanæ mentis existimas, eò quod fortè in conspectu adumbratæ quietis fuit constitutus,

deri, licet à nullo possideatur. *d. l. 3. §. Nerva.*

## XXVI.

Cùm lapides iu Tiberim demersi sunt naufragio, & post tempus extracti, per id tempus, quo sunt mer-  
si, ego possessionem non retineo *l. Pomponius refert 13. in princip. h. t. n.*

## XXVII.

Quod ad alias quoque res trahendum est. Nam generaliter traditum est si id, quod possidemus, ita perdiderimus, vt ignoremus vbi sit, desinere nos possidere. *l. si id quod possidemus. h. t.*

## XXVIII.

Quinimò si rem mobilem apud te depositam vel tibi commodatam, tibi possidere neque reddere constitueris confestim ego possessionem vel ignorans amitto. *l. si rem mobilem 47. in princ. h. t.*

## XXIX.

Cuius rei ratio est, quod rerum mobilium neglecta atque omissa custodia, quamuis eas nemo alius inuaserit, veteris possessionis damnum adferre solet. *d. l. si rem mobilem. h. t.*

## XXX.

Non tamen semper dominus amittit possessionem cùm reposcenti ei commodatum non redditur. Nam si iusta & rationabilis causa fuit non reddendi, non vtique vt possessionem eius commodatarius interuerteret, non desinit dominus possidere. *l. si quis rem 20. hoc tit.*

## XXXI.

Rem, quæ sub custodia mea est, ego possideo licet non inueniatur, quia præsentia eius est, & tantùm cessat

152 DISPUTATIO II. DE ACQV.  
cessat interim diligens inquisitio. *d. l. 3. §. Nerva.  
hoc tit.*

XXXII.

Feræ quoque bestię, quas viuarijs inclusimus & pisces quos in piscinas coniecimus à nobis possidentur: quia sub custodia nostra sunt. *d. l. 3. §. item feras bestias. h. t.*

XXXIII.

Sed pisces, qui in stagno sunt, aut feræ quę in syluis circumseptis vagantur, à nobis non possidentur, quoniam relictę sunt in libertate naturali: Alioquin si quis syluam emerit, videbitur omnes feras emisse & possidere, quod falsum est. *d. l. 3. §. item feras &c. versic. sed eos pisces, l. lines & labra 15. de action. empr.*

XXXIV.

Inde dicendum est, pisces in piscinam coniectos, fundi emptorem sequi.

XXXV.

Aues etiam possidemus, quas inclusas habemus, aut si quę mansuetę factę, custodię nostrę subiectę sunt. *d. l. 3. §. aues 15. h. t. n.*

XXXVI.

Sed & columbę quę ab ædificijs nostris volant, item apes, quę ex alueis nostris euolant, & secundum consuetudinem redeunt, à nobis possidentur. *d. l. 3. §. quidam 16. h. t. n.*

A D T H E S I N I.

Possessio appellata est à sedibus, quia naturaliter tenetur ab eo, qui ei insistit. *l. i. h. t.* Ergo quicunque naturaliter rei non insistit, non possidet. R. l. i. in princip. agit. de adquir. posses. Et possessio nulla adquiri potest, nisi corporaliter  
rem

rem apprehendamus *l. 3. in princip. h. t.* Nos in hac thesi agimus de retinenda possessione, quemadmodum inscriptio disputationis ostendit, & possessio solo animo retinetur, quod ideò receptum est, ne per singula horarum momenta rebus nostris insistere neccesse habeamus. *l. peregrè. §. quasi sum. l. 3. §. in amittenda. l. 6. h. t.*

## A L I V D.

Sicut se habet corpus ad naturalem possessionem, ita se habet animus ad ciuilem. At ciuilis possessio tantum animo retinetur. *l. clam possidere. §. ad nudinas. h. t.* Ergò naturalis tantum corpore. Et per consequens nostra thesis non de omni sed tantum de ciuili possessione loquitur. Ciuilis enim possessio secundum Dd. est quæ in animo consistit. R. Nego maiorem. Quia non sicut se habet corpus &c. Nam possessio naturalis non ea est quæ corpore, & ciuilis quæ in animo consistit, sed utroque & animo & corpore simul acquiritur. *l. 3. in princip. l. quemadmodum h. t. l. fere, de R. l.* Quod autem in d. l. clam possidere possessio solo animo retinetur, id non magis de ciuili quàm de naturali intelligendum est. Et possessio ideò solo animo retinetur, ne neccesse sit &c. vt ad primum oppositum supra.

## A L I V D.

Possessio denominatur à corpore & non ab animo *l. 1. in princip. h. t.* Ergo potius corpore debebat retineri possessio non animo. R. Quando Iurisconsultus in l. 1. in princip. dicit possessionem à sedibus appellatam, non alia ratione dicit, quàm vt ostendat, possessionem sine corpore acquiri non posse. Nec refert sedendo id fiat in aliquo loco an stando *l. 3. §. ex contrario. siue circumambulando. d. l. 3. §. 1. siue oculis l. 1. §. si iusserim h. t. quasi longis manibus pecuniam, de solution.* Infirum igitur est argumentum ex eo quod possessio à corpore denominata est, etiam corpore retinere debere. Et argumentum ab Etymologia non semper procedit, sed tum demum, quando definitio non repugnat, vt per multa probat Nicolaus Eberhard, in Topicis loc. de Etymolog. n. 2. & seqq. Repugnat

V

autem

autem allato argumento, definitio possessionis, quæ est  
*καταχρηστικῶς* animo & corpore adquisita l. 1. in princ. l. 3. §. 1. h. t.

## A L I V D.

Possessio facti est l. deniq. 19. in fin. Ex quibus causis maiores.  
 la. §. furiosus l. possessionem 29. h. t. Ergo possessio corpore retine-  
 tur non animo. Respon. possessio propriè iuris est l. peregrinè  
 44. h. t. l. non ideo. C. de liberal. caus. Quod vel ex eo apparet  
 quod res incorporalis est. §. incorporales, instituit. de rebus cor-  
 poralibus & incorporalibus & ibi Cuiacius. l. qui exceptionem. §. fi-  
 nal. de condition. indebit. Quando autem dicitur possessio plu-  
 rimum facti habere, hoc volunt significare Iurisconsulti pos-  
 sessionem nullam adquiri, absq; animo & corpore simul hoc  
 est, nisi corporaliter rem quis nactus sit. Vt ex l. possessionem 29.  
 h. t. apparet.

## A L I V D.

Quod sola ciuilis possessio animo retineatur, non autem  
 naturalis, sed ad eam retinendam corpore opus sit, probat l.  
 clamposidere. §. qui ad nundinas. R. vt ad tertium argumentum  
 responsum fuit.

## A L I V D.

Obstat l. arboribus 12. §. idem tractat 4. vers. sufficere,  
 de usufruct. ex qua ita argumentor. Iura incorporalia animo  
 retinentur. Ergo in contraria ratione corporalium posses-  
 sio corpore retinetur. Respon. Propriè solæ res corporales  
 possidentur l. 3. in princip. h. t. non etiam incorporales, cum  
 earum rerum propriè sit possessio, quas tactu adprehende-  
 re possimus. l. 1. in princip. h. t. Abusuè tamen & impropriè  
 possideri quoque dicuntur etiam incorporalia. l. naturaliter.  
 h. t. d. l. arboribus. §. idem tractat, de usufructu. Hinc Iuriscon-  
 sulti cum rebus incorporalibus possessionem tribuunt, vtun-  
 tur ferè dictionibus in proprietatem significantibus vt videre  
 est, in l. ait Prætor. §. 1. ex quibus caus. maior. C. c. & l. 3. §. final. vn-  
 de vi. l. 10. si seruus vindicetur. l. apparet, de itinere actus, privato.

## A L I V D.

Vsu partis totius possessio retinetur, argumento l. in qui 29.  
 quibus

*quibus mod. usufruct. amitt. l. 3. §. quod autem diximus. h. t. Et quamvis l. 3. §. quod autem in acquirenda possessione loquatur tamen idem dicendum est de retinenda. Cum facilius retineatur quam adquiratur possessio l. 4. C. h. t. Ergo casus est ubi nec corpore nec animo possessio retineatur. Respons. Concedo totum dextrè intellectum. Nam sicut in acquirenda possessione fundi non necessè est me omnes glebas circumambulare, sed sufficit quamlibet partem eius fundi introire, dummodò ea mente sim ut fundum usque ad terminum velim possidere. d. l. 3. §. quod autem h. t. Ita etiam fundi totius possessionem retineo, dum in vna aliqua parte fundi sum ea mente, quod velim totum fundum possidere argumento d. l. 4. C. h. t.*

## A L I V D.

Obstat l. qui fundum 12. Quemadmodum seruitus amitt. ubi ad retinendam seruitutem aquæductus, & ita iuris incorporalis, nec corpore nec animo opus est. R. Quando Ictus dicit, si aqua per riuum sua sponte perfluxit, ius aquæducendæ retineri, etiamsi quis eo non utatur. Per hoc tamen non negat, eam seruitutem animo retineri. Nulla possessio retineri potest nisi vel corpore & animo, vel animo solo. l. 3. §. in amittenda, h. t. l. 6. in fin. l. si id quod 25. §. final. eod. §. possidere. Insti. de Interdict.

## A D 17.

Obstat l. quod meo 18. in princip. h. t. Vbi simulac constitui me nolle possidere, possessionem amitto, etiamsi pure non decepsi. Ergo & c. R. Quando dicimus animo solo amitti possessionem, at tunc cum purè de possessione discedimus, eum casum intelligimus quando non constituimus alio nomine possidere. Nam si alteri possidere velimus, statim quidem animo nostram possessionem amittimus, at non est necessè nos fundo excedere. d. l. quod meo, in princip. h. t. & l. qui bona, in fin. eod.

## A L I V D.

Paria sunt, vi deijci de possessione, vel spontè decedere, *attestante thes. 11. per l. si id quod 25. §. fin. h. t. quia utroq; modo possessio amittitur. At*

qui vi deiectus est possessione, habet interdictum unde vi, & perinde habetur ac si possideret. *l. si quis vi 13. in princip. h. t. n.* Ergo & qui sponte decessit non amittit possessionem nisi dominium simul amittat. R. Nego consequentiam quia commissa est fallacia *κατὰ τὴν*, Quia hæc duo deijci de possessione vi, & sponte decedere, paria quidem sunt in hoc, quod possessio utroque modo amittitur, at non in alijs. Nam qui vi deiectus est habet interdictum recuperandæ unde vi. *d. l. si quis vi*: quod sponte decedens non habet: Ideo autem deiectus habet interdictum unde vi, quia perinde habetur ac si adhuc possideret. *d. l. si quis vi*. Quod ideo fit, quia nemini res sua sine facto suo auferri debet. *argumento l. factum 155. de R. l.* Is autem qui sponte decessit suo facto, sua voluntate rem amittit & ideo interdictio non iuuatur.

## A L I V D.

Contra datam solutionem. Quod qui vi deiectus est, perinde habetur ac si possidetur, opponitur *l. naturaliter 5. de vsurpat. & vsucapion.* possidenti præscriptio non interruptitur. At vi deiecto præscriptio interruptitur. Ergo vi deiectus non possidet. R. Concedo totum dextrè intellectum, vi deiectus non possidet, propriè scilicet & ideo præscriptio ei interruptitur. Quasi tamen possidet, & perinde est, ac si possideret. Habet enim interdictum recuperandæ unde vi, quoad ipsam rem, damna, & fructus attinet. *d. l. si quis vi. & l. 1. in princip. l. interdicto, de vi & vi armat.*

## A D 18.

Obstat *l. peregrè 44. §. final. vbi non amittitur possessio nisi alius eam ingressus sit.* Ergo multum refert alius possessionem nactus sit an non. R. *l. peregrè. §. final.* loquitur in eo casu, quando non nostro, sed serui vel coloni corpore possidemus, nam tunc possessionem non aliter amittimus quam si alius ingressus sit, eaque amittitur nobis ignorantibus. Sed quando corpore nostro possidemus, tunc nihil refert, si nos purè de possessione decesserimus, alius nactus sit possessionem an non, *argumento d. l. peregrè. §. fin. h. t.*

A D

## A D 23.

Obstat Thesis 31. Etsi rem quæ sub custodia mea est non inueniam, tamen adhuc possideo. Paria enim sunt non inuenire & desinere esse sub custodia. R. In thes. 23. res mobiles amittuntur cum sub custodia nostra esse desinunt, hoc est, postquam eas diligenter quæsiuimus nec inuenimus. At in thes. 31. diligens inquisitio facta non est. Et ideo si rem, quam velim, statim non inueniam, si non diligentius inquiram, non amitto eius possessionem, quia adhuc præsens & in custodia mea est.

## A L I V D.

Rursus oppono ex thes. 27. l. si id quod 25. h. t. Vbi si id quod possidemus ita perdiderimus ut ignoremus ubi sit desinimus possidere. Ergo etsi res adhuc sub custodia nostra sit, si ignoremus tamen ubi sit, desinimus possidere. R. Thesis 27. ex thes. 23. declaranda est, hoc modo: Si id quod possidemus ita perdiderimus, ut postquam diligentius eam quæsiuerimus, ignoremus tamen ubi sit, ibi sub custodia nostra esse desinit, & nos desinimus possidere.

## Ad thes. 26.

Dominium & possessio à pari procedunt. l. si certo. §. si duobus. Commodat. ubi Iurisconsultus dominium & possessionem coniungit, & dicit duorum in solidum dominium & possessionem esse non posse. Sicut igitur dominium, ita & possessionem lapidum in ea facti specie retineo. R. Commissa est fallacia κατὰ τὴν. Nam etsi dominium & possessio in hoc conueniant, quod neutrum duorum in solidum esse potest. d. l. si ve certo, §. si duobus, Commodat. tamen aliàs plurimum differunt, quod vel ex eo intelligitur, quod dominium retinemus possessione amissa, ut in specie d. l. Pomponius, in princ. b. t. Ex qua thes. 26. desumpta est. Et generaliter definitum est in l. si quis et 17. §. 1. b. t. Sic Ulpianus in l. naturaliter, nihil commune inquit, habet dominium siue proprietatem cum possessione. Et Venuleius Iurisconsultus monet proprietatem & possessionem



nem misceri non debere. *l. pen. h. t.* Argumentum itaq; à domino ad possessionem non satis firmum est.

*AD thes. 25.*

Obstat *l. 3. §. 1. h. t.* Vbi ad acquisitionem corpus & animus requiritur. At in hac thes. solus animus interuenit, quia constituit se possidere, neque de nouo apprehendit possessionem. R. Si rem mobilem apud te depositam vel tibi commodatam tibi possidere, neque reddere constitueris, non opus est noua apprehensione, quia iam eam rem tenes, & posito, quod aliquid deest naturali possessioni, tamen id animus de facili supplet, vt Neratius & Proculus in alia facti specie responderunt teste Pano in *l. 3. §. Neratius h. t. n.*

A L I V D.

Rursus oppono *l. 3. §. si rem apud te depositam 18. h. t.* vbi non sufficit te constituere rem apud te depositam tibi possidere, sed requiritur vt eam etiam contrectes. R. Verbum constitueris in thes. nostra cum effectū est accipiendum arg. *l. 1. §. hac autem, quod quicq; iuris in alterum statuerit. Et expressus est textus in l. penult. §. docere ne quis eum qui in ius vocat.* Et cum dicit Iurisconsultus si constitueris tibi possidere, idem est ac si diceret si iam possides, & rem loco mouisti. *Similis est locutio in l. ultim. de rer. diuis. transcendere voluerit hoc est transcederit, & in l. 4. C. fin. regundor. si confiterit, hoc est, confitetur.*

*AD thes. 33.*

Oppono. Accessorium sequitur naturam principalis sui, regula vulgaris. *c. Accessorium, de R. I. in 6.* Feræ sunt accessorium sylvarum. Empta igitur & possessa sylua feræ etiam in eadem vagantes emi & possideri putandæ sunt. R. nego minorem, quia feræ non sunt accessio sylvarum, quod probat ex *§. fera 12. Institut. de rerum diuision.* Ibi feræ bestię iure gentium occupanti primo conceduntur, vtpotè quæ nullius antea fuerint. Et subiungit Imperator nec interest feras bestias vtrū in fundo suo quis capiat an in alieno. Iam si feræ bestię fundi aut syluæ possessorem sequerentur, duo eandem rem in solidum possiderent, contra regulam. *l. 3. §. ex contrario hoc titu.*

Dein-

Deinde regula c. accessorium, non semper procedit, sed tum demum, quando accessorium & principale regulantur eadem ratione, *ut inquit Simon Schardius in suo lexico. verb. accessorium.* Et posito, feras esse accessorium fundi, tamen longè diuersa est ratio ut in thesi exponitur.

## A L I V D.

Obstat l. lines & labra 15. de action. empt. Vbi dicitur pisces, qui sunt in piscina non sunt ædium nec fundi. Ergo falsum est, quod in th. 34. dicitur pisces in piscinam coniectos emptorem fundi sequi. R. Coniunguntur pisces in piscinam aut prolificandi gratia, & tunc emptorem fundi sequuntur, aut saltem ut ad aliquot dies in piscina seruentur mox coquendi, & fundi emptorem non sequuntur. *Ita videtur velle Molinaus lib. 1. Consuet. Paris. §. 1. gloss. 8. n. 18. 20. referente Gothofredo in d. l. lines, de action. empti.*

## C O N T R A thes. 14.

## A R G V M E N T V M I.

Possessio acquiritur animo & corpore. Ergo non solo animo amittitur, sed animo & corpore simul. Vnumquodque enim eodem modo vinculorum soluitur, quo quaeritur ut in propositione nostra 10. dicitur. R. Verum est quod possessio, animo & corpore acquiritur, nec alio modo adquiri potest. Sic amittitur possessio quoq; animo & corpore. Ut cū sum in fundo, cumq; relinquo eo animo quod amplius possidere nolo, iam animo & corpore possessionem amitto. At non necesse est semper me fundum relinquere & deferere cum amittere possessionem volo, sed solo quoq; animo, possessionem amittere possum. Ut si constituam me nolle amplius possidere: Hic ilicò amitto possessionem. Imò si sum in fundo, nolim tamen cum possidere, protinus possessionem amitto. Nec obstat quod vnumquodque eodem modo soluitur quo quaesitum est. Hoc enim plerumque verum est, non tamen semper l. *ferè de R. 1.*

## A L I V D.

At obstat l. quemadmodum h. t. in qua dicitur, nullam possessionem

possessionem amitti sine animo & corpore. R. Cum volumus possessionem amittere, aut à corpore incipimus aut ab animo. Si à corpore incipimus, & corpore desinimus possidere, non amittitur possessio nisi simul animo & corpore desinimus possidere. Et hoc casu procedit. l. quemadmodum h. t. Si ab animo incipimus, tunc solo animo possessio amittitur quamvis corpore rem detineamus. Et ita Accursius respondet & non male. Deinde dici potest particulam ferè, quæ in d. l. ferè ponitur in initio, repetendam quoque esse in sequentibus, eamq; etiam esse addendam ad l. quemadmodum h. t. Quemadmodum nulla possessio acquiritur, nisi animo & corpore, ita ferè nulla amittitur, nisi in qua utrumque in contrarium agitur.

## A L I V D.

Solo animo non amitto possessionem cum per colonum possideo. l. peregrè. §. fin. h. t. Ergo solo animo possessio non amittitur. R. aut possidemus per nosmetipsos aut per alios, ut puta per seruum, Colonum, procuratorem. Cum per nosmetipsos possidemus, possessionem solo animo amittimus, vel animo & corpore simul d. l. peregrè. §. final. h. t. At cum possidemus per alios, solo animo possessio non amittitur. Si desinam animo possidere, nihilominus possessionem retineo per illum per quem possideo. Imò etsi deiectus sim de fundo, seruus meus vel colonus non sit deiectus, ego possideo per seruum. l. 1. §. non alij, unde vs & c.

## A L I V D.

Ignorantes amittimus possessionem, et dicitur in propositione 28. Ergo non solo animo. Hoc quoque pugnat cum propositione 10. hinc. R. Aut loquimur de possessione rerum mobilium, aut de possessione rerum immobilium. Rerum mobilium possessionem etiam ignorantes amittimus, statim ubi sub custodia nostra esse desinunt, d. propositione 28. At immobilium possessionem ignorantes non amittimus, d. propos. 10.

## A L I V D.

Sed videtur obflare l. peregrè. §. fin. h. t. Ibi de immobilibus.

bilibus agitur, & possessionem rerum immobilium ignorantes amittimus. R. cum per alios possidemus, ut Colonos, seruos, & si de possessione deijciuntur, tunc nos ignorantes possessionem amittimus. At cum ipse possideo, ignoranti mihi possessio non tollitur.

## A L I V D.

At rursus obstat quod possessionem retineo quamvis colonus animo deferendæ possessionis discesserit *ut 6. propositio habet*. Ergo quod per Colonum possideo, ignorans non amitto. R. aut Colonus deserit fundum, & ego nihilominus animo retineo possessionem. Aut Colonus per quem possidebam, vi deijcitur de fundo, & amitto possessionem ignorans. Differentiæ ratio est. Cum Colonus deserit fundum, ego nihilominus animo retineo possessionem quia ego fundum non deserui. At cum deijcitur Colonus per quem possidebam ego deiectus videor, & propterea amitto possessionem etiam ignorans, *l. 1. de vi & vi arm.*

## A L I V D.

At rursus obstat l. si Colonus, h. t. quæ videtur significare, me non possidere, cum Colonus deferendæ possessionis causa exit è fundo, quod etiam significat Africanus perspicuè in l. si de eo 40. h. t. n. - At hoc pugnat cum propositione 6. R. Olim hac de re fuit pugna inter Proculum & Sabinum, num possessio amitteretur, si Colonus deferendæ possessionis causa, è fundo exisset. Proculus dicebat me nihilominus animo tenere possessionem. *l. cum quis, de dolo, ea lex Proculi est. Et hanc sententiam probavit Paulus in l. 3. h. t. ex qua, sexta propositio desumpta est.* Pomponius entus est l. si Colonus h. t., in contraria erat sententia. In eadem sententia contraria etiam fuit Africanus, & hi duo Sabiniani fuerunt. Iustinianus in l. ultima. C. de adquir. & retinend. posses. Proculi sententiam probavit, Sabini reiecta, & fecit Iustinianus nominatim Sabini mentionem.

## A L I V D.

Homo est res mobilis, & tamen hominis possessio non amittitur, simulatque sub custodia nostra esse desierit. Ergo

X

veræ

veræ non sunt pleræq; propositiones nostræ. R. Verum est, homo res mobilis est, idq; negari nullo modo potest. Sed ab hac regula rerum mobilium possessio amittitur simul atq; sub custodia nostra esse desierint, homo est excipendus, quemadmodum nominatim in d. l. 3. excipitur. Hominem possidemus, quamuis sub custodia nostra esse desierit vt si sit in fuga, ne ipse nos priuet possessione. l. Pomponius §. i. h. t. Seruus non potest domini possessionem interuerrere, & ne suam quidem. l. rem qua nobis, h. t. Homo proposito redeundi, possessionem sui, domino conseruat. l. si rem mobilem h. t.

## A L I V D.

Possessio non amittitur animo. l. possessionem. l. si is qui, h. t. R. loquuntur leges de furioso & pupillo.

## A L I V D.

In l. si me in vacuam, h. t. possessio non amittitur animo. Sed hoc ideo quia possessor quasi sub conditione recessit de possessione.

## A L I V D.

Possessio solo animo retinetur. At obstat quod possessio amittitur simul atq; sub custodia nostra res esse desijt. R. aut res est immobilis, & solo animo retinetur. Aut mobilis & retinetur quatenus sub custodia nostra est.

## A L I V D.

Dicimus in propositione 28. amittere me possessionem rei apud te depositæ, aut tibi commodatæ si constitueris tibi possidere & non reddere. Obstat l. 3. §. si rem h. t. Ibi possessio rei depositæ non amittitur sine contrectatione. R. Hoc addendum est ex d. l. 3. & ponendum etiam ad inficiationem depositarij accessisse contrectationem. Inficiari est nolle depositum reddere atq; ita Iohannes sensit & rectè.

## A L I V D.

Corporaliter possessionem amittunt, qui in hostium potestatem peruenerunt. l. cum heredes, h. t. Ergo solo corpore possessio amittitur. R. Corporaliter amittere possessionem est reuera possessionem amittere. Sic corporaliter rem pignori dare est reuera pignori dare. d. l. §. per seruum 15. h. t.

## A L I V D.

## A L I V D.

In 34. propositione dicitur, pisces in piscinam coniectos, fundi emptorem sequi. Videtur ob stare l. 15. de actio. empt. R. Sed piscina ibi locum significat vel stagnum.

## A L I V D.

Qui vi deijcitur, adhuc possidet. *l. si de eo fundo, in princip h. t.* Ergo falsum est quod dicitur, animo nos non possidere cum vi deiecti fuerimus. R. Cum seruus meus me vi deijcit, ego per seruum nihilominus possideo. Aliàs secus est. At qui vi de possessione deijcitur, perinde habetur ac si possideret. *l. si quis vi, h. t.* R. Verè non possidet qui vi deijcitur de possessione, sed tantum habetur pro possessore, cum interdicto de vi, recuperandæ possessionis facultatem habeat *d. l. si quis vi.* Sic qui actionem habet ad rē, rem ipsam habere videtur. *l. is qui, de R. l.*



## DISPVATIO

## DE VSVCAPIONIBVS,

Cuius sequentes propositiones, pro consequenda in-  
vtroq; iure Licentia, publicè defendit

IOHANNES A BENEKENDORF,

die 17. Decembris Anno 1588.

## I. Propositio.

**V**scapio non simplex sed iunctum verbum est, ab usu & capiendo dictum, & ideò pro vsucapere, Iurisconsulti quoq; dicunt capere usu, & pro non vsucapere, usu non capere.

## I I.

Vsus possessionem significat, & Capere idem quod acquirere, sicq; vsucapere est mediante possessione capere siue acquirere.

## III.

Inde apparet, usufrucationem scribendum esse, non usufrucationem, licet Cato apud Gellium contra senserit.

## ARGUMENTVM I.

Dicimus usufrucationem scribendum esse non usufrucationem. At pignoris capionem dicimus. Ergo etiam usufrucationem scribendum est, quemadmodum Cato censuit. R. Hæc sunt dissimilia, & cum dicimus capionem pignoris, intelligimus ipsam rem quæ capitur, nempe pignus. At usufrucationem cum dicimus, non intelligimus rem quæ capitur, sed intelligimus modum, quo mediante, res capimus. Hic modus est usus siue possessio, & ideò non dicimus usufrucatio sed usufrucatio. Nec enim usum siue possessionem capimus, cum usufrucationem dicimus, sed usu siue possessione capimus res, quas possidemus.

## A L I V D.

Usus dicimus possessionem significare. Contra usus significat ius utendi & seruitus est in personam. Igitur non significat possessionem. R. Nomen usus variè in iure accipitur. Interdum usus significat seruitutem in personam, *tot. tit. de usu & habitatione. in Institutis.*

Interdum usus significat *χρησις*, quando re aliqua utor pro meo arbitrio, nullo seruitutis iure. *l. 1. §. 1. de usu & habit.* in suos usus convertere pecuniam, hoc est, uti pecunia. Sic cum Iurisconsultus inquit, usuræ propter usum medij temporis percipi. *in l. deducta, ad Trebellian.* per usum intelligit *χρησις*, & usuræ debentur propter usum, hoc est, quia quis usus est pecunia, propterea usuræ sunt præstandæ.

Quandoque usus significat usufrucationem, *ut in l. deniq, ex quibus causis maiores &c.* si emptor captus sit ab hostibus priusquam per usum adquireret, hoc est, per usufrucationem, interruptitur usufrucatio, & interrupta postliminio non restituitur, id est,

id est, non restituitur vsucapio emptori qui captus est ab hostibus, quamvis postliminio reuersus fuerit.

Sic vsus pro vsucapione sumitur in *l. nec utilem*, ex quibus causis maiores cum dicitur iniquissimum esse domino auferre quod vsus, hoc est, quod vsucapio non abstulit. Adeundem modum vsus nomen sumitur in *l. ait prator. §. 1. Eod.* cum dicitur, qui apud hostes est, nihil per vsum sibi adquirere potest, hoc est per vsucapionem. Sic cum Iurisconsultus dicit in *l. deducta. §. ante diem*, ad Trebellian. vsum quadrantem minuere, per vsum, vsucapionem intelligit & hoc dicit, res quæ vsucapæ sunt, quadrantem minuunt.

Ita sumitur vsus nomen, pro vsucapione in *l. non solum, de usurpation. & vsucapion.* dum dicitur partum ancillæ furtivæ, vsu, suum faciunt, hoc est, vsucapiunt.

Denique vsus nomine in libris nostris significatur possessio, *l. questio, de U. S.* Et sic Aelius Gallus possessionem definiuit, auctore Sexto Festo Pompeio lib. 14. Sic sumitur vsus nomen in verbo vsucapionis.

## A L I V D.

Vsus significat possessionem. Sed possessionis capio, rectè dicitur. Ergò & vsucapio rectè dicitur, ut Cato voluit apud Gellium lib. 7. c. 10. R. Cum dicitur possessionis capio, significatur apprehensio possessionis, & tunc possessio est illa ipsa res, quam capimus. At cum vsucapionem nominamus, per vsum, quidem possessionem intelligimus ut nostra propositio habet, sed hoc non dicimus siue significamus, quod possessionem capiamus, sed ostendimus nos possessione siue vsu, capere res quæ alterius fuerunt, & ideo vsucapere dicimus, non vsucapere. Hinc Iurisconsulti pro vsucapere dicunt aliàs capere vsu, ut prima propositio habet.

## I V. Propositio.

Est autem vsucapio adeptio dominij per continuationem possessionis, temporis lege definiti.

## V.

Hæc definitio Modestino tribuitur: sed nos prio-



ra verba Modestini, posteriora Triboniani esse affirmamus.

### ARGUMENTVM. I.

Si per vsucapionem dominium adipiscimur, dominium ex pluribus causis nobis continget. Etenim ex pluribus causis vsucapimus, quia possidemus ex pluribus causis, *ut in prepositionibus nostris dicitur infra* At dominium nobis ex vna tantum causa contingere potest, non ex pluribus. *l. 3. §. ex pluribus, de acquir. posses.* Vsucapione itaque dominium non adipiscimur. R. Falsum est quod dicitur ex pluribus causis nos vsucapere. Ex pluribus quidem causis possidere rem possumus. Ut si rem emi à Titio, & postea heres Titio exislo, eandem rem ex pluribus causis possideo, pro emptore scilicet, quia emi, pro herede, quia heres Titij sum. Et titulus est causa possessionis, non vsucapionis, sed vsucapionis causa proxima & vnica, est possessio. Possessionis multiplex est titulus, & titulus est causa possessionis. Possessio est causa vsucapionis.

### ALIUD.

Definitio non debet latior esse suo definito, aliàs est vitiosa *l. 1. de dolo & alibi*. Sed definitio vsucapionis est latior definita quia conuenit longi temporis præscriptioni, item præscriptioni 30. vel 40. annor. Nam longi temporis præscriptio est dominij adeptio per continuationem &c. R. Nego minorem. Nec enim definitio vsucapionis, longi temporis præscriptioni & alijs præscriptionibus conuenit. Vsucapio enim dominium adfert. Longi temporis præscriptio, præscribenti dominium non adfert, sed parit tantum exceptionem contra dominium rei *l. penultim. in princip. C. de præscription. 30. vel 40. annor.* Et quia vsucapio dominium parit, ideo si is qui vsucepit rem postea amittat, eaq; ad alterum perueniat, habet is qui vsucepit tanquam dominus, directam rei vindicationem. *§. alia autem sunt ibi, nullam habet in rem directam actionem, Institut. de action.* Illi autem qui rem decem vel 20. annis præscripsit si rem amiserit,

rit, datur actio utilis. *d. l. penultim. C. de præscript. 30. vel 40. annor. l. si quis diuturno, si seruitum vindicetur. l. si duo Patroni §. Iulianus, de iureiur.* Hoc amplius vsucapio, veram possessionem requirit, vt definitio ostendit. Longi temporis præscriptio quasi possessione contenta est. *d. l. si quis diuturno.* In vsucapione, possessio causam habere debet, & causari ex iusto titulo, vt nostræ propositiones ostendunt. In longi temporis præscriptione titulum docere non est necesse *d. l. si quis diuturno.* Denique in vsucapione requiruntur, tres anni, aut decem, vel viginti. In præscriptione longi temporis semper requiruntur decem vel 20. anni, atque ita ex his intelligitur, definitionem vsucapionis, minimè conuenire præscriptioni longi temporis, multò minus definitio vsucapionis conuenit præscriptioni 30. vel 40. annorum. Nam in præscriptione 30. vel 40. annorum, bonafides non est necessaria. *d. l. penult. C. de præscription. 30. vel 40. annor.*

## A L I V D.

Quod meum est, sine facto meo in alium transferri non potest. Sed rem quam vsucapio est alterius. Igitur sine facto illius, cuius res est, in me dominium transferri non potest, atque ita vsucapio non est adeptio dominij. R. Hæc regula quod nostrum est, sine facto nostro in alium non transfertur, non procedit in ijs, quæ à lege fiunt, siue quæ fiunt legis vī & potestate. At vsucapionem lex introduxit bono publico, vt in propositionibus nostris dicitur. Ideò vsucapio ius dicitur *in l. bonafidei emptor, de acquir. rer. dominio.*

## A L I V D.

Nemo debet locupletari cum alterius iactura & damno *l. iure natura, de R. I. l. nam hoc natura, de condition. indebit.* & hoc magis contra naturam est quam mors, quam dolor, quam paupertas, quam cætera quæ homini accidere possunt *vt præclare Cicero loquitur.* At si per vsucapionem dominium adfertur vsucapienti, tunc vsucapiens locupletatur, cū alterius iactura & damno. Hoc igitur ne fiat, dicendū videtur, vsucapionem, dominij adeptionem non esse. R. Omnino concedendum est, vsuca-

vsucapientem locupletari cum alterius iactura & damno, sed hoc fit bono publico, ne rerum dominia diu, & fere semper incerta essent *ut infra in nostris propositionibus adferitur.* Et quod Reipublicæ bono est, hoc præ cæteris inspicendum est, licet priuato, incommodum adferat. Salus enim populi suprema lex esto. *Cicero de legibus.*

## A L I V D.

Definitio debet omnia euoluere quæ sub ipso definito continentur, aliàs bona non est. Nostra autem definitio vsucapionis non omnia euoluit, quæ sub definito continentur. Ad vsucapionem enim necessarius est titulus, bona quoque fides requiritur, & tamen tituli in definitione non fit mentio, nec etiam bonæfidei. Igitur definitio est vitiosa. R. In definitionibus non semper necesse est vt expressis verbis ponantur quæ aliàs sub definito comprehenduntur, sed satis est, si illa subintelligantur. Intelligitur hoc ex definitione testamenti. Ad testamentum imprimis necessaria est heredis institutio, hæc dicitur caput ac fundamentum totius testamenti *ut Insti- tianus affirmat in Institut. de legat.* & tamen in definitione testamenti, nulla fit mentio Institutionis heredis. *l. i. qui testa- menta facere poss.* Sic de substantia matrimonij est consensus eorum qui coeunt. Nuptias enim consensus facit, non coitus. *l. cum fuerit, de condition. & demonstration. l. nuptias, de R. I.* & tamen in definitione matrimonij, nulla expressa fit mentio consensus. *l. i. de ritu nuptiar.* Ad eundem modum, in vsucapione titulus est necessarius, requiritur etiam bona fides, & tamen neque tituli neque bonæfidei expressa fit mentio, sed tacite, hæc sub definitione comprehenduntur. Cum enim dicitur in definitione, vsucapionem esse adeptionem dominij per continuationem possessionis, intelligimus huiusmodi possessionem quæ ex titulo iusto, bona fide originem traxit.

## A L I V D.

Vsucapio non est adeptio dominij, sed est modus à iure ciuili inuentus, quo mediante possessione continua, & tempore à lege definito, dominium adipiscimur atque ita nos in-  
fra

frā dicimus. Igitur malè definitur vsucapio quod sit dominij adeptio. R. Cum Iurifconsultus vsucapionem definit dominij adeptionem, ponit Iurifconsultus effectum pro causa. Vsucapionis enim effectus est, dominij adeptio. Et sic Iurifconsulti sapissimè definitiones ab effectu solent constitnere, *ut in l. Labeo, de Verbor. signification.* Contractus definitur vltro citroque obligatio. Et certè contractus non est obligatio, sed est conuentio ex qua sequitur effectus, qui obligatio dicitur. Sic enim Theophilus contractum definit. Contractus, inquit, est duorum aut plurium in idem conuentio atq; consensus, ad hoc interpositus vt alium nobis obligemus.

## A L I V D.

Duo, eiusdem rei in solidum domini esse non possunt, pro diuiso scilicet. At si vsucapio est dominij adeptio, iam duo in solidum sunt domini pro diuiso. Vsucapiens enim dominus est, dominus quoque est, verus dominus, & sic dominus dicitur cuius res fuit. *§. rursus ex diuerso, Institut. de action.* Dicendum itaque videtur vsucapionem, dominij adeptionem non esse. R. ad minorem, quamuis vsucapio est dominij adeptio, non tamen propterea in solidum duo domini sunt, sed is solus qui vsucepit, dominus est, dominium quod verus dominus habuit, per vsucapionem illi est ablatum. Vsucapio aufert vero domino, dominium quod habet, idque applicat illi qui possedit bona fide, ex iusto titulo, per legitimum tempus. *l. nec utilem, ex quibus caus. minor.* ibi dicitur iniquissimum esse auferre domino quod vsus non abstulit. Vsus ergo, hoc est, vsucapio aufert vero domino, dominium quod habuit. Et dicitur tam is qui dominus fuit, quandoque dominus, respectu eius quod fuit, non quod dominium habeat.

## A L I V D.

Vsucapio non aufert alteri dominium, *d. l. nec utilem, ex quibus caus. maiores.* Ergo alteri quoque dominium non adijcit, nec est dominij adeptio. R. Iurifconsultus in d. l. nec utilem, non dicit, vsucapionem non auferre dominium, sed dicit, iniquissimum esse domino auferre, quod vsus non abstulit. Vsucapio

cipio igitur non abstulit, ibi dominium vero domino, quia  
 vsucapiens captus fuit ab hostibus antequam compleretur  
 vsucapio, atque ita fuit interrupta vsucapio, & propterea  
 quamvis reuersus fuerit ab hostibus, vsucapio ipsi non resti-  
 tuitur, nec etiam quasi vsucepisset, actio datur etiam utilis,  
 hoc est publiciana, quæ utilis dicitur. §. *alia autem cause, Instaur.*  
*de action.* Vsucipienti datur directa actio & vindicatio, quia  
 dominus est effectus per vsucapionem. At in proposito e-  
 xemplo, non datur directa vindicatio, non datur etiam utilis  
 quasi vsucepisset, & ita accipiendum est quod dicitur in d. l.  
 nec utilem, ex quibus caus. maiores &c. Nec enim hoc vult  
 Ictus quod aliàs ex vsucapione detur utilis actio.

## A L I V D.

Dicimus in quinta propositione, definitionem vsucapio-  
 nis Modestino adscribi. Ergo nos facimus malè quod priora  
 duntaxat verba Modestino, posteriora Triboniano tribui-  
 mus. R. Modestino quidem adscribitur tota definitio, sed  
 tota eius non est, *quod ostendimus auctoritate Ulpiani in fragment.*  
*tit. 19.* Inquit ille, vsucapio est adeptio dominij per continua-  
 tionem possessionis anni vel biennij. Ad eundem modum  
 Modestinus etiam definiuit, solent enim Iurisconsulti ijdem  
 non diuersis definitionibus uti. Quia verò Iustinianus, an-  
 num, in triennium, biennium, in decem vel 20. annos muta-  
 uit, ideo vt definitio vsucapionis, competeret vsucapioni à Iu-  
 stiniano transformatæ. Tribonianus hæc verba, anni vel bi-  
 ennij sustulit & pro ijs reposuit, tempore lege definiti. Sic  
 Tribonianus sapius Ictorum verbis sublatis, sua reposuit *vt*  
*videre licet l. 2. §. penultim. de iudicijs.* vbi protelationis verbum  
 Icti non est, nec enim sic loquuntur Icti, sed est Triboniani.  
 Sic l. cum de indebito quæritur, de probation. primis verbis  
 exceptis tota est Triboniani. Sic l. vxores, de diuortijs & re-  
 pudijs, paucis verbis exceptis, Triboniani est.

## A L I V D.

Vsucapio ius est. l. *bonæ fidei emptor, de acquitrend. rer. domini.*  
 Ergo non adeptio dominij. R. Ius est, hoc est, iure ciuili in-  
 troducitur.

Propo-

## VI. Propositio.

Advfucapionem possessio requiritur, sine possessione enim vfucapio non procedit.

## VII.

Inde vfucapio, vt dictum est, nomen habet, inde quoq; possessionis nomine vfucapio nonnunquam significatur.

## VIII.

Vnde illud Papiniani scitum, possessio sine possessione non procedit.

## IX.

Sic quum Paulus inquit, possessionem quasi iunctam ad heredem descendere, per possessionem vfucapionem intelligit.

## X.

Quod Interpp. vulgò non intelligentes in fœdum prolapsi sunt errorem, possessionem existimantes in heredem sine vlla apprehensione transire.

## A R G V M E N T V M I.

Dicimus possessionis nomine, vfucapionem significari. Contra, aliud est causa, aliud causatum. Sed possessio est causa vfucapionis, & quidem proxima & vnica *vt supra dictum est*. Non igitur possessio est causatum, hoc est ipsa vfucapio. Respon. Maior vera est propriè loquendo. Sed tamen causa quandoque etiam accipitur pro causato. Vt possessio, quæ causa est vfucapionis, accipitur pro ipsa vfucapione, *vt in l. ait prator. §. 1. ex quibus caus maiores*. Iurisconsultus, inquit, qui apud hostes est, captam possessionem non potest implere, hoc est vfucapionem inceptam. Sic in l. denique, eod. tit. possessio significat vfucapionem, cum Iurisconsultus inquit, Interrupta possessio, postliminio non restituitur, hoc est, vfucapio interrupta. Sic cum in eadem lege dicitur, possessio sine possessione non procedit, per possessionem

vsucapio intelligitur. Possessio, id est, vsucapio sine possessione non procedit. Sic cum Paulus dicit, possessionem quasi iunctam ad heredem descendere, per possessionem, vsucapionem intelligit in *l. cum miles, ex quibus caus. maiores &c.* sequentia verba, & plerumque iacente hereditate completur, ostendunt.

Interdum possessio significat detentionem rei siue detentionem. *l. ab hostibus. §. final. ex quibus caus. maiores. l. 5. de impensis in rebus dotal. fact.* Et sic Theophilus possessionem definit *σωματικὴ πρᾶγματ' κατὰ χῆν.* Et Iurisconsultus in *l. 1. in princip. de acquir. possels.* possessionem definit *κατὰ χῆν.* Sic cum Iurisconsultus possessionem definit vsum *l. questio, de V. S.* per vsum *κατὰ χῆν* intelligitur.

Interdum possessio significat fundum ipsum. *l. quantum est, de instructo vel instru. legat.* Ibi Iurisconsultus dicit, instrumentum est, sine quibus possessio exerceri nequit hoc est, sine quibus fundus nequit coli.

## A L I V D.

Negamus possessionem in heredem transire sine apprehensione. Contra possessio transit in hereditatem ipso iure, quia vsucapio à defuncto capta, iacente hereditate completur. *d. l. cum miles, ex quibus caus. maior.* Ergo transit quoque in heredem ipso iure. R. ad antecedens, & nego illud. Quamvis enim vsucapio à defuncto cepta, iacente hereditate, hoc est, hereditate nondum adita completur: tamen non propterea ipso iure possessio in hereditatem transit. *l. 1. §. Scanola, si is qui testamento liber &c.* Ibi dicitur quod possessio in hereditatem non transeat. Et completur vsucapio iacente hereditate, non iure ciuili, sed iure singulari ut dicitur in *l. iusto errore. §. nondum, de usurpation. & vsucapio.* Iure ciuili non completur iacente hereditate, quia hereditas possessionem rerum non habet, unde hereditati iacenti furtum non fit. *d. l. 1. si is qui testamento liber &c.* & furtum est possessionis interuersio. Completur tamen vsucapio iure singulari.

At

## At dices.

Hereditas & defunctus vnus personæ vicem obtinent, *ut dicitur in initio tituli, de stipulat. seruorum. in Institut.* Ergo sicuti defunctus possedit, ita quoque possidet hereditas. R. Hereditas & defunctus vnus personæ vicem sustinent in ijs quæ iuris sunt, non facti, nec hoc ad possessionem quæ facti est, producendum est.

## At rursus dices.

Imò quæ facti sunt, hereditati etiam iacenti adquiruntur. Nam stipulatio facti est, & quod seruus ante aditam hereditatem stipulatur, hereditati acquirit, *d. titul. de stipulation. seruorum in Institut.* R. Stipulatio facti est, dum stipulamur. Sic emere, vendere, locare, facti sunt, dum emimus, vendimus, locamus. Initio inspecto contractus sunt facti. At vbi completi sunt contractus, vbi iam facti sunt contractus, sunt iuris, & propterea contractus, hereditati iacenti acquiritur.

## Rursus dices.

Possessio feudorum in filio continuatur absque traditione, *hac est communis. Dd. sententia Zephalus consil. 30. num. 9. 10. 11. ubi hanc sententiam communem dicit.* R. hoc consuetudine ita receptum est, & consuetudo vel statutum potest transferre ipso iure possessionem, nullo actu corporeo interueniente. *Tiraquellus in tractat. le mort. saisit in 6. declarat. item in 8. declaration. latè Anton. Gabriel. Roman. lib. 5. tit. de acquir. vel amittend. possess. conclus. 9.* Sic per constitutum, transfertur possessio in constitutarium. *Tiraquell. de iure constitut. possess.* Sed non solo animo vt infra pluribus dicetur. Animo constitutarij & corpore constituentis.

## A L I V D.

Defuncti & heredis possessio continua est possessio. *S. distincta. Institut. de usurpat. & usucapion.* Ergo ipso iure possessio in heredem transit. R. quod continua possessio est, possessio defuncti



functi & heredis, hoc est, quod non interruptitur possessio, morte defuncti, sed heres continuè possedisse fingitur, quod defunctus possedit, hoc iure singulari receptum est. *l. iusto errore. §. nondum, de usurpation. & usucapion.* & iure civili interruptitur possessio *l. i. §. Scauola, si is qui testament. liber esse iussus.* Et procedit duntaxat quoad usucapionem, non quoad alia, nec inde inferendum est, quod possessio in heredem transeat ipso iure.

### XI. Propositio.

Possessio verò est rei detentio, siue detentatio, siue, quod idem est, usus.

### XII.

Eaque vel naturalis est, vel civilis.

### XIII.

Nec enim probamus, quod quidam tradunt, possessionem eandem modò naturalem, modò civilem dici.

### XIV.

Multò minus mixtam possessionem agnoscimus.

### XV.

Civilis possessio est, quæ animo, cogitatione, siue opinione domini consistit.

### XVI.

Et hæc possessio sola usucapionem parit non naturalis.

### ARGUMENTVM I.

Possessio definitur detentio rei, *ex l. i. de acquir. vel amitt. posses.* ubi possessio κατὰ λέξ dicitur, hoc est, detentio. Sed contra possessionem rei adipiscimur licet illam non detineamus. *l. i. §. si iusserim, de acquir. poss.* Igitur non rectè possessio definitur detentio. In d. §. si iusserim dicitur, si iussi venditorem, procuratori rem tradere, mihi tradita videtur. R. Possessio rectè definitur detentio. Nec obstat d. l. i. §. si iusserim. Nam ibi res videtur tradita, quam iussi ut procuratori meo trade-

traderes, & hoc rei præsentia facit, idque nominatim additur in d. § si iusserim.

## A - L I V D.

In l. quod meo §. si venditorem, de acquir. vel amittend. possess. dicitur, me possidere quod venditorem iussi in domo mea deponere, quanquam inquit Iurisconsultus, id nemo attigerit. Ecce hîc possessio acquiritur sine detentione, quod euidentius adhuc Iurisconsultus in sequentibus ostendit. Si venditor fundum, quem emi, in mea turre, mihi demonstraret, ego possideo, non minus inquit Iurisconsultus quàm si pedem intulissem. Ergò possessio non est detentio. R. In d. l. quod meo, de acquir. possess. res vendita, præsens quoq; fuit, & oculis subiecta, & ideo ego possideo, & res pro tradita habetur. Res præsens dicitur, non quæ est in potestate emptoris, sed quæ est in præsentia & oculis contrahentium subijcitur. Sic mercium repositarum in horreo & venditarum possessio translata videtur, si clauæ apud horrea, hoc est in re præsentia traditæ fuerint. *l. clauibus, de contrahend. emptio.* Sic columnarum venditarum possessio transfertur, si in re præsentia, id est, apud columnas contractus fuerit habitus. *d. l. 1. §. si iusserim, de contrahend. emptio.* Ibi Iurisconsultus inquit non est necesse actu & corpore apprehendere possessionem, sed etiam oculis & affectu apprehenditur, sed ita ut Iurisconsultus subijcit, si in re præsentia consenserint. Tunc possessio longa manu tradita, & longa manu apprehensa videtur, ut Iurisconsultus loquitur in l. pecuniam, de solution. ubi de acquir. possess. loquitur, atq; ita possessio est detentio.

## A L I V D.

Dicimus possessionem esse detentionem. At incorporalia etiam possidentur. *l. naturaliter, de acquir. vel amittend. possess.* Incorporalia autem detineri non possunt, quia tangi non possunt. *§. incorporales, Instit. de rebus corporal. & incorporal.* Igitur definitio est vitiosa. R. Nos propriè hîc definimus possessionem. Possessio propriè loquendo est rerum corporalium, quod primum lege probatur. *l. 3. in princip. de acquir. possess.* Possi-

Possideri inquit Iurisconsultus possunt quæ sunt corporalia. Deinde ratione. Nam nulla possessio adquiri potest nisi animo & corpore. *l. quemadmodum, de acquir. possess. l. ferè de R. l.* Si corpore adquirimus possessionem, necesse est ut possessio sit rerum corporaliū, quia incorporalia corpore nostro contrectamus. *καταχρηστικῶς* & abusive, etiam incorporalia possidemus, & propterea Iurisconsulti cum incorporalia possideri dicunt, utuntur dictione quasi. Sic quasi possessio ususfructus dicitur. *l. ait prator. §. i. ex quibus caus. maiores. Quasi possessio iuris aqua ducendæ. l. 10. si servitus vindicetur. Quasi possessio ususfructus item in l. 3. §. finali, de vi & vi armat.*

## A L I V D.

Possessio ius est. *l. 3. §. bonorum, de bonor. possessi.* Igitur non detentio. R. Duplex est possessio. Vna iuris, altera corporis. In d. l. 3. agitur de possessione iuris. Nam ita Iurisconsultus in d. l. 3. inquit. Hæc possessio iuris magis est quam corporis. Magis *γενικῶς* non *συγκεκριμῶς* ponitur, ut & alibi sæpè. Et quod iuris sit bonorum possessio Iurisconsultus ibi ostendit, quia inquit sine vilo corpore consistit. Sic hereditas iuris est, & sine vilo corpore iuris intellectum habet. Nos hic loquimur de possessione corporis. *l. 1. §. adipiscimur, de acquir. possess.* hæc possessio inquit Iurisconsultus corporis est non iuris. Et Papinianus in l. possessio. §. 1. Eodem, inquit. Possessio non tantum corporis, sed & iuris est, & possessionem hanc quæ corporis est, nos hic definimus.

## A L I V D.

Definitio possessionis naturali tantum possessioni convenit, non civili. *l. possessio quoq, §. 1. de acquir. possess.* ibi dicitur qui in aliena potestate sunt, tenere possunt, habere & possidere non possunt. Tenere, naturalis possessionis est. Habere & possidere civilis. Igitur definitio tanquam angustior definito, est vitiosa. R. Verum est quod definitio propriè naturali possessioni convenit. Naturalis possessio propriè est detentio, est facti non iuris, est corporis non iuris. *d. l. 1. §. adipiscimur, de acquir. possess.* Contra civilis possessio iuris est, non

non tantum corporis vt Papinianus loquitur. Non tantum inquit corporis vt naturalis possessio, verum etiam iuris. Sic Papinianus in l. denique, ex quibus caus. maior. &c. de ciuili possessione loquens, hæc possessio inquit plurimum facti habet. Et in l. 1. §. Scauola, si is qui testamento liber &c. Iuriconsultus inquit possessio facti est & animi. Cum igitur ciuili possessio plurimum facti habeat, & corporis sit licet non tantum, ideò definitio vtrique possessioni conuenit, naturali & ciuili.

## A L I V D.

Possessio non est absque animo. l. 3. in princip. de acquir. possess. l. quemadmodum, Eod. l. fere, de R. I. Quinimò animus in possessione præcipuè spectatur. Nam possessio solo animo retinetur, solo etiam animo amittitur. l. 3. §. in amittenda, de acquir. possess. Sed in definitione possessionis animi non fit mentio. Igitur est vitiosa. R. In definitione animi non fit mentio, expressè, tacitè fit. Nam nulla possessio absque animo est. Et qui rem detinet, per externam illam detentionem, animum satis ostendit, quia vt dicitur τὰν ἐντὸς, εἰς τὸν ἐκτὸς, id est, ab exterioribus deprehendimus quid sit intrinsecus. Intima per mores inquit Accursius cognoscimus exteriores. Cum igitur animus in sit possessioni, non fuit necesse in definitione animi facere mentionem.

## A L I V D.

Definitio possessionis latior est definito: Nam usufructuarius & colonus detinent rem, non tamen possident. l. sciendum, qui satisfacere cogantur. Ibi Ictus inquit, qui vsum fructum habet, possessor non est. l. qui vniuersas, de acquir. possess. l. si id quod possidemus, eod. Ibi dicitur quod coloni ipsi non possident, sed nos per colonum possidemus. R. Cum dicimus possessionem, detentionem esse, non intelligimus nudam detentionem, sed huiusmodi detentionem cui adsit animus possidendi. Hunc animum, usufructuarius & colonus non habent, Igitur non possident non detinent.

## A L I V D.

Possessio solo animo acquiritur. l. si me in vacuam, de acquir. Z

*quir. possess.* Igitur non rectè definitur detentio. Respon. In l. si me in vacuam, quæritur, an errans in corpore adquirat possessionem, & Iurisconsultus inquit, errantem non acquirere possessionem, sed quidam voluerunt animo solo, acquiri possessionem, quod tamen falsum est. At posito hoc falso, animo adquiri possessionem, dubitatur vtrum erranti possessio adquiratur. Et Iurisconsultus dicit, etiamsi præsupponamus animo adquiri possessionem, tamen errans possessionem non acquireret. Non igitur vult Iurisconsultus, solo animo adquiri possessionem, sed tamen etiam posito illo falso, Iurisconsultus ostendit errantem possessionem non acquirere.

## A L I V D.

Solo animo retinetur possessio, solo item animo amittitur. Ergo acquiritur etiam solo animo, sicque possessio non est detentio. Consequentia valet. Quia quibus modis adquirimus iisdem in contrarium actis liberamur. *l. ferè, de Regulis Iuris l. nihil iam naturale, Eodem.* Respon. Iurisconsultus addit in d. l. ferè, hanc particulam ferè, vt ostendat, non perpetuum esse quod iisdem modis liberamur, quibus obligamur, quandoque procedit non semper. Et possessio solo animo retinetur, solo etiam animo amittitur. At solo animo non acquiritur, sed animo & corpore. *l. quemadmodum, de acquir. possessione.*

## A L I V D.

In l. 3. §. Neratius, de acquir. possess. docet Iurisconsultus quod is qui scit thesaurum in fundo suo positum continuo possidet simulatque possidendi affectum habuit, quia, inquit, quod deest naturali possessioni, id animus supplet. Solo igitur animo adquirimus possessionem, & possessio per consequens non est detentio. Respon. Iurisconsultus initio quidem hoc quod propositum est dicit, sed postea id corrigit, & docet eum qui scit thesaurum in suo fundo positum esse, non aliter possidere quam si thesaurus sit loco motus.

## A L I V D.

## A L I V D.

Quarundam rerum possessionem, animo adipiscimur. *l. quarundam, de acquir. poss.* Igitur possessio non est detentio. Respon. Iurisconsultus id postea corrigit in versiculo sed videmus.

## A L I V D.

In l. certi conditio. §. final. de rebus credit. dicitur. Animo cepit possidere. Possessio igitur non est detentio quia animo acquiritur. R. Ibi pecunia mea apud te fuit, quia illam apud te deposui, & postea conuenit vt mutua esset, illic fit mutua, quia, inquit, Iurisconsultus animo cepisti possidere, hoc est, eo animo ea cogitatione, vt tua esset, animo domini capisti possidere. Ciuilitur ergo possides, & interuenit ibi corpus, quia ego pecuniam iam ante tibi tradidi. Interuenit etiam animus, & quidem animus domini, ideoque tua efficitur pecunia, periculum etiam eius pecuniæ ad te pertinet, vt Iurisconsultus ibi tradit.

## A L I V D.

Si possessio est detentio, atque ita factum, tunc per seruum domino possessio non acquiritur. Quæ enim facti sunt ad dominum non transeunt *l. qui heredi, in princip. de condition. & demonstration.* Sed possessio per seruum domino acquiritur. Igitur possessio non est facti. R. Quæ facti sunt, ad dominum non transeunt, facti scilicet transeuntis, vt si seruus sit iussus dare, hoc est tradere. Ita enim ibi accipitur dare, ipse tradere debet, non domino porrigere vt ipse tradat. Sic cum seruus est stipulatus sibi ire agere licere, hæc stipulatio ad dominum non transit, quia ire agere est facti transeuntis. Secus est in factis permanentibus. Vt possidere est permanentis facti. Nam cum seruus caput possidere, factum illud manet, non transit. Et quæ facti permanentis sunt, ad dominum transeunt.

## A L I V D.

Possessio per constitutum acquiritur. *l. quod meo nomine, de acquir. posses.* Igitur solo animo & per consequens possessio

sessio non est detentio. R. Si quod meo nomine possideo, constituam alieno nomine me possidere, possessio acquiritur animo & corpore. Animo illius, cuius nomine constituo me possidere, *arg. ita Schneideuue intradidit in §. possidere, Institut. de Interdict.* Corpore acquiritur meo, idq; Ictus ostendit illis verbis, alium possessorem meo ministerio facio. *d. l. quod meo nomine, de acquir. poss.* Per filium & seruum nos possidemus etiam ignorantes, siue ex causa peculiari possideant, siue non. *Textus est expressus in l. nunquam §. si seruus, de usurpatione: & usucapion:* Ignorantes possidemus non solum corpore sed etiam animo eorundem. *l. 3. §. saltu, de acquir. vel amittend. possession.* Scientes possidemus animo nostro & corpore filij vel serui. Usucapimus per filium vel seruum ignorantes quod ex causa peculiari possident. Quod nostro nomine possident, non usucapimus, nisi scientes. *l. 2. §. Celsus, pro emptor. l. iusto, §. final. de usurpation. & usucapionibus.*

## A L I V D.

At rursus obijcitur, usufructuarium naturaliter possidere. *Ita textus est expressus. l. naturaliter, in princip. de acquir. possess.* Colonus etiam possidet naturaliter. *l. communi. §. neq; Colonia, communi. diuidund.* R. Usufructuarius & Colonus dicuntur quandoque possidere, sed verè non possident sed potius sunt in possessione. Et aliud est possidere, longè aliud in possessione esse. *l. 3. §. final. l. si quis ante, de acquir. possess.* Et sic usufructuarius in possessione esse dicitur *in l. cuiuscuq; §. 1. de usufructu.* Et non possidet usufructuarius. *l. 5. §. Iulianus, ad exhibend. d. l. sciendum, qui satidare cogantur.*

## De diuisione possessionis.

Quod possessio duplex sit, naturalis & ciuilis, primum probatur *l. 1. §. deijctur, de vi & vi armat.* Deijctur inquit Iurisconsultus is qui possidet, siue ciuilitè siue naturaliter possideat. Nam & naturalis possessio ad hoc interdictum pertinet.

In

In l. 2. §. quod vulgò, pro herede, dicitur, quod vulgò responderetur, causam possessionis neminem sibi mutare posse, sic accipiendum est vt possessio non solum ciuilis, sed etiam naturalis intelligatur.

In l. 3. §. fin. ad exhibend. inquit Iurisconsultus, sciendum est aduersus possessorem hac actione agendum, non solum eum qui ciuilitè sed etiam eum qui naturaliter incumbit possessioni.

In l. stipulatio ista habere licere. §. hæc quoque stipulatio, de V. S. Inquit Iurisconsultus, hanc stipulationem habere mihi licere, seruus in suam personam vtiliter concipit. Quamuis enim seruus ciuili iure non possideat: tamen ad possessionem naturalem hoc referendum est.

*Arg. ita antiquus Glossator Iohannes censuit, duas esse distinctas species possessionis, & hanc sententiam defendit Dynus in c. sine possessione, de R. l. in 6. eaq. est communis vt Alciatus affirmat in l. 1. in 3. question. de acquir. possess. Vtuntur pro communi hac sententia, huiusmodi ratione, Quod vnus naturaliter possidet, alter potest ciuilitè possidere. Ergò sunt duæ distinctæ species. Sed hæc ratio bona non est. Placentinus & Azo, vnā duntaxat esse possessionem affirmarunt naturalem, quæ si à lege fomentum accipiat ciuilis dicatur. Hanc sententiam probat Alciatus in d. l. 1. de acquir. possession. & in singulari tractatu, de quinq. pedum prescription & in l. questio, de V. S. Probat eandem Zasius, Socius & deniq. Couarruias. Vtuntur huiusmodi ratione. Cum insisto fundo, possessio hæc naturalis est. Eadē possessio dicitur ciuilis cum non insisto, quia ius ciuile hîc approbat naturalem possessionem. Sed nos negamus possessionem naturalem esse, cum quis fundo insistit, ciuilem cum non insistit, & longè aliter Iurisconsulti sentiunt.*

**Sed vnā tantum esse possessionem probatur sequentibus argumentis.**

Cum Iurisconsulti plurali numero vtuntur, tunc sub titulo, diuersæ species continentur, vt de seruitutibus, de bonorum



possessionibus, de pactis. At cum vtuntur singulari numero tunc vna sola species sub titulo illo proponitur, vt de locato, commodato, deposito. Sed titulus ita est inscriptus, de acquirenda possessione, non de acquirendis possessionibus. Ergo vna tantum est species possessionis. R. per instantiam. In Pandectis est titulus de capitis diminutione, & tamen non vna est capitis diminutio. Sic habemus titulum de rerum diuisione, & tamen non est vna rerum diuisio. Sic est titulus de iustitia & iure, & tamen non est vnum ius, sed triplex. Itaque quamuis dicatur, de acquirenda possessione, tamen non vna est possessio, sed species duæ sunt.

## A L I V D.

Si possessio naturalis & ciuilis sunt diuersæ species, vna sublata non tollitur altera, quia separatorum separata est ratio. Sed possessione ciuili sublata, simul tollitur naturalis, vt cum animo possideo, ciuiliter possideo, & si definam animo possidere, simul amittitur naturalis possessio. Ergo non sunt distinctæ species. At hoc argumentum inquit Zasius respondeat qui potest, ego neminem adhuc vidi, qui illud dissoluere potuerit. Respon. Possessio amittitur solo animo, hoc est verissimum. Ad quod Zasius dicit, ciuilem possessionem esse, quæ consistit animo, hoc falsum est. Falsum etiam est quod dicit, naturalem possessionem consistere corpore. Nam vtraque possessio ciuilis & naturalis consistit animo & corpore. Sic enim Iurisconsultus *in l. 3. in princp.* inquit. Adipiscimur possessionem animo & corpore neque per se animo, neque per se corpore. Et *in l. quemadmodum, eodem tit.* Iurisconsultus inquit. Nullam possessionem posse adquiri nisi animo & corpore. *Idem traditum est in l. fere, de R. I.* Igitur ciuilis possessio est, non tantum quæ animo consistit, sed etiam quæ corpore. Et naturalis possessio est non tantum quæ corpore consistit sed etiam quæ animo consistit. Et cum animo amitto possessionem, simul amitto possessionem etiam corpore. Et si ciuiliter possidebam, quia animo desino possidere, simul etiam desino possidere corpore. Si naturali-  
ter

ter possidebam, quia animo desino possidere simul etiam desino possidere corpore. Et hæc Iurisconsultorum est sententia, cum dicunt animo amitti possessionem, quæ tamen solo animo non fuit acquisita sed animo & corpore simul. Nequaquam hoc volunt Iurisconsulti, quod cum animo amittimus possessionem; simul amittamus possessionem civilem & naturalem, sed cum animo amittimus possessionem, desinimus simul corpore possidere, & siquidem civiliter possidebamus, amittimus simul possessionem corpore, qua civilis possessio constabat. Si naturaliter possidebamus, amittimus simul etiam possessionem corpore, qua constabat naturalis possessio.

## A L I V D.

Diuersitas effectuum, non arguit diuersitatem specierum. Sed naturalis & civilis possessio, diuersos tantum effectus pariunt. Ergo specie non differunt. Respon. Primum de maiori dubitari posset. Puto enim ex diuersitate effectuum argui etiam diuersitatem specierum. Sed concessio maiori nego minorem. Nec enim diuersos tantum effectus pariunt naturalis & civilis possessio, sed substantia etiam differunt. Nam possessio naturalis corporis tantum est, non iuris. *l. 1. de acquir. posses.* ideoque naturalis possessio, corporalis quoque possessio dicitur. *l. si id quod possidemus, de acquir. posses.* Civilis possessio contra, iuris est, non tantum corporis, *l. possessio, eodem.* Et propterea qui in aliena potestate sunt tenere possunt. *d. l. possessio*, hoc est, naturaliter possidere, *l. stipulatio hoc modo concepta, §. hæc quoque stipulatio, & §. habere, de Verborum obligation.* Habere possidere non possunt, hoc est, non possunt possidere civiliter. *d. l. possessio, de acquir. poss.*

## A L I V D.

In *l. qui bona, de acquir. posses.* dicitur corpore & animo incumbere possessioni, & possessio corporis, est naturalis possessio, possessio animi est civilis possessio, & tamen ICtus dicit, possessioni incumbit non possessionibus. Respon.

Hoc

Hoc Socini est argumentum, quo conatur ostendere, vnam tantum esse speciem possessionis, sed Socinus in eo labitur & corpus ibi non naturalem possessionem, nec animus civilem significat, sed Iurisconsultus significat vel naturalem possessionem, vel civilem, & qui possidet, vel naturaliter vel civiliter, corpore & animo potest incumbere possessioni. Ut si fundum emi à non domino, bona fide, in eoque sum, iam corpore & animo incumbo possessioni, & civiliter possideo. Si sciam eum qui mihi fundum vendidit, dominum non esse, & in fundo sum, iam corpore & animo incumbo possessioni, & naturaliter possideo. Ex illo itaque loco non probatur, vnam tantum esse possessionem, quia Iurisconsultus de possessione tantum loquitur vel naturali vel civili, cui corpore & animo incumbere possumus.

## A L I V D.

Imperator in l. nemo ambigit. C. de acquir. possess. rescriptit, possessionis duplicem esse rationem, quibus verbis videtur significari, quod possessio duplici ratione consideretur. Vna itaque est possessio, sed illa dupliciter consideratur. R. Imperator his verbis, nemo ambigit, possessionis duplicem esse rationem, ostendit duplicem esse possessionem, Aliam corporis, quæ naturalis dicitur, Aliam iuris, quæ civilis est possessio. *l. 1. §. adipiscimur. l. possessio quoq. §. penult. de acquir. posses.*

## A L I V D.

Iurisconsultus in l. 3. §. ex contrario, de acquir. possess. inquit. In summa possessionis non multum interesse iuste quis, an iniuste possideat. Iuste possidet, qui civiliter possidet, iniuste qui naturaliter, & in summa possessionis, non multum interest, quomodo quis possideat, Ergo vna est possessio. R. Videndum est, de qua re ibi Iurisconsultus loquatur. Docet ibi Iurisconsultus, duos in solidum possidere non posse. Sabinus contra sensit, & Sabini sententiam Trebatius probavit existimans, vnum iuste, alterum iniuste possidere, Trebatium reprehendit Labeo, hac ratione quod in summa possessione

possessionis, non multum interest, iuste quis, an iniuste possideat, hoc est, si summam loquamur, de possessione, tam possidet qui iniuste possidet quam qui possidet iuste. Igitur duo in solidum non possunt possidere vnus iuste, alter iniuste. Deinde falsum est quod dictum est eum qui naturaliter possidet, iniuste possidere, intelligitur ex illo, quod qui precario rogauit, qui item pignori accepit naturaliter possidet, & tamen iuste. Ita loquitur Iurisconsultus in l. si seruum depositum, §. 1. de noxalib. action. l. 7. §. inter pradones, commun. diuidendo.

## A L I V D.

In l. 3. §. penult. de acquir. posses. dicitur, in summa vnum esse genus possidendi, Igitur vna tantum est possessio, quæ modò naturalis, modò ciuilis dicitur. R. Hoc locus ille non probat, vt præcedentia & sequentia satis ostendunt.

## De possessione ciuili.

1. Hæc consistit opinione domini. l. si seruum depositum. §. 1. de noxalib. action. Qui pignori accepit vel precario rogauit, non tenetur noxali actione. Licet enim iuste possident, non tamen opinione domini possident.
2. Cogitatione domini l. penult. C. de furt. cum bonæ fidei possessor domini cogitatione furem possidet, tenetur noxali actione.
3. Animo domini l. quacumq. de public. in rem action. neque creditor neque qui precario rogauit, eo animo nanciscitur possessionem, vt credat se dominum esse. Ψηχη & δεσπόζειν. Theophilus in §. idem placet, per quas personas nobis acquiritur.

## Contra.

Illas res possidemus, quarum dominium habere non possumus, l. questio, de V. S. Igitur malè definitur possessio ciuilis, quod sit talis possessio, quæ consistit opinione domini. R. Quod Iurisconsultus dicit possessionem esse rerum, quarum proprietates ad nos non potest pertinere, hoc non est

A a

accipi-

accipiendum de omnibus rebus, ut præcedentia verba satis ostendunt, sed accipiendum est de quibusdam rebus, quarum dominium siue proprietas ad nos non potest pertinere, possessio potest. Ut vectigalia, stipendiaria & tributaria prædia possidemus, non tamen proprietatem istorum prædiorum habere possumus, ideoque non vsucapimus, sed longo tempore adquirimus, *l. cum sponsus. §. In vectigalibus, de publican. in rem action. l. si finita. §. si de vectigalibus, de damno infecto.*

## A L I V D.

Qui naturaliter possidet, possidet animo & cogitatione domini, quia dominia rerum à naturali possessione ceperunt. *l. i. de acquir. possess.* Igitur malè hoc asseritur de ciuili possessione. R. Cum Ictus dicit dominia rerum à naturali possessione ceperunt, per naturalem possessionem intelligit apprehensionem rerum. Et est actus corporeus ab animo separatus ut *Ferretus definit.* At aliter naturalis possessio accipitur cum dicimus possessionem aliam naturalem, aliam ciuilem esse. Hic naturalis possessio, non significat nudam apprehensionem, sed significat talem apprehensionem quæ sit animo illi, illa cogitatione quod quis velit possidere. Hunc animum non habet qui feram bestiam apprehendit, sed is habet animum dominij siue proprietatis.

## A L I V D.

In l. raptores 41. C. de Episcop. & Cleric. fit mentio plenæ possessionis, hoc est possessionis mixtæ. Igitur malè nos mixtam possessionem reijcimus. R. Per plenam possessionem Ictus intelligit possessionem ciuilem. Illa plena est, quia qui ciuilitè possidet, possidet animo & corpore domini. Qui naturaliter plenè non possidet, quia animum dominij non habet, ideoque nec ad vsucapionem proficit. Sic Iurisconsultus possessionem nudam vocat. *l. stipulatio ista habere licere, §. si quis fortè, de Usur. obligation.* Si quis, inquit, non de proprietate, sed de possessione nuda controuerfiam fecerit. Nudam vocat, quæ separata est à proprietate, à dominio Inde apparet plenam possessionem esse, quæ detinetur animo dominij siue proprietatis.

Pro-

## XVII. Propositio.

Deinde ad vsucapionem requiritur titulus, & nullo iusto titulo præcedente, vsucapio cessat.

## XVIII.

Titulus causam possidendi significat, vt si quis pro emptore, pro herede, pro donato, legato possideat, titulum habet.

## XIX.

Et nemo sibiipsi causam possessionis mutare potest.

## XX.

Ex pluribus tamen causis possidere vnam eandemq; rem possumus.

## XXI.

Dum nos possidemus, alius eandem rem in solidum possidere nequit.

## A D N O T A T I O.

Dicimus neminem sibiipsi causam possessionis mutare posse. Notanter sibiipsi. Nam dimissa possessione prima, potest quis eiusdem rei denuò ex alia causa nancisci possessionem. *l. qui bona, de acquir. posses.* Vt si is qui pro possessore vel pro emptore possidebat rem alienam, precario dominum rogauerit, iam incipit precario possidere. Tunc enim ipse sibi solus non mutat causam possessionis, sed priori possessione dimissa, precariam à domino accipit. *l. certè, §. Iulianus. l. ultim. de precario.* Idem est si fur, aut is qui rem alienam emit, litis æstimationem subierit, vel si dominus eandem rem ei donauerit. Nam & hîc mutata priori possessione, rem incipit de nouo possidere. *l. si fur. in princip. de vsurpationibus & vsucapionibus l. 2. §. ultim. l. qui cum herede, pro emptore.* Exempla alia sunt in *l. non solum, de vsurpationibus & vsucapionibus.* Si is qui apud me deposuerat vel commodauerat, mihi rem eandem vendiderit, aut donauerit, non mutatur ciuilis possessionis

nis causa, quia ciuilitè non possidebam. Quia tamen possidebam naturaliter, in ciuilem, naturalis vertitur. *l. communi, §. neg, commun. diuidend. l. 2. §. quod vulgò & §. filium, pro herede. l. 1. §. si inter, pro donato.* Et veterum definitio non tantum ad ciuilem, sed etiam ad naturalem possessionem pertinet *l. cum nemo, de acquir. posses.*

### ARGUMENTVM. I.

Dicimus ex pluribus causis vnā rem nos possidere posse. Obstat l. 4. C. de contrah. emptio. vbi dicitur quod titulus possessionis duplicari non potest. Igitur ex pluribus causis non possidemus. R. Glossa ibi existimat, possessionem, dominium significare. Titulus possessionis, id est, titulus dominij, duplicari non potest. *Et hanc glossæ sententiam doctissimus Petrus Faber in l. non ut ex pluribus, de R. I. secutus est.* Sed rectius dicemus possessionem ibi pro dominio non debere accipi sed pro possessione. Ideo autem titulus possessionis ibi non duplicatur, quia tu non videris ex causa emptionis possidere, cum nulla ibi emptio fuerit. Finge, Res tibi est donata & tradita. Postea eadem res ab herede donatoris tibi venditur. Hic titulus possessionis non duplicatur, id est, tu non possides ex causa donationis, & ex causa emptionis, sed ex donationis tantum causa, quia nulla fuit venditio.

### ALIVD.

At obijcitur rursus l. 1. §. si vir vxori, de acquir. posses. ibi ex inutili donatione possessio transfertur. Igitur solutio data non valet, & titulus possessionis non duplicatur. R. In d. l. 1. §. si vir vxori, possessio transfertur quamuis donatio sit inutilis, quia maritus rem vxori donatam habuit, & possessionem in vxorem transtulit. At in d. l. 4. heres donatoris, rem venditam, non habuit, sed ea res apud donatarium fuit, & ideo cum heres donatoris, possessionem in emptorem non transtulerit, titulus possessionis non duplicatur.

### ALIVD.

Frustra ex pluribus causis possidemus, quia ex vna tantum

tum causa dominium adquirimus. Igitur hæc res est nullius momenti. R. Verum est quod ex vna causa tantum dominium adquirimus. At propterea non frustrâ possidemus ex pluribus causis. Si ex vna causa possessionem non probem ex alia causa eam probare possum & ad hoc prodest multiplicatio possessionis.

## A L I V D.

Dicimus duos in solidum non possidere. Obstat l. Et habet, §. eum qui, de precario, vbi Iurisconsultus inquit, cum qui precariò rogauit, vt sibi possidere liceret, nancisci possessionem non est dubium. An is quoque qui rogatus est, possideat, dubitandum est. Et placet penes vtrumque esse, eum hominem qui precario datus esset, penes eum qui rogasset, quia possideat corpore, penes dominum quia non decesserit animo possessione. Duo igitur in solidum possident. R. Hæc quæstio, vtrum duo in solidum possideant fuit agitata inter Proculianos & Sabinianos. Hi admittebant duos possessorés, illi negabant. *Textus est, expressè hoc probans in l. 3. §. ex contrario, de acquir. possè.* Sed Proculianorum sententia obtinuit. Dicta autem lex & habet sumpta est ex libris ad Sabinum, qui duos possessorés admittebat. Et verior est sententia Proculianorum.

## A L I V D.

Obstat l. si duo, vti possidetis. Ibi Iurisconsultus inquit. Si duo possideant in solidum, videamus quid sit dicendum. Si quis proponeret possessionem iustam, & iniustam. Ego possideo ex iusta causa, tu vi aut clam. Si à me possides, superior sum interdicto. Si verò non à me, neuter nostrum vincetur, nam & tu possides & ego. Ecce textum quod duo in solidum possident. R. In d. l. si duo, diligenter illa verba ponderanda sunt, si quis proponeret, ex Sabini scilicet sententia, quibus Proculiani non assentiuntur, nec ergo etiam Vlpianus, & totum quod ibi Vlpianus ponit, ponit ex sententia Sabini, & cum Titius vel clam vel vi possidet, à me vel ab alio, ipse solus possidet, non ego.



Prætor inquit, uti nunc possidetis eum fundum de quo agitur, ita possideatis, aduersus ea vim fieri veto, Ergò duo in solidum possident. R. Prætor duos dicit possidere, non quod verè possideant, sed ratione contentionis tantum quæ est inter duos de possessione. Ne alter alteri vim faciat, prætor interdicit, ut vtrunque sicuti vterque adfirmat, possidere dicat, sed vnus tantum verè possidet.

Cum Titius à me, vi vel clam possidet, ego Titium vinco interdicto uti possidetis *l. 1. §. final. uti possidetis*. Igitur & ego possideo. R. Cum Titius à me possidet vi vel clam, ipse solus possidet, non ego. Ego tamen cum vinco propterea quod etsi non possideo, tamen perinde habeor ac si possiderem, cum habeam interdictum vnde vi, vel de clandestina possessione *l. si quis vi, de acquir. posses. l. 7. §. Iulianus, commun. diuidund.*

Turifconsultus inquit, cum plures mittuntur in possessionem, æqualiter mittuntur, non pro rata damni, quod vnumquemque contingeret. *l. si finita. §. cum plures, de damn. infecto*. Ergò plures in solidum possident. R. Ibi mittuntur plures in possessionem in totum ex primo decreto, custodia scilicet causa, non ut possideant, & mittuntur quidem singuli quasi in totum, sed concursu habent partes, & ex secundo decreto pro eis partibus, possidere iubentur.

In 1. sciendum, qui satisfacere cogantur, dicitur, si fundus in dotem datus sit, tam vxor quàm maritus propter possessionem eiusdem fundi, possessores intelliguntur. Igitur duo in solidum possident. R. Sola vxor possidet verè, sicuti sola vxor est domina dotis. At maritus possidet fictione iuris tantum. Et vterq; propter petitionem ita legendum, non possessionem, hoc est, vindicationem, possessor intelligitur.

Colonus & depositarius naturaliter possident. *l. commun. §. neq. Commun. diuidund.* Possidet etiam dominus fundi & depo-

deponens. Igitur duo possident. R. Cum Colonus & depositarius, alijque nonnulli possidere dicuntur, impropria est locutio, cum in possessione potius sint quam possideant.

## A L I V D.

In l. licet, depositi, plures apud sequestrum rem in solidum deponunt & sequester possidet. Id enim inquit Iuriconsultus ea depositione agitur, vt neutrius possessioni id tempus procedat. Igitur duo in solidum possident. R. Ex illa ipsa lege Tunc inquit Ictus res apud sequestrum deponitur cum res in controuersiam deducitur. Ecce ratione controuersia deponunt singuli in solidum, non quod verè deponant singuli in solidum.

## A L I V D.

Obstat l. clam possidere, de acquir. possess. & quidem dupliciter. Primum ibi clam possidere definitur, qui furtiuè ingressus est possessionem, eo ignorante qui possidebat. Igitur duo in solidum possident. Is cuius erat possessio, quia animo retinet possessionem, & ignorat alterum clam possidere. Is item qui clam ingressus est possessionem. Deinde in §. final. Iuriconsultus docet, quod me ad nundinas profecto, tu clam possideas, si dum ego absum, occupaueris possessionem. Ait enim Iuriconsultus me retinere possessionem qui ad nundinas abiui. Duo igitur in solidum possident. R. Qui clam possidet, non statim vbi furtiuè possessionem ingressus est, possidet, sed tum demum, vbi clandestina ingressus opinione comparata, possessor possessione sua cesserit. Interim ergò is cuius est possessio, possessionem animo retinet, & qui clam ingressus est possessionem, propriè non possidere, sed in fundo esse dicitur, vt loquitur Ictus in l. 3. §. in amittenda, de acquir. possess. Ad §. fin. respondeo. Ibi Iuriconsultus eum qui absentis possessionem ingressus est, clam videri possidere scribit. At non quisquis videtur possidere, continuo etiam possidet. Nam vsufructuarius videtur possidere. l. naturaliter, de acquir. possess. & tamen non possidet, sed in fundo est. l. certè. §. si qui precario rogante, de precario. Retinet igitur dominus possessionem. donec clandestini ingressus opinione comparata, sua possessione cesserit.

A L L

# DISPUTATIO A L I V D.

Pignus creditor possidet, quia eo animo pignus tradidit debitor ut possessionem dimitteret. *l. per seruum, de acquir. rer. domin. l. cum & sortu. §. ultim. de pignoratit. action.* Possidet etiam debitor, quia rem pignori datam usufrucipit quamdiu res apud creditorem est, *l. non solum. §. qui pignori, de usurpation. & usufrucipion.* Ergo duo possident. R. Debitor, quamdiu creditor possidet, reuera non possidet, intelligitur tamen possidere ad hanc unam causam ut usufrucipiat, ut eam impleat. *Ita loquitur Iurisconsultus in l. 1. §. per seruum corporaliter l. qui pignori, de acquir. possess. l. serui nomine, de usurpation. & usufrucipion. d. l. non solum. §. qui pignori, Eod.* Ideoque interrupta possessione creditoris, debitoris quoque usufrucipio interruptitur. At creditor pignus non possidet. *l. sciendum, qui satidat. cogantur.* Ad hoc scilicet ut releuetur ab onere satisfaciendi. Usufructuario dantur interdita possessoria quia vicem domini obtinet. Naturaliter possidet quidem, sed tamen possessio illa plurimum ex iure mutuatur *quod diligenter notandum est in l. possessio, de acquir. & amittend. possess.*

## XXII. Propositio.

Bona etiam fides ad usufrucipionem necessaria est.

## XXIII.

Ac bona fides scientiam rei alienæ excludit.

## XXIII.

Et quidem initio tantum in usufrucipione, iure civili bona fides necessaria est, superueniens mala fides usufrucipionem non impedit.

## XXV.

Et ideo quod defunctus bona fide possedit, heres & bonorum possessor usufrucipiunt, licet ipsi sciant, prædium alienum esse.

## XXVI.

Quamuis de iure Canonico secus sit.

A R G V.

## ARGVMENTVM I.

Dicimus bonam fidem scientiam rei alienæ excludere. Contra creditor qui pignus possidet, Item qui rem precario possidet, habet scientiam rei alienæ, & tamen creditor & qui precario rogauit, bona fide possidet, Ideoque dicuntur iuste possidere vt supra dictum est. Bona igitur fides scientiam rei alienæ non excludit. R. bona fides scientiam rei alienæ excludit plerumque scilicet, at non semper, vt in propositis iam exemplis videre licet.

## ADNOTATIO.

Bona fides, non tantum in initio requiritur, cum res emitur; sed etiam cum traditur. *l. sed et si res. §. ultim. de publican. in rem action.* Sed hoc singulare est, in emptione & venditione. Nec obstat *l. si aliena res in princip. de vsurpation. & vsucapion.* quæ videtur velle, traditionis tantum tempus spectandum esse. Nam dicendum est, inter diuersæ scholæ auctores, hoc est, Proculianos & Sabinianos semper constituisse, etiam in emptione, bonam fidem initio, hoc est tempore emptionis spectare oportere. Sed in eo fuit controuersia, vtrum id tempus sufficeret, an verò etiam tempus traditionis spectandum esset. Et Proculiani existimârunt sufficere, si emptor emptionis tempore bonam fidem haberet. Sabiniani contra putarunt, etiam traditionis tempore, bonam fidem intercedere debere, & Ulpianus docet, Sabinianorum sententiam obtinuisse. Bona fides non tantum initio adeptæ, sed etiam initio recuperandæ possessionis exigitur. Excipiuntur tamen duo casus. Primus hic est. Possedi mulierem bona fide. Postea cognoui alienam esse mulierem antequam mulier eniteretur. Peperit deinde mulier. Hic partum vsucapio, quamuis sciam, mulierem esse alienam. Sed hoc ideo quia bona fide matrem pregnantem accepi, & ideo partum simul videor bona fide accepisse.

Secundus casus hic est. Finge, seruum bona fide possedi. Seruus postea captus est ab hostibus. Hic interrupta est vsu-

B b

capio

cipio serui, seruo ab hostibus capto, cognoui eum alienum esse, antequam ab hostibus rediret, & tamen nihilominus seruum reuersum vsucapio. Sed hoc fit propter fictionem postliminij, *l. iusto errore. §. etsi possessionis, de usurpat. & vsucapion.*

## A L I V D.

Dicimus malam fidem superuenientem, vsucapionem non impedire. Contra, mala fides superueniens, ex bona fidei possessore, facit possessorem malæ fidei, & ex eo tempore fructus eius non sunt. Fructuum enim perceptio proficiscitur ex bona fide. Igitur videtur dicendum, ex eo quoque tempore vsucapionem interrumpi, quo quis cognouit rem esse alienam. Alia est ratio vsucapionis, alia possessionis. Vsucapio ex lege proficiscitur magis quam ex facto, aut detentione nostra, & ideò non interrumpitur etsi mala fides superuenit. Possessio est facti, & interrumpitur, & quæ bonæ fidei erat, fit malæ fidei, & cum possessio non perseveret, non durat fructuum utilitas. Separata est causa possessionis & vsucapionis. *l. 2. pro emptore.*

## A L I V D.

Dicimus procedere vsucapionem si defunctus bonam fidem habuit, etsi heres sciat rem esse alienam. Contrà. Si venditor habeat bonam fidem, & emptor sciat rem esse alienam, non procedit vsucapio. *l. 2. §. si ea rem, pro emptor.* Igitur bona fides defuncti non prodest heredi. R. Diuersum ius obtinet in herede, & in emptore. Diuersitatis ratio est quod heres censetur vna persona cum defuncto, & ideò sufficit defuncti bona fides. Emptoris autem & venditoris personæ sunt diuersæ, non habentur pro vna.

## XXVII. Propositio.

Denique ad vsucapionem tempus legitimum requirimus.

## XXVIII.

Ac olim quidem res mobiles vbique anno, immobiles biennio in Italico tantum solo vsucapiebantur;  
pro-

propterea quod soli Itali, prædia sua, pleno iure habebant, reliqui prouinciales non item.

## XXIX.

Hodiè res mobiles triennio, immobiles vbique locorum decem annis inter præsentēs, & viginti inter absentes, vsucapiuntur.

## XXX.

Ac necesse est, vt qui vsucapere vult, possederit continuò per triennium, decennium, aut vicennium.

## XXXI.

Si inter hæc tempora exciderit possessione, vsurpatur siue interruptitur vsucapio.

## XXXII.

Non tamen in vsucapionibus à momento ad momentum, sed totum postremum diem computamus, vt qui illum attigerit, vsucepisse rem dicatur.

## A R G V M E N T V M I.

Dicimus hodiè res mobiles triennio, immobiles, decem annis inter præsentēs, 20. inter absentes vsucapi. Obstat. l. bonæ fidei emptor, de adquir. rer. domin. Ibi Iurisconsultus significat, res longo tempore capi, id est, vsucapi, de vsucapione enim loquitur. Igitur antiquitus etiam res immobiles longo tempore vsucapiebantur. R. breuiter, hæc verba, longo tempore, Triboniani esse videntur, ex l. vnic. C. de vsucapion. transfer. sicuti hæc verba definitionis, temporis lege definiti Triboniani sunt.

## A L I V D.

Requirimus in vsucapione, continuam possessionem. At contrà. Vsucapio completur à defuncto cepta, iacente adhuc hereditate, hoc est, hereditate nondum adita, quo tempore nemo possidet, l. ceptam, de vsurpat. & vsucapionibus l. 6. §. ultim.

B b 2

pro

*pro emptor. l. cum miles, ex quibus caus. maior. &c.* Sic tegula vel columna ante completam usucapionem ædificio iunctæ, amplius non possidentur, sed sola ædium vniuersitas possidetur *l. cum qui ades, de usurpat. & usucap.* & tamen si pauci dies ad perficiendam usucapionem supersint, propter interruptam possessionem, non impeditur usucapio. *l. rerum mixtura. §. Labeo, de usurpat. & usucap.* R. Hæc iure singulari sunt recepta *l. iusto errore, §. nondum, de usurpat. & usucap.*

## A L I V D.

In usucapionibus mobilium, continuum tempus numeratur. *l. nunquam. §. i. de adquir. vel amittend. poss.* Ergo non est necesse, quod quis possederit continuò, per decennium vel vicennium, quia in mobilibus tantum continuum tempus, exigitur. R. Iurisconsultus ibi non tractat de continuatione possessionis, sed eo, an tempora in usucapionib. debeant esse continua an vtilia. Et docet continua esse tempora, hoc est, etiam illa tempora numerari quibus quis agere non potuit.

## A L I V D.

Obstat Nouell. 119. in ea Nouella dicitur, quod bonæ fidei emptor qui emit à malæ fidei possessore, ignorante domino, rem 30. annis præscribit. Igitur malè nos dicimus rem vsucapi 10. vel 20. annis. R. Ex illa Nouella, qui bona fide emit à malæ fidei possessore, ignorante domino, non nisi 30. annis rem præscribere potest. At qui emit à non domino qui tamen bonæ fidei possessor fuit, rem vsucapit 10. annis inter præsentés, 20. inter absentes. Quod enim statuitur in d. Nouell. 119. strictè accipiendum est, vt procedat tantum in illo casu in quo Imperator loquitur. A non domino, qui tamen bonæ fidei possessor fuit emo rem hoc modo, Titius à te cum dominus non esses, bona fide. Ego rursus rem emi à Titio bona fide. Hic rem vsucapio, decem vel 20. annis, quia in hoc casu d. Nou. 119. loquitur. Præterea loquitur. d. Nou. 119. tantum in casu emptionis. Si quis ergo à non domino, alio titulo rem acceperit, Nouella locum non habet, sed qui bona fide rem possedit, illam 10. vel 20. annis vsucapiet.

Pro-

## XXXIII. Propositio.

Re vsucapta, dominus vsucapiens efficitur.

## XXXIII.

Vsucapionibus enim transferuntur rerum dominia, non minus quàm traditionibus.

## XXXV.

Licet itaq; contra naturam esse videatur vsucapio, tamen bono publico introducta est, ne quarundam rerum dominia diu & ferè semper incerta essent.

## XXXVI.

Ab vsucapione plurimum distabat longi temporis præscriptio.

## XXXVII.

Non tamen in eo differunt, quod vsucapio nobilium est, longi temporis præscriptio immobilium, ut communis habet opinio.

## XXXVIII.

Multò minus tanquam causa & effectus, quod tamen Alciatus voluit.

## XXXIX.

Nec enim longi temporis præscriptio vsucapionis est effectus.

## XL.

Sed ut vsucapio modus est, quo iure ciuili dominia rerum adquiruntur, ita longi temporis præscriptio, proprius est modus, quo iure ciuili quæ vsucapi non possunt, longo tempore adquiruntur.

## XLI.

Sic longi temporis præscriptioni successit præscriptio 30. vel 40. annorum, ut quæ longo tempore præscribi non possunt, 30. vel 40. annis præscribantur.



His tandem successit præscriptio centum annorum, quæ præscribuntur, quæ superioribus præscriptionibus adquiri non possunt.

In omnibus dictis præscriptionum generibus eadem requiruntur, quæ in vsucapione requiri diximus.

Sed pleraq; licet non probentur, præsumuntur tamen, ut titulus, bona fides, & possessionis continuatio, probatis extremis.

*An etiam de iure Saxonico bona fides ad præscriptionem requiratur? Nos affirmativam defendemus.*

Quæ ad harum thesium intellectum pertinent habentur in commentarijs ad Institutiones ad hunc titulum.



DISPUTATIO PRIMA,  
EX TIT. PANDECT. DE OBLIGATIONIBVS ET ACTIONIBVS.

*Quam defendis*

LVCAS Langenmantel von Sparren  
Anno 1591.

I. Propositio.



bligatio est iuris vinculum, quo necessitate adstringimur alicuius rei soluendæ, secundum nostræ ciuitatis iura.

ARGV.

## A R G V M E N T V M I.

Hæc definitio est vitiosa. Nam conuenit non tantum ciuili, verum etiam naturali obligationi, quod ita ostenditur. Pone, contraxi cum pupillo, & pupillus ex isto contractu est locupletior factus, atque ita naturaliter obligatur, & ex illa naturali obligatione ex rescripto Diui Pij est actio. *l. 3. §. pupillus, de negoe. gest. l. 5. de auctor. & consensu tutor. vel curator.* Hæc obligatio, est vinculum iuris, quo necessitate adstringitur pupillus, alicuius rei soluendæ: Inde igitur constat, definitionem obligationis, naturali & ciuili obligationi congruere. Respon. Quamuis pupillus, cum locupletior factus est, naturaliter obligatur: tamen illa obligatio non est iuris vinculum, hoc est vinculum ciuile, quo necessitate adstringimur &c. Vinculum duplex est, aliud naturale, aliud ciuile *l. si fideiussores, de condition. indebit.* Et cum pupillus obligatur, obligatio illa est vinculum naturale, non iuris vinculum hoc est ciuile. Definitio igitur obligationis, non conuenit obligationi naturali, sed tantum ciuili.

## A L I V D.

Ex pactis legitimis, nascitur obligatio naturalis. Pacta enim naturalem tantum obligationem producant. *l. 5. de solution. & liberation.* ibi vsuræ debentur ex pacto naturaliter. At obligatio quæ ex pactis legitimis descendit, est iuris vinculum quo necessitate adstringimur &c. videtur igitur dicendum definitionem obligationis adhuc conuenire naturali obligationi. R. ad maiorem. Ex pactis nascitur naturalis obligatio, ex pactis scilicet iurispergentium. *d. l. 5. de solution. & liberation.* Ex pactis autem legitimis non nascitur naturalis obligatio, sed ciuilis. Et obligationes, quæ ex pactis legitimis nascuntur, significantur in definitione ciuiliū obligationum his verbis, quæ legibus sunt constitutæ. Obligationes aut ciuiles sunt aut prætorix, vt Imperator docet in Institutis. Ciuiles sunt, quæ legib. sunt constitutæ. Legibus sunt constitutæ omnes obligationes quæ ex pactis legitimis nascuntur, vt in Instit. tradidi. Iure ciuili cōprobata sunt obligationes descendentes

dentes ex conuentionibus iurifgentium hoc est omnes obligationes descendentes ex contractibus qui iurifgentium sunt *l. ex hoc iure, de iussit. & iure. §. ius autem gentium, Institut. de iure naturali gentium & ciuili.* Idem de obligationibus, ex conuentionibus iuris ciuilibus descendentes, sentiendum est. Cum enim ius ciuile, contractus illos inuenerit, dubium non est, obligationes ex ijs descendentes iure ciuili approbatas esse, *ut in Institutis etiam tradidi.*

## A L I V D.

Sed rursus obstat. Obligatio ciuilis non rectè definitur iuris vinculum, quo necessitate adstringimur &c. Nam si stipulanti ita respondeam, dabo si volam, tenet stipulatio, & stipulatio me & heredem meum adficit si postea voluero, idque apertè indicat *l. sub hac conditione §. h. t. n.* At cum ita stipulanti respondeo, dabo si volam, necessitate nulla adstringor soluendi. Inde igitur sequitur, obligationem non esse iuris vinculum quo necessitate &c. R. Cum stipulanti respondeo, dabo si volam, ego statim non obligor. *Hoc indicat Iuriconsultus in d. l. sub hac conditione §. h. t. n.* Sub hac inquit conditione, si volam nulla fit obligatio. Pro non dicto enim est, quod dare nisi velis, cogi non potes. At si postea voluero, vt quia voluntatem meam explicauit, me dare velle, si mandauit Titio, vt daret siue traderet tibi, quod promisi sub conditione, si volam, hinc obligor, & in tantum obligor, vt si Titius me viuus, non tradiderit, heres sit obligatus ad tradendum. Hoc Iuriconsultus significat in sequentibus verbis, nec heres eius qui nunquam dare voluit, tenetur, quia hæc conditio in ipsum promissorem nunquam extitit. Si ergo extitit conditio in ipso promissore, vt quia ego dare volui, iam heres tenetur. Hæc igitur promissio, dabo si volam, ab initio nulla est. Verum si voluero postea, valet promissio *d. l. sub hac conditione, h. t. n.* Aliud quod notandum est, dicendum est, si stipulanti respondendi, dabo si voluero. Hæc stipulatio nec me, nec heredem meum afficit, si postea voluero. *l. centesima in fine, de Verborum obligatim.* Verbum volam est extensiuum in futurum, voluero non item. Voluero, semel significat, volam, iterum.

At

At obijcies l. centesimis. §. final. de Verborum obligat. ubi dicitur hanc stipulationem, cum voluero, ita demum inutilem esse, si antequam constituas, morieris. Ergo malè diximus stipulationem inutilem esse, cum dictum est, si voluero. R. Differentia est, inter si voluero, & cum voluero. Hæc promissio, si voluero, inutilis est. Illa cum voluero non item. Ratio differentiæ est. His verbis, si voluero, expressè conditio & tempus conferuntur in meam voluntatem. At verbis, cum voluero, conditio & tempus in meam voluntatem conferuntur tacitè. Ideoque illa promissio non valet, hæc valet. Expressa nocet tacita non item. *l. expressa, de R. l. l. nonnunquam contingit, de condit. & demonstrat.*

## A L I V D.

Cum promitto tibi, Stichum aut Pamphilum, vtrum volueris, aut etiam vtrum voles, ego obligor. *l. si quis stipulatus sit, 1. 2. de Verbor. obligation.* At hic nulla necessitate adstringor soluendi. Igitur obligatio non est vinculum iuris, quo necessitate adstringimur &c. R. Hic minor propositio neganda est. Nam cum promitto Stichum aut Pamphilum, quem volueris, aut quem voles, ego necessitate soluendi astingor, obligatus enim sum ad dandum Stichum vel Pamphilum. Et in alternatiuis electio mea est, & variare possum, quoad soluero, nisi nominatim electio mihi data sit *l. cum quis, §. ultim. de Verborum obligation l. huiusmodi, §. Stichum, de legat. 1.* Vtraque lex est debitoris creditor non potest variare, si ei electio nominatim data est. *l. 5. de legat. 1.* quod tamen cum distinctione intelligendum est. Nam si dixerit creditor Stichum aut Pamphilum dabis, vtrum voluero, semel eligere potest, nec potest variare. Si, ita vtrum volam, variare potest, vsq; ad litem contestatam. *d. l. si quis stipulatus.*

## A L I V D.

Legatum, quod confertur in arbitrium heredis valet. *l. si sic legatum 75. de legat. 1. l. 11. §. sic fideicommissum, de legat. 3.* Ergo valet quoque promissio, quæ confertur in arbitrium promissoris, & sic obligatio non est vinculum, quo necessitate &c.

C c

R. Le-

R. Legatum, quod in arbitrium heredis primum siue merum confertur, non valet *l. senatus 43. §. legatum, de legat. 1.* At quod legatum confertur in arbitrium heredis quasi viri boni, valet: *d. l. si sic legatum, in princip. & d. l. 11. §. si fideicommissum.* Inde sequitur cum antecedens non valeat, non valere quoque consequens, & promissio non valet quæ confertur, in rei promittendi arbitrium.

## II. Propositio.

Et vel ex contractu nascitur vel ex maleficio, aut proprio quodam iure ex varijs causarum figuris.

### ARGUMENTVM I.

In secunda propositione dicimus, obligationes nasci ex contractu &c. Hæc diuisio est imperfecta, quia obligationes etiam nascuntur ex pactis legitimis, & istæ obligationes neq; ex contractu sunt neque ex maleficio &c. Respon. Obligationes aut ciuiles sunt aut pratoriæ. Ciuiles sunt quæ legibus sunt constitutæ, aut certè iuri ciuili comprobata sunt. Et de obligationibus quæ iure ciuili comprobata sunt, Iurisconsultus agit in l. 1. hoc titulo, non etiam de obligationibus ciuilibus, quæ legibus sunt constitutæ.

### ALIVD.

Maleficio est contractus. Inde Iurisconsulti contrahere fraudem, contrahere crimen capitale, contrahere crimen perduellionis dicunt. Ergò maleficia malè separantur à contractu. Respon. Maleficia improprie sunt contractus, contractus consensu fiunt. Furtum non fit consensu eius qui patitur furtum. Idem de rapina dicendum. Aristoteles delicta, *συναλλάγματα ἀκύρια* vocat.

## III. Propositio.

Obligationes ex contractu aut recontrahuntur, aut verbis, aut consensu.

### ARGV.

## A R G V M E N T V M.

Hic omittitur literarum obligatio. Ergò imperfectè enumerantur obligationes ex contractu. Perfectius in Institutis, Respon. In Pandectis nusquam fit mentio literarum obligationis *l. 1. §. final. de pact. l. 1. §. 1. h. t. de obligation. & action. l. grecè. §. 1. de fideiussor. l. 1. de nonatton. l. 4. h. t. de obligation. & action. l. prout, de solution.* propterea quod olim, exceptio non numeratæ pecuniæ erat perpetua, & ideò nulla erat literarum obligatio. Imperatores postea exceptionem non numeratæ pecuniæ fecerunt temporariam, atque ita literarum obligationem introduxerunt.

## IV. Propositio.

Re contrahitur obligatio mutui datione.

## V.

Mutui datio consistit in his rebus, quæ pondere, numero & mensura constant, veluti vino, oleo, frumento, pecunia numerata, quas res in hoc dāmus, vt fiant accipientis postea alias recepturi eiusdem generis & qualitatis.

## A R G V M E N T V M I.

Alijs etiam in rebus mutuum consistit. Vt panes, pisces, carnes, mutuo dari possunt. Ergò nostra propositio quinta falsa est. R. Quasitum fuit de eo vtrum panes, pisces, carnes mutuo dari possent. Et quidem Azo tradidit, panes, pisces, carnes, mutuo non dari nec accipi posse. Sed verius est in hisce rebus, mutuum quoq; consistere, si panes certi ponderis dentur æquè boni panes reddantur. Vel pisces dentur ad pondus, vt alij pisces eiusdem generis & ponderis eiusdem restituantur, vel si carnes dentur ad pondus vt carnes eiusdem ponderis & bonitatis redderentur. Et licet panes, pisces carnes, non sunt quantitates: tamen cum ad certum pondus dantur, ea lege vt eiusdem ponderis & bonitatis panes, pisces

& carnes redderentur, non pro corporibus huiusmodi res accipiuntur, sed pro quantitate.

Quinimò grex nonnunquam pro quantitate sumitur *ut in l. quod sepè. §. in his, de contrahend. emptio.* ubi grex annumeratur his quæ numero constant, si modò grex venierit ad numerum. Itaque in grege quoque mutuum consistit, dato nimirum grege, ad numerum, ut totidem capita reddantur eiusdem qualitatis. *Cuiusmodi 11. c. servat. c. 37.*

## A L I V D.

Ex mutuo nascitur certi conditio *l. certi conditio, de reb. cre. tit.* Certi autem conditione sola pecunia numerata peritur *l. 1. de condit. triticar.* Ergo sola pecunia mutuo datur, non vinum, oleum, frumentum. R. In d. l. 9. de condition. triticar. Iurisconsultus, inter se confert conditionem certi, & conditionem triticariam. Utraque conditio generalis est, & in eo conveniunt. Caterum conditione certi, pecunia petitur. Conditione triticaria præter pecuniam numeratam aliæ res, pondere & mensura constantes. *d. l. 1. de condit. triticar.* Et hoc ibi tantum dicitur comparatione conditionis triticariæ, qua pecunia numerata non petitur. Nec inde inferendum est, tantum pecuniam numeratam conditione certi peti posse.

## A L I V D.

Re contrahi dicitur, quod numeratione contrahitur *l. certi conditio. §. numerant, de reb. credit.* Ergo mutuum consistit in rebus quæ numerantur, non quæ mensurantur aut ponderantur. R. Iurisconsultus in d. l. certi conditio. §. numerant, de reb. credit. loquitur de pecunia quam numeravi, & ideo contractum dicit esse re factum, hoc est numeratione. At inde non rectè inferitur, non consistere mutuum quoque in rebus quæ mensura & pondere constant.

## VI. Propositio.

Is quoque, cui rem aliquam commodamus, re nobis obligatur, sed is de ea ipsa re, quam acceperit, restituenda tenetur. Et ille quidem qui mutuum accepit,  
fi

si quolibet fortuito casu, quod accepit, amiserit, nihilominus obligatus permanet.

## VII.

Is verò qui utendum accepit, si maiore casu, cui humana infirmitas resistere non potest, veluti incendio, ruina naufragio rem, quam accepit, amiserit, securus est.

## VIII.

Aliàs tamen exactissimam diligentiam, custodiendæ rei præstare compellitur, nec sufficit ei eandem diligentiam adhibere, quam suis rebus adhibet, si alius diligentior custodire poterit.

## ARGUMENTVM I.

Dicimus commodatarius teneri de leuissima culpa, quia exactissimam diligentiam præstare tenetur. Contra. Commodatarius teneretur custodiam diligentem præstare. *l. si uicorso. §. custodiam, commod.* Ergò non tenetur de culpa leuissima. R. Custodia diligens, ibi significat custodiam diligentissimam & exactissimam diligentiam. Positiuus pro superlatiuo positus est *ut in §. nostra propositione.*

## A L I V D.

Malè videmur distinguere siue separare commodatum à mutuo, & mutuum à commodato. Cum mutuum, commodatum, & contra commodatum mutuum dicatur. *l. final. quod cum eo qui in alien. potest. est negotium &c. continet l. 1. C. Theodos. quod iussu.* Ibi in nostro Codice dicitur pecuniam mutuam dare, & pecuniam credere. Pro his verbis, est l. ultim. C. Theod. quod iussu, pecuniam commodatam dare, pecuniam commodare. Resp. Veteres promiscuè utebantur commodati & mutui appellatione, ut ex locis dictis apparet. Sed hodiè distinguunt, inter commodatum, & mutuum. Distinguebant etiam veteres ad hunc modum. Commodatum est mutuum ad usum. Mutuum est commodatum ad abutsum.



Qui vtendum accepit non tenetur de casu fortuito. At qui mutuum accipit, accipit ad vsum. *Item legato 49. de legat. 3.* Ergo qui mutuum accipit non tenetur de casu fortuito. R<sup>espon</sup>sion. Cum dicitur *in d. l. item legato, de legat. 3.* ad vsum mutuari, verba illa ICtus accipit antiquo more pro commodato accipere. Commodatum est mutuum ad vsum. Mutuum contra, Commodatum ad abusum. Et cum Iurisconsultus dicit ad vsum mutuari, perinde est ac si dixisset, commodato accipere.

## A L I V D.

Dicimus in septima propositione, eum qui mutuo accipit, teneri de casu fortuito. Contra. Casus fortuitus à nullo præstatur. *l. contractus in fin. de R. I.* Ergo &c. R. Excipiendum est à dicta regula *l. contractus. §. final.* mutuum, ibi cuius nulla sit mentio.

## IX. Propositio.

Sed & in maioribus casibus, si culpa eius interueniat, tenetur, veluti si quasi amicos ad coenam inuitaturus, argentum, quod in eam rem acceperit, peregrè proficiscens secum portare voluerit, & id aut naufragio, aut prædonum hostiumuè incurso amiserit.

## X.

Is quoque apud quem rem aliquam deponimus, re nobis tenetur qui & ipse de ea re, quam accepit, restituenda tenetur. Sed si negligenter rem custoditam amiserit, securus erit, quia enim non sua gratia accipit, sed eius, à quo accipit, in eo solo tenetur, si quid dolo perierit. Negligentiæ verò nomine ideò non tenetur, quia qui negligenti amico rem custodiendam committit, de se queri debet. Magnam tamen negligentiam placuit in doli crimine cadere.

## A R G V M E N T V M I.

Dicimus depositarium de dolo teneri. Contra. Periculum quoque depositarij est. *l. si in Asia 12. §. final. depositi.* R. Iurisconsultus ibi loquitur de depositario qui iudicium accipit, & litem secum contestari patitur. Hic tenetur, si casu fortuito post iudicium acceptum, post litis contestationem, res perierit quia potuit iudicij accipiendi tempore reddere nec tamen reddidit. Sibi ergo imputet, quod casu res perijt. Sic qui ex stipulatu vel testamento quid debet, post iudicium acceptum, cum detrimento eius, res perit. *d. §. final.*

## A L I V D.

Sed obstat *l. si plures 14. §. final. depositi.* Ibi perijt res deposita post litis contestationem, & tamen dicitur depositarium absolvendum esse. Ergo verum non videtur quod diximus depositarium post litis contestationem de casu fortuito teneri. R. Re post moram debitoris perempta, debitor non liberatur. Hæc regula satis tuta est, fallit tamen, si res debita æquè fuisset interitura apud creditorem si restituta fuisset. Tunc debitor liberatur, & si res deposita perijt post iudicium acceptum, post litis contestationem, depositarius non tenetur, si res æquè fuisset peritura apud deponentem, si restituta esset, ac perijt apud depositarium.

## XI. Propositio.

Creditor quoque qui pignus accepit, re tenetur, quia & ipse de ea ipsa re, quam accepit, restituenda tenetur.

## XII.

Verbis obligatio contrahitur ex interrogatione & responso, cum quid dari fieriue nobis stipulamur.

## XIII.

Et aut proprio nomine quisq; obligatur, aut alieno, qui fideiussor vocatur, & plerumque ab eo, quem proprio nomine obligamus, alios accipimus, qui eadem obligantur.

obligatione teneantur, dum curamus ut, quod in obligationem deduximus, tutius nobis sit.

## XIV.

Si id, quod dari stipulamur, tale sit, ut dari non possit, palam est, naturali ratione inutilem esse stipulationem, veluti, si de homine libero, vel iam mortuo, vel ædibus deustis facta sit stipulatio inter eos, qui ignorauerint eum hominem liberum esse, vel mortuum esse, vel ædes deustas esse.

## XV.

Idem iuris est, si quis locum sacrum, aut religiosum dari sibi stipulatus est.

## XVI.

Nec minus inutilis est stipulatio, si quis rem suam ignarus suam esse stipulatus fuerit.

## XVII.

Item sub impossibili conditione factam stipulationem constat inutilem esse.

## XVIII.

Furiosum siue stipulatur, siue promittat, nihil agere natura manifestum est.

## ARGUMENTVM I.

Dicimus verborum obligationem contrahi ex interrogatione & responso. Imò pacta quoque sunt ex interrogatione & responso *l. iurisgentium. §. quod ferè de pact.* R. Ex interrogatione & responsione nascitur verborum obligatio, non pactum, nisi specialiter approbetur quod non animo stipulantium hoc factum est sed tantum paciscentium. *d. §. quod ferè de pactis.*

## ALIVD.

Ex interrogatione & responso, non tantum nascitur verborum obligatio, sed etiam emptio, venditio, locatio conductio,

ctio, mandatum & alij contractus. Ergò propositio est falsa. Antecedens probatur. Ego interrogo te, an equum, domum &c. velis vendere, locare, an mandes vt illud faciam, tu respondes te velle equum, domum vendere, locare vel te mihi mandare vt hoc faciam. R. Semper videndum est quid agatur, quæ fuerit mens, quæue intentio quis animus contrahentium. Cum ita te interrogo, dabis mihi decem, & tu respondes dabo. Hæc est intentio, vt verborum obligatio contrahatur. Ergo hoc casu ex interrogatione & responsione nascitur verborum obligatio. At cum te interrogo an vendas mihi equum, domum, & tu respondes, vendo tibi equum & domum, non id agitur interrogatione & responsione, vt verborum obligatio constituatur, sed id agitur, vt emptio & venditio contrahatur. Sic cum quæro an mihi mandes, vt hoc faciam, & tu respondes mando tibi, ex interrogatione & responsione non nascitur verborum obligatio, quia id non agitur. Idemque de similibus est dicendum. Semper inspicimus quod agitur. Vnde si pecuniam mutuam à te accipiam & in continenti stipuler, non nascitur obligatio numeratione pecuniæ, sed obligatio nascitur ex stipulatione, & vnus hîc est contractus non duo. *l. 6. & 7. de nouation. & delegation.*

## A L I V D.

Hominem liberum, rem sacram & religiosam rectè emimus *l. 4. de contrahend. empt.* Ergò & stipulamur. R. Ignorantes emimus hominem liberum vel sacram rem & religiosam non scientes. Sed ignorantes non stipulamur rectè has res, vt nominatim Iurisconsultus tradit. Differentiæ ratio hæc esse videtur. In stipulatione id agimus vt liber homo, vel res sacra nobis detur, hoc est, vt noster fiat liber homo, vel sacra res nostra fiat. Hoc esse non potest. Ideoque stipulatio non valet, etiam ignoranter facta. At in emptione & venditione id non agitur vt liber homo nobis detur, vt res sacra nobis detur. Venditor ad dandum non obligatur. Ideoque tenet emptio liberi hominis, & inter ignorantes negotium geritur.

## A L I V D.

Rem meam stipulor rectè *l. si rem meam 31. de Verborum obligat.*  
D d

*obligation.* Ergo falsa est propositio 16. R. Sub conditione stipulor rectè rem meam.

## A L I V D.

Dicimus stipulationem sub impossibili conditione factam non valere. Obstat quod impossibilis conditio, in Institutionibus, legatis, fideicommissis & libertatibus non vitiat, sed pro non scripta habetur. §. *Impossibilis, Institut. de hered. instituend.* Ergo nec vitiat stipulationem. Resp. Differentia est constituenda inter contractus & ultimas voluntates. Impossibilis conditio vitiat contractum, non heredis institutionem, non legatum. Ratio differentia est. In testamentis mendum siue vitium esse censetur si conditio impossibilis adijciatur. Possunt testatori pleraque menda siue vitia in scribendo vel nuncupando excidere, & hoc colore ea detrahimus, defunctique voluntatem conseruamus. Eodem colore non possumus contractum conseruare. Contractus non potest subsistere, nisi duo saltem sint qui contrahant, & non videtur vni mendum siue vitium excidisse, quod alter statim non animaduertit aut exceperit, & cum id fecerit, mox non correxerit. Si itaq; alter huic quoq; mendo siue vitio assensum præbuerit, apertè contrahentes ludere videntur. Atq; ideo contractus mendi colore non potest defendi.

## A L I V D.

Obstat §. ultimus, Institut. de legat. vbi dicitur, legatum pœnæ causa relictum valere, nisi sit impossibile. R. Iustinianus non de omnibus legatis, sed ijs quæ pœnæ causa relinquuntur, loquitur. Vt si testator ita dixit, si digito cælum non tetigeris, dato Titio centum, hoc legatum est inutile & meritò, quia & ante Iustinianum legatum impossibile, pœnæ causa relictum, erit inutile.

## A L I V D.

Obstat l. cum heres. §. 1. de statu lib. vbi libertas ita relicta, liber esto si millies dederis, non valet. R. Ea conditio propriè impossibilis non est sed difficilis. Impossibilis conditio est, cui rerum natura obstat. At dictæ conditioni non obstat

obstat rerum natura, sed habendi quædam difficultas, ideoque difficilis est non impossibilis, & suspendit libertatem.

### XIX. Propositio.

Huic proximus est, qui ætatis eius est, ut nondum intelligat quid agatur, sed quod ad hunc, benignius acceptum est. Nam qui loqui potest, creditur & stipulari & promittere rectè posse.

### XX.

Mutum nihil pertinere ad obligationem verborum natura manifestum est.

### XXI.

Sed & de surdo idem dicitur: quia etiamsi loqui possit, siue promittit, verba stipulantis exaudire debet, siue stipuletur, debet exaudire verba promittentis.

### XXII.

Vnde apparet, non de eo nos loqui, qui tardius exaudit, sed qui omninò non exaudit.

### XXIII.

Consensu fiunt obligationes in emptionibus, venditionibus, locationibus, conductionibus, societatibus, mandatis.

### XXIV.

Ideò autem istis modis consensu dicimus obligationem contrahi, quia neq; verborum neque scripturæ ulla proprietas desideratur, sed sufficit eos, qui negocia gerunt, consentire.

### XXV.

Vnde inter absentes quoq; talia negocia contrahuntur, veluti per Epistolam, vel per nuncium.

D d 2

Item

Item in his contractibus alter alteri obligatur de eo, quod alterum alteri ex bono & æquo præstare oportet.

### ARGUMENTVM I.

In omnibus contractibus consensus exigitur, non tantum in contractibus bonæ fidei sed etiam stricti iuris. Vt in mutuo requiritur consensus. *l. si me & Titium, de reb. credit.* In stipulatione quoque *l. i. §. fin. de pactis.* Nulla, inquit Iuriconsultus, obligatio est, quæ non habeat in se consensum siue conuentionem, siue re fiat, siue verbis. Nam & stipulatio quæ verbis fit, nisi habeat consensum nulla est. Ergò malè dicimus consensu fieri obligationes in emptionibus, venditionibus, locationibus, conductionibus, societatibus, mandatis. Respon. Verum est, ad omnes contractus, requiritur consensus, sed præter consensum requiruntur & alia. Vt in mutuo rei interuentus, in stipulationibus verba, interrogatio & responsio. Sed hi contractus, qui consensu fieri dicuntur, solo consensu perficiuntur. Et ideò si conuenit vt res tibi decem esset emptæ, perfecta est venditio, quamuis precium non sit numeratum, nec res tradita. Conuentio perficit emptionem. *l. 2. de contrahend. emptione.*

### A L I V D.

Emptionis substantia consistit ex precio *l. pacta conuenta, de contrahend. emption.* R. Hoc non sic accipiendum est, quod emptionis substantia consistat ex pretio numerato, sed quod consistit ex pretio conuento, id est, consensu solo de pretio.

### A L I V D.

Consensu obligationes fiunt non solum in emptionibus &c. sed etiam in hypotheca. *l. i. de pignorat. action.* At hypotheca non fit hîc mentio. Ergò &c. R. Hîc tantum agimus de obligationibus, quæ nascuntur ex contractibus. Hypotheca non nascitur ex contractu sed ex pacto *l. 17. §. de pignore de pact. l. maior. C. de pignor.*

Propo-

## XXVII. Propositio.

Obligationum substantia non in eo consistit, ut aliquod corpus nostrum, aut servitutem nostram faciat, sed ut alium nobis obstringat ad dandum aliquid, vel faciendum, vel præstandum.

## XXVIII.

Hanc Pauli sententiam ad obligationes, quæ consensu fiunt, propriè pertinere arbitramur.

## XXIX.

Trahi tamen etiam potest ad verborum obligationem.

## XXX

Nec non ad obligationes re contractas.

## XXXI.

Excepta obligatione, quæ ex mutuo descendit, cuius substantia numeratione pecuniæ expletur.

## XXXII.

Non solum obligationes, quæ consensu fiunt, consensum desiderant, sed & obligationes, quæ re fiunt, itemque verbis. Et ut eleganter Pedius dixit, nullus est contractus, nulla obligatio, quæ non habeat in se conventionem siue consensum, siue re fit, siue verbis. Nam & stipulatio, quæ verbis fit, nisi habeat consensum nulla est.

## XXXIII.

Et hoc Iurisconsultus Paulus vult significare, cum dicit, non satis esse, dantis esse nummos, & fieri accipientis, ut obligatio nascatur, sed etiam necesse esse hoc animo dari & accipi nummos, ut obligatio constituatur. Item verborum obligationem constare, si inter contrahentes idagatur.



Ex maleficio nascuntur obligationes ex furto, ex damno, ex rapina, ex iniuria, quæ omnia generis sunt vnius. Nam hæc re tantum consistunt, id est, ipso maleficio, cum alioquin ex contractu obligationes non tantum re consistant, sed etiam verbis, & cōsensu.

## A R G V M E N T V M I.

Ex maleficijs non tantum quatuor nascuntur obligationes nec quatuor sunt tantum delicta, sed plurima. Ergo male dicimus ex maleficijs quatuor obligationes nasci & quatuor esse delicta. R. Delicta alia sunt priuata, *tot. tit. de priuatis delictis*. Alia extraordinaria *tot. titul. de extraordinarijs criminibus*. Alia popularia *tot. tit. de popular. action.* Alia delicta publica *tot. tit. de publicis iudicijs*. Nos hic loquimur de delict. priuat. quorum quatuor sunt, furtum, rapina, damnum, Iniuria.

## A L I V D.

Delicta etiam contractus sunt. Sic enim ICti dicunt fraudem, contrahere, capitale crimen contrahere, contrahere crimen perduellionis. Igitur male à contractibus separantur. R. Contractus alij sunt voluntarij, alij inuoluntarij. Voluntarij ex consensu sunt. Inuoluntarij consensum non habent. Et delicta sunt contractus inuoluntarij: Aristoteles συναλλάγματι ἀκέραια appellat. Iurisconsultus vocat malos contractus in l. *si rerum amotarum, de re iudicat.* Ex malo, inquit, contractu & delicto oritur.

## XXXV. Propositio.

Obligationes, quæ proprio quodam iure ex varijs causarum figuris nascuntur, sunt obligationes, quæ nascuntur ex quasi contractu & ex quasi maleficio.

Si quis

## XXXVI.

Si quis igitur absentis negotia gesserit, si quidem sine mandato, placuit quidem eos inuicem obligari, eoque nomine proditæ sunt actiones, quas appellamus negotiorum gestorum, quibus inuicem experiri possunt de eo, quod ex bona fide alterum alteri præstare oportet, sed neque ex contractu, neque ex maleficio actiones nascuntur. Neque enim is qui gessit cum absente creditur ante contraxisse, neque vllum maleficio est sine mandato suscipere negotiorum administrationem. Longè minus is, cuius negotia gesta sunt, ignarus aut contraxisse aut deliquisse intelligi potest, sed utilitatis causa receptum est inuicem eos obligari.

## XXXVII.

Ideò autem id receptum est, quia plerumque homines eo animo peregrè profisciscuntur, quasi statim redituri, nec ob id vlli curam negotiorum suorum mandant, deinde nouis causis interuenientibus ex necessitate diutius absunt, quorum negotia disperire iniquum erat, quæ sanè disperirent, si vel is, qui obtulisset se negotijs gerendis nullam esset habiturus actionem de eo, quod utiliter de suo impendisset, vel is cuius gesta essent, aduersus eum, qui inuasisset negotia eius, nullo iure agere posset.

## A R G V M E N T V M I.

Dicimus negotiorum gestionem non esse ex contractu. Obstat. I. contractus, de R. I. Ibi inter contractus, gestio negotiorum numeratur. Resp. Sed hoc non fit ex proprietate verbi. Nam contractus, est consensus duorum aut plurium ex quo  
oritur

oritur obligatio. Inter eum autem qui absentis negotia gerit, & illum cuius negotia geruntur, non est consensus. Per abusionem igitur & improprie negotiorum gestio contractus dicitur.

## A L I V D.

Omnis obligatio, pro contractu habetur *l. omnem, de iudicijs*. Ex negotiorum gestione, oritur obligatio ultro citroque; ut Iustinianus inquit. Nam qui absentis negotia, sine mandato gerit, absentem sibi obligat, & contra absens, cuius negotia sine mandato quis gerit, obligat sibi eum qui ipse negotia sine mandato gerit. Ergo negotiorum gestio est contractus. R. Quod dicitur omnem obligationem pro contractu habendam esse, hoc non proprie, sed improprie & abusive accipiendum est.

## A L I V D.

Culpa est immiscere se rei, ad se non pertinenti. *l. culpa, de R. I.* Sed absentis negotia, nihil ad eum pertinent qui gerit. Ergo in culpa est qui absentis negotia gerit. R. Delictum nullum est, sine mandato suscipere administrationem negotiorum absentis. Et regula, Culpa &c. ad gesta absentium negotia non pertinet.

## A L I V D.

Dicimus eum qui ignorat negotia sua geri, non contrahere neque delinquere. At ignorans saepius delinquit & punitur. Hoc concedo, & nihil nobiscum pugnat. Per ignorantiam delinquit, & verberibus caeditur, qui per ignorantiam aut fortuito, lapides finium causa positos, propellit. *l. 2 in fine, de termin. moto. In l. final. §. diui, de public. veſt. & commiſſ.* qui per errorem in commissum incidunt, veſtigal in duplum fisco dependunt, si merces commissas recipere velint. *In l. eum qui. Co. ad l. Cornel. de Sicarijs*, qui casu homicidium fecit, punitur, nisi veniam meruerit, non simplici rescripto Principis, sed annotatione Principis, id est, tali rescripto cui sua manu Princeps subscripserit. *In l. qui ades, de incendio, ruina &c.* qui ades aut frumentum combusserit casu quodam, aut noxiam sarcire debet, aut castigatur. *In l. 4. ad l. Corneliam de Sicarijs*, in

in quinquennium relegatur, qui per lasciuiam causam mortis præbuit. Sic in lege diuina puniuntur, qui per ignorantiam deliquerunt.

### XXXVIII Propositio.

Tutelæ quoque iudicio qui tenentur, non propriè ex contractu obligati intelliguntur: nullum enim negotium inter tutorem & pupillum contrahitur, sed quia sanè non ex maleficio tenentur, quasi ex contractu teneri videntur. Et hoc autem casu mutæ sunt actiones, non tantum cum pupillus cum tutore, sed & contra tutor cum pupillo habet actionem, si vel impenderit aliquid in rem pupilli, vel pro eo fuerit obligatus, aut rem suam creditori eius obligauerit.

### ARGVMENTVM.

Tutela contractibus adnumeratur *l. contractus, de R. I.* Respon. Sed hoc impropiè, sicuti de negotiorum gestione dictum est.

### XXXIX. Propositio.

Heres etiam, qui legatum debet, neque ex contractu, neq; ex maleficio obligatus intelligitur. Nam neque cum defuncto, neque cum herede contraxisse quicquam legatarius intelligitur, maleficiū autem nullum in ea re esse plūs quam manifestum est.

### XL.

Is quoque qui non debitum accepit, per errorem soluentis, obligatur quidem quasi ex mutui datione, & eadem actione tenetur, qua debitores creditoribus, sed non potest intelligi is, qui ex ea causa tenetur, ex contractu obligatus esse: qui enim soluit per errorem magis distrahendæ obligationis animo, quam contrahendæ dare videtur.

E e A D N O.

## Indebitum solutum per errorem repetitur.

Excipiuntur causæ ex quibus inficiando lis crescit. Ita enim regula habet: Quibus ex causis inficiando lis crescit, ex ijs causis non debitum solutum, repeti non potest. Inficiando crescit actio legis Aquiliæ induplū. *l. inde Neratium. § hac actio ad l. Aquil.* Actio item depositi ex causa tumultus, incendij, ruinæ, naufragij. Et actio legatorum ad pias causas. Legata enim ad pias causas relicta intra annum debent solui, aut duplum præstari. Si quis igitur quasi deberet ex l. Aquilia, ex deposito, incendij, tumultus, naufragij aut ruinæ causa, aut ex legato relicto ad pias causas soluerit per errorem, non habet repetitionem.

### XLI. Propositio.

Si iudex litem suam fecerit, non propriè ex maleficio obligatus videtur, sed quia neq; ex contractu obligatus est utiq; peccasse aliquid intelligitur, licet per imprudentiam, idè videtur quasi ex maleficio teneri.

### A R G V M E N T V M.

Imperitia culpæ adnumeratur *l. Imperitia, de R. l.* Culpa autem peccatum est siue delictum. Ergo imperitia delictum est, & sic per consequens iudex qui per imperitiam malè iudicat, ex maleficio tenetur. Respon. Culpa delictum est in l. Aquilia. Aliàs autem culpa non est delictum sed quasi delictum, ut hoc in loco, quod summè notandum est.

### XLII. Propositio.

Et is ex cuius cenaculo, vel proprio ipsius, vel conducto, vel in quo gratis habitabat, deiectum effusum-  
uè ali-

nè aliquid est, ita vt alicui noceret, quasi ex maleficio teneri videtur. Ideò autem non propriè ex maleficio obligatus intelligitur, quia plerumq; ob alterius culpam tenetur, aut serui aut liberi.

## XLIII.

Cui similis est is, qui ea parte, qua vulgo iter fieri solet, id positum aut suspensum habet, quod potest, si ceciderit alicui nocere. Ideò si filiusfamilias seorsum à patre habitauerit, & quid ex cenaculo eius deiectum effusumue sit, siue quid positum suspensumue habuerit cuius casus periculosus est, in patrem neq; de peculio, neq; noxalem actionem dandam esse, sed cum ipso filio agendum placuit.

## XLIII.

Item exercitor nauis aut cauponæ, aut stabuli, de damno aut furto, quod in naue aut caupona aut stabulo factum sit, quasi ex maleficio teneri videtur, si modò ipsius nullum est maleficio, sed alicuius eorum, quorum opera nauem, aut cauponam, aut stabulum exercet. Cum enim neq; ex contractu sit aduersus eum constituta actio, & aliquatenus culpæ reus est, quod opera malorum hominum vititur, ideò quasi ex maleficio teneri videtur.

## A R G V M E N T V M. I.

In 43. propositione dicitur, in patrem non dari actionem de peculio, si ex cenaculo filij, aliquid deiectum fuerit vel effusum, aut si filius quid positum aut suspensum habuerit, cuius casus periculosus est. Aut si filiusfamilias litem suam fecerit, vt est in Institutis. At in filium datur actio de peculio. *l. filiusfamilias index, de iudicijs.* Ergo etiam in patrem datur

actio de peculio. R. In patrem non datur dictis casibus actio de peculio, quia ex causis pœnalibus non solet in patrem actio de peculio dari. *l. ex pœnalibus, de R. l.* Et si maximè daretur in patrem actio de peculio, non tamen daretur in eam quantitatem quæ fuit in peculio, cum filiusfam. litem suam facit. Certissimi enim Iuris est, in actione de peculio, spectari tempus rei iudicatæ, spectari quantum sit in peculio rei iudicatæ tempore. *l. Fulcintus. §. si quis actione, quibus ex caus. in poss. &c l. quæsitum est, in princip. de peculio.* In filium etiã his casibus non datur actio de peculio, quia peculium filijfam. non est, nisi castrense sit vel quasi. Patris est peculium, qui id filiofam. adimit, auget, minuit prout vult. Frustrã igitur filius condemnaretur in peculium quod non habet cuius dominus non est. Legendum ergò est filijfamiliãs iudex si litem suam fecerit. Et tunc sententia est clara & aperta.

## A L I V D.

Obstare videtur Nouella 82. de iudicibus & ne cum iureiurando deligantur. Ibi Imperator mandat, ne arbitri, siue iudices compromissarij eligantur cum iureiurando, & si iureiurando adstricti fuerint, & dedita opera vel etiã ex imperitia malè iudicauerint, ne vlla pœna afficiantur ob violatum periurium. Manet enim illis pœna diuina. R. Nos hîc de iudicibus agimus. Non de arbitris, aut iudicibus compromissarijs.



DISPV-



DISPUTATIO PRIMA,  
DE VERBORVM OBLIGA-  
TIONIBVS,

IOHANNES BORCHOLTEN  
Lunæburgensis Studioſæ Legum iuuentuti in Illuſtri  
Iulia Academia S.

**H**Actenus Nobiliſſimi ornatiffimiq; Iuuenes, duos Pan-  
dectarum titulos de Pactis & Tranſactionibus ad di-  
ſputandum publicè propoſui. Nunc vobis exhibeo titu-  
lum de Verborum obligationibus, qui vtilitatis ponde-  
re, & materiæ ubertate, omnes in Pandectis & C. titulos ſu-  
perat. Et quamvis alibi vix vnâ atq; alterâ huius tituli le-  
gem explicare ſoleant tamen ego, iuuante DEO, non ſolum to-  
tum titulum publicè interpretabor, verum etiam vt omnia ree-  
ctius intelligatis, cognoscatis, digeratis & ad praxin transfera-  
tis, in theſes redigam, deq; ijs cum vobis & alijs ſacræ Iuriſpru-  
dentia amatoribus publicè conferam. Pro hoc inſigni beneficio  
primùm DEO, deinde Illuſtriſſimo Principi, optimo mortalium  
Heroi, Domino Iulio Duci Brunſuicenſium & Lunaburgenſium  
gratias agite. Ego mihi abunde ſatiſfactum putabo, ſi eam in di-  
ſcendo in vobis diligentiam deprehendero, quam in docendo in  
me experiemini. Ad hæc autem theſes reſpondebit

IOHANNES BECKMAN HAMBVRG.

16. Maij Anno 79.

Propoſitiones ex l. 1. & 5. §. ſtipulatio ff.  
de Verborum obligationibus.

Ec 3

Pro-



## I. Propositio.



Tipulatio à firmitate nomen habet. A stipulo namque quod veteres firmum appellauerunt, stipulatio dicta est.

## II.

Aliarum enim obligationum firmandarum causa, stipulationes sunt inductæ, vt sicubi non esset obligatio & actio ciuilis, ex stipulatu competeret, subdita stipulatione & vt in negotijs bonæ fidei, stricta actio suppeteret, si quis ea mallet vti.

## III.

Varro tamen à stipe, hoc est, ære siue pecunia, vnde Ulpianus stipendium quoque deducit, stipulationem nomen accepisse putat, propterea, quod plerumq; æs siue pecunia in stipulationem venit.

## ARGVMENTVM I.

In prima propositione dicimus, quod stipulatio à firmitate nomen habeat. Contra ita argumentor. Hoc commune est omnibus contractibus, quod firmi & rati sint. Igitur non tantum stipulatio à firmitate nomen habet. Respon. Omnes contractus rati & firmi sunt, si eo modo fuerint initi, quo iniri debent. Sic stipulatio rata est & firma, si facta fuerit eo quo debet modo. Sed ab hac firmitate, stipulatio nomen non habet, sed à firmitate, ideò nomen accipit, quod alias obligationes firmat, vt in secunda nostra propositione dicimus.

## A L I V D.

Stipulatio non semper firmat alias obligationes, quia sæpius interponitur stipulatio multis alijs obligationibus existenti-

sentibus. Vt quamvis tu mihi non debeas decem ex ullo contractu, tamen decem à te stipulari possum. Igitur à firmitate nomen non habet. Respon. Quod dicimus stipulationem idèd nomen à firmitate habere, quod alias obligationes firmet, hoc ad habilitatem siue aptitudinem referendum est. Stipulatio habilis, apta & idonea est, vt alias obligationes firmare possit licet non semper firmet.

## A L I V D.

Dicimus in secunda propositione, ex stipulatione competere actionem ex stipulatu. Contra ita argumentor. Ex stipulatione non tantum competit actio ex stipulatu, sed etiam certi conditio. §. 1. *Institut. de Verborum obligationibus*. Igitur malè nos tantum actionis ex stipulatu meminimus. Respon. Verum est quod ex stipulatione duæ nascuntur actiones, quarum altera certi conditio dicitur, altera ex stipulatu actio, ratione scilicet rerum quæ in stipulationem deducuntur, quæ vel certæ sunt vel incertæ. Certi conditio datur ex stipulatione certa. Actio ex stipulatu datur ex stipulatione incerta, & aliàs dicitur actio incerti ex stipulatu *l. si stipulatus D. de usur.* Et stipulatum dicimus pro stipulatione, sicuti transactum pro transactione *in l. ultim. C. si aduersus transactio*. Nos verò hoc in loco cum Paulo *in 2. sentent. titul. 22.* actionem ex stipulatu, generaliter accipimus pro actione ex stipulatione descendente, siue sit certi conditio siue actio incerti ex stipulatu. Specialiter hæc verba actio ex stipulatu accipiuntur pro actione ex stipulatione incerta descendente.

## A L I V D.

Dicimus in secunda propositione, actionem ex stipulatione, descendantem esse strictam actionem. Obstat *l. unica §. sed etsi non ignoramus. C. de rei uxoria actione in ex stipulatu actionem transmissa*. Ibi actio ex stipulatu dicitur esse bonæ fidei.  
Respon.

Respon. ex *S. fuerat, Inst. de act.* Ibi Iustinianus Imperator inquit, Actio ex stipulatu, quæ pro actione rei uxoriæ introducta est, naturam bonæ fidei iudicij tantum in exactione dotis meruit ut sit bonæ fidei. Et de actione ex stipulatu quæ datur mulieri ad exactionem dotis, loquitur Iustinianus in *d. l. unica. C. de rei uxoriæ actione.*

#### IV. Propositio.

Stipulatio autem est verborum conceptio, quibus is qui interrogatur, daturum facturumve se quod interrogatus est, responderet.

#### V.

Ex hac definitione intelligitur, stipulationem confici non posse, nisi utroque loquente, & ideo neque mutus, neque surdus, neque infans stipulationem possunt contrahere, ne absens quidem, quoniam se invicem exaudire debent.

#### VI.

Qui præsens interrogavit, si antequam responderetur sibi, discessit, inutilem efficit stipulationem. Sin verò præsens interrogaverit, mox discessit & reverso responsum est, obligat: intervallum enim medium non vitiauit obligationem.

#### VII.

Si quis ita interroget dabis, & interrogatus responderit quidni, is utique in ea causa est ut obligetur. Contra si sine verbis annuisset, non tantum civiliter, sed nec naturaliter obligatur, qui ita annuit, & ideo rectè dictum est, non obligari pro eo, nec fideiussorem quidem.

#### VIII.

Et quamvis olim stipulationum, huiusmodi solemnities fuerunt verba, spondes spondeo, promittis promitto,

promitto, dabis dabo, facies faciam: tamen hodie, ex constitutione Leonis, stipulatio, quibuscunq; verbis consensu contrahentium componitur.

## A R G V M E N T V M I.

Omnis bona definitio, debet constare ex genere & differentia. Sed hæc definitio neque genus videtur habere neq; differentiam. Igitur non est bona. R. Nego minorem, definitio enim stipulationis, hic in quarta propositione proposita, genere constat & differentia. Generis loco ponuntur hæc verba, verborum conceptio, & perinde est ac si Ictus dixisset, stipulatio est contractus verbis constans &c. Differentiam sequentia verba, quibus is qui interrogatur daturum facturumve se &c. significant. Iis enim verbis, stipulatio distinguitur à dictione dotis, quæ contractus est, qui certis & solemnibus fiebat verbis & obligationem producebat, quæ verborum obligatio dicebatur, ut Caius in Institutis author est.

## A L I V D.

Omnis bona definitio debet conuerti cum suo definito. Sed hæc definitio non potest conuerti cum suo definito. Nec enim omnis verborum conceptio quibus is qui interrogatur, daturum facturumve se quod interrogatus est respondet, est stipulatio, sed potest quoq; esse pactio. Nam & pactum hoc modo fieri potest, promittis te mihi decem daturum, promitto. *l. iurigentium § quod ferè, de Pact.* Igitur definitio hæc stipulationis, bona non est. R. Cum Ictus definit stipulationem, verborum conceptionem quibus is qui interrogatur &c. intelligit talem conceptionem verborum, quæ fiat ea mente, eo animo, ut stipulatio contrahatur. Et hic animus, hæc mens semper præsumitur, nisi contrarium specialiter approbetur, quod non animo stipulantium, verborum conceptio facta fuerit. *d. l. iurigentium §. quod ferè, de pact.* In pactione autem, quamuis fiat per huiusmodi verborum conceptionem, promittis te mihi decem daturum, promitto, non est animus sti-

F f

pulandi

pulandi. Igitur quamvis pactio fiat verbis, quibus is qui interrogatur, daturum se quod interrogatus est respondet, tamen illa conceptio verborum non est stipulatio, propter defectum animi stipulandi qui deest.

## A. L. I. V. D.

Definitio bona, non debet esse latior neque etiam angustior suo definito. Sed hæc definitio stipulationis angustior est suo definito. Stipulatio enim non tantum fit per verborum conceptionem; verum etiam per Epistolam *l. ea que, de donat. inter vir. et ux.* Igitur definitio est vitiosa. R. Nego minorem, nec enim definitio, angustior est suo definito, & stipulatio non fit per Epistolam; nec id probat *d. l. ea que, de donat. inter vir. et ux.* Ibi mulier viginti à marito donationis causa accepit, & literas ad eum misit quibus spondit se pecuniam illam marito restitutam si repudium ipsi misisset. Mulier postea marito repudium misit. Quæritur an pecuniam restituere debeat? Paulus respondit, pecuniam quam vir uxori donauit, ex stipulatione proposita, si conditio eius extitit peti posse. Igitur videtur ibi textus esse quod stipulatio per Epistolam cõfici possit. Mulier namque literas ad maritum misit. Hanc objectionem Zasius in *l. 1. de Verborum obligat.* difficillimam esse, & ad antinomias Budæi pertinere tradidit. Glossa verò existimat, ibi inter præsentem stipulationem fuisse contractam, non per Epistolam, sed postea mulierem, epistolam ad maritum misisse, ut stipulatio inter præsentem facta, per Epistolam probaretur. Et hac solutio Bartolo placet, *d. l. 1. eamq.* Zasius ibi argutam esse existimat. Sed Cuiaciùs putat in *d. l. ea que*, literas siue Epistolam qua continetur mulierem marito suo in casum quo repudium ipsi misisset, viginti spondisse, inter præsentem fuisse emissam. Et cum Epistola inter præsentem emittitur, eaquet cauetur aliquem promississe vel spondisse; videntur omnia solemniter acta.

## A. L. I. V. D.

Obstat rursus *l. 4. de sponsal.* in qua Vlpianus docet inter absentes sponsalia fieri posse. Sponsalia autem à spondendo nomen habent *l. 2. de sponsal.* & spondere est stipulanti promittere.

tere. Hinc quoq; Ictus tradit, moris fuisse veteribus, stipulari & spondere sibi vxores futuras *d. l. 2. de sponsal.* quod Gellius *lib. 4. c. 4.* fufius explicat. Stipulatio igitur inter absentes per Epistolam potest confici. R. Sponsalia conficiuntur duobus modis per stipulationem & nudo consensu *d. l. 4. de sponsal.* per stipulationem inter presentes. Nudo consensu vt per Epistolam aut per nuntium inter absentes *l. fin. de sponsal.*

## A L I V D.

Si statuto caueatur, vt nemo cum hostibus vel bannitis loquatur, incidit quoq; in statutū qui literas ad hostes vel bannitos mittit. *Et hanc sententiam Zasius in l. 1. de Verb. oblig. saniores esse restatur.* In statutis autem verba propriè intelliguntur, non fictè aut impropriè *l. 3. §. hac verba, de neg. gest.* Inde igitur videtur dicendum, eos quoq; stipulationem contrahere qui per Epistolā id agunt, vt verborum obligatio constituatur, quia loqui inuicem videntur. R. In statutis quidē verba propriè accipiuntur, sed tamen ratio quæ mens & medulla statuti est, in statutis præcipuè spectanda & attendēda est. Et impropriantur verba statuti, vt mentē assequamur, quemadmodū præclare etiam traditum est à Cicerone pro Cæcinnâ his verbis, quæ lex, quod Scitum, quod Magistratus edictum, quod fœdus aut pactio, quod testamentum, quæ iudicia aut stipulationes, aut pacti & conuenti formula, non infirmari aut conuelli potest, si ad verba rē flectere velimus, consilium autem eorū, qui scripserunt & rationem ac aūthoritatem relinquamus. Mens autem & ratio statuti prohibentis colloquium cum hostibus vel bannitis est, vt hostes & banniti remoueantur à communione hominum. Hoc nequaquam assequemur, si per mutationem literarum cum hostibus & bannitis admittamus. At inde non rectè infertur, quod stipulatio quæ verbis conficitur, per literas quoque confici possit, quia non vt mens statuti prohibentis loquelam cum hostibus vel bannitis est, vt à literis abstinatur, ita quoque mens legis requirentis ad stipulationem verba, est, vt in scriptis conficiatur stipulatio. Quinimō verba in stipulatione pro forma requiruntur, & forma non seruata actus corrumpit &c.

Obstare videntur *l. Titia 134. §. pen. h. t. l. 1. C. de contrah. & commit. stipul. & §. si scriptum. Instit. de inuicil. stipulat.* Ea loca indicant per Epistolam recte stipulationem contrahi. R. per Epistolam quæ tacitus est nuncius vt Epictetus Philosophus Hadriano Imperatori sciscitanti quid esset Epistola respondit in altereatione quam Hadrianus cū Epicteto habuit, pacta conficiuntur *l. 2. de pact.* Reliqui quoque contractus, qui consensu peraguntur inter absentes per Epistolam possunt contrahi. At stipulatio per Epistolam non contrahitur propterea quod in stipulatione verbis opus est. Vnde si scribam tibi, promittis mihi fundum, tu respondeas per Epistolam promitto, stipulatio non contrahitur *quemadmodum post Bartol. & alios Zasius tradidit in d. l. 1. de Verborum obligat.* Si tamen Epistola inter præsentis emittatur, eaque caueatur aliquem promississe, perinde habetur atque si interrogatione præcedente responsum sit, hoc est, præsumitur solemnis stipulatio. interuenisse *d. l. Titia. §. penult. d. l. 1. C. de contrah. stipulat. d. §. si scriptum.* Hæc enim est natura verbi promississe vt stipulationem significet. Quandoque quidem verbum promittendi ad pactum refertur *l. sciendum. §. dictum, de adl. edict. l. nuda. C. de contrah. stipul. l. si pacto quo pœnam, C. de pact. sicuti & spondendi l. iurigentium. §. quod ferè de pact.* sed nisi contrarium probetur, promissio stipulationem significat *d. §. si scriptum. Instit. de inuicil. stipul. quemadmodum & sponsio d. l. iurigentium. §. quod ferè, de pact. l. 7. de Verborum signif.* Et cum stipulatio nulla sit, nisi fiat præcedente interrogatione & responsione subsequente, idcō cum in Epistola vel instrumento aliquo cauetur aliquem promississe, præsumimus solemniter id esse factum, hoc est, præcessisse interrogationem & subsequutam esse responsionem. Sic fideiussio non fit sine stipulatione *l. blanditus, C. de fideiussor.* Et ob id si quis scripserit se fideiussisse, videntur omnia solemniter acta, hoc est, solemnis stipulatio videtur intercessisse, idque sciendum esse Vlpianus monet *in d. l. sciendum h. t. & post eum Iustinianus quoque in Instit. de fideiussor. in fin.*

*fin.* Atque hoc est quod Interpp. vulgò dicunt, solemnitatem, intrinsecam præsumi, non extrinsecam *in d. l. sciendum.*

## A L I V D.

Dicimus in definitione stipulationis, stipulationem esse verborum conceptionem quibus quis respondet se daturum facturumue &c. Stipulatio non tantum in dando & faciendo consistit, verum etiam in dando & faciendo simul *l. veteru. C. de contrah. & commit. stipulat.* Vt si stipulatus sum rationes mihi reddi. Hæc stipulatio neque in facto tantum consistit, neque etiam in datione, sed consistit ex quadam mixtura *l. cum seruum 82. §. 1. de condit. & demonstrat.* Etenim à facto incipio & rationes tibi reddo, idque dum facio, nullam in te rem transfero. Quia tamen reddendo rationes, peruenio ad pecuniam vt Iurisconsultus loquitur, hoc est, ideo rationes reddo, vt pecuniam, quæ ex rationibus redditus superest tibi dem, ob id stipulatio, rationes reddi partim in dando, partim in faciendo consistit. Cum igitur stipulatio etiam mixta reperitur quæ consistit in dando & faciendo non debuit dici duntaxat in definitione, stipulationem esse verborum conceptionem quibus &c. promittit se daturum vel facturum, sed addi debuit, vel promittit vtrumque simul. R. Hoc Iurisconsultis vsitatum est, vt sub duobus simplicibus expressis, casum mixtum comprehendant. Sic Imperator docet, actiones vel in personam esse. vel in rem *§. 1. Instit. de action.* & tamen sub his duobus generibus comprehenduntur etiam actiones mixtæ tam in rem quam in personam.

## A L I V D.

Per stipulationem promissor non tantum promittit se daturum vel facturum, sed etiam sapius promittit se non facturum, vt cum promittit stipulanti se Romam non profecturum, se in Capitolium non ascensurum. Igitur malè dicitur in definitione stipulationis, promittit se daturum vel facturum. R. Cum Iurisconsultus dicit in definitione, promittit se facturum, intelligit non tantum stipulationes quæ in faciendo consistunt, verum etiam illas quæ in non faciendo consistunt, atque ita Imperator ipse tradit *in §. fin. Instit. de verbora-*

Ff

3

obliga-



*obligat.* Non solum inquit res in stipulationem deducuntur &c. Hinc & Paulus in facto stipulationem consistere tradit, cum stipulatus sum per te non fieri quo minus mihi ire agro liceat *l. 2. §. fin. de Verbor. obligat.*

## A L I V D.

Dicimus in quinta propositione, infantem stipulationem non posse contrahere. Obstat *l. seruum pupilli, rem pupilli saluam fore.* Ibi infans contrahit stipulationem si præsens sit. Igitur nostra propositio est vitiosa. R. Accursius & alij Interpp. & ex recentioribus Aemilius Ferrettus tradunt, infantem stipulari non posse, excepta stipulatione, rem pupilli saluam fore, sed solutio illa bona non est. Dicta enim *l. seruum pupilli,* non loquitur de infante, sed de illo qui maior est infante & fari potest, ac intelligit quid loquatur, licet non intelligat, quid agatur. Infans stipulationem non contrahit, ne quidem illam stipulationem, rem suam saluam fore. Et dicimus infantem usque ad annum septimum *l. si infanti. C. de iure delib. rand. l. 1. de administrat. & pertic. iur.* Ideoque Græci infantem semper vertunt *ἑώρα στῆ.* Maior infante, siue sit infantia proxima siue pubertati proxima, rectè stipulatur *l. seruum pupilli.* Et hi sunt tres gradus pupillaris ætatis. Est infans, est infantia proxima, est pubertati proxima. Infans dicitur, ut dixi, usque ad annum septimum. Proxima infantia dicitur, qui egressus iam est infantiam. Pubertati proxima, qui nondum peruenit ad pubertatem sed propè eam est. Et quod infantia proxima & pubertati proxima rectè stipulentur, traditum est à Iustiniano in *§. pupillum, Instit. de iunil. stipulat.*

## A L I V D.

Diximus pupillum qui fari potest, rectè stipulari. Obstat *l. fin. §. 1. de Verborum obligationibus.* Ibi loquitur Iurisconsultus de pupillo qui fari potest & docet eum per stipulationem non obligari, ne patre quidem auctore. R. Pupillus plerumque dicitur qui impubes desijt esse in patris potestate siue morte id acciderit siue emancipatione *l. pupillum, de Verbor. signif.*

*signif.* Quandoque tamen pupillus nominatur qui impubes est & in potestate patris existit *d. l. fin. §. 1. de Verborum obligat.* Et pupillus tutore auctore obligatur, non obligatur patre auctore. Ratio est. Filio aduersus patrem nulla est actio prodita ob rem malè gestam, & ideo si patre auctore obligaretur, malè ei consultum esset. Sed tutor pupillo tenetur actione tutelæ, & præterea fideiussor quem tutor dat antequam tutelam gerat *tot. tit. de satisfact. tutor. vel curator.*

## A L I V D.

In definitione stipulationis dicitur, quibus is qui interrogatur, promittit se daturum. Qui interrogatur, non tantum promittit se daturum, sed etiam alium, vt promissor spondere potest, Titium fundum daturum, & si non dederit, se tot aureos daturum, eaq; stipulatio utilis est *l. stipulatio ista, §. 1. de Verborum obligat.* Igitur dici debuit in definitione promittit se vel alium daturum. R. Promissor promittere debet se daturum non alium, si alium promittat daturum, inutilis est stipulatio, nisi poena fuerit adiecta. Poena adiecta utilis est quia promissor poenam adiectam alium quam se illaturum non promittit *d. l. stipulatio ista.*

## A L I V D.

Dicimus stipulationem esse verborum conceptionem. Contra stipulatio contrahitur etsi nulla fuerint interposita verba *l. 1. §. 1. C. de rei uxor. action.* Ibi Iustinianus Imperator dicit, quod omnes dotes debeant peti per actionem ex stipulatu, siue facta fuerit stipulatio siue non fuerit facta. R. Stipulatio de qua Iustinianus ibi loquitur, vera stipulatio non est sed ficta, & nos de vera stipulatione hic loquimur.

## A L I V D.

Eadem est virtus taciti & expressi. *l. cum quid, de rebus creditis.* Igitur qui interrogatus non respondet, sed capite annuit respondisse videtur. R. Eadem est virtus taciti quæ est expressi, nisi lex nominatim, expressum requirat. Sed in stipulatione requiruntur expressa verba, tacita non sufficiunt.

## A L I V D.

Dicimus in sexta propositione, valere stipulationem si reuer-

uerso responsum fuerit, quia interuallum medium non vitiat obligationem. Obstat *l. continuum, de verbor. oblig.* In illa lege Iuriconsultus docet continuum debere esse actum stipulantis & promittentis & cominus esse respondendum. Igitur interuallum medium nocet. R. Iuriconsultus in *d. l. continuum* non absolutè dicit, continuum debere esse actum stipulantis & promittentis, & cominus esse respondendum, sed adiicit, non valere stipulationem quamuis eadem die fuerit responsum, si stipulator post interrogationem aliud acceperit. Et hæc verba simul sunt consideranda, non tantum initium legis, quia inciuile est nisi tota lege perspecta &c. *l. inciuile de* 4. Interuallum igitur medium non vitiat obligationem, & sufficit eadem die respondisse si stipulator post interrogationem aliud non acceperit, hoc est aliud & à stipulatione alienum negotium aggressus non fuerit. Non est aliud & à stipulatione alienum negotium si stipulator discessit, vt notarium quæreret vel testes in quorum præsentia stipulatio perficeretur. Hæc non sunt inipertinētia vt Bart. Zafio. & alys hic visum est. Et ob id si reuerso responsum fuerit, cominus, id est, confestim & uestigio responsum videtur si eadē die responsum fuerit. Si stipulator post interrogationem aliud acceperit, vt si post interrogationem incuriam vocatus, suam vel aliorum causam egerit. Zafio in *d. l. 1. h. t.* & reuerso fuerit responsum, nihil prodest ei quamuis eadem die responsum fuerit *d. l. continuum hoc tit.*

## A L I V D.

In septima propositione dicimus non obligari eum qui annuit, ne naturaliter quidem. Obstat *l. an inutilis, de acceptil. & l. si unus. §. penult. de pact.* Ibi dicitur si acceptilatio inutilis fuit, tacita pactione id actum videtur ne peteretur. Cum igitur ex inutili acceptilatione, vtile pactum, atque ita naturalis obligatio nascatur, videtur omninò dicendum, ex inutili quoque stipulatione, pactum vtile siue naturalem obligationem nasci. Pactum naturalem obligationem parit, pro vt est textus in *l. §. de solut.* quamuis id à Connano lib. 5. suorum commen-

tari-

*carlorum* negetur & malè. R. Voluntas nutu significatur *l. se no*  
*§. si pupillo, ad Trebell.* & nutu pleràque consistunt *l. obligamur,*  
*in fin. de O. & A.* vt fideicommissa *l. nutu, de legat. 3.* delegationes  
*l. delegare 2. de nouat.* ac pacta & contractus omnes qui consen-  
 su perficiuntur. Sed stipulatio nutu non perficitur, sed verbis  
 opus est. Et qui stipulanti annuit neque naturaliter neq; ci-  
 uiliter obligatur. Nec obstat quod acceptilatio inutilis quæ  
 nutu fit, pactum parit atque ita naturalem obligationem. In-  
 de enim non rectè infertur stipulationem quoque inutilem,  
 vt cum quis stipulanti annuit, vtile pactum atque ita natura-  
 lem obligationem parere. Magna enim differentia est inter  
 stipulationem & acceptilationem. Stipulatio obligationem  
 parit. Acceptilatio liberationem. Sic enim definitur accepti-  
 latio, quod fit liberatio &c. *l. 1. de acceptilat.* Proniora autem  
 sunt iura ad liberandum quàm ad obligandum, si vlla sit occa-  
 siol. *Arrianus, de obligat. & action.* Hinc inutilis stipulatio, vtile  
 pactum & naturalem obligationem non parit. At inutilis ac-  
 ceptilatio, vtile parit pactum & naturalem obligationem.

## A L I V D.

Dicimus stipulationem confici non posse, nisi vtroque lo-  
 quente. Obstat *l. cum ostendimus. §. fin. de fideluss. & nomina: tuto.*  
*vel curat.* Ibi Iurisconsultus inquit. Fideiussores à tutoribus  
 nominati si præsentés fuerunt, & non contradixerunt, & no-  
 mina sua referri in acta publica passi sunt, æquum est perinde  
 teneri, atque si iure legitimo, stipulatio interposita fuisset.  
 Ecce ibi nulla interuenerunt verba, & tamen fideiussores ex  
 stipulatu tenentur. R. Iam ante dictum est, stipulationem a-  
 liam esse veram aliàm fictam. Et lex certis casibus fingit stipu-  
 lationem interuenisse sine verbis, vt in *d. l. cum ostendimus. §. fin.*  
*in d. l. vnic. C. de res uxov. action.* in *l. 1. C. de decurion. lib. 10. l. 2. ad*  
*municipal.* vbi pater præsens in consilio ciuitatis nominationi  
 & electioni filij familias ad munera municipalia ipsius Rei-  
 publ. vel decurionarum, obligatur quasi fideiussor, & ideo  
 tenetur ex stipulatu, etiamsi nihil dixerit, *similes casus à Barto-*  
*lo & alijs Dd. notati sunt.*

## A L I V D.

In octava propositione dicimus, olim solemnia fuisse verba stipulationum. At hoc ipsi subuertimus in septima propositione, in qua dicimus valere stipulationem, si interrogatus dabis, responderit, quid ni. Non igitur fuerunt solemnia verba stipulationum. Et l. 1. ex qua septima propositio est desumpta, est Vlpiani qui plus 250. annis vixit ante Leonem, quia vixit anno Domini 470. Respon. Rapha. Cuma. dicit quod iste. §. non est Vlpiani, sed fuit additus à compilatoribus pandectarum. Quidam Thomas Senensis affirmat, quod tempore Vlpiani, nondum fuit introducta illa verborum solemnitas, sed fuit inuenta post Vlpianum & sublata per Leonem, & hoc Socini Senior & Junior sequuntur. Hieron. Butigella dicit per hunc §. nostrum legis primæ, veteres formulas fuisse sublatas, sed clarius per Leonem. Sed his missis, dicendum est, solemnia fuisse stipulationum verba olim, & ad solemnitatem illam verborum, pertinuisse quoque huiusmodi stipulationem dabis mihi centum, quid ni? Sic sollemnis fuit stipulatio, si interrogatus respondisset, τί μὴ, l. blanditum. C. de fideiussor. Et qui interroganti respondet, quid ni, is respondisse videtur, dabo. Sic Donatus inter aduerbia promittendi ponit etiam, quid ni. Cuiacius in l. 1. de verbor. obligat.

## IX. Propositio.

In stipulationibus, interrogationi responsio congruere debet. Et ob id si quis simpliciter interrogatus, responderit, si illud factum erit, dabo, non obligari eum constat, aut si ita interrogatus intra Calendas Quintas, responderit, dabo Idibus, æquè non obligatur, non enim sic respondit, vt interrogatus est: & versa vice, si interrogatus sub conditione, responderit purè, dicendum erit eum non obligari. Cum enim adiicit aliquid vel detrahit obligationi,

ni,

ni, semper probandum est, viciatam esse obligationem.

## X.

Nisi stipulatori diuersitas responsionis ilicò placuerit, tunc enim alia stipulatio contracta esse videtur. Vt si stipulanti mihi decem, tu viginti respondeas, non esse contractam obligationem, nisi in decem, constat: è contrario quoque si me viginti interrogante, tu decem respondeas, obligatio nisi in decem non erit contracta. Licet enim oportet congruere summam, atramen manifestissimum est viginti & decem inesse.

## A R G V M E N T V M I.

Dicimus stipulationem valere, quando mihi stipulanti decem, tu viginti promittis vel contra. Oblat. §. *præterea*, *Instit. de inutil. stipul.* Ibi Iustinianus docet, inutilem esse stipulationem suprà dicto modo factam. *Præterea* inquit &c. Respon. ad §. illum *præterea* variè respondetur à Dd. nostris. Nonnulli Tribonianum accusant, quasi non satis diligens fuerit in illo. §. *confarcinando*. *Corras. in l. 1. de verborum obligat.* Sed illi iniuriam faciunt Triboniano, propterea quod etiam Caius *in 2. Instit. ex quo d. §. desumtus est*, scribit, inutilem esse stipulationem, cum mihi decem stipulanti tu 20. respondes vel contra. Duarenus & communiter. Dd. volunt, inutilem esse in §. *præterea* stipulationem respectu maioris summæ, non respectu minoris in qua consensum est. Sed hæc solutio quoque non subsistit. Nam Imperator Iustinianus in d. §. *præterea* stipulationem, qua mihi interroganti decem tu viginti respondes, similem facit stipulationi qua mihi purè stipulanti, tu sub conditione promittis, & hanc posteriorem stipulationem omninò inutilem esse constat. Et ideo

Gg 2.

prio-

priorem quoque inutilem esse oportet, cum vna determinatio plura respiciens determinabilia, ea aequaliter determinet. Deinde Caius *d. lib. 2.* perspicuè tradit, integrum debitum vacillare. Tertiò Franciscus Hottomannus dicit dictum. §. præterea, de summo iure, Vlpianum in ambiguo, vt in tuto res sit, intelligendum esse. Sed id quoque nihil est dicere. Nec enim ambigua est oratio, cum mihi stipulanti decem, tu viginti promittis. Iacobus Cuiacius existimat respondendum esse hoc modo, quod. §. præterea, tunc locum habeat, cum diuersitas responsionis stipulatori ilicò non placet. Vt si mihi stipulanti decem, tu viginti promittas, mihiq; diuersitas responsionis non placeat, inutilis est stipulatio. *d. §. præterea.* At si mihi placeat diuersitas responsionis valebit stipulatio, & erit obligatio contracta in decem *d. l. 1. §. si stipulanti.* Et cum de contraria stipulatoris voluntate non constat, semper dicimus placuisse diuersitatem responsionis, etsi expressa aliqua approbatio non accesserit. Ideò verò cum diuersitas responsionis stipulatori placet, in decem contracta est obligatio, quia manifestissimum est viginti & decem inesse.

## A L I V D.

In *l. si decem locati.* Pomponius Iuriconsultus docet, si tibi decem locum fundum, tu autem existimes quinque; te conducere, nihil agi. Igitur videtur dicendum, nihil quoq; agi, cum stipulator decem, tu quinque promittis. R. Quemadmodum nihil agitur, cum stipulanti mihi decem, tu quinque promittis, nisi diuersitas responsionis mihi placeat: ita nihil quoque agitur, cum loco tibi fundum decem, & tu quinque existimas cōducere te, nisi placeat mihi vt fundum pro quinque conductum retineas.

## A L I V D.

Obstat *l. interdum 73. de Verborum obligat.* stipulatus sum à te simpliciter fructus fundi Tusculani, aut partem Caxæ mulieris. Tu sub conditione promissisti, si fructus nati fuerint, aut si ancilla pepererit, & valet huiusmodi stipulatio. Igitur valet quoque stipulatio cum mihi stipulanti purè, tu sub conditio-

ditione promittis. R. Hæc stipulatio, fructus fundi tui Tusculani aut partum Caiæ mulieris dabis, ex re ipsa dilationem capit ut Iurisconsultus loquitur. *in d. l. interdum*, hoc est, puræ huic stipulationi, inest conditio si fructus nati fuerint, aut si ancilla pepererit. Et quando promissor exprimit respondendo conditionem quæ reipsa inest puræ stipulationi, non propterea stipulatio vitatur.

## A L I V D.

Obstat quoque *l. 3. in fin. de duobus reis constituend.* ubi duorum reorum promittendi vna dicitur esse obligatio. At ex duobus reis promittendi, vnus purè, alius in diem aut sub conditione obligari potest, *l. 7. de duobus reis, & §. fin. Instit. eod.* hoc modo. Mæui decem aureos dare spondes, spondeo. Titi eosdem aureos decem dare spondes si naus ex Asia venerit, spondeo. Ecce hæc duo sunt rei promittendi, vnus purè est obligatus, alter verò sub conditione. Et tamen horum duorum reorum promittendi, vna est obligatio, quæ partim pura est, partim conditionalis. Inde igitur videtur dicendum valere quoque stipulationem, cum mihi stipulanti purè decem, tu sub conditione si naus ex Asia venerit, te daturum promittis. Hæc obiectio mirabilis est ut *Zasius loquitur*, sed ita est diluenda. Cum duo rei constituuntur, vna dicitur obligatio esse respectu rei quæ in obligationem deducitur. At respectu vinculi, id est, obligationis, sunt duæ obligationes, vna in persona Mæuij consistit, altera in persona Titij, & Mæuius in solidum obligatus est ad dandum decem, obligatus quoque est in solidum ad dandum decem Titius *l. eandem rem, in fin. de duobus reis*. Sed vterque eadem decem debet, & ut Iustinianus loquitur, in vtraque obligatione, vna res vertitur. *§. in vtrag. Instit. de duob. reis constit.* Et ideo si vnus decem soluat, alter quoque liberatur. *d. l. 3 d. §. in vtrag., Instit. de duob. reis*. Non mirum itaque est cum duæ sint obligationes, & in cuiusque persona propria consistat obligatio ut Papinianus loquitur *in l. eandem rem. §. fin. de duob. reis* quod vnus ex duobus reis promittendi purè, alter sub conditione obligari potest. Longè aliaratio est, cum ego purè a te stipulor tu sub conditione



disti, quemadmodum interrogatus es, sed conditionem adieciſti, vitiatur ſtipulatio. Secus eſt quando quædam extrinſecus & nihil ad præſentem actum pertinentia adiſciuntur ſtipulationi, illa pro ſuperuacuis habentur, nec vitiant obligationem, & huius generis eſt cū dicitur arma virumq; cano & c.

## A L I V D.

Cum interrogatus ſub conditione vel in diem, reſpondet ſe præſenti die daturum ſi placeat ſtipulatori diuerſitas reſponſionis ex conditionali ſtipulatione fit pura, perinde ac ſi ſtipulator conditionem vel diem non expreſſiſſet. Ergo & c. R. Nego antecedens. Solus enim conſenſus ſtipulatoris, ex conditionali interrogatione non poteſt facere puram ſine nouis verbis. Ratio eſt quia ſtipulatio ſine verbis nō fit. Et quod verbis fit, ſi reformari quodammodo debeat, verbis neceſſe eſt vt reformetur, non ſolo conſenſu. Quia vnumquodque eo genere vinculorum tolli & reformari debet quo colligatum eſt *l. ſecundum naturam, de R. l.*

## A L I V D.

Pura interrogatione, omnia tempora dandi continentur. Igitur ſi purè ſtipulanti, ſub conditione reſpondeatur, valebit ſtipulatio. Reſpon. maior eſt falſiſſima.

## XI. Propoſitio.

Sed ſi mihi Pamphilum ſtipulanti, tu Pamphilum & Stichum ſpononderis, Stichi adieſtio pro ſuperuacua habetur. Cum enim tot ſint ſtipulationes quot ſunt corpora, duæ ſunt quodammodo ſtipulationes, vna vtilis, alia inutilis, neque vitiatur vtilis per inutilem.

## XII.

Eadē an alia lingua reſpōdeatur, nihil intereſt. Proinde ſi quis latinè interrogauerit, & ci græcè reſpondeatur, dūmodo

congruenter respondeatur, obligatio constituta est. Idem per contrarium. Et hoc non tantum usque ad græcum sermonem protrahimus, sed ad quemcunque alium, ut omnis sermo contineat verborum obligationem, ita tamen ut uterque alterius linguam intelligat, siue per se, siue per verum Interpretem.

### ARGUMENTVM I.

Dicimus in II. propositione, stipulationem valere quando mihi stipulanti Stichum & Pamphilum, tu respondes te Stichum daturum. Obstat. I. inter stipulantem. *s. si stipulante me h. t.* Ibi Stichum aut Pamphilum sum stipulatus, si tu Stichum promittas, non contrahitur obligatio vel stipulatio. Ergo &c. R. Ibi dictum fuit Stichum aut Pamphilum, & una est stipulatio sub alternatione concepta, & ideo si Stichum simpliciter promissisti non obligaris. Ratio est, quia cum una sit stipulatio, ad eam non ita respondisti, quemadmodum interrogatus es *d. l. inter stipulantem. s. si stipulante me h. t.* Ibi Iuriconsultus docet, aliud esse cum summæ in stipulationem deducuntur hoc modo decem aut viginti dare spondes. Hic enim etsi decem sponderis, rectè responsum est, quia semper in summis id quod minus est sponderi videtur.

### ALIVD.

Decreta à Prætoribus latinè tantum interponuntur *l. decreta, de re iudic.* Igitur stipulatio quoque latinis tantum fieri debet verbis. R. Hæc valdè dissimilia esse. Decreta interponuntur à Prætoribus, stipulationem quivis contrahit &c.



DISPV-



DISPUTATIO EX TITV.  
DE VERBORVM OBLIGA-  
TIONIBVS

Secunda,

Ad quam Respondit

M. IOHANNES PENNISACK

Helmstadiensis 15. Iannarij

Anno 1580.

*Propositiones ex l. 2. l. in stipulationibus l. in executione, de  
verborum obligationibus, & l. heredes. §. an ea stipulatio, sam.  
hercis.*

I. Propositio.



Stipulationum quædam in dando, quædam  
in faciendo consistunt.

II.

Harum omnium quædam partium præ-  
stationem recipiunt, hoc est, sunt diuiduæ, quædam  
non recipiunt, hoc est, sunt indiuiduæ. Et quia hæc  
posterior diuisio, vastum & periculosum æquor respi-  
cit, quod Cynus nunquam ingredi est ausus, vt ipse  
de se scribit, & in quo vix vnquam ad finem perueni-  
tur, vt Raphael Cumanus affirmavit, vnde Petrus Be-  
rutius hîc negotium esse cum Excetra dixit, nodo-  
rumque huius materiæ dissolutionem Herculeo labo-  
ri, Lernæque constrictu contulit: ideò circumspectè  
agendum & accuratè omnia sunt euoluenda. Nos pri-  
mùm de stipulationibus quæ in dando consistunt, dice-  
mus.

Hb

ARGV

Stipulationes non tantum in dando & faciendo consistunt, verum etiam in non faciendo. Igitur malè nos dicimus quasdam stipulationes in dando quasdam in faciendo consistere. R. Stipulationes cum dicimus in faciendo consistere, intelligimus simul etiam stipulationes quæ consistunt in non faciendo *quemadmodum intelligitur ex. §. fin. Instit. de Verbor. obligat.* Non solum inquit Imperatores in stipulatum deducuntur &c. Hinc Ictus in factò dicit consistere stipulationem, si stipulatus sim per te non fieri, neq; per heredem tuum, quo minus mihi ire agere liceat.

## A L I V D.

Rursus stipulationes etiam in non dando consistere possunt. Ut possum stipulari ne des Titio centum. Ergo &c. Respon. Verbum facere hic omnia comprehendit præter dationem, & sic non dare, non facere, & quidvis aliud quàm dare.

## A L I V D.

Stipulatio non tantum in dando & faciendo consistit, verum etiam est mixta. *l. veteris. C. de contrah. & committ. stipul.* Igitur adhuc diuisio est imperfecta. R. Verum est quod stipulatio etiam mixta reperitur quæ partim in dando partim in faciendo consistit vt hæc stipulatio, rationes mihi reddi, mixta est stipulatio *l. cum seruum, de condit. & demonstrat.* Etenim tu à factò incipis, & rationes mihi reddis, idque dum facis, nullam in me rem transfers. Quia tamen reddendo rationes, peruenis ad pecuniam hoc est, idèò rationes reddis, vt pecuniam quæ rationibus redditis superest, mihi des, ob id stipulatio rationes reddit partim in dando partim in faciendo consistit. Et mixta hæc stipulatio, sub duobus simplicibus expressis continetur, *argumento. §. 1. Instit. de action.*

## A L I V D.

Stipulatio consistit in interrogatione & responsione *l. s. §. stipulatio, de Verbor. oblig.* Ergo non in dando & faciendo. R. Vtrūq; rectè dicitur, stipulationē in interrogatione & responsione consistere, & stipulationē consistere in dando & faciendo. Alterum formam stipulationis respicit, alterum materiam.

## A L I-

## A L I V D.

Frustra fit per plura quod potest fieri per pauciora. Sed stipulatio omnis in faciendo consistit. Ergò frustra dicitur in dando & faciendo consistere. Minor probatur. *per l. verbum facere, de Verbor. significat.* Verbum facere inquit Ictus, omnem omninò faciendi causam complectitur dandi, soluendi, numerandi &c. R. In datione duo considerantur. Interdum in datione consideratur actus ille qui in datione intercedit. Hac consideratione verbum facere, dationem continet, vt cum tu pecuniam tuam mihi das, de tua manu in meam transfers, iam aliquid facis. Interdum & propriè in datione consideratur translatio dominij. Et hac consideratione verbum facere non complectitur dationem, nec facere dominij translationem significat Cũ itaq; stipulationibus dandi id agatur vt dominium transferatur, & hoc non fiat in stipulationibus faciendi. Idcirco stipulationes in dando & faciendo consistere dicuntur.

## A L I V D.

Quando incipitur à facto & peruenitur ad pecuniam, mixta est stipulatio *d. l. cum seruus, de condit. & demonstrat.* Sed in stipulationibus dandi, incipitur à facto & peruenitur ad pecuniam, quia pecuniam quam habeo tibi trado, & dominium eius in te transfero. Ergò stipulationes dandi, sunt mixtæ. R. Quando incipitur à facto quod est seiunctum & separatum à traditione pecuniæ, & postea peruenitur ad pecuniam, tunc mixta est stipulatio. Sed factum quod in datione pecuniæ intercedit, & per quod dominium transfertur, non est seiunctum & separatum à datione pecuniæ.

## A L I V D.

Dicimus stipulationem, aliam diuiduam esse, aliam indiuiduam. Contra ita arguo. Quæ iuris sunt non diuiduntur. Stipulatio est iuris, Ergò non diuiditur. Respon. Stipulationes dicuntur diuiduæ & indiuiduæ ratione rerum in stipulationem deductarum *l. stipulationes non diuiduntur, de Verbor. obligationibus.*

Contraria videmur ponere. Nam in secunda propositione asseritur stipulationem vel diuiduam vel indiuiduam esse. Et postea in propositione 12. asseritur stipulationes alias esse diuiduas & indiuiduas simul. R. Cum dicimus stipulationem esse diuiduam vel indiuiduam, ad substantiam obligationis siue ad ipsam obligationem respicimus. Et ratione obligationis, stipulationes, de quibus in 12. propositione agitur, sunt diuiduæ. Cæterum respectu solutionis, ex diuiduis stipulationibus quædam diuiduæ sunt, vt stipulatio decem dari, stipulatio hominem Stichum dari, diuidua quoque est stipulatio solutione siue liberationis effectu. Stipulatio hominem dari, aut Stichum aut Pamphilum dari, indiuidua est solutione. Obligatione diuidua *l. in executione, de Verbor. obligat.*

### III. Propositio.

Diuidua autem primùm est stipulatio quantitarum, hoc est, nummorum, vini, olei, frumenti & similium rerum, quæ pondere, numero, & mensura constant, & mutuam functionem per solutionem in genere magis quàm in specie recipiunt. Et ideò qui decem debet, quinque soluendo, in partem obligationis liberatur, & reliqua quinque sola in obligatione remanent.

### IV.

Inuito tamen creditori, debitor partem non soluit, propterea quod particularis solutio, non minima incommoda habet.

### V.

Et hæc communis & vera est Doctorum sententia, licet complures contrà sentiant & malè.

### ARGVMENTVM I.

In tertia propositione quantitatis appellatione, intelligimus non tantum pecuniam, sed omnes res quæ mutuam  
functio-

functionem recipiunt. Contrà, quantitas ad nummos refertur idque infiniti textus iuris probant. Ergò nos malè facimus, quod ultra nummos, etiam ad alias res, quantitatis nomen extendimus. R. Verum est quod quantitatis verbum vt plurimum ad nummos refertur, sed non ad nummos tantum refertur vt Zasius voluit, sed etiam ad reliquàs res quæ mutuum functionem recipiunt *l. 2. §. fin. in l. 1. l. 3. de eo quod certo loco l. unica. C. de plus petit. & notauit Molinam in extract. labyrinthi & Barnabas Brisso. in lexico suo in verbo quantitas.*

## A L I V D.

Dicimus debitorem, inuito creditori non rectè partem soluere *idq. probat l. tutor, l. Titius, de usur.* Et hac sententia communiter recepta est, quæ multis rationibus potest confirmari. Et primum quidem traditum est, quod alteri per alterum iniqua conditio inferri non debeat *l. non debet, de R. I.* At si debitor, inuito creditori posset soluere partem, tunc creditori per debitorem iniqua conditio inferretur, quia particularis solutio non minima incommoda habet *l. 3. famul. hercisc.* Deinde similiter traditum est quod debitor creditori minus quam debet soluere non possit. *§. si quis agens. Instit. de action.* At debitor creditori minus solueret, si permissum ei esset, particulatim soluere. Tertiò, si creditori potest debitor partem soluere, tunc non necesse est, vt lex nominatim & in specie hoc concedat heredibus debitoris. Sed lex 12. tabul. heredibus debitoris nominatim & in specie hoc dat vt partes possint soluere. *l. heredes. §. idem Iurius, famul. hercisc.* Ergò &c. Ab hac regula, nunc certi & speciales casus excipiendi sunt. Primum ergò superior sententia non procedit, si hac lege, pecunia mutuo data sit, vt liceret debitori particulatim eam soluere. *d. l. tutor. §. Lucius Titius, de usuris.* Secundò non procedit superior sententia in fideiussoribus. Inter illos obligatio diuiditur ex Epistola. D. Hadriani. si opposita fuerit Epistola illa *l. inter fideiussores, de fideiussor.* Tertiò non procedit inter heredes debitoris inter quos obligatio & solutio diuiditur per *l. 12. tabul. l. heredes, famul. hercisc.* Quartò non proce-

dit in Reliquatoribus, illi enim reliqua, quæ distincta & separata sunt à principali debito, particulatim soluunt. Vt si Emphyteuta intra biennium canonem non soluit, potest tertio anno vnus anni canonem soluere, eumque Dominus accipere tenetur, aliàs constituitur in mora, & Emphyteuta soluens tertio anno, non duorum annorum præteritorum canonem, sed vnus anni duntaxat, à caducitate excusatur. Quintò non procedit in debitore qui promisit soluere duobus in locis copulatiuè hoc modo, Ephesi & Capuæ centum dabo. Hic rectè partem Ephesi, partem Capuæ soluit, *l. 2. l. si quis ita, de eo quod certo loco*. Sextò non procedit fauore libertatis *l. cum heres 4. §. item si decem, de statu liber*. Septimò non procedit in debitore, cuius debitum partim liquidum, partim illiquidum est. Hic prætor minuendarum litium causa compellere potest creditorem, vt partem liquidam accipiat *l. quidam existimauerunt, de rebus credit*. Octauò non procedit in Emphyteutis & Collatoribus Principis. Illis permittitur particulatim soluere *l. fin. C. de Apochis lib. 10. l. placuit. C. de collat. fundo: patrimo. lib. 11*. Nonò non procedit in compensatione, vt si debeam alicui centum, & is mihi incipiat debere quinquaginta. Hic quinquaginta inuito possum soluere, quia reliqua quinquaginta compensata sunt, *l. cum alter alteri, de compensat*. Decimò non procedit in debitoribus qui non tenentur nisi quatenus facere possunt. Vndecimò non procedit in pauperibus qui soluendo non sunt, tunc lex, vir bonus, siue iudex moderatur executionem & solutionem, *c. Odoardus, & ibi Imola, de solution. & ita in praxi seruatur*. Denique non procedit in debitore qui plures dedit fideiussores. Hic licet directò, suo nomine particulariter soluere nequit: tamen per obliquum nomine vnus fideiussoris partem eius offerre potest, & eam creditor recipere tenetur *l. in his, §. si duos, de solut.*

## A L I V D.

Qui hominem debet, inuito creditori potest soluere partem, sed non liberatur antequam in eodem homine reliquam partem dederit, vel alium integrum hominem dederit *l. 2. h. t. n.* Et necessariò locus ille de eo qui soluit inuito creditori partem



tem hominis accipiendus est. Nam si debitor volenti creditori partem soluisse, omninò liberaretur, quia aliud pro alio volenti creditori solui potest, non inuito *l. 2. de rebus credit.* Si igitur debitor hominis, inuito creditori potest partem solvere, Ergo debitor quantitatis, id multò magis facere potest. R. Falsum hoc est quod dicitur, debitorem hominis, inuito creditori posse partem solvere. Volenti creditori pars rectè soluitur, non inuito. Quod autem debitor qui volenti partem hominis soluit, non liberatur, hoc ideo fit, quia creditor videtur partem sibi oblatam recipere, secundum naturam obligationis, quæ talis est, ut in parte soluta, non contingat liberatio, antequam reliqua pars eiusdem hominis soluta fuerit, vel debitor alium hominem integrum dederit.

## A L I V D

Quod statuitur in vno correlatiuorum, statui quoq; debet in altero *l. unica, C. de Cupress. lib. 11.* Sed creditor potest particulariter inuito debitore agere. Ergo & debitor potest particulariter inuito creditori solvere. R. Maior vera est si in correlatiuis sit eadem ratio. Sed hîc est ratio diuersa. Creditor ideo particulariter agere potest, quia ipsi debetur pecunia, neque ex eo quod particulariter recipit pecuniam, læditur, vel damnum aliquod accipit, aut si accipiat, non videtur tamen accipere. Quod enim quisq; sua culpa damnum sentit, non videtur sentire *l. quod quis, de R. l.* Contra autem debitor debet pecuniam et si ipsi licitum esset particulariter solvere, læderetur & damnum acciperet ex huiusmodi particulari solutione creditor. Quia particularis solutio non minima incommoda habet *l. 3. fam. hercisf.*

## A L I V D.

Si Titius, qui decè debet, moriatur duob. heredibus relicto, potest vnus heredû quinq; solvere eaq; creditor accipere tenetur. Ergo potuit quoq; defunctus partè solvere inuito creditori, quia ex persona heredû conditio obligationis non immutatur *l. 2. §. ex his igitur, de Verb. obl. R.* Titius non potuit inuito creditori partem solvere. Heredes ipsius possunt quia per *l. 12. tab.* obligatio inter heredes diniditur *d. l. heredes, fam. hercisf.* Nec hîc ex persona heredû conditio obligationis immutatur.

Ob-

Obligatio ipsa, inter heredes diuiditur, sed conditio obligationis non immutatur, quia obligatio dandi decem, conditionem nullam habuit. Obligatio hominem dari, hanc conditionem habet, ut parte hominis soluta volenti non contingat liberatio. Hæc conditio, promissore hominis mortuo, ex persona heredum non immutatur. Obligatio inter heredes diuiditur per l. 12. tabul. *l. in executione. §. pro parte, de Verborum obligation.* & si promissor hominis duos heredes reliquit singuli dimidiam partem debent. Sed si vnus soluat partem in Stichum non liberatur, quia defunctus soluendo partem volenti, non fuisset liberatus, & ex persona heredum, conditio obligationis non immutatur.

## A L I V D.

Si debitor inuito creditori non potest partem soluere, propterea quod particularis solutio non minima incommoda habet, tunc iniqua est lex 12. tabul. quæ obligationem inter heredes diuidit. At absurdum est dicere, legem 12. tabul. esse iniquam. Ergo &c. R. Lex 12. tabul. non est iniqua, propterea quod diuidit obligationem inter heredes. Nam singuli heredes non representant defunctum in solidum, sed pro partibus hereditarijs duntaxat. Igitur æquissimum est ut pro partibus quoque hereditarijs æs alienum ipsius defuncti exsoluant. At nihilominus particularis solutio, creditori incommodum adfert? respondeo adfert incommodum, sed illud incommodum non consideratur in heredibus debitoris, qui maiori incommodo afficerentur quam creditor si singuli in solidum tenerentur, & habet hîc locum regula, fauorabiles sunt rei, actoribus.

## VI. Propositio.

Deinde diuidua est stipulatio specierum, & ob id qui Stichum debet, parte Stichi data, in reliquam partem tenetur.

## VII.

Ac datur pars Stichi, volenti creditori non inuito, in

to, in eoque stipulatio specierum cum stipulatione quantitatum congruit.

## VIII.

In illo differt, quod quantitates in obligationem deductæ, numero, species, partibus corporum vel diuisis, vt si fundus Tusculanus debeatur, vel indiuisis, vt si debeatur Stichus, diuiduntur.

## ARGVMENTVM I.

Dicimus in sexta propositione, illum qui Stichum debet, parte Stichi data, pro illa parte liberari, & in reliquam partem dumtaxat teneri. Obstat l. si ita stipulatus fuero 126. §. 1. de Verborum obligat. Ibi Titius debuit fundum Tusculanum, & dedit creditori vsumfructum. Vsumfructus non vtendo perijt. Titius inquit Iurisconsultus, nulla parte obligationis exoneratur, nisi pleno iure fundum stipulatoris effecerit. Igitur Titius, qui vsumfructum dedit, pro parte illa non liberatur. At vsumfructus pars fundi est. *l. qui vsumfructum §. 8. de Verbor. obligation. l. 4. de usufructu l. si Titio fundus, de usu & usufructu.* Hinc igitur sequitur illum qui partem Stichi dedit pro illa parte quoque non liberari. Qui fundum Tusculanum debet, & dat partem fundi, puta vsumfructum, non liberatur pro illa parte. Igitur etiam qui Stichum debet, & dat partem Stichi pro illa parte liberari non debet. Respon. Interpp. communiter ad hunc modum respondere solent. Aut soluitur pars integralis fundi, aut pars quotatiua. Si pars integralis soluatur, tunc non contingit liberatio in aliquo. Ratio est quia pars integralis, non est propriè pars fundi, vnde soluens talem partem, non dicitur soluere partem debiti. In parte quotatiua liberatio contingit pro parte. *Hac est communis solutio in qua etiam dominus Alatus acquiescit in l. 2. de Verborum obligationibus.* Ego verò existimo, ita rectius responderi posse ex d. l. si ita stipula-

tus fuero. Vfusfructus duplex est. Alius est seruitus in personam, de quo in titulo, de vsufructu. Alius vsufructus, proprietati cohæret, siue vt Iurisconsultus inquit, proprietatem comitatur. Is qui fundum debet, debet proprietatem fundi, debet etiam vsufructum qui proprietati cohæret, siue proprietatem comitatur. Si ergò qui fundum debet, vsufructum det, non liberatur pro parte, quia partem eius quod debuit non dedit. Sed dedit vsufructum, qui seruitus est, qui non est pars fundi l. *Mentis* 66. §. *fundo legato, de legat. 2. l. si a reo* 70. §. *si reo, de fideiussor. l. rectè dicimus, de Verbor. significat.*

## A L I V D.

Dicimus quantitates numero diuidi. Contra, hordeum, triticum, frumentum, vinum, oleum, sunt quantitates. At hæ quantitates non diuiduntur numero. Nec enim singula grana hordei, tritici, frumenti, vel singula guttæ vini, olei numerantur sed dictæ quantitates, mensura diuiduntur, & ideò dicuntur mensura constare. §. 1. *Instit. quibus mod. re contrahitur obligat. l. 2. §. 1. de rebu. credit.* Igitur malè nos dicimus quantitates diuidi numero. R. Constant quidem hæ qualitates mensura, sed numero diuiduntur, vt expressum est textum in l. cum Stichus. §. *fin. de solut.* Verbi gratia, debeo tibi decem modios tritici. Hic tibi partem volenti soluere possum, hoc est quinq; modios. Aut si tu moriaris duobus heredibus relictis, singulis heredibus non debeo singulorum modiorum medietatem, sed singulis debeo quinq; modios, quia obligatio hæc numero diuiditur. Cur igitur, dices, supradictæ quantitates non dicuntur constare numero. Respondeo hoc ideò quia singula corpora hoc est singula grana, frumenti, hordei, tritici, non numerantur, vt singula nummorum corpora numerari solent.

## IX. Propositio.

Tertiò diuidua est stipulatio generum hoc modo concepta, decem homines, decem boues, decem equos dari. Et ideò promissor tres, quatuor, vel quinque homines, boues & equos, volenti stipulatori rectè soluit.

Stipu-

## X.

Stipulatio enim generum, quibus numerus additus est, numero itidem diuiditur.

## XI.

Idemque de speciebus dicimus, quibus numerus est adiectus. Et idcirco decem Stichis promissis non partibus corporum, quod multi putarunt, sed numero fit diuisio, id enim commodius est promissoribus & stipulatoribus.

## A R G V M E N T V M. I.

Dicimus stipulationem generum, quibus numerus est additus numero diuidi, & ideo ex decem hominibus promissis, quinque homines posse solui. Obstat l. cum Stichus de solut. & liberat. Ibi Ictus docet, hominibus decem promissis seruo communi, dimidias partes singulorum hominum singulis dominis deberi. Igitur generibus promissis, addito numero, non fit numero diuisio sed partibus corporum. R. Barnabas Brisson. lib. 1. de solut. & liberat. existimat d. l. cum Stichus, ita conciliandam esse cum l. in stipulationibus, de Verbor. obligat. ut d. l. in stipulationibus, procedat in heredibus stipulatoris. Si Titius stipulatus est duos homines & postea moritur duobus heredibus relictis, singulis heredibus singuli homines debentur *d. l. in stipulationibus*. At lex cum Stichus, de solut. procedat in duobus dominis, vnius serui. Duo domini vnius serui, habent in seruo communionem, eaque communicatio inducit communionem omnium quae per seruum acquiruntur & ideo si seruus duos homines stipuletur, ita fit diuisio ut singulis dominis partes corporum debeantur. Ita existimat Barnabas Brisson. non pugnare inter se legem, in stipulationibus de verb. obligat. & l. cum Stichus de solut. aliamque quod ad hanc rem attinet, plurium heredum, aliam plurium dominorum causam esse. Sed haec differentia vix subsistere potest, propterea quod singula nummorum corpora communia sunt inter duos dominos, quando seruus communis pecuniam credit. Et tamen quando diuisio facienda est, non fit ita diuisio,

vt singulis dominis partes debeantur corporum, sed diuisio fit numero *l. nam etsi fur. de rebus credit.* Alij igitur existimant d. l. cum Stichus corruptam esse, & in ea sententia sunt Iacobus Cuiacius & Hugo Donellus, in eoque consentiunt. In illo autem quomodo lex illa restituenda sit, valdè dissentiunt. In initio legis in Pandect. Florentinis particula (non) abundat, eaque in vulgatis Codicibus deest & rectè. Hanc particulam negatiuam, existimat Cuiacius referendam esse ad versiculum idemque est, & pro his verbis idemque est, putat legendum, idemque non est. Et si ita legamus, tunc omnia sunt plana, & nihil d. l. cum Stichus, de solut. pugnabit cum d. l. in stipulationibus, de Verbor. obligat. Hugo Donellus censet legendum pro his verbis, idemque est hoc modo. Idemne est, & in eo consentit cum Iacobo Cuiacio, quod decem hominibus promissis, numero fiat diuisio, sed in illo dissentit quod duobus Stichis promissis, numero diuisio fieri debeat.

## A L I V D.

Dicimus species, quibus numerus est additus, numero diuidi. Sed obstat rursus l. cum Stichus, de solution. quæ duobus Stichis vel Pamphilis duobus promissis, partibus corporum, affirmat diuisionem fieri. Igitur nostra propositio est falsa. R. Iam ante dictum est, legem illam esse corruptam. Et nos Cuiacium sequimur qui pro his verbis, idemque est, legit, idemque non est. Et cum genera quibus numerus est additus, numero diuidantur, rectè quoque dicemus species numero diuidendas esse, si numerus adiectus fuerit. Deinde ambiguitas facit, vt numero diuisio fiat. Hæc ambiguitas æquè militat in duobus Stichis promissis ac militat in duobus hominibus promissis. Vtroque namque casu ambiguum est, vtrum numero, an verò partibus corporum diuisio debeat fieri.

## A L I V D.

Sed hîc Hugo Donellus clamat, non esse ambiguam orationem, cum duo Stichiv el duo Pamphili promittuntur. Certa enim est stipulatio hæc. Ergò non est ambigua, & sic  
per

per consequens non debet numero fieri diuisio. R. Certa quidem est stipulatio, duos Stichos dari, & tamen nihilominus est ambigua. Nam & hæc stipulatio decem aureos dari, certa est, *l. stipulationum quadam certa sunt, de Verborum obligation.* & tamen est ambigua *d. l. cum Stichus, de solut.* & possunt hæc simul stare, certum esse & esse ambiguum. Certa est stipulatio decem aureos dari, quia apparet quid, quale & quantum sit in obligatione. Ambigua est stipulatio siue oratio, quia ambigitur, an numero debeât fieri diuisio, an partibus corporum.

## A L I V D.

In diuisionibus æqualitas seruari debet *l. 2. C. quomodo & quando iudex &c. l. nam etsi, l. si seruus, de reb. cred.* At hæc æqualitas non obseruatur duobus Stichis promissis cum numero sit diuisio, cum alter altero præstantior sit, Ergò non debet fieri numero diuisio, sed partibus corporum. R. Hanc fætam æqualitatem non considerârunt contrahentes, sed cum duobus Stichis promissis ambigua sit oratio, hoc dicimus actum, vt numero diuideretur obligatio, quia id commodius est promissori & stipulatori. Et cum hoc expressè traditum sit ab Vlpiano, meritò in eo acquiescimus.

## A L I V D.

In ijs tantum quæ communi specie continentur hoc actum videtur, vt numero diuidatur obligatio *l. cum Stichus, de solut.* Sed duo Stichis promissi non continentur specie communi. Ergò duobus Stichis promissis, non fit numero diuisio. R. Iurisconsultus non dicit, in ijs tantum numero fieri diuisionem, quæ communi specie continentur. Hæc exclusiua tantum ab Hugone Donello, Iurisconsulto affingitur. Communi autem specie dicuntur contineri quantitates, hoc est res constantes pondere, numero & mensura. Ideò communi specie dicuntur contineri quantitates, quod quantitates speciem diuersam non habent, vt ratione specierum dici posset, vnâ speciem ab altera, potestate, quantitate *αξία* differre. Vt hic aureus specie non differt ab illo aureo, sed vtriusque aurei eadem est potestas, quantitas, *αξία*. Et in quantita-

tribus quod genere est idem, & specie idem esse videtur. Species verò communi specie non continentur, sed continentur communi genere, ut Stichus & Pamphilus non continentur communi specie. Nec enim Stichi & Pamphili species eadem est, non eadem potestas, *quantitas ælia*, sed diuersa. Et ideo qui pro Sticho Pamphilum dat, Stichum dare non videtur, sicut qui pro auro dat aureum, eundem aureum, eandemq; speciem dat. Genere tamen communi, ut dixi, species continentur, ut Stichi & Pamphili, commune genus est homo. Et species genere sunt idem, specie idem non sunt. Quantitates igitur communi specie continentur. Species communi genere.

## XII. Propositio

Supradictæ stipulationes, obligatione & solutione diuiduæ sunt. Aliæ sunt stipulationes, quæ obligationis quidem natura diuiduæ sunt, solutione verò seu liberationis effectu indiuiduæ. Ut cum homo generaliter promittitur, aut lanx, aut quodlibet vas. Nam etsi pars Stichi soluta sit, nondum in vlla parte stipulationis liberatio nata est, sed tunc demum nascitur liberatio, cum reliqua pars eiusdem Stichi soluitur, vel alius homo in solidum datur. Et hoc posteriori casu, partis antè solutæ conditio competit. Idque ideo receptum est, ne contra mentem stipulantium in diuersis hominibus solutio fiat.

## XIII.

Eiusdem conditionis est hæc stipulatio, Stichum aut Pamphilum dari.

## XIV.

Hinc tamen inferendum non est, stipulationem generis & alternatiuam per omnia, æquiparari.

ARGV.



## ARGUMENTVM I.

Dicimus parte hominis soluta, in parte illa non contingere liberationem. Obstat I. qui hominem, de acceptilato. & §. Sed si acceptolatum l. 2. h. t. n. Ibi Titius qui stipulatus erat decem aut hominem, quinq; accepit, pars inquit Ictus stipulationis est perempta, & ideo aut quinq; peti possunt, aut pars hominis. Sic in l. 2. h. t. dicitur si pars hominis acceptolata sit, reliqua pars peti potest. R. Icti in dictis locis loquuntur de acceptilatione. Et inter acceptilationem & solutionem est magna differentia. Qui promissit hominem generaliter, vel Stichum aut Pamphilum, non recte partes soluit, sed vnum hominem solidum soluere tenetur. Et si partem soluit, pro parte non liberatur, quia posset in alio homine reliquam partem soluere, atq; ita fieret solutio in diuersis hominibus, quod fieri non debet. At si stipulator accepto tulit partem Stichi, non est verendum ne in diuersis hominibus solutio fiat, ideoque pro parte liberatio contingit, & licebit promissori soluere partem reliquam in quocunque homine. Idem dicimus si pro parte sententia iudicis absolutio fieret d. l. 2. §. si tamen b. t. n.

## A L I V D.

Aliud pro alio, volenti creditori solui potest, non inuito l. 2. de rebus credit. Sed quando debitor hominis, creditori suo partem Stichi soluit, volenti soluit, non inuito, vt nos ipsi asserimus, in superioribus positionibus. Igitur videtur creditor hoc velle, vt aliud pro alio sibi solvatur & sic per consequens, promissor in parte soluta liberabitur. R. Volenti creditori pars Stichi solui potest, sed non soluitur pars ita, vt aliud pro alio solvatur, nec creditor ita accipit, sed eo animo accipit, vt sibi reliqua pars in eodem homine solvatur &c.

## A L I V D.

Dicimus stipulationem generis & alternatiuam non equiparari. Obstant verba l. 2. h. t. n. Ibi Ictus docet quod hæc stipulatio Stichum aut Pamphilum dari sit eiusdem conditionis cuius est stipulatio hominem dari. Igitur stipulatio generis &

& alternatiua æquiparantur. Respo. AEquiparantur κατὰ τὴν, non κατὰ πᾶν. AEquiparantur quoad indiuiduitatem solutionis, sicuti promissor hominis non liberatur soluendo partem Stichi, sed pars soluta est in pendenti. Ita promissor Stichi aut Pamphili non liberatur soluendo partem in Sticho, sed pars soluta est in pendenti, atque ita est eiusdem conditionis stipulatio alternatiua, cuius est stipulatio generis.

## XV. Propositio.

Etenim in obligatione generis, vna species est in obligatione, incerta quidem, sed certificanda solutione siue electione promissoris.

## XVI.

Nec enim placet sententia existimantium, homine promisso, nullam speciem, vel etiam singulas species sub conditione si soluantur, vel genus ipsum, in obligatione esse.

## XVII.

Species quæ ex obligatione generis soluitur, retrò non fingitur in obligatione fuisse, licet communis schola contrà sentiat.

## XVIII.

In obligatione alternatiua vtrumq; in obligatione ponitur.

## A R G V M E N T V M. I.

Dicimus homine promisso, vnum hominem deberi, & in obligatione esse, non singulos homines esse in obligatione sub conditione. Si singuli homines deberentur sub conditione, tunc stipulator ante conditionis existentiam agere non posset. Sub conditione enim facta stipulatione, dies neque cefsit neque venit, pendente conditione. *I. cedere diem, de Verbor. significat.* Sed homine generaliter promisso, stipulator statim

tim agere potest. Deinde legatum generaliter relictum, purum est non conditionale, & ideò legatario mortuo ante electionem, heres ipsius nihilominus eligere potest *l. heredes. §. si incerto homine legato, fam. l. herese. l. nec semel. §. si cui homo, quando dies legat. ced.* Nec obstat quod Iurifconsultus in l. Mauius. §. duorum, de legat. 2. scribit, hominis legatum, orationis compendio, singulos homines continere. Nam hoc verum est quoad solutionem non quoad obligationem. Homini enim legato singuli homines sunt in solutione, hoc est legatarius potest ex genere hominum vnum hominem eligere quem velit, quando scilicet ipsi per vindicationem legatum est relictum. Quando per damnationem, electio est heredis.

## A L I V D.

In stipulatione alternatiua vtraque species est in obligatione. Ergo in stipulatione generis sunt omnes species in obligatione. Ad hoc argumentum iam antè satis responsum est.

## A L I V D.

Obstat l. 3. qui & à quibus manumissi liberi non fiant. Ibi legatum generaliter relictum comparatur legato optionis, & ostenditur optione hominis data, quodam modo singulos homines sub conditione legatos videri, & ideò heredem non posse quosdam seruos manumittere, atque ita euertere aut minuere ius electionis. Ecce hîc asseritur optione hominis data aut homine indistinctè hoc est generaliter legato singulos homines legatos videri. Item traditur singulos homines sub conditione legatos esse quando optio hominis data est vel homo indistinctè est legatus. R. Prior difficultas facilis est. Homine enim legato, aut optione hominis data, singuli homines legati videntur quoad solutionem scilicet, hoc est legatarius potest vnum ex hominibus eligere quem velit. Ad posteriorem quod attinet difficultatem, Respondeo, verba illa legis tertiæ, quæ nominatim de optione loquuntur, ad legatum generale hominis extendi non debent, si optio hominis detur, singuli homines videntur legati sub conditione. Ratio est quia legatum optionis olim conditionale fuit. §. o-

Kk

ptionis,

*ptionis, Instit. de legat.* At si homo indistincte siue generaliter legatur, singuli homines non videntur legati sub conditione. Nec obstat quod in initio legis, legatum optionis comparatur legato generaliter relicto. Nam Iurisconsulei sæpe hæc comparant, & tamen ista legatis plurimum differunt. Homine legato hoc modo, hominem optabo, electio datur legatario expressim. At homine generaliter legato, datur electio tacite legatario. Deinde legatum generaliter relictum, est purum; legatum optionis erat conditionale, hodie purum. Legatum generale transit ad heredem si legatarius ante electionem moriatur, optionis non item secundum ius antiquum. *§. optionis, Instit. de legat.*

Ex his igitur relinquitur, non singulas species in obligatione esse homine promisso, sed vnam speciem tantum *l. si Pamphilo 10. de option. legat.* Ibi Iurisconsultus docet quod seruo generaliter legato vnus tantum seruus sit legatus.

## A L I V D.

Dicimus illum qui soluitur, retrò non fuisse in obligatione, idque hac ratione confirmatur. Si homine promisso & Stichò postea soluto, Stichum in obligatione fuisse dicimus, tunc Stichò euicto promissor non tenetur de euictione. Stichò enim promisso eoque euicto, promissor de euictione conueniri nequit *l. cum pater 77. §. euictio, de legat. 2.* At homine promisso, & Stichò soluto, & euicto, quia non erat promissoris, promissor de euictione tenetur *l. heres seruum, de euiction.* Ergo &c.

## A L I V D.

Dicimus in 18. positione, in alternatiua obligatione, vtrumq; in obligatione esse. Contra. In obligatione esse nihil aliud est quàm deberi. *§. 1. Instit. de obligat.* Sed ex stipulatione alternatiua vtrumque non debetur. Ergò vtrumque non est in obligatione. R. In obligatione esse est deberi, eo scilicet modo quo est in obligatione. Sed ex stipulatione alternatiua vtrumque non debetur, quia nec vtrumque est in obligatione eo modo vt vtrumque debeatur, sed vt alterutrum tantum debeatur. Sed ei quod diximus, hominem pura Stichum

Stichum solutum, non fuisse retrò in obligatione. Obstat quod dicitur, solutione eius quod debetur, tolli obligationem. §. 1. *Institut. quibus mod. tollitur obligatio.* Sed Stichus solutione tollitur obligatio. Igitur Stichus fuit debitus, fuit in obligatione. Respon. Hæc regula locum non habet cum quid in genere debetur, quod hac ratione confirmo. Debeo tibi decem, soluo decem. Hic non potest dici quod ipsa corpora soluta fuerint in obligatione quia potui alia corpora, alia decem soluere. Sic in obligatione generis non dicimus fuisse Stichum in obligatione si postea Stichus solutus fuerit.

## A L I V D.

Posito genere, ponitur quælibet species. Igitur homine promisso, quælibet species promissa censetur. Respon. Posito genere, quælibet species ponitur, hoc est, apta est, vt poni, vt collocari possit sub genere. Sic homine promisso, quælibet species promissa censetur.

## XIX. Propositio.

Indiuidua est stipulatio, cum stipulor viam, iter, actum aut aliquam aliam seruitutem mihi dari.

## A R G V M E N T V M I.

Dicimus stipulationem seruitutem esse indiuiduam. Obstat l. 1. §. si usufructus ad l. Falcid. l. usus pars, de usu & habitat. Respon. Illæ leges loquuntur de usufructu. Seruitutes sunt indiuiduæ, sed excipitur seruitus usufructus. Stipulatio usufructus diuidua est. Pars namque usufructus, à promissore, volenti stipulatore, cedi & præstari potest. Et vt Iurisconsultus loquitur, frui pro parte possumus, vti pro parte non possumus d. l. *usus pars*, & partem ex usufructu, sicut ex corporibus retinere possumus *vt dicitur in d. l. 1. §. si usufructus.* hoc est, fructuum partem naturaliter possumus capere partem non capere. *Chiacius in l. stipulationes non diuiduntur, de Verborum obligationibus.*

A seruitutibus, excipitur quoque seruitus oneris ferendi *l. etsi forte, §. si ades, si seruitus vindic.* Nam sicuti fructus capere possum pro parte, ita aggrauare parietem, & alleuare pro parte possum, non pariete, sed onere diuiso, vt si eius tantum quod fieri paries potest, partem parieti toti imponam. *Cuius in l. in executione, de Verbor. obligat.*

## A L I V D.

Nos hîc stipulationem seruitutum, referimus ad stipulationes quæ in dando consistunt. Contra Accursius, Zasius & communiter Dd. affirmant, stipulationem seruitutum in faciendo consistere. R. Communis sententia falsa est *l. si vnus, l. fin. de seruitut. rusticor. pradior.*

## XX. Propositio.

Ex stipulatione, quæ obligatione & solutione diuidua est, heredes promissoris pro portionibus hereditarijs tenentur. Et ideò mortuo Titio, qui decem debebat, relictis duobus heredibus, singuli heredes quinque debent. Ex lege enim 12. tab. obligatio inter heredes diuiditur.

## XXI.

Idque etiam ad heredes stipulatoris extenditur. Si enim Titius, cui duodecim debentur, moriatur tribus heredibus relictis, singulis heredibus quatuor duntaxat debentur.

## XXII.

Ex stipulatione quæ obligationis natura diuidua est, solutione indiuidua, singuli quidem heredes promissoris pro partibus hereditarijs ex l. 12. tabular. tenentur, sed pro parte soluendo, liberari non possunt, quamdiu non eandem rem omnes dederint. Non enim ex persona heredum, conditio obligationis immutatur. Si igitur promissor hominis moriatur, duobus heredi-

redibus relictis, singuli heredes partes debent: sed si vnus partem in Sticho soluerit, non propterea liberatur. Petitio inquit Paulus scinditur, solui verò nisi solidus homo non potest, alioquin in diuersis hominibus rectè partes soluerentur.

## XXIII.

Sic stipulatore hominis mortuo, duobus relictis heredibus, singulis heredibus partes hominis debentur. Sed si vni pars in Sticho soluta fuerit, non contingit liberatio, antequam & alteri in eodem Sticho, pars altera soluator.

## A R G V M E N T V M I.

Dicimus vnum ex heredibus, partem hominis soluendo, non liberari. Contra. Solutione eius quod est in obligatione, tollitur & extinguatur obligatio. *S. 1. Instit. quibus mod. tollitur obligatio*, Sed qui partem hominis soluit, soluit quod est in obligatione. Debit enim partem duntaxat, non totum hominem. Ergo heres parte soluta liberatur. R. Maior propositio locum non habet in obligatione generis cum videlicet, homo, lanx, aut quodlibet vas debetur. Huius obligationis natura hæc est, vt parte soluta, non tamen contingat liberatio. Nam etsi defunctus volenti creditori partem soluisset, tamen non fuisset liberatus.

## A L I V D.

Heres tantum repræsentat defunctum pro parte hereditaria. Ergò iniquum est vt vltra partem hereditariam teneatur. R. Heres non tenetur vltra partem hereditariam, sed partem illam hereditariam soluere non potest, in quocunque homine, sed tantum in illo homine, in quo coheredes suas partes soluunt.

## A L I V D.

Defunctus soluendo partem non liberatur pro parte, quia ipsi imputari potuit, cur totum hominem non soluerit.

Sed hæc ratio cessat in heredibus, quia heres non potest totum soluere, sed partem dumtaxat hereditariam. Igitur videtur dicendum heredem partem soluentem, pro parte illa liberari. R. Ratio illa vera non est quod defunctus soluens partem ideo non liberetur pro parte, quia potuit totum soluere. Intelligitur ex eo, quod decem debens, decem potest soluere non quinque, & tamen si quinque soluat volenti creditori non propterea dicimus, pro parte soluta, illum non liberari. Potior & vera ratio, quare partem hominis soluens, pro parte non liberetur, hæc est, ne fiat solutio in diuersis hominibus *l. in executione. §. pro parte. h. t. l. o de solut. modit uerba*

## A L I V D.

Ex pluribus debitis, si vnum soluatur, contingit liberatio in soluto *l. fin. quibus mod. pignus vel hypothec. soluitur*. Igitur si heres soluat partem, liberabitur. R. Antecedens verum est, nisi incommodum aliquod ex solutione consequatur. Sed hic consequeretur incommodum, Ergo &c.

## A L I V D

Dicimus ex persona heredum conditionem obligationis non immutari. Obstant propositiones præcedentes, in quibus diximus heredes teneri pro portionibus hereditarijs si quantitates vel species certa fuerint debita. Vt pone, Titius debet decem, vel debet Stichum. Titius volenti creditori quinque vel partem Stichi recte soluit non iniurto. Mortuo Titio duobus heredibus relictis, heredes singuli quinque debent, vel partem Stichi. Ecce hic alia fuit conditio defuncti alia est heredum. Ergo ex persona heredum conditio obligationis immutatur. R. Cum Iurisconsultus dicit, ex persona heredum conditionem obligationis non immutari, non hoc vult dicere Iurisconsultus, quod obligatio hæc hominem dari, inter heredes ex l. 12. tabul. non diuidatur. Ipsa obligatio hominem dari, inter heredes diuiditur. Vt si Titius promisit hominem dare & moritur duobus heredibus relictis, singuli heredes partes hominis debent *l. in executione. §. pro parte, de Verborum obligat*. Hinc Iurisconsultus in l. 2. §. ex his, h. t. non negat,



negat, heredes posse partem soluere sed negat heredes liberari parte soluta. Ex his stipulationibus, inquit, ne heredes quidem pro parte soluendo liberari possunt &c. Cum igitur Iuriconsultus dicit, ex persona heredum conditionem obligationis non immutari, non hoc, ut monui, vult dicere quod ipsa obligatio inter heredes non diuidatur, sed hoc vult dicere, quod conditio obligationis, quæ fuit in persona heredum, non mutetur. Hæc obligatio hominem dari, hanc habuit conditionem, ut parte soluta non contingeret liberatio. Hanc conditionem obligatio retinet, in persona heredum, & ideo si vnus soluat partem suam, quod facere potest, quia partem tantum debuit, non tamen liberatur, quia ex persona heredum conditio obligationis non immutatur. Et sicuti defunctus, soluendo partem non potuit liberari, ita heres, soluendo partem non liberatur. Et conditio obligationis, quæ fuit viuo Titio, illa duret quoque mortuo Titio in persona heredum.

## A L I V D.

Legatarius non potest legatum pro parte agnoscere, pro parte repudiare, heredes ipsius possunt. *l. legatarius, de legat. 1.* Igitur ex persona heredum conditio obligationis immutatur. Respon. Nihil hoc argumentum ad rem præsentem facit. Nam quando legatum Titio relinquitur, Titius non est obligatus heredi. Sic Titio mortuo, duobus heredibus relictis, heredes isti, non sunt obligati, ei qui ex testamento vel ab intestato heres extitit. Igitur non possumus hic dicere ex persona heredum conditionem obligationis immutari. Nulla fuit obligatio, Ergo conditio eius immutari non potuit.

At dices, vnus tamen heredum, partem suam repudiare potest, quod defunctus facere non potuit, Ergo vnus quoque heredum eius qui hominem debuit, partem potest soluere, atque ita liberari. Respon. Hæc quoque sunt acoluta. Vnus heredum, partem suam repudiare potest, quia ipsi pars illa debebatur. At vnus heredum non rectè soluit

nit partem ita vt liberationem consequatur, quia ipse debet, nihil ipsi debetur. Et debet partem in eodem homine in quo coheredes, non in diuersis hominibus. Quæritur quare legatarius legatum pro parte agnoscere, & pro parte repudiare non possit. Doctores dicunt, in vna persona variationem esse detestabilem, quod etiam Donellus probat, nam inquit inconstantiam non admitti, contra iudicium defuncti. Hæc ratio, non vera ratio est, sed potius petitio principij. Ratio vera hæc est. Non potest legatarius legatum pro parte agnoscere pro parte repudiare. Quia legatario legatum solidum à defuncto palàm relictum est. Et ideò si partem agnoscit totum legatum inuitum sequitur *l. si cui res, de legat. 2* Heredibus legatarij singulis, legatum pro solido non debetur. Et ideò si vnus heredum partem suam repudiet, pars illa apud heredem remanet, non accrescit coheredi qui partem suam agnouit *d. l. legatarius.*

## A L I V D.

Quando dos repetitur, maritus damnatur in id tantum quod commodè facere potest, *l. maritum, solut. matrimon. l. vnic. C. de priuileg. dotis*. At heredes mariti, solidam & integram dotem dare compelluntur, *d. l. maritum*. Igitur ex persona heredum, conditio obligationis immutatur. R. Hoc quoque nihil ad rem præsentem facit. Nec enim hic conditio obligationis mutatur, sed marito priuilegium, ob reuerentiam maritalem datur, vt damnetur in id quod facere potest. Ipso iure in solidum tenetur, & ideò præstat cautionem, quod residuum dotis soluere quoque velit, si ad pinguiores fortunam peruenierit *l. vnic. §. cum autem. C. de res vxor. actiõn.* Sed ob reuerentiam maritalem habet priuilegium, quod personam ipsius non egreditur. Ipso iure in solidum tenetur, tenentur quoque heredes in solidum. Ergo conditio obligationis non mutatur.

## A L I V D.

Obstat *l. fin. C. de euiccion.* Ibi heres fideiussoris, euiccionis nomine dati, potest petere fundum pro quo fideiussorat defunctus nomine euiccionis. Defunctus non potuit petere

tere fundum pro quo fideiussit, quia eum tenet euictio. Et quem euictio tenet, hunc repellit vindicationis exceptio. Heres defuncti fideiussoris potest. Ergo ex persona heredum conditio obligationis immutatur. R. Hic conditio obligationis non immutatur. Nam ut defunctus fuit obligatus nomine euictionis, ita quoque heres obligatus manet, *quod significatur in d. l. fin. C. de euict. ibi, euictionis causa, durante actione.* Quod autem heres petit fundum, quem defunctus petere non potuit, hoc facit ex sua persona, *ut dicitur in d. l. fin. C. de euiction.* hoc est, hoc facit non tanquam heres, sed tanquam quiuvis alius.

## A L I V D.

Dicimus stipulatorem mortuo pluribus heredibus relictis, promissorem, vni heredum non posse partem soluere ita ut liberetur. Contra cessante causa, cessat effectus. Sed causa, quare promissor soluendo partem vnus hominis non liberetur, hæc est, ne fiat solutio in diuersis hominibus, & interest stipulatoris, ut in vno homine solutio fiat, non in diuersis. Hæc causa cessat in heredibus stipulatoris, & non interest vnus ex heredibus stipulatoris, quæ pars soluatur coheredi, sibi debetur pars, non totum, & alteri heredi similiter pars non totum. Igitur cum causa hæc cesset, videbatur dicendum, solui heredibus stipulatoris pro parte posse, & pro parte soluta, liberationem contingere. Hanc assertionem Zasius dicit sibi probabilem videri. Sed respondendum est hoc modo, Maxime interest vnus ex heredibus stipulatoris, ut sibi solvatur in eodem homine pars, in quo coheredi pars soluta fuit. Nam hoc casu heredes, integrum hominem habent, quem facilius vendere possunt, quam possent vendere partes in diuersis hominibus. Et multæ aliæ utilitates haberi possunt, ex vno homine, quam ex diuersis.

## XXIV. Propositio.

Denique ex stipulatione viæ vel itineris, quæ indiuidua est heredes promissoris singuli, in solidum tenentur. Sed quo casu vnus ex heredibus solidum præstiterit,

Ll

repe-

repetitionem habebit à coherede familiæ heriscundæ iudicio

## XXV.

Stipulatoris quoq; viæ vel itineris heredes, singuli in solidum actionem habent. Et quamvis quidam hoc casu extingui stipulationem putârunt, quia in eum casum peruenerit à quo incipere non potest, cum per singulos heredes acquiri seruitus non possit: tamen non facit inutilem stipulationem difficultas præstationis.

## XXVI.

Et promissor, vno ex heredibus stipulatoris in solidum agente, vel omnibus simul seruitutem cedit, vel seruitus æstimabitur, & æstimatione facta, partem eius, agenti præstabit, hîcque exitus actionis erit.

## A R G V M E N T V M I.

Dicimus vnum ex heredibus promissoris seruitutis aliquis, solidum soluere siue præstare. Contra. Seruitus ab vno ex heredibus præstari non potest, quia vnus ex dominis communium fundorum, seruitutem fundo imponere non potest *l. 2. de seruitut.* propterea quod in re communi, nemo quicquam in scio aut inuito altero facere potest *l. Sabina, communi diuidund. l. in re communi, de seruit. urbanor. prædior.* Imò vnus ex dominis, fundo communi seruitutem acquirere non potest *l. si vnus, de seruit. rustic. prædior.* Igitur vnus ex heredibus promissoris, solidam seruitutem non potest cedere. R. Cum dicimus vnum ex heredibus promissoris solidum præstare, intelligimus solidam æstimationem seruitutis *l. heredes. §. contra, famil. herisc.*

## A L I V D.

Diximus ipsam seruitutem non præstari ab vno ex heredibus promissoris. Contra, quando res pluribus communis per vnum applicatur ad eum usum ad quem est destinata, tunc reliqui

reliqui socij hoc non possunt impedire. *Barrol. in l. & hac distina-  
tio. §. cum fundum, locati.* Sed fundus duorum heredum pro-  
missoris ad hoc destinatus est, ut recipiat servitutem, puta vi-  
am vel iter, qui defunctus hoc promissit. Igitur quilibet ex he-  
redibus potest solidam servitutem constituere. R. Regula ve-  
ra est in illis quæ per vnum ex heredibus expediri possunt. Se-  
cus est in servitute quæ communi fundo, ab vno ex heredibus  
imponi non potest.

## A L I V D.

Vnus ex dominis potest servitutem imponere vel acqui-  
rere *l. fin. communia pradior. tam urban. quam rusticor.* Igitur vnus  
ex heredibus promissoris imponet fundo servitutem, nec  
præstabit solidam æstimationem, ut nos diximus. R. In d. l.  
fin. non dicitur quod vnus ex dominis imponere possit fundo  
servitutem, vel etiam servitutem acquirere. Sed legis senten-  
tia hæc est, quod cum plures sunt domini vnus fundi, duo ex  
dominis hodiè possint fundo imponere servitutem, reliqui  
heredes cras, & ex nouissimo actu, superiores actus confir-  
mantur, & perinde erit ac si eodem tempore omnes celsis-  
sent, *quemadmodum diligenter hæc à Iuriconsulto explicantur in d. l.  
fin. communia prad.*

## A L I V D.

Dicimus vnum ex heredibus promissoris, solidam æsti-  
mationem præstare debere. Contra, si stipulator servitutis  
moriatur, duobus heredibus relictis, & vnus heredum à pro-  
missore petat viam, tunc vel omnibus heredibus servitus præ-  
standa vel fiet æstimatio servitutis & æstimatione facta, pro  
parte hereditaria ex æstimatione agentis satisfiet, *quemadmo-  
dum in ultima propositione dictum.* Cum igitur vnus ex heredibus  
stipulatoris, solidam viæ æstimationem non consequatur, sed  
partem æstimationis tantum, omnino videbatur dicendum,  
vnum quoque ex heredibus promissoris ad solidam æstima-  
tionem præstandam non teneri, sed teneri tantum ad partem  
æstimationis, pro parte hereditaria. Quod enim in vno cor-  
relatiuorum statuitur, statui quoque debet in altero. R. Quod  
statuitur in vno correlatiuorum statui quoque debet in altero, si

eadem sit ratio, non si sit ratio diuersa. Hic est ratio diuersa. Heres promissoris solidam æstimationem præstat, quia solidam seruitutem debet. Heres stipulatoris solidam æstimationem non consequitur, quia consequeretur plus debito, quod iniquum esset vt Bartolus loquitur. Tota æstimatio ipsi non debetur sed pars tantum.

## A L I V D.

Interesse inter heredes diuiditur proportionibus hereditariis, nec totum interesse vnus heredum præstare cogitur *l. 4. §. Cato. l. stipulationes non diuiduntur, de verbor. obligat.* Sed æstimatio seruitutis quæ præstatur, nihil aliud est quam ipsum interesse. Igitur vnus heredum promissoris, solidam æstimationem seruitutis, siue solidum interesse præstare non compellitur. R. Interesse in iudicium venit duobus modis, aut per viam actionis, aut per viam executionis. Primo casu quando per viam actionis venit in iudicium, quilibet heres tenetur in partem, verbi gratia promissisti ædificare domum, non ædificas, sed moram facis ac moreris. Ego ab heredibus tuis peto interesse quilibet heredum tenetur in partem. Posteriori casu, quando interesse venit in iudicium per viam executionis, vt quando seruitus promissa petitur, vel petitur factum promissum, tunc heres conuentus in solidam æstimationem condemnatur, vt hoc casu nostro.

## A L I V D.

Quoties res debita, dari non potest, nunquam debitor damnatur in eius æstimationem, nisi per eum fiat quo minus res illa præstetur *l. in re furtiua. §. 1. de condict. furtiua.* Sed vnus ex heredibus promissoris non potest dare siue cedere seruitutem, nec per eum fit, quo minus detur seruitus. Igitur vnus ex heredibus promissoris in solidam æstimationem non potest condemnari. Hoc Hugonis Donelli argumentum est, quo conatur probare, heredem stipulatoris, æstimationem pro parte à promissore auferre non posse, quod nos in vltima propositione asserimus. Sed quouis modo inducatur argumentum siue contra 24. propositionem, siue contra vltimam ita respondendum est. Maiorem propositionem in rebus quidem

dem corporalibus locum habere non in rebus incorporalibus. Ut si Stichus debeatur, & Stichus dari non possit, quia mortuus est ante moram, hoc casu debitor, quia per eum non fit quominus Stichus detur, in æstimationem Stichi condemnari non potest. At secus est in rebus incorporalibus *Liberdes. §. an ea stipulatio, famul. hercisc.* Donellus malè affirmat ibi, per promissorem stetisse quominus via præstaretur. Stetit inquit, per promissorem, quia omnes heredes stipulatoris, de servitute acquirenda consenserunt & tamen promissor servitutem cedere noluit. Si omnes consensissent & egissent, non condemnaretur promissor pro parte hereditaria quod ibi sit, vnius ex heredibus stipulatoris, sed condemnaretur omnibus. Et quidem non condemnaretur hoc casu in æstimationem, sed in servitutem ipsam, quia aliud pro alio, inuitis creditoribus solui non potest. Ex his apparet Donelli Sophistica.

## A L I V D.

Dicimus eum qui solidam æstimationem soluit, repetitionem habere à coheredibus familiæ herciscundæ iudicio. Contra. Heres qui totum soluit, habet actionem negotiorum gestorum *l. 3. C. de negot. gest.* Igitur malè nos dicimus, heredem habere actionem familiæ herciscundæ. R. vulgò ita respondent. Aut heres ex necessitate totum soluit. Aut ex libera voluntate. Priori casu habet actionem familiæ herciscundæ. Posteriori, negotiorum gestorum. Hæc communis solutio evertitur *per d. l. 3. C. de negot. gest.* Vbi dicitur si coactus uniuersum debitum soluisti, habes negotiorum gestorum actionem. Et in *l. 3. §. penult. ff. Eod.* dicitur dari negotiorum gestorum actionem etiam illi qui aliqua necessitate urgente negotia gessit. Rectius igitur nos dicimus ad hunc modum. Heredem promissoris qui solidum hoc est, solidam æstimationem soluit habere repetitionem à coherede familiæ herciscundæ iudicio, si nondum sit actum iudicio familiæ herciscundæ. Si actum fuerit iudicio familiæ herciscundæ iam ante, tunc heres non habet repetitionem à coherede familiæ herciscundæ iudicio, sed iudicio negotiorum gestorum, vel etiam com-

muni diuidendo. Hæc distinctio sumitur ex d.l. 3. C. de negot. gest. In qua Imperator docet eum qui vniuersum debitum exsoluit, habere negotiorum gestorum actionem, vel familiæ herciscundæ, si inquit non est inter vos redditum; id est, si iam ante non sit actum familiæ herciscundæ iudicio. Non obstat quod heredi non datur actio negotiorum gestorum d. l. heredes. §. non tantum, famil. hercisc. Hoc intelligendum est, quamdiu imminet iudicium familiæ herciscundæ, ut reliè Carolus Molinæus in extricatione Labyrinthi sui monuit.

## A L I V D.

Dicimus in vltima propositione pro parte hereditaria fieri condemnationem. Contra, victoriæ vnius ex heredibus, proficit quoque coheredibus l. loci corpus. §. si fundus, ff. seru. vindicetur. Ergò non tantum ei qui egit, fiet solutio pro parte hereditaria, sed ipsius quoque coheredibus. Respon. In l. loci corpus, §. si fundus, agitur de eo, qui agit actione confessoria. Actione confessoria, petitur declarari seruitutem aliquam nobis competere. l. 2. ff. seru. vindicet. Et inde confessoria nomen habet, quod aduersarius tandem cogatur confiteri seruitutem nobis competere. Hæc igitur actio est de iure, & in confessoria actione, sententia prædio datur ut Iurisconsultus loquitur in l. liberti. §. final. de negot. gest. hoc est, iudex sententia sua declarat prædio seruitutem deberi, non constituit seruitutem, sed tantum eamquæ debita fuit declarat. Et ideò vnus ex heredibus confessoria agens & vincens, non sibi tantum vincit, sed heredibus quoque. Aliud est in actione ex stipulatu, quando vnus ex heredibus stipulatoris agit aduersus promissorem, ut seruitutem debitam præstet sibi. Hic iudex personæ, non prædio sententiam dicit, & ideò victoriæ eius qui egit, coheredibus non prodest.

## A L I V D.

Per liberum hominem possessio nobis acquiritur & dominium. l. traditio. §. final. Ergò per vnum ex heredibus seruitus quoque coheredibus acquiri potest. Respon. Ex constitutione



stitutione Seueri hoc tantum receptum est, vt per Procuratorem nobis possessio acquiratur, & per possessionem dominium. Heres autem qui suo nomine de seruitute agit in solidum, non agit quasi procurator coheredis &c. *vide Iacobum Cuiacium.*

## A L I V D.

Quoties agitur de iure transferendo vnus solius, qui non habet solidum ius, non habet facultatem transferendi nisi pro parte sua. Secus est vbi non agitur de transferendo iure alieno, sed de restitutione simplicis detentionis, puta rei commodatæ, quia vnus heredum potest habere facultatem, & tunc tenetur totum restituere l. 3. §. heres, commodat. Non obstat lex si procuratorem. §. ignorantes, Mandati. Quia ille textus præsupponit fideiussores habuisse, mandatum ad soluendum de substantia debitoris. *Molina in extric. Labyrinthi miki folio. 157.*



DISPUTATIO EX TITV.  
DE VERBORVM OBLIGATIONIBVS

Tertia,

Ad cuius propositiones Respondit

ANDREAS CLVDIVS  
Osterodensis, 23. Decembrii,  
Anno 1580.

*Propositiones ex l. 2. §. item si in facto, cum sequentibus, & l. 3. & 4. & l. stipulationes non diuiduntur, de Verborum obligationibus.*

Pro-

## I. Propositio.



Vemadmodum ex stipulationibus, quæ in dando consistunt, ratione rerum diuiduarum vel indiuiduarum, alias diuiduas, alias indiuiduas esse diximus: ita ex stipulationibus, quæ consistunt in faciendo, aliæ diuiduæ sunt, aliæ indiuiduæ, ratione scilicet factorum, quæ vel diuidua sunt vel indiuidua.

## II.

Diuidua facta sunt, quæ pro parte præstari possunt. Indiuidua contrà, quæ pro parte non possunt præstari.

## III.

Nec enim placet sententia Bartoli & sequacium, qui diuidua definiunt facta, quæ præstant tantam vtilitatem respectu partis, quantam totum respectu totius, & si pro parte fiant, pro parte interesse præstetur, nihilominus faciunt, vt in eadem re contingat solutio.

## IV.

Sic non probamus quod facta indiuidua dicunt esse, quæ pro parte impleta non adferunt tantam vtilitatem respectu partis, quantam totum respectu totius: etsi pro parte fiant, & pro parte interesse præstetur, faciunt vt solutio in diuersis rebus contingat.

## ARGVMENTVM I.

A communi opinione in iudicando, sententiando & in omnibus recedendum non est. Ratio est, quia verisimile est quod plures veritatem magis inquirent, intelligant & assequantur quàm pauci. Sed communiter à Doctoribus nostris, recepta est sententia Bartoli, à nobis relata, in 3. & 4. propositione. Communis igitur illa sententia est tenenda, & maxime nos facimus quod à communi & recepta Dd. sententia discedimus. R. Maior vera est, quando communis & recepta Dd.

Dd. sententia, legibus aut legum rationibus consonat. Tunc à communi opinione in iudicando, consulendo & sententiando, & in alijs omnibus recedendum non est. Secus est quando opinio à Dd. communiter approbata, non consonat legibus aut legum rationibus. Hoc casu licitè à communi opinione recedere possumus. Nunc ad minorem, Bartoli sententia communiter à Dd. est recepta, sed Bartoli sententia neque legibus neque legum rationibus congruit, sed multis modis falsa est. Igitur meritò Bartoli sententiam rejicimus.

## A L I V D.

Vlpianus Iurisconsultus in l. stipulationes non dididuntur, hoc tit. nost. docet facta esse indiuidua. Igitur malè nos dicimus, facta alia diuidua, alia indiuidua esse. Respon. Malè hoc colligitur ex d. l. stipulationes non diuiduntur, quod sic ostendo. In initio legis Vlpianus tractat de stipulationibus quæ in dando consistunt, & ait illas indiuiduas esse, vt si stipuler, iter, actum, viam, aquæ ductum aut similem seruitutem mihi dari, stipulatio est indiuidua. Ex eo autem non sequitur, omnes stipulationes quæ in dando consistunt, indiuiduas esse. Sic cum dicit stipulationes quæ in faciendo consistunt esse indiuiduas, non loquitur de omnibus stipulationibus faciendi, sed de indiuiduis tantum. Duar. in 1. anniuersar. disputat. c. 39. putat apud Vlpianum verbum facere, strictè accipi, vt is facere dicatur, qui rei faciem quandam imponit, & hac consideratione, facta sint indiuidua. Sed apud Catonem facere latius accipiat, dicaturque is facere, qui faciem rei nullam imponit, qui postquam fecit, nihil relinquit, quod oculis subijciatur. Et hac consideratione, facta sint diuidua vel indiuidua. Ita Duarenus.

## A L I V D.

In factis inspicimus formam, quæ ex consummatione contingit l. si is qui quadraginta. §. fin. ad l. Falcid. Forma autem indiuidua est. Igitur facta sunt indiuidua. R. Maior loquitur non de omnibus factis, sed de factis tantum indiuiduis, vt exempli ibi subiecta ostendunt.

M m

Pro-

## V. Propositio.

Diuiduum verò factum continet stipulatio amplius non agi.

## VI.

Sic stipulatio rem ratam haberi, diuidua est.

## VII.

Diuidua quoque est stipulatio, fundum tradi vel restitui.

## A R G V M E N T V M. I.

Dicimus stipulationem fundum tradi esse diuiduam. Contra ita argumentor. Quod incertum est diuidi non potest. Sed stipulatio fundum tradi, est incerta stipulatio *l. ubi autem non apparet. §. 1. de Verbor. obligat.* Igitur stipulatio fundum tradi, non est diuidua stipulatio. R. Primum ad maiorem, quod incertum est, diuidi non potest, hæc maior propositio loquitur de indiuiduitate solutionis, & quod incertum est, indiuiduum quoque est, solutione scilicet. At obligatione, id quod incertum est, diuiduum esse potest. Verbi gratia, homo est promissus. Hæc stipulatio est incerta, & indiuidua solutione, quia promissor partem hominis, etiam volenti stipulatori soluendo non liberatur *l. 2. de Verborum obligat.* Obligatione tamen, stipulatio diuidua est, & ideo stipulator, promissori, partem hominis accepto ferre potest. Et parte hominis acceptolata, promissor in quocunque homine, reliquam hominis partem soluere, atque ita liberari potest. Sic fundo promisso, stipulatio incerta est & indiuidua solutione, quia promissor etiam volenti stipulatori partem fundi Tusculani soluens, pro illa parte non liberatur. Diuidua tamen est stipulatio, obligatione, & potest stipulator promissori partem fundi Tusculani accepto ferre, & tunc promissor pro parte illa liberatur, & non nisi partem fundi debet, & soluendo partem fundi, in totum obligatio soluitur. Quod igitur incertum est, indiuiduum quoque est, solutione scilicet non obligatione. Sequitur minor. Sed stipulatio fundum tradi, incerta est stipulatio. Igitur indiuidua quoque est, solutione scilicet, non etiam obli-

obligatione. At cum nos hîc dicimus, stipulationem fundum tradi, esse diuiduam, respicimus ad diuiduitatem obligationis, non etiam solutionis.

## A L I V D.

In l. stipulationes non diuiduntur h. t. n. dicitur, stipulationem, fundum tradi, esse indiuiduam. Igitur malè nos asserimus esse diuiduam. Petatur solutio ex cōmentarijs meis.

## VIII. Propositio.

Indiuiduum factum in stipulatione versatur, quando stipulatus sum, per te non fieri, neq; per heredem tuum, quò minus mihi herediq; meo, per fundum tuum ire, agere liceat.

## IX.

Sic indiuiduum factum continet stipulatio, quando stipulatus sum, mihi herediq; meo habere licere.

## X.

Indiuidua item est stipulatio, quando stipulatus sum, dolum malum abfuturum à te heredeq; tuo.

## XI.

Similiter indiuiduum factum continet stipulatio, quando stipulatus sum, fossam fodi, insulam fabricari, vel quid simile.

## A R G V M E N T V M I.

Dicimus stipulationem habere licere, indiuiduā esse. Contra. Pone stipulatus sum à te, fundum Tusculanum mihi habere licere. Hæc stipulatio certè non est indiuidua, sed diuidua. Fundus quippe Tusculanus diuidi potest. Igitur malè dicimus stipulationem habere licere esse indiuiduam. Respon. Stipulatio habere licere, est stipulatio diuidua vel indiuidua. Diuidua quando interponitur super materia diuidua, vt quādo sum stipulatus fundum Tusculanum mihi habere licere. Indiuidua quando interponitur super materia indiuidua, puta vt habere liceat, iter, actum, aquæductum. Et sic Ictus in l. 3. hæc titul. nostro loquitur in illo casu, quo interposita est stipulatio habere licere super materia indiuidua; idq; non solum

continuatio sermonis ostendit, sed perspicuè probatur verbis legum, maximè ijs quæ in fine ponuntur. *Hæc Carolus Mollmann.*

## A L I V D.

Dicimus stipulationem habere mihi licere, indiuiduum factum continere. Contra. Stipulatio habere licere, non factum continet sed ius *l. stipulatio ista habere licere. §. sed si seruus fuerit stipulatus, de Verborum obligationibus.* Igitur malè nos dicimus, quod stipulatio habere licere, contineat factum. Respon. stipulatio habere licere factum continet, qui enim alteri promittit per se & heredem suum habere licere, promittit, nec se facturum, nec etiam heredem, quo minus stipulatori liceat habere, *quemadmodum eleganter explicatur in initio d. l. stipulatio ista habere licere, h. t. n. de Verborum obligat.* Caterum quando quæritur de effectu horum verborum & quidnam promiserit, qui promissit habere licere, tunc dicimus eum qui promissit habere licere, promississe quod liceat habere vel iure dominij, vel iure possessionis tantum. Iure dominij, quando stipulator talis est, qui iure dominij & proprietatis habere potest. Et tunc habere ius continet non factum. Iure possessionis, quando stipulator talis est qui non potest possidere iure dominij aut proprietatis, tunc verbum habere factum continet. Vt si seruus stipuletur sibi habere licere, hæc verba etiam factum significant, hoc est significant rem habere licere. iure possessionis, siue quod idem est, licere detinere corporaliter rem, *quemadmodum hoc Iurisconsultus eleganter explicat in d. l. stipulatio ista habere licere, h. t. n.*

## A L I V D.

Superflua non sunt ponenda *l. i. quod metus causa*, sed nos hic ponimus superflua, quia dicimus per te non fieri neq; per heredem tuum quo minus mihi herediq; meo ire agere liceat, atq; ita heredum mentionem semper facimus, quod superfluum esse videtur cum heredis persona semper contineatur *l. si pactum, de probation.* Heres enim & defunctus censentur esse vna eademque persona. *§. i. de iure iurando à morientibus præstito.* Igitur malè facimus. R. Cum stipulor hoc modo, per te non fieri

feri neque per heredem tuum, quo minus mihi heredique meo ire agere liceat, otiosè non fit mentio heredum. Nam factum hic stipulor personale, & in huiusmodi factis, persona stipulantis & promittentis tantum continetur, non persona heredum, nisi specialiter heredum mentio fiat *l. stipulatio ista habere licere. §. si quis ita stipulatus fuerit, b. l. n.*

## XII. Propositio.

Quando in stipulatione factum diuiduum versatur, heredes promissoris stipulationi contravenientes, ad pœnam stipulationi subditam tenentur, vel ad interesse, si stipulationi pœna non fuerit adiecta. Et si omnes contrauerint, ab omnibus pœna peti potest: si vnus dumtaxat, pro portione eius, solum pœna committetur.

## XIII.

Sic ex heredibus stipulatoris, is solus agit pro parte sua ad pœnam, vel ad interesse, à quo contra fidem stipulationis petatum est.

## XIV.

Quando stipulatio in facto indiuiduo consistit, & vnus ex heredibus promissoris, contra stipulationem venit, & stipulatorem ire agere prohibet, non solum is, qui contra stipulationem facit, sed etiam coheredes in pœnam adiectam vel ad interesse tenentur pro portione hereditaria.

## XV.

Quod tamen coheredes, qui contra stipulationem non fecerunt, præstiterint, familiæ herciscundæ iudicio, à coerede, qui contra stipulationem, fecit, repetunt.

## XVI.

Si vnus ex heredibus stipulatoris prohibeatur ire agere, & stipulationi adiecta sit pœna, in solidum committitur stipulatio, & pœna omnibus heredibus pro par-

te hereditaria acquiritur, sed qui non sunt prohibiti, doli mali exceptione submouebuntur: si poena nulla apposta fuerit, pro parte eius tantum, qui prohibitus est, committitur stipulatio, eique soli queritur actio ad interesse, non alijs coheredibus.

## XVII.

Idemque iuris est in illa stipulatione, mihi heredique meo habere licere.

## XVIII.

Eadem dicimus, & si dolum abesse à te heredeque tuo stipulatus sim, & aut promissor aut stipulator, pluribus heredibus relictis decesserit.

## ARGUMENTVM I.

Dicimus non solum eum, qui me ire agere prohibuit, teneri, sed etiam coheredes. Contra. Coheredes nullo modo peccarunt, nec contra stipulationem fecerunt. Ergo ipsi teneri non debent. R. Aliud hic constitui non potuit sine iniuria stipulatoris *ut dicitur in l. 5. in fin. h. t. n.* Pone enim sex esse heredes promissoris. Vnus prohibuit ministrum meum ire agere, at nescitur quis ille fuerit. Si omnes conueniant non potero probare omnes prohibuisse. Si vnum fortè etiam non facile probabo, illum prohibuisse. Iustè igitur lex statuit, omnes teneri pro portionibus hereditarijs. Et nisi hoc statutum esset, facile fraus posset admitti, quia promissor volens aperire licentiam impediendi & eludendi stipulationem heredem vnum in dextante, & tres vel quatuor in reliquo institueret, quorum vnus posset stipulatorem prohibere, qui non teneretur, nisi pro parte hereditaria minima quam accepit, & qui ex dextante esset heres nullo modo periclitaretur. Sic igitur non est iniuria vel absurdum, duritiem induci, ut malorum iniquitati & fraudi obuietur.

## A L I V D.

Dicimus vno ex heredibus stipulatoris prohibito, in solidum committi stipulationem, & poenam omnibus heredibus acqui-



acquiri pro hereditaria parte. Contrā, stipulatio pœnalis cōmittitur ipsi prohibito & pro parte ipsius tantum. Nam pœna non debet excedere personam offensi & metas delicti. *l. sanctum. C. de pœnis. 2.* pœna conventionalis subrogatur in locū eius quod interest. *l. ult. de prator. stipulat. §. ult. Instit. eod.* Sed eorum qui non sunt prohibiti nullo modo interest. Igitur eis nullo modo committitur. 3. Nemo simul habere debet principale & pœnam. Sed si illi qui nō sunt prohibiti ire agere, agerent ad pœnam, haberent simul principale & pœnam. Igitur pœna pro eorum parte non committitur. 4. Repugnantia non debent admitti. Sed si qui non sunt prohibiti ire agere, possent agere, admitterentur repugnantia, quia diceretur stipulatio impleta & non impleta. Ad hæc omnia ita respondendum est. Licet ex heredibus stipulatoris etiam is qui non fuit impeditus ire agere per fundum, coherede impedito, ipso iure ad pœnā pro portione sua hereditaria agere possit: tamen non agit cum effectu, sed repellitur exceptione doli mali. Et hæc tunc procedunt quando stipulationi per te non fieri &c. pœna subdita est. Si stipulationi non sit subdita pœna, is tantum aget ex stipulatione pro sua parte qui prohibitus est, & aget in id quod sua interest &c.

## A L I V D.

Obstat *l. heredes. §. in illa stipulatione*, famil. hercis. ibi dicitur vno me prohibente ire agere, in solidum committi stipulationem. Igitur heredes non tenentur pro portionibus hereditarijs. Respon. In solidum committi, hoc significat, vno prohibente omnes teneri, etiam illos qui non prohibuerunt. Sed singuli in solidum non tenentur sed pro partibus hereditarijs tantum.

## A L I V D.

Quando stipulatio est indiuidua, tunc omnes heredes in solidum tenentur, quia quod indiuiduū est, in partes scindi nō potest. Sed hæc stipulatio mihi herediq; meo per fundū ire agere licere, est indiuidua. Ergo heredes non possunt pro partibus teneri, sed singuli in solidum tenentur. R. Concedo totum argumentū rectè intellectū. Tenentur heredes singuli in solidum.

solidum ad hoc vt patiantur me ire agere. Et ideò si vnus me prohibeat, omnes tenentur. Caterum cum de pœna quærimus vel de eo quod interest, tenentur heredes pro portionibus hereditarijs, quia pœna & id quod interest diuidi potest.

## A L I V D.

Subrogatum sapit naturam eius in cuius locum subrogatur. Sed pœna vel id quod interest subrogatur in locum stipulationis ire agere licere. Igitur quemadmodum heredes singuli in solidum ad hoc tenentur, vt patiantur me ire agere. Ita singuli quoq; heredes tenentur in solidum ad pœnam vel interesse. R. Subrogatum sapit naturam eius in cuius locum subrogatur, cum est eiusdem naturæ & qualitatis cuius est id in cuius locum subrogatur. Sed hîc subrogatum est diuersæ naturæ. Nam stipulatio ire agere licere est indiuidua. Pœna vel interesse est diuiduum. Et cum subrogatum non est eiusdem naturæ, cum eo in cuius locum subrogatur, tunc subrogatum non sapit naturam eius in cuius locum subrogatur, quod declarari potest exemplo feudi venditi pretium ex venditione redactum subrogatur in locum feudi, non habet tamen feudi naturam &c.

## A L I V D.

Quod statuitur in vno correlatiuorum, statui quoque debet in altero *l. fin. C. de indist. viduitat. tollend.* Sed vno ex heredibus promissoris me prohibente ire agere, omnes heredes promissoris tenentur pro portione hereditaria ad pœnam vel ad interesse. Ego vno ex heredibus stipulatoris prohibito ire agere, non tantum pro parte eius, qui prohibitus est, committitur stipulatio, nec illi tantum actio ad interesse quæri debet, sed etiam alijs coheredibus, quia quod in vno correlatiuorum statuitur, statui quoque debet in altero. R. Maior vera est, quando in correlatiuis eadem est ratio, aliàs est secus. Sed hîc in correlatiuis est ratio diuersa. Nam vno ex heredibus promissoris prohibente ire agere, alij tenentur, quia vno prohibente ire agere, perinde est ac si omnes agere prohibuissent. At vno ex heredibus stipulatoris ire agere prohibito,  
non

non perinde est ac si omnes prohibiti fuissent, & illorum qui prohibiti non sunt, nihil interest, coheredem prohibitum esse ire agere, & ideo illis qui prohibiti non sunt actio ad interesse non queritur.

## A L I V D.

Dicimus heredes teneri ad interesse vel ad pœnam, si vnus contra stipulationem fecerit. Contra. Ad id tantum quis tenetur, quod stipulatione comprehensum est & absurdum est vt ad aliud quis obligetur quam ad quod se obligauit. Sic qui obligauit se ad dandum fundum, ad fundi traditionem & dationem tenetur, non tenetur ad interesse. Sic qui promisit ire agere licere ad hoc factum tantum se obligauit, non obligauit se ad interesse. Igitur si vnus ex heredibus contra stipulationem fecerit, heredes non possunt teneri ad interesse ad quod defunctus se non obligauit. Respon. Defunctus principaliter promisit ire agere licere. Promisit etiam implicite interesse, casu quo contra fieret per se vel per heredem suum. Et hanc obligationem cum conditione sua transmisit in heredes. Ideoque vno heredum prohibente existit stipulationis & obligationis conditio, & omnes incidunt in obligationem secundariam eius quod interest, si non ex factio suo, saltem ex eo quod conditio stipulationis extitit, sicut ex quauis conditione extante obligarentur. *Hac Molinæ in extricatione Labyrinthi.*

## A L I V D.

Contra ita insto, heredes non possunt teneri ad interesse, si vnus heredum contra stipulationem venerit. Nam stipulatio est contractus stricti iuris. In contractibus autem strictis, ea tantum veniunt, quæ à contrahentibus expressa fuerunt non alia. Igitur cum à contrahentibus de interesse nihil dictum fuerit, ipsi contrahentes vel etiam heredes eorum, ad interesse non possunt teneri. Respon. In contractibus strictis, ea dumtaxat veniunt, quæ expressa fuerunt à contrahentibus, non alia, Expressa inquam fuerunt nominatim & in specie vel saltem implicite. Sed à contrahentibus implicite hoc expressum fuit vt si factum esset contra stipulationem,

N n

interesse

interesse præstaretur. Hoc docet Iurisconsultus *in l. stipulationes non diuiduntur, b. e. n.* Ibi inquit, Vbi quid fieri stipulamur, si non fuerit factum, pecuniam dari oportet, ideò datur pecunia cum non sit, quod fieri stipulati sumus, quia implicite siue tacite ita conuentum fuit, vt pecunia hoc est, id quod interest præstaretur, si non fieret quod in stipulationem deductum est.

## A L I V D.

Alterius factum ei qui nihil fecit, nocere non debet *l. de pupillo. §. si plurimum, de operis nomi nuncia.* Ibi dicitur vnus nunciationem omnibus non sufficere. Sed quando dicimus, vno ex heredibus promissoris me ire agere prohibente, reliquos teneri, tunc factum vnus, reliquis qui nihil fecerunt, nocet. Ergò hoc fieri non debet. R. Maior propositio vera est in ijs quæ à defuncto non proueniunt. In his solum tenetur qui deliquit, & factum vnus, alteri non nocet. Secus est quando stipulatio siue obligatio à defuncto descendit &c.

## A L I V D.

Quando dolus æstimatur, tenetur qui dolum admisit in solidam æstimationem, quia dolum in solidum admisit *l. in depositi actione, depositi.* Igitur verum non videtur omnes heredes teneri pro portionibus hereditarijs. Imò iniquum est reliquos coheredes teneri debere, cum qui dolum admisit, in solidam æstimationem teneatur, quia inquit Iurisconsultus in solidum dolum admisit. R. In *l. in depositi actione, depositi,* non agitur de herede, qui venit aduersus obligationem defuncti, qui promiserat dolum malum abesse &c. Sed tractatur de herede qui in deposito dolum admiserat. A deposito, dolus abesse debet. Et si vnus ex heredibus in re deposita, dolum admittat, ille solus tenetur, & tenetur in solidam æstimationem, quia in solidum, dolum admisit. At secus est, quando defunctus promisit dolum abesse, & vnus ex heredibus postea dolum facit, hic sit æstimatio doli, pro partibus hereditarijs.

## A L I V D.

Sed instare quis posset hoc modo: Iuriconsultus inquit, in d. l. in depositi actione, depositi, ideò heredem teneri in solidam æstimationem, quia in solidum dolum admisit. Sed in stipulatione dolum malum abesse, si vnus heredum dolum admittat, in solidum dolum admittit non in partem. Igitur in solidam æstimationem tenetur. R. Concedo totum, si vnus sit heres, secus si sint plures. Et vnus locus ex alio explicandus est.

## A L I V D.

In 16. propositione dicitur eos qui prohibiti non sunt, repelli exceptione doli mali. Contra obstat l. stipulatio ista. §. alteri, hoc tit. de Verborum oblig. Ibi dicitur, pœnam committi ei quoque cuius nihil interest. Ergò etiam illi qui prohibiti non sunt, pœnam possunt petere, nec possunt repelli exceptione doli mali. Respon. Pœna committitur ei cuius nihil interest, hoc ita procedit si nemo alius sit, cuius intersit, qui agere possit. Vt pone. Stipulatus sum à te hoc modo. Titio Insulam facies, si non feceris, mihi dabis decem. Hic Titio stipulatus sum, & stipulatio nullius est momenti, quia alteri stipulari nemo potest. Non potest igitur Titius ex stipulatione illa agere. Non potest quoque Titius agere & prætereundum interessè ratione dictæ stipulationis, quia quoad illum stipulatio fuit inutilis. Cum igitur Titij nihil intersit, & Titius agere non possit ad pœnam, Ego ad pœnam ago quamvis mea nihil quoque intersit. Titio insulam fieri, atque ita pœna committitur ei cuius nihil interest, quando nemo alius est cuius intersit qui agere possit. At si sit cuius intersit quiq; possit agere, reliqui quorum non interest, per exceptionem excluduntur à petitione pœnæ, sicut & si id quod interest consecutus fuero, pœnam petens, repellor exceptione doli *l. praedia, de action. empte.*

## A L I V D.

Hæc stipulatio habere mihi herediq; meo licere, cõtinet non moueri de iure controuersia d. l. stipulatio ista. §. si quis forte. h. t. u.

N n 2

atque

atque ita idem fermè, quod stipulatio amplius non agi. Sed stipulatio amplius non agi diuidua est. Igitur stipulatio habere licere diuidua quoque est. Respon. Hac difficultate attonitus Placentinus, dicere solitus est, prout Accursius refert, miranda nouitas, subtilis subtilitas, quis eam riminabit. Sed negandum est idem continere stipulationem habere licere, quod stipulationem amplius non agi. Stipulatio habere licere, est indiuidua. Amplius non agi diuidua. Stipulatione habere licere id agitur, vt rem iure dominij vel possessionis habere liceat. Tale nihil agitur stipulatione amplius non agi.

## A L I V D.

Dicimus in factis diuiduis pro portione eius pœnam committi qui fecit contra stipulationem. Contra, si pœna committitur pro parte eius, qui fecit contra stipulationem, tunc absurdum sequetur, quia fiat solutio partim in pœna partim in facto promisso. Qui enim fecit contra stipulationem soluet partem pœnæ, coheres pro parte sua faciet vel non faciet quod stipulatione est comprehensum. At hoc est absurdum *l. 2. h. t. l. in executione. § pro parte. h. t.* Igitur &c. Respon. Si vnus heredum faciat contra stipulationem factum diuiduum continentem, is solus tenetur pro parte hereditaria. Et est in potestate stipulatoris, vt rem partem pœnæ ab illo herede petere velit, an verò velit agentem repellere exceptione conuentionis, quod pactus sit amplius non petere. Et si stipulator pœnam petat, exceptione conuentionis vti non potest *l. rescriptum, de pactis. l. penul. de transact.* Sicque stipulatore volente & sciente, partim in pœna, partim in facto fit solutio. Et nihil hic est absurdi.

## A L I V D.

Dicimus eum tantum heredem teneri in diuiduis factis ad pœnam, qui venit contra stipulationem. Obstat *l. 5. §. fin. h. t. Et l. in executione. §. item si ita stipulatio &c. h. t. l. heredes. §. idem iuris. famul. hercisc.* R. Distinguendum est inter stipulationes consistentes in dando, & illas quæ consistunt in faciendo &c.

A L I

## A L I V D.

Qui stipulatur sibi ire agere licere, stipulatur seruitutem itineris, vel actus. At quando stipulor iter vel actum vel similem seruitutem, tunc heredes promissoris in solidum tenentur, & singuli in solidum obligati sunt ad præstandam seruitutem; nec potest hoc casu stipulator pœnam vel interesse petere. *l. 2. §. ex hîc, h. r. n.* Igitur malè hîc dicimus vno ex heredibus eius qui promisit per se non fieri neque per heredem quo minus ire agere liceat, me prohibente, reliquos teneri ad pœnam vel interesse. R. Stipulatione per te non fieri neque per heredem tuum quo minus mihi ire agere liceat, non significatur seruitus, sed merum & purum factum, vt ire liceat & cum de seruitute lex agit, non verbo fieri sed constitui aut dari vititur, & stipulatio seruitutis in dando consistit *l. si vnus, l. ult. de seruit. rustic. prad. l. vltim. commun. pradior.* Ac malè Accursius stipulationem seruitutis in faciendo consistere scribit. Hinc simul apparet otiosam esse disputationem Doctorum, vtrum seruitutes sint iuris an facti. Porro in stipulationibus dandi indiuiduis, heredes singuli tenentur ad dandam seruitutem, nec potest stipulator ab heredibus interesse petere. Hoc tantum receptum est in stipulatione faciendi siue in factis. Sic enim Iurisconsultus inquit. Vbi quid fieri stipulamur, si non fuerit factum, pecuniam dari oportet *l. stipulationes non diuidantur, h. r. de Verb. obligat.*

## XIX. Propositio.

Non enim ijs assentimur, qui in stipulatione dolum malum abesse: non esse idem dicendum, quod in stipulatione, per te non fieri, quò minus mihi ire agere liceat, autumant.

## XX.

Et ab hac nostra sententia Cato alienus non est, qui distinguit inter stipulationem, quæ factum diuiduum continet; & illam, quæ continet factum indiuiduum. Si stipulatio factum indiuiduum continet,

Nn 3

qualis

qualis est stipulatio, iter fieri, siue stipulatio, per te non fieri, quò minus mihi ire agere liceat, & vnus ex heredibus promissoris contra quem cautum sit, fecerit, ab omnibus heredibus poena committitur pro portione hereditaria: quia, quod in partes diuidi non potest, ab omnibus quodammodo factum videtur. Si stipulatio diuisionem recipiat, qualis est stipulatio amplius non agi, tunc is heres, qui aduersus ea fecit, pro portione sua, solum poenam committit.

## XXI.

Subiungit postea Cato hanc differentiae rationem, quod in priori casu, quando stipulatio est indiuidua, omnes commisisse videntur, quod nisi in solidum peccari poterit in illam stipulationem, per te non fieri, quò minus mihi ire agere liceat: sed in posteriori casu, quando stipulatio est diuidua, qualis est stipulatio, amplius non agi, non sit idem, sed magis sit idem in stipulatione amplius non agi, quod in stipulatione, Titium heredemque eius ratum habiturum.

## XXII.

Hæc enim verba, sed videamus ne non idem hic sit, Catonis sunt, qui stipulationem iter fieri, siue per te non fieri, quò minus mihi ire agere liceat, confert cum stipulatione amplius non agi, & dictis verbis, sed videamus, ne non idem hic sit, affirmat, hic, id est, in posteriori stipulatione amplius non agi, non esse idem, quod in stipulatione priori, iter fieri, siue per te non fieri, quò minus mihi ire agere liceat, sed magis idem, quod in stipulatione Titium heredemque eius ratum habiturum.

A R G V.



## A R G V M E N T V M.

Dicimus vno ex heredibus dolum admittente omnes teneri. Obstat l. vltima ad Syllanian. Ibi dicitur si de pluribus heredibus quibusdam inuitis aut ignorantibus, testamentum apertum fuerit, non amittunt portiones suas qui culpa carent. Igitur dolus vnius ex heredibus alijs non nocet. Respons. Ibi agitur de obligatione quæ initium sumsit ab heredibus. Hic culpa vnius alijs non nocet. Sic in l. supra iter. §. apud Ferocem, de aqua & aq. pluui. &c. dicitur, Iniquum esse, ut qui non fecit, restituat. Qui aliquid facit ut aqua pluuiæ noceat, debet quod fecit restituere. Hoc in edicto illo proponitur, Et ideo inquit Iuriconsultus iniquum est ut restituat qui non fecit. Illa quoque obligatio ab heredibus cæpit &c.



DISPUTATIO EX TITV.  
DE VERBORVM OBLIGATIONIBVS

Quarta,

Quam defendit

HENRICVS SCHEVIVS QVAKEN-  
brugenſis, 15. Aprilis Anno 1581.

Propoſitiones ex l. 5. & l. ſtipulationum l. vbi autem, de Verbor. obligat. & l. 1. de ſtipulat. prætorijſ.

I. Propoſitio.



Ertiò ſtipulationes diuiduntur in iudiciales, prætorias, conuentionales & cômunes.

II.

Iudiciales ſunt, quæ à mero iudicis officio proficiſcuntur, veluti de dolo cautio, & de perſequendo ſeruo qui eſt in fuga.

Præto-

## III.

Prætoriaræ, quæ à mero Prætoris officio proficiuntur, veluti damni infecti, legatorum.

## IV.

Prætorias autem sic exaudiri oportet, ut in his contineantur etiam ædilitiæ: nam & hæc à iurisdictione veniunt.

## V.

Conventionales sunt, quæ ex conventionem, reorum fiunt, quarum totidem genera sunt, quod penè dixerim rerum contrahendarum.

## VI.

Communes sunt stipulationes veluti rem pignori saluam fore, nam & Prætor iubet rem saluam fore pupillo caueri, & interdum iudex, si aliter expediri hæc res non potest. Item duplex stipulatio venit à iudice, aut ab ædilis edicto.

## ARGUMENTVM I.

Iudiciales stipulationes definimus quæ à mero iudicis officio proficiuntur. In octava autem propositione asserimus iudiciales esse, quæ à Prætoris officio proficiuntur. Igitur hæc sunt pugnantia & reiicienda. R. Pugnantia hæc non sunt, sed diuersis respectibus dicuntur. In prima propositione iudiciales stipulationes appellamus, quæ à iudicis officio proficiuntur. In octava iudiciales dicimus, quæ proficiuntur à Prætoris officio. Prætor quandoque etiam iudex appellatur *l. 1. de iudicijs, tot. tit. de rebus aucto. iudi. possid.* & ob id stipulatio quæ à Prætoris officio proficitur, rectè iudicialis quoque dicitur. Deinde stipulationes quæ à iudicis officio proficiuntur, à iudice, iudiciales dicuntur. Prætoriaræ stipulationes dicuntur iudiciales à iudice & quia propter iudicium interponuntur.

A L I-

## A L I V D.

Dicimus iudicialem stipulationem esse, cautionem de dolo. Contra ita argumentor. Prætor occurrit dolo malo, *tot. tit. de dolo malo*. Igitur cautio de dolo malo, prætoriam cautio dicenda est. R. Prætor occurrit dolo malo, ita ut de his, quæ dolo malo facta sunt, iudicium det. Sic enim Prætor in edicto de dolo malo inquit. Quæ dolo malo facta esse dicentur, si de his rebus alia actio non erit, & iusta causa esse videbitur, iudicium dabo *l. 1. de dolo malo*. At prætor non iubet cauere de dolo malo, sed iudex à Prætoris datus.

## A L I V D.

Iudiciales stipulationes sunt, quæ à iudicis officio proficiuntur. Sed prætoriam stipulationes proficiuntur à iudicis officio. Prætor enim iudex appellatur *l. 1. de iudicis. tot. tit. de rebus auctor. iudic. possid.* Igitur prætoriam stipulationes sunt stipulationes iudiciales. R. Ad minorem, quod Prætor quandoque iudex dicitur, hoc fit improprie. Proprie loquendo iudex est, qui datus est à Prætoris iudex, & iudicium est iudicium à Prætoris datorum ut ex multis edictis Prætorum apparet, in quibus dicitur, iudicium dabo. Hic iudex dicitur iudex datus, iudex specialis quandoque Pedaneus iudex. Et stipulationes quæ ab officio, huiusmodi iudicis dati proficiuntur, proprie iudiciales sunt stipulationes. Quæ proficiuntur à Prætoris, iudiciales non sunt, quia nec Prætor proprie iudex est.

## A L I V D.

Quæ definitionibus conueniunt, inter se conueniunt. Sed iudiciales & prætoriam stipulationes, definitione conueniunt. Nam prætoriam cum definiuntur esse, quæ à Prætoris officio proficiuntur, dicuntur esse prætoriam stipulationes quæ à iudicis officio proficiuntur, cum Prætor etiam sit iudex. Igitur inter se conueniunt. R. Hic eodem modo, quo ad proximè præcedens argumentum responsum fuit.

## A L I V D.

Stipulationes quæ à iurisdictione veniunt, sunt prætoriam stipulationes *l. 5. de Verbor. obligat. §. prætoriam. Instit. de diuis. stipular.* & dicitur in nostra quarta propositione. Sed stipulationes iu-

O o

nes iu-

nes iudiciales, veniunt à iurisdictione. Iudex enim datus iurisdictionem habet. Igitur iudiciales stipulationes sunt prætoriarum stipulationes. R. Stipulationes quæ à iurisdictione veniunt ordinaria, sunt prætoriarum stipulationes. Sic quæ à iurisdictione delegata veniunt, quæ Magistratibus facta est, non ijs, qui aliàs iurisdictionem nullam habent, prætoriarum sunt stipulationes. Vt si magistratus municipales de damno infecto cauere iubeant, Prætor hoc mandante & delegante, cum dilatio aliàs periculosa foret, cautio damni infecti nihilominus prætoriam erit cautio *l. 1. de damno infecto*. sed iudex datus habet iurisdictionem demandatam siue delegatam. Et stipulationes quæ proficiuntur siue veniunt à iurisdictione delegata, siue demandata, non sunt prætoriarum stipulationes.

## A L I V D.

Cautio de dolo, est stipulatio conventionalis, eaq; à contrahentibus olim omnibus ferè stipulationibus subijci solebat *ut constat ex l. doli clausula 119. & ex l. ex ea parte 121. & ex l. si ita quis promiserit 135. §. final. de Verborum obligat.* vnde clausula doli mali appellatur in *l. si id quod aurum, & in d. l. doli clausula, & in d. l. si ita quis promiserit. §. final. de Verbor. obligat.* Igitur mæ nos dicimus, cautionem de dolo, iudicialem esse stipulationem. R. Stipulatio de dolo, siue dolum malum abesse, abfuturumq; esse, interdum iudicialis est stipulatio, interdum conventionalis. Iudicialis est cautio de dolo, quando à mero iudicis officio proficiscitur, hoc est, vt Iustinianus in Institutionibus loquitur, quando iussu iudicis interponitur. Vt cum creditor pignus reddit, iussu iudicis de dolo debet debitori repromittere. Et si prædium fuit pignoraturn, de iure eius re-promittendum est, ne fortè seruitutes cessante vti creditore amissæ sint *l. creditor, de pignorat. act.* Hæc cautio de dolo, iussu iudicis, officio iudicis interponitur & iudice iubente, promissor velit, nolit, cautionem præstare tenetur. Conventionalis est stipulatio de dolo, quando huiusmodi cautio interponitur ex conventionione reorum, absque vlllo iudicis officio, absque vlllo iudicis iussu. Vt si id quod aurum putabam cum

res esset, de te stipulatus fuero, & stipulationi subiecero clausulam siue stipulationem de dolo, dolum malum abesse &c. stipulatio siue clausula de dolo, conuentionalis est stipulatio quia ex conuentione reorum fit, & dicitur hæc stipulatio clausula de dolo, ex eaque agere possum si sciens me fefelleris *d. l. si id quod aurum putabam, de Verbor. obligat.*

## A L I V D.

Diximus cautionem de dolo, iudicalem cautionem esse, & Prætozem non iubere cauere de dolo. Obstat l. iudicatum solui & l. nouissima clausula, iudicatum solui. Illa leges volunt, quod stipulatio iudicatum solui, tres habeat clausulas, de re iudicata, de re defendenda, & clausulam de dolo malo. Stipulatio igitur dolum malum abesse, continetur in stipulatione iudicatum solui. At stipulatio iudicatum solui, est prætoria iudicialis stipulatio. Igitur stipulatio quoque de dolo, est prætoria stipulatio. Respon. Prætor nunquam iubet cauere de dolo, nisi id fiat in consequentiam alterius cautionis siue stipulationis, vt cum Prætor iubet iudicatum solui, hoc est interponi stipulationem iudicatum solui, in consequentiam quandam, iubet quoque cauere de dolo & de re defendenda. Et stipulatio iudicatum solui, habet tres clausulas in vnum collectas, de re iudicata, de re defendenda & de dolo malo, *d. l. iudicatum solui, ff. iudicat solui*. Hinc stipulatio de dolo malo, dicitur clausula stipulationis iudicatum solui. Sic cum Prætor iubet interponi stipulationem de noui operis nunciatione, in consequentiam quoque iubet cauere de dolo. Hinc stipulatio de dolo malo, appellatur clausula stipulationis de operis noui nunciatione. *l. stipulatio §. habet autem, de noui operis nunc.* Prætor igitur vt dixi, iubet cauere de dolo malo in consequentiam alterius stipulationis. At cum nos hinc dicimus, cautionem de dolo, iudicalem esse stipulationem, loquimur de stipulatione doli mali, quæ non interponitur in consequentiam alterius stipulationis, sed quam iudex iubet interponi ex officio. Hæc cautio de dolo, est iudicialis stipulatio.

## A L I V D.

In tertia propositione, prætorias stipulationes appellamus à

Prætor. Postea in octava propositione, prætorias appellamus à iudicio. Igitur vel in tertia vel in octava propositione, malè ita locuti sumus. R. Rectè in tertia propositione, prætorias stipulationes à Prætoris nomen habere dicimus. Quia verò prætoriarum stipulationum tres sunt species, & vna species ad iudicia pertinet, idcirco illa species prætoriarum stipulationum, iudicialis nominatur. Non idèò minus tamen istæ iudiciales stipulationes à Prætoris nomen habent, & prætorix dicuntur.

## A L I V D.

Frustrà fit per plura, quod potest fieri per pauciora. Sed tertia diuisio stipulationum est quadrimembris, cum possit esse bitembris. Nam possemus dicere stipulationes esse vel legitimas vel conuentionales. Igitur diuisio est vitiosa. R. Diuisio à Iurisconsultis tradita, multò est compendiosior quàm altera illa. Nam etsi diceremus, stipulationes vel legitimas esse vel conuentionales: tamen legitimæ rursus diuidendæ essent in iudiciales & prætorias. Deinde illa diuisio esset vitiosa ex eo quod legitimum appellamus quod descendit ex aliqua specie iuris ciuilibis scripti, vel ex lege 12. tabul. Sed iudiciales stipulationes neque ad l. 12. tabul. neque ad vllam speciem iuris ciuilibis possunt referri. Ergo &c.

## A L I V D.

Dux species simul iunctæ, tunc demum tertiam constituunt, cum singulæ per se censi non possunt. Vt stipulationes reddi, est mixta stipulatio, quia partim in dando, partim in faciendo consistit, & hæ duæ stipulationes hîc concurrentes, per se singulæ censi non possunt. Et sic tertiam constituunt speciem. Sed stipulationes iudiciales & prætorix, singulæ per se censi possunt. Ergo non constituunt tertiam speciem. R. Non constituunt tertiam speciem, quæ mixta dicatur. Nec enim hîc duæ species iunguntur sicuti fit, cum stipulor rationes reddi. Sed cum vna eademque stipulatio modò à Prætoris, modò à iudice possit interponi, nihil vetat, quò minus illam communem vocemus.

Pro-

## VII. Propositio.

Prætoriarum stipulationum rursus tres species esse videntur, iudiciales, cautionales & communes.

## VIII.

Iudiciales eas dicimus, quæ propter iudicium interponuntur, ut ratum fiat, ut iudicatum solui, & ex operis noui nunciatione.

## IX.

Cautionales sunt, quæ instar actionis habent, & ut sit noua actio intercedunt, ut de legatis stipulationes, de tutela & damni infecti.

## X.

Communes sunt, quæ fiunt iudicio sistendi causa.

## A R G V M E N T V M I.

Dicimus in octaua propositione iudiciales stipulationes esse, quæ propter iudicium interponuntur. Contra. Prætor iudicium non habet, sed pro tribunali sedet *l. 1. de iudicijs. l. 2. de re iudicat.* Igitur Prætor, propter iudicium quod non habet, stipulationes nullas interponere potest. R. Verum est quod Prætor iudicium non habet, sed ipse iudicium dat, ut ex edicto de dolo malo, ex edicto de capite minutis, & alijs edictis videre licet, in quibus Prætor ita inquit, iudicium dabo. Et iudicium est iudicium datorum. Hinc actio est ius persequendi in iudicio, hoc est apud iudices datos quod sibi debetur. Ut autem iudicium quod Prætor dat, firmum sit, ipse Prætor cum iudicium dat, iubet interponi stipulationem iudicatum solui, sicque stipulatio iudicatum solui, est stipulatio prætoriam, iudicialis, quia propter iudicium interponitur. Idem dicimus de stipulatione ut ratum fiat, & de noui operis nunciatione.

## A L I V D.

Dicimus cautionales stipulationes esse, quæ instar actionis habent, hoc est, quæ tanquam actiones à Prætore petuntur.

tur. Contra. Prætorie stipulationes à mero Prætoris officio proficiuntur, vt in tertia propositione dicimus. Igitur stipulationes cautionales non habent actionis instar, siue non petuntur à Prætore tanquam actiones. Hæc enim sibi inuicem contrariari videntur, à mero officio Prætoris proficisci, & petere stipulationem siue cautionem à Prætore. Quod à me petitur, non proficitur à mero meo officio. R. Hæc sibi non contrariantur. Licet enim ego aliquid à Prætore petam, nihilominus à mero Prætoris officio profectum dicitur, cū nullus alius quàm Prætor possit iubere, vt heres mihi caueat legatorum nomine, vel vicinus mihi caueat damni infecti.

## A L I V D.

Omnes stipulationes, natura sui cautionales sunt, & hoc dicit Iurisconsultus sciendum esse. Hoc enim agitur in stipulationibus vt quis cautior sit & securior interposita stipulatione *l. 1. §. 1. de stipul. prætor.* Igitur stipulatio legatorum, rem pupilli saluam fore, & damni infecti, malè præ reliquis stipulationibus, dicuntur esse stipulationes cautionales. R. Verum est quod omnes stipulationes natura sui, cautionales sunt. Id enim in omnibus stipulationibus agitur, vt nobis caueatur & prospiciatur. Cæterum illæ stipulationes specialiter, cautionales dicuntur, quia actionis instar habent, hoc est; quia tanquam actiones à Prætore petuntur.

## A L I V D.

Testator potest in testamento heredi remittere cautionem legatorum. Heres quoque cum legatario potest pacisci, ne præstet cautionem *l. pactum inter heredem, de pact.* Igitur cautio legatorum, non est prætorie cautio. Si enim prætorie esset cautio, non posset legatarius eam heredi remittere, cum ius publicum, priuatorum pactis, mutari non possit. *l. ius publicum, de pact.* Respon. Quod testator heredi cautionem remittit, hoc est ex constitutione D. Marci, quæ voluit in hoc quoque defuncti voluntatem esse seruandam *d. l. pactum inter heredem, de pact.* Quod verò legatarius heredi remittit cautionem, illo non læditur ius commune, cum ius illud legatario



rio competat, & in legatario positum sit, vtrum iure communi vti, an verò ius commune, quo vti possit, respuere velit. Et licet vnicuique sui iuris persecutionem, aut spem futuræ perceptionis, deteriorem constituere *d. l. pactum inter heredem, de pact.* Si quis pacisceretur, se nolle vti cautione legatorum, si legatum aliquando fuisset relictum huiusmodi pactio esset nullius momenti, quia esset contra ius publicum. At secus est quando quis iam potest vti cautione, vt quia legatum est relictum. Hoc casu valet pactio, si legatarius paciscatur cum herede ne ab eo satis accipiatur, nec inde sequitur hanc cautionem propterea prætoriam cautionem non esse.

## A L I V D.

Omnes prætorix stipulationes, sunt eiusdem interpretationis *l. penult. §. omnes, ad l. Falcid.* Igitur malè nos dicimus, ex prætorijs stipulationibus, alias esse iudiciales, alias cautionales alias communes. R. Cum dicimus omnes prætorias stipulationes, eiusdem esse interpretationis, hoc dicimus; quod omnes prætorias stipulationes eodem modo debeamus interpretari, vt scilicet vno ex heredibus committente in stipulationem, non committant & reliqui. At inde non sequitur, ex prætorijs stipulationibus, alias non esse iudiciales, alias communes, alias cautionales, sunt hæc species prætoriarum stipulationum, hæc tamen tres species, eiusdem sunt interpretationis, vt vno scilicet ex heredibus committente in stipulationem, non committant & cæteri.

## A L I V D.

Dicimus stipulationem de rato esse prætoriam stipulationem. Contra. Iustinianus numerat stipulationem de rato, inter stipulationes communes *in §. fin. Instit. de diuis. stipul.* Respon. Quamuis hic asserimus, stipulationem de rato esse prætoriam, non tamen negamus esse etiam communem & quandoque iussu iudicis interponi.

## A L I V D.

In omnibus stipulationibus est conuentio. Ergò omnes stipulationes sunt conuentionales. Resp. Verum est, quod in omnibus.

omnibus stipulationibus est conuentio sed non propterea stipulationes omnes conuentionales dicuntur. Et conuentionales hîc nominamus, non ex eo, quod conuentio stipulationibus inest, sed quod ex conuentione fiant contrahentium, siue reorum.

### XI. Propositio.

Quartò stipulationes diuiduntur in certas & incertas. Certum est, quod ex ipsa pronuntiatione apparet, quid, quale quantumque sit, vt ecce aurei decem, fundus Tusculanus, homo Strichus, tritici Africi optimi modij centum, vini Campani optimi amphoræ centum.

### XII.

Vbi autem non apparet, quid, quale, quantumque est in stipulatione, incertam esse stipulationem dicendum est: ergò si quis fundum sine propria appellatone, vel hominem generaliter sine proprio nomine, aut vinum, frumentum, sine qualitate dari sibi stipulatur, incertum deducit in obligationem.

### XIII.

Vsq; adeò, vt si quis ita stipulatus sit, tritici Africi boni, modios centum, vini Campani boni amphoras centum, incertum videatur stipulari, quia bono melius inueniri potest: quo fit, vt boni appellatio non sit certæ rei significatiua, cum id quod bono melius sit, ipsum quoque bonum sit, at cum optimum quisque stipulatur, id stipulari intelligitur, cuius bonitas principalem gradum bonitatis habet, quæ res efficit, vt ea appellatio certi significatiua sit.

### ARGVMENTVM I.

Dicimus eum qui generaliter fundum vel hominem stipulatur, incertum stipulari. Contra Papinianus *in l. cum post diuortium.*

*diuortium. §. gener à socero, de iure dotium* tradidit, fundo non demonstrato nullum esse legatum, nullam stipulationem fundi, & adiicit Papinianus id constare. Igitur malè nos hic dicimus, incertam esse stipulationem, quando quis stipulatur fundum sine propria appellatione. R. Nos hic loquimur in illo casu, quo promissor fundi, fundos habet. Hoc casu stipulatio fundi generalis, utilis est & valet, & stipulatio est incerta, ex eaque datur actio ex stipulatu. §. 1. *Instit. de verbor. obligat.* At quando promissor fundi, fundos non habet, tunc stipulatio nulla est d. l. *cum post diuortium, §. gener à socero, de iure dot.* Sic fundo generaliter legato, legatum nullum est, si testator fundos nullos reliquit. At utile est legatum, si testator habuit fundos. *Hac nostra solutio fundatur in l. si domus 71 in princ. de legat. 1.* Ibi Iurisconsultus docet, quod domo simpliciter, hoc est generaliter legata, videndum sit, vtrum testator domos reliquit, an non. Priori casu, utile est legatum, & cogitur heres quam vellet domum ex his quas testator habebat, legatario dare. Posteriori casu legatum est inutile & vt Iurisconsultus loquitur, magis derisorium est legatum quam utile. Et quod de domo Iurisconsultus ibi tradidit, idem dicendum est de fundo simpliciter legato vel promisso. Et si promissor habet fundos, vnum ex fundis, stipulatori prestare cogetur. Si fundos nullos habet, nulla erit stipulatio & derisoria magis quam utilis erit stipulatio. Ideò verò stipulatio fundi generalis est inutilis & nulla, quando promissor nullos fundos habuit, quia promissor posset vilissimam aliquam portionem terræ stipulatori dare, eamque pro fundo habere, atque ita derisoria magis quam utilis esset stipulatio. Posset inquam promissor vilissimam portionem terræ dare & liberari, fundi enim non est certa finitio, sed fundi finitio ex nostra opinione & affectione pendet. Et modicus locus fundus dici potest, si fundi animo cum habuerimus. Imò quælibet portio fundi, fundus est, si hoc constituerimus l. *locus 60 de verbor. significat.* Nostra quippe destinatione, fundorum nomina & domus constituuntur non natura l. *quod in rerum natura. §. penult. de legat. 1.* Et ob id si fundus generaliter in stipulationem sit deductus, vel si fun-

us generaliter sit legatus, magis derisoria quàm utilis est stipulatio, & magis derisorium quàm utile est legatum *d. l. si domus, in princip. de legat. 1.*

## A L I V D.

At dices, homine generaliter legato vel promisso, utile est legatum, utilis est stipulatio *l. 2. de Verbor. obligat. l. cum incertum, de legat. 1.* Utile inquam est legatum & utilis est stipulatio quamvis heres vel promissor nullum hominem habuerit. Igitur distinctio superior, quæ talis fuit quod videndum sit utrum heres vel promissor habuerit fundos, planè corrumpit. R. Distinctio superior, verissima est, fundata *in d. l. domus, in princip. de legat. 1.* eaq; non subvertitur exemplo hominis qui generaliter legatus vel promissus est. Constituenda enim est differentia inter hominem, & inter fundum legatum vel promissum. Homine generaliter legato vel promisso, utile est legatum, utilis quoq; stipulatio, etiamsi heres nullum hominem habuerit, vel promissor nullum hominem habuerit. Ratio est, quia certa est demonstratio rei legatæ vel in stipulationem deductæ, certa namq; est hominis finitio. Idemq; de equo, boue & similibus rebus dicimus. Harum rerum omnium est certa finitio, & ideo cum hominem generaliter stipulatus sum, utilis est stipulatio, quamvis promissor nullum habeat hominem, similiter si homo sit mihi legatus, legatum est utile, quamvis testator nullum hominem reliquerit. At fundo legato vel promisso, certa non est demonstratio rei legatæ vel promissæ, quia certa non est finitio fundi, cum fundus sit quicquid nos constituimus pro fundo *ut supra latius dictum est.*

## A L I V D.

Incerta dotis promissio non valet *l. 1. C. de dotis promiss.* Igitur non valet quoq; incerta hominis vel fundi promissio. R. Quando mulier ipsa vel extraneus aliquis, pro muliere dotem generaliter promittit, promissio non valet *d. l. 1. C. de dotis promiss.* quia mulier vel extraneus possent vilissimum quiddam

quiddam in dotem dare, & se obligatione liberare. Nec enim est lex antiqua quæ definiat & constituat quantum mulier vel extraneus debeant dare in dotem, sicq; non est certa dotis finitio. At homine promisso generaliter, valet promissio, quia hominis certa est circumscriptio & finitio: sic fundo generaliter promisso, si promissor fundos habeat, certa est finitio fundi. Igitur hominis vel fundi promissio valet, at dotis promissio generalis non valet, muliere vel extraneo dotem promittente.

## A L I V D.

Sed dices solutioni datae obstat d. l. cum post diuortium. §. gener à socero, de iure doti: in qua Papinianus docet, incertam & generalem dotis promissionem valere. Ergò solutio data, nullius est momenti. R. Nos locuti sumus de muliere vel extraneo promittente dotem d. l. i. C. de dotis promiss. At l. cum post diuortium. §. gener à socero, de iure doti. loquitur de parente, qui dotem promittit. Huiusmodi incerta dotis promissio à parente facta valet. Differentiæ ratio hæc est. Patre dotem simpliciter vel generaliter promittente, utilis est promissio, quia non omnino incerta est. Hominis prouisione est incerta, at legis prouisione certa. Quippe lex præsumit patrem dotem indefinitè promittentem, promississe dotem pro modo suarum facultatum & dignitate mariti. Sic enim Papinianus tradidit in d. l. cum post diuortium §. gener à socero, de iure dotium. Extraneo dotem promittente vel ipsa muliere, incerta est promissio, hominis prouisione, & legis prouisione, quia nulla lex reperitur quæ definiat quantam dotem extraneus vel mulier dare debeant. Et hanc distinctionem eleganter tradidit Harmenopolus lib. 4. Epitom. s. s. *ἐὰν ἐπηγγέλαιο ἡ γυνὴ περὶ χα διδόναι, μὴ εἶπαι δὲ ποσόν, ἢ πρᾶγμα ῥητὴν, ἀρξῆς ἐστὶν ἡ τῆς προκοῆς ἐπαγγελία, ὡς διωαμείης τῆς γυναικὸς εὐελεσά- λον ἢ παραχαῖν. πατὴρ δὲ ἐπαγγελιάμην περὶ χα ὑπὲρ τῆς ιδίας θυγατρὸς, καὶ μὴ ἐπὶ ποσόν, ἐρρωτοῖ ἡ ἐπαγγελία. ὁ γὰρ πατὴρ ἄτω λέγων ὅτι ἐστὶν λέγει δίδωσι περὶ χα, ἀλλ' ὅτι ὑπὲρ αὐτῆς.*

## A L I V D.

Propter incertitudinem, legatarij repelluntur à legato. Ut si duo sunt Titij amici testatoris, & Testator Titio amico suo legavit, legatum est inutile propter incertitudinem quia non constat, de quo Titio Testator senserit *l. 3. de adimend. legat.* Igitur stipulatio quoq; erit inutilis, quando promittitur homo vel fundus, & non constat de quo homine vel fundo promissor senserit. R. Legatarij propter incertitudinem, repelluntur à legato, quia hæc incertitudo neq; à lege neque ab herede explicari potest, & legatarij sibi inuicem obstant. Primum enim si uterq; vindicet legatum, quasi sibi non alteri sit legatum, inuicem sibi obstant, & ideo neuter vindicat. Vnus repellitur propter alterum. Vel si agant in personam & offerant cautionem, defensum iri heredem aduersus alterum, hoc quoq; casu heres utriq; satis facere non potest. Ergo neutri. Et agentes in personam sibi quoq; obstant, idq; facit, ne heres legatum possit explicare. At quando homo promittitur vel fundus simpliciter, promissor incertitudinem illam potest explicare, & vnum hominem, vel vnum ex fundis quos habet, dare.

## A L I V D.

Incertitudo vitiat tutoris dationem *l. duo sunt Titij, de testam. Tutela.* Testator duos habens amicos Titios, Titium tutorem dedit. Hæc datio tutoris non valet, quia non constat, de quo Titio testator senserit. Igitur incertitudo vitiat quoq; stipulationem. R. Magna est differentia inter stipulationem & tutoris dationem. Tutoris datio incerta non valet, quia incertitudo illa à nemine explicari potest. A pupillo non potest explicari, quia pupillus nō habet tutoris optionem. Ab herede similiter non potest explicari, quia sicuti legatum ab herede relinquitur, ita etiam tutor ab herede non datur. Tutoris datio nihil ad heredem pertinet. Heres tutoris dationis, non est Interpres idoneus. At promissor incertitudinem potest explicare & hominem dare vel vnum ex fundis quos habet.

## A L I V D.

Incertitudo vitiat ademptionem legati. Ut si Testator duobus

duobus Titijs legauit fundum Tusculanum, & Titio postea fundum ademit, inutilis est ademptio l. 3. de adimend. legat. Igitur incertitudo quoque vitiat stipulationem. Respon. Incertitudo vitiat ademptionem legati, quia incertitudo illa nullo modo potest explicari sicuti non potest explicari cum Titio leget & duo sunt Titij. Sicuti datio legati ex ea causa nulla est: ita nulla quoque ademptio est. At incertitudo illa cum promissus est homo generaliter vel fundus explicari potest a promissore. Igitur promissio generalis valet.

## A L I V D.

Cum d. l. 3. de adimend. legat. videtur pugnare l. si fuerit, de rebus dubijs. Ibi duobus eiusdem nominis legatum fuit, puta Sempronij, & postea Sempronio legatum est ademptum, Iurisconsultus dicit, in vtriusque persona ademptionem valere. Sed dicendum est in d. l. 3. de adimend. legat. Testatorem legasse duobus Titijs separatim, deinde Titio legatum ademit nec apparet cui, ademptio non valet. In d. l. si fuerit, legauit testator duobus Titijs coniunctim, hoc modo. Titijs lego, vel hoc modo, Titio & Titio lego, & postea Titio ademit, vtrique videtur legatum ademisse. Quos enim testator coniunxit in dando, eos videtur quoque in adimendo coniunxisse. Ea coniectura non vitimur quando duobus Titijs Testator separatim legauit.

## A L I V D.

Incertitudo vitiat sententiam *tot. tit. C. de sentent. qua sine certa quantitate profer.* Igitur vitiat quoque stipulationem. Respon. Hæc esse dissimilia. Sententia incerta non valet, quia omnino est incerta, hominis prouisione & prouisione legis. At incertitudo stipulationis explicari potest a promissore.

## A L I V D.

Qui stipulatur aureos decem, non stipulatur certam quantitatem, aurci enim varij. Igitur certum non stipulatur, qui aureos decem stipulatur. Respon. Qui stipulatur decem aureos, quantitatem etiam stipulatur, non explicitè sed implicitè, per relationem ad aureos, qui minimi ponderis &

valoris sunt. Semper enim in stipulationibus quod minimum est intelligitur, *l. semper in stipulationibus, de R. l.*

## A L I V D.

Qui stipulatur decem amphoras vini boni, certum videtur stipulari, quia stipulatur vinum bonum in infimo gradu bonitatis, *secundum l. semper in stipulationibus, de R. l.* Igitur malè nos hîc dicimus eum qui decem amphoras vini boni stipulatur, incertum stipulari. R. Sicuti supremus gradus malitatis incertus est, ut dixi in argumentis ad propositionem decimam septimam. Ita infimus gradus bonitatis incertus quoque est, & pro vino bono haberi promissor posset vinum bonum non est.

## XIV. Propositio.

Fundi certi si quis vsumfructum stipulatus fuerit, incertum intelligitur in obligationem deduxisse, hoc enim magis iure utimur, quamvis secus sit, si quis stipuletur vsumfructum pecuniæ, tunc enim certa est stipulatio.

## XV.

Sic incertum in stipulationem deductum esse dicimus, quando servitutem realem siue prædialem stipulamur, licet nonnullis aliter videatur.

## XVI.

Incerta quoque est stipulatio hereditatis.

## A R G U M E N T V M I.

Dicimus incertam esse stipulationem cum vsumfructum fundi Tusculani sum stipulatus, & contra stipulationem esse certam, cum stipulatus sum vsumfructum pecuniæ. Contra. Vbi eadem est ratio, ibi idem ius quoque debet statui. Sed quando stipulor vsumfructum fundi Tusculani, & vsumfructum pecuniæ, tunc eadem ratio est. Igitur utrobique idem ius debet statui. R. Nego eandem utrobique esse rationem. Imò ratio est diuersa. Cum vsumfructum pecuniæ sum stipulatus, certa



certa est stipulatio, quia proprietas in stipulationem videtur deducta *l. fin. de usufruct. earum rer. quae usu consumuntur. §. constituitur Inst. de usufruct.* At quando vsumfructum fundi Tusculani sum stipulatus, proprietas in stipulationem non censetur deducta.

## A L I V D.

ICTus in l. tribus heredibus, de usufruct. earum rerum, quae usu consumuntur, docet, Legatum vsumfructus pecuniae, velut certum esse velut improprietatis nota est. Igitur legatum vsumfructus pecuniae, non est certum legatum sed incertum, & sic per consequens stipulatio vsumfructus pecuniae, incerta quoque erit stipulatio. R. Dicitio velut verum ibi exprimit & certum, *sic ut etiam in l. precibus. C. de impub. & aliis substat.*

## A L I V D.

Vsumfructus pecuniae morte usufructuarij, extinguitur. *§. fin. Inst. de usufruct.* & sic incerta est diuturnitas perceptionis, quia incertum est quamdiu usufructuarius sit victurus. Igitur stipulatio vsumfructus pecuniae est incerta. R. Per instantiam hoc modo. Legatum in annos singulos relictum morte legatarij finitur, & tamen certum est legatum *l. si Stichum §. 1. de verbor. obligat.* Igitur ex incerta diuturnitate perceptionis non possumus definire, utrum certum aliquid vel incertum sit.

## A L I V D.

In stipulatione vsumfructus pecuniae nihil continetur nisi vsumfructus, sicuti cum vsumfructum fundi Tusculani stipulor, nihil nisi vsumfructus in stipulatione continetur. Vtraque igitur stipulatio est incerta. R. Falsum est quod dicitur, nihil praeter vsumfructum in stipulatione vsumfructus pecuniae contineri. Nam hoc etiam continetur in hac stipulatione ut proprietas transferatur in usufructuarium quoad ipse viuit, quod non est in stipulatione vsumfructus fundi alicuius.

## A L I V D.

At dices in usufructu pecuniae, non transferatur proprie proprietas, quia usufructuarius praestat cautionem de pecunia restituenda. Et non videtur numi alienati, qui sic dantur ut recipiantur, *l. quae sic soluta*

*solut, de solut.* R. Pecunia propriè transfertur in usufructuari-  
um *d. l. fin. de usufructu earum &c. & §. constituitur, Instit. de usufr.*  
Et quamvis post mortem usufructuarij sit restituenda: tamen  
inde non sequitur non propriè transferri proprietatem. Sic  
in mutuo pecunia est restituenda *l. 2. de rebus credit.* & nihilo-  
minus tamen proprietas in mutuo transfertur. Et quod dici-  
tur non videri nummos alienatos, qui sic dantur vt recipian-  
tur *d. l. qui sic soluit, de solution.* Hoc de illis nummis intelligen-  
dum est, qui ita dati sunt, vt illi ipsi nummi qui dati sunt re-  
cipiantur.

## A L I V D.

Dicimus incertam esse stipulationem, cum stipulati su-  
mus seruitutem realem siue prædialem. Contra. Vna & certa  
est æstimatio seruitutum. Igitur stipulatio seruitutum certa  
est. R. Nego antecedens. Sicuti enim pretia rerum variant,  
locis temporibusque varietatem adferentibus, *l. pretia rerum.*  
*ad l. Falcid.* ita certa non est æstimatio seruitutum, sed serui-  
tutes modò pluris, modò minoris æstimantur. Et earum æsti-  
matio artificibus vt Donellus inquit nota est. Vnde sequitur,  
æstimationem esse incertissimam cum inter artifices magna  
sit differentia *l. inter artifices. de solution.*

## A L I V D.

Appellata hereditate L. Titij, apparet quæ res sit deducta  
in stipulationem, nempe hereditas. Apparet etiam qualis sit  
res, quia patrimonio inspecto constat quibus in rebus con-  
sistat. Denique apparet quanta sit hereditas, quia certum est  
quantum sit in patrimonio defuncti. Igitur stipulatio heredi-  
tatis certa est. R. Hoc non est in consideratione, quod inspec-  
to patrimonio constat, quibus in rebus hereditas consistat,  
sic non est in consideratione quod certum est quantum sit in  
patrimonio defuncti. Quia ex ipsa pronunciatione constare  
debet quid quale & quantum sit. Deinde cum stipulor quod  
ex ancilla nascetur, incerta est stipulatio, & tamen cum par-  
tus editur, constat quid nasci debuerit & per rerum naturam  
iam certum fuit, quid mulier in utero gestauerit. Et quod sti-  
pula-

pulatio hereditatis incerta est, ex eo constat quod Iurisconsultus scribit, incertum venisse, vendita hereditate, *l. nam hoc modo, de hered. vel action. vendit.* Igitur hereditate in stipulationem deducta, incerta est stipulatio. Is quoque qui hereditatem emit similis est ei qui captum piscium emit *d. l. nam hoc modo.* Hic autem spem tantum emit *l. nec emptio, de contrahend. emptione* & spes est incertissima.

## A L I V D.

Stipulatio fundi Tusculani certa est. Ergò certa quoque est stipulatio ususfructus fundi Tusculani, quia ususfructus est pars fundi, & quod iuris est de toto quo ad totum, idem iuris est de parte quoad partem. R. Ususfructus qui servitus est in personam, de quonos hîc loquimur, non est pars fundi, sed ususfructus qui proprietatem fundi comitatur, pars fundi est *l. qui ususfructum, & l. si ita stipulatus fuero, de Verborum obligationibus.*

## XVII. Propositio.

Si quis id, quod ex Arethusa ancilla natum erit, aut fructus, qui in fundo Tusculano nati erunt, dari sibi stipulatus sit, ipsa natura manifestissimum est, incerti esse hanc stipulationem.

## XVIII.

Sed qui vinum aut oleum vel triticum quod in horreo est, stipulatur, certum stipulari intelligitur.

## XIX

Sic qui ita à Titio stipulatur, quod mihi Seius debet, dare spondes, & qui ita stipulatur, quod ex testamento mihi debes, dare spondes, certum in obligationem deduxisse videtur.

## A R G V M E N T V M I.

Dicimus eum qui stipulatur quod ex Arethusa ancilla natum erit, aut fructus qui in fundo nati erunt, incertum stipulari. Contra. In rerum natura omnia sunt certa, cum su-

Qq

tura

tura utiq; fiant *l. sed et si restituatur, §. final. de iudicij.* Igitur in rerum natura certum quoque est quod sint in vtero, & qui fructus in fundo nascentur, & sic per consequens stipulatio certa erit dicenda, non incerta. Respon. Hic non inspicimus rerum naturam sed nostram inscientiam. Fieri potest ut vnus nascatur, fieri quoq; potest ut nascentur quinq; *l. 3. si pars hereditat. petat. l. si pater, de solution.* Sic inspecta nostra inscientia, incerti sunt fructus nascituri. Imò ex sententia Chrysippi & aliorum, quæ futura sunt, per rerum naturam non sunt certa, quia fieri potest ut non eueniant, & hanc sententiam Vlpianus hic probat, dum ad naturam se refert.

## A L I V D.

Partus iam editus aut fructus iam nati petuntur conditione certi, quemadmodum Donellus & alij tradiderunt. Igitur stipulatio quoque partus & stipulatio fructuum, certa est stipulatio. Resp. Nego antecedens, Nec enim partus iam editus aut fructus nati actione certi petuntur. Hoc absurdum est, cum actio alterius naturæ esse non possit, quam sit obligatio, sed obligatio est incerta. Ergò &c. Et sic in specie Papi- nianus tradidit, fructus postea captos, actione incerti ex stipulatu petendos esse *in l. si stipulatu, de usur.*

## A L I V D.

Aduersus solutionem modò datam obstat I. certi conditio, de reb. credit. in qua Vlpianus docet certi conditionem competere ex omni contractu certo & incerto. Igitur nos malè dixim⁹ ex contractu siue obligatione incerta, non dari certi conditionem. R. Vlpianus per contractum certum & incertum intelligit contractum nominatum & innominatum &c.

## A L I V D.

Theophilus in titulo de verbor. obligat. dicit incertam esse stipulationem si quis stipuletur τὸ ἐν τῇ κιβωτῇ, hoc est, quæ sunt in arca vel cista. Igitur qui stipulatur vinum vel oleum quod est in horreo, incertum quoque stipulari videtur. Ref. Theophilus malè loquitur. Nam stipulatio pecuniæ quæ est in arca, certa est stipulatio atq; ita dicendum est, cum certa sit stipulatio, si quis stipuletur vinum vel oleum, quod est in

Apo-

Apotheca, triticum quod est in horreo, vt hîc dicimus. Sic in *l. hæc venditio*, §. *hinc* (modi emptio, de contrah. emptio. dicitur huiusmodi emptio, quanti tu eum emisti, quantum pretium in arca habeo, valet. Nec enim incertum est pretium in tam euidenti venditione, magis enim ignoratur quanti emptus sit, quam in rei veritate incertum est. Et quod notandum est, pecunia quæ est in arca, in emtione & venditione pro quantitate sumitur, aliàs pro specie siue corpore *l. planè*, §. *i. de legat. i. l. si ceros nummos, de legat. i. l. si seruus legatus*, §. *qui quit. q. 2, de legat. i. c. c.*

## A L I V D.

Dicimus ex sententia Iohannis Glossatoris, quæ communiter est recepta, quod certa sit stipulatio, quando stipulor à te quod Seius mihi debet. Contra Bulgarus contrarium sensit, eiusq; sententiam Alciatus & Zasius probarunt, pro quibus facit quod particula (vix) difficultatem significat vt vix certis ex causis, seruis aduersus dominos consistere permissum est *l. vix certis ex causis*, de iudicijs, hoc est, difficulter seruis est permissum vt accusent dominos, & tamen audiuntur. Et vix est vt non videatur alienare qui patitur vsucapi, *l. alienationis*, de verbor. significat. hoc est, alienat qui patitur vsucapi, licet difficile id receptum sit. Et vix receptum est, vt vsuario hospitem recipere liceat, §. *item is qui aditum*, *l. nisi de usu & habitatione*, hoc est, difficile admissum est, vt vsuarius hospitem possit recipere, & tamen id ei licet. Igitur cum Vlpianus dicit, hanc speciem quod Seius mihi debet dare spondes, vix separari posse ab illa, quod in horreo est dare spondes, hoc significat, difficile vnâ speciem ab alia separari, & tamen separandam esse. R Particula (vix) ibi non significat difficultatem, sed negationem quemadmodum ex sequentibus Vlpiani verbis planû fit &c. Sic particula (vix) sumitur in *l. homo liber*, §. *fin. de acquir. rer. domin.* Vix est, vt homo liber possidendo vsucapere possit, hoc est, liber homo, quem bona fide possidemus, vsucapere non potest, quia non possidet, cum possideatur ipse. Sic cum dicitur, Impuberè vix crimine falsi teneri, cum dolus malus in eam ætatem non cadat. *l. impuberem*, ad *l. Corneliam de falsis*, negamus impuberem crimine falsi teneri.

Qq 2

ALIVD.

## A L I V D.

Verisimile non est, quod quis seipsum mox corrigat *l. non ad ea, de condit. & demonstrat.* Igitur Ulpianus seipsum quoque non corrigat. R. Antecedens verum est disponendo, non disputando. In disputando, contrariam sententiam quam non probamus, priori loco solemus ponere.

## A L I V D.

Qui stipulatur iam ante sibi debitum, inutiliter stipulatur, nisi ipse intersit. Interesse autem quod stipulationem sustinet est incertum. Igitur quando quis stipulatur iam ante sibi debitum, stipulatio incerta est. R. Maior propositio falsa est, quod ita ostendo. Debes mihi decem propterea quod corpus meum civile tibi vendidi. Hæc decem à te stipulari possum, & utilis est stipulatio, egoque vel actione venditi, vel actione ex stipulatu decem à te petere possum. Et aliarum obligationum firmandarum causa, stipulationes sunt inuenta. Hæc autem stipulatio non est incerta, sed certa.

## A L I V D.

Debitum ex testamento incertum est, quia testamentum facile euerti potest. Igitur qui stipulatur quod ex testamento sibi debetur, incertum stipulatur. R. per Instantiam. Quod in horreo est, facile potest perire, & tamen qui stipulatur quod in horreo est, certum stipulatur, non incertum. Sic qui stipulatur, quod ex testamento sibi debetur, certum stipulatur, licet testamentum euerti facile possit.

## A L I V D.

Cum stipulor vinum quod est in Apotheca, vel triticum quod est in horreo, non apparet qualitas nec quantitas vini vel tritici. Igitur stipulatio est incerta secundum definitionem nostram. R. Cum dicimus certum esse quod ex ipsa pronuntiatione apparet quid quale & quantum sit, hoc ita intelligi debet, ut appareat vel explicitè vel implicitè. Explicitè hoc apparet cum stipulor 10. amphoras vini Campani optimi. Implicitè, cum stipulor vinum quod est in Apotheca, triticum quod est in horreo. Hic qualitas & quantitas vini & tritici

tici intelliguntur implicite per relationem ad locum, ad illud tantum vinum, quod est in Apotheca & illud triticum quod est in horreo, & eius vini & tritici qualitas & quantitas omnino certa est. Igitur stipulatio quoque certa est.

## A L I V D.

Contrariorum eadem disciplina. Sed cum stipulor vini Campani pessimi amphoras centum, incerta est stipulatio. *Ita Alciatus voluit contra Petrum.* Igitur cum stipulor vini Campani optimi, incerta quoque erit stipulatio. R. Contrariorum eadem est disciplina, si in contrarijs eadem sit ratio, alias secus est. At hic ratio est diuersa. Cum optimum stipulor, non potest promissor nisi optimum dare. Et supremus gradus bonitatis certus est, omnium sanorum iudicio. Cum pessimum stipulor, potest promissor eligere quod velit & pro pessimo illud habere. Supremus gradus malitatis, certus non est. Malitatis dixi, nam hoc verbo utitur Iurisconsultus in l. metum, quod metus causa.

## XX. Propositio.

Qui id, quod in faciendo aut non faciendo constitit, stipulatur, incertum stipulari videtur, in faciendo veluti fossam fodi, domum ædificari, vacuum possessionem tradi: in non faciendo, veluti per te non fieri, quo minus mihi per fundum tuum ire agere liceat, per te non fieri, quo minus mihi hominem Erotem habere liceat.

## XXI.

Qui illud aut illud stipulatur, & sibi electionem constituit adiectis his verbis: utrum ego velim, certum videtur stipulatus. Qui vero sibi electionem non constituit, incertum stipulatur.

## XXII.

Denique qui sortem stipulatur & vsuras quascunque, certum & incertum stipulatus videtur, & tot stipulationes sunt, quot sunt res.

L 1 3

ARGV-

DISPUTATIO IV.  
ARGUMENTVM I.

Dicimus incertum stipulari cum, qui factum stipulatur. Contra. Quod diuiduum est incertum non est. Sed facta sunt diuidua, Igitur non sunt incerta. R. Ad maiorem, quod diuiduum est obligatione scilicet & solutione, incertum non est. Vt si stipulor decem aureos mihi dari, stipulatio, diuidua est obligatione & solutione, & ideò incerta non est. Sic stipulatio fundum Tusculanum tradi est diuidua, obligatione & solutione, & ideò non incerta. Sed quod diuiduum est obligatione, solutione indiuiduum, incertum esse potest. Et huiusmodi sunt facta quæ diuidua dicuntur. Vt cum stipulor fundum mihi tradi, hæc stipulatio diuidua est obligatione non solutione, & ideò si promissor mihi soluat partem fundi, non liberatur. Sic cum stipulor hominem mihi dari, stipulatio obligatione diuidua est non solutione. Et quod obligatione diuiduum est, solutione indiuiduum incertum esse potest.

A L I V D.

Stipulatio vsurarum non valet, non adiecto modo siue quantitate non adiecta, *l. quod in stipulatione, de usuris*. Igitur non valet quoq; stipulatio, quando stipulor vsuras quasq; & sic per consequens hæc stipulatio non debet dici incerta. R. Quod Ictus dicit incertam esse stipulationem cum stipulor vsuras quasq;, hoc ita intelligendum sit, vt incerta sit, modò modus vsurarum siue quantitas vsurarum exprimitur, vt si promittantur vsuræ, trientes, quadrantes, quincunces, semisses, besles, centesimæ. Hoc vult Iurisconsultus cum vsuras quasq; dicit.

A L I V D.

At dices cum stipulor quatuor, quinq; vel sex aureos vsurarum vice, stipulatio non est incerta, sed certa, quia hic apparet quid quale & quantum sit deductum in stipulationem. Igitur malè nos dicimus stipulationem esse incertam. Res. Si stipulor quatuor, quinq; vel sex, in vnum annum, vel in duos vel in tres annos, vsurarum vice, tunc certa erit stipulatio. *argum. l. penult. §. 1. de verbor. obligat.* Ibi stipulatus quidem erat decem,



cem; primo, secundo & tertio anno, & ICtus dicit certam esse stipulationem. At cum stipulor quatuor, quinq;, vel sex vsurarum nomine in singulos annos, tunc stipulatio vsurarum est incerta, sicuti incerta est stipulatio cum stipulor decem in singulos annos, *l. si Stichum, §. 1. de verbor. obligat.* Cum dico in singulos annos, pensionum certus non est finis, & ideo stipulatio est incerta, & sic ICtum exaudire debemus cum dicit stipulationem vsurarum esse incertam. Incerta est quando quatuor, quinq; vel sex sum stipulatus, in annos singulos.



DISPUTATIO EXTRAORDINARIA,  
AD CVIVS SEQVENTES PRO-  
POSITIONES, PRO CONSEQUEN-  
do gradu Doctoris in vtroq; iure, respondit in  
theorica & praxi insignis vir

IOHANNES VVOLEIVS, Gubenensis.

5. Mai, Anno 1581.

*Propositiones ex l. iurispergentium, de pactis. l. si certis annis, C. eod. l. de in rem verso, de vsur. l. 1. C. de fideicommiss. c. peruenit, ext. de censibus.*

I. Propositio.



Si non desunt, qui conventionem, contractum & pactum pro eodem accipiunt: tamen ICti hæc tria accuratè distinguunt.

II.

Ac conuentio ICtis Summum genus est, sub quo omnes contractus omniaq; pacta comprehenduntur.

III.

Contractus est conuentio, quæ vltro citroq; vel ex vno tantum latere obligationem parit.

Pactum

Pactum est conuentio quæ obligationem non producit.

Hinc Iurisconsulti & Imperatores omnia pacta, nuda, itemque conuenta, appellant.

### ARGUMENTVM I.

Dicimus differre inter se conuentionem, contractum & pactum. Contra ita argumentor. Quæ definitionibus conueniunt, illa inter se conueniunt. Sed conuentio, contractus & pactum conueniunt definitionibus. Etenim conuentio est consensus duorum in idem *l. 1. de pact.* Contractus similiter est consensus duorum in idem. Inde omnes contractus, etiam stipulatio quæ stricti iuris, consensum habere dicuntur *d. l. 1. §. penult. ibi nam & stipulatio; de pactis. l. 5. de transaction. l. 3. §. fin. de obligat. & action. l. inter stipulantem. §. 1. & l. continuum. §. 1. de Verborum obligat.* Pactum quoque est consensus duorum in idem *l. 1. de pact. l. 3. de pollicitat.* Igitur hæc tria, conuentio, contractus & pactum nihil differunt. R. Nego minorem: nec enim verum est definitionibus conuenire conuentionem, contractum & pactum. Cum conuentio definitur esse consensus duorum in idem, per consensum, intelligimus talem consensum, qui obligationem producit & actionem, vel si non producit obligationem & actionem, saltem producit, obligationem naturalem & exceptionem. Si conuentio producat obligationem civilem & naturalem, atque ita simul actionem, tunc conuentio dicitur esse contractus. *l. iurisperitum, de pactis.* Si verò producat obligationem naturalem tantum & exceptionem, tunc conuentio dicitur esse pactum. Ita perspicuè traditum est in *d. l. iurisperitum, §. sed cū nulla, de pactis.* his verbis. Sed cum nulla subest causa præter conuentionem, hinc constat non posse constitui obligationem. Igitur nuda pactio, obligationem non parit, sed parit exceptionem. Ecce Iurisconsultus nominat ibi conuentionem, & dicit conuentionem

tionem quæ obligationem non constituit esse passionem. Igitur conuentio pãctio est quando obligationem non producit nec actionem, obligationem inquam naturalem & ciuilem. Nam naturalem obligationem tantum, pãctum producit. *l. 5. de solution.* & propter naturalem obligationem parit exceptionem. Et tantum de conuentione.

Cum contractus dicitur esse consensus duorum in idem, intelligimus talem consensum qui obligationem parit & actionem quod fit in omnibus contractibus nominatis, quales sunt emptio, venditio, locatio, conductio, societas, mandatum, depositum, stipulatio &c. Itemq; in omnibus contractibus innominatis, quales sunt do vt des, do vt facias, facio vt des, & facio vt facias. Hi contractus nomen proprium & ciuile siue legitimum non habent, habent tamen causam, hoc est dationem vel factum. Hoc enim causa significat. Et valdè ineptum est, quod Connanus, Vvesenbecius & alij, per causam intelligunt, *συνάλλαγμα*, cum *συνάλλαγμα* idem sit quod contractus. *l. Labeo, de V. S. l. iurisperitum, de pact.* Aliter itaq; in contractibus consensum intelligimus, cum contractum definimus consensum, longè aliter consensum intelligimus, cum conuentionem dicimus esse consensum. Nunc de pacto. Cum pãctum definimus consensum duorum, per consensum intelligimus, nudum purum solum consensum, ex quo nulla obligatio oritur ciuilis nec actio, sed naturalis obligatio tantum & exceptio. Intelligitur itaq; ex his conuentionem, contractum & pãctum nequaquam definitionibus conuenire.

## A L I V D.

Rursus dices, pãctum, contractum & conuentionem inter se nihil differre, sed contractus & conuentiones pãcta esse, & pãcta dici. Probatur hoc, per l. traditionibus. C. de pãctis. In qua Imperatores rescripserunt, traditionibus & vsucapionibus transferri rerum dominia non nudis pãctis. Nec enim dominia rerum non transferuntur solum nudis pãctis, sed nec conuentionibus nec vllis alijs contractibus. Imperatores igitur cum nuda pãcta nominant, & negant nudis pãctis

R r

domi-

dominia rerum transferri. conventiones omnes, contractus omnes intelligunt, atque ita voluit Hugo Donellus in commentarijs suis, ad titulum, de pact. Respon. Omnes leges C. ex propositis facti speciebus natæ sunt, quemadmodum singulæ leges per se ostendunt, quæ ad priuatos homines sunt scriptæ. Sic Imperatores in d. l. traditionibus, C. de pactis, ad propositam de pactis nudis quæstionem rescripserunt, traditionibus transferri rerum dominia, non nudis pactis, nec inde inferendum est, contractus aut conventiones omnes, pacta ibi dici.

## A L I V D.

Idem verbum sapius & generis & speciei nomen est vt constat ex adoptionis verbo, cognationis & actionis l. 1. de adopt. l. i. Iurisconsultus, §. 1. de gradib. l. pecunia, §. actionis, de V. S. Igitur & pactum generis nomen est, & quandoque pro quacunque conventionem & contractum accipitur, quandoque pro pacto nudo. Respon. Verum est quod sapius vnum idemque nomen & generis & speciei nomen est. At hoc tantum obtinet in illis nominibus, de quibus nominatim legibus hoc traditum est. Vt legibus proditum est, adoptionis cognationis & actionis nomen, generale nomen esse, & nunc generis nunc speciei locum obtinere. At de pactis nusquam id itidem traditum est, & erubescimus sine lege loqui.

## A L I V D.

Prætor in edicto quo pollicetur se pacta conuenta seruaturum, excipit pacta quæ dolo malo & aduersus leges sunt, eaque exceptio pertinet ad contractus, non ad pacta, propterea quod contractus quibus dolo malo aut contra leges aliquid promissum est, reum tenent & actionem pariunt, ideoque prætor aduersus huiusmodi contractus exceptionem pollicetur quam non necesse fuit dari aduersus pacta, quæ ipso iure actionem non pariunt. Inde igitur relinquuntur, contractus, pacta quoque esse, & pacta dici. Res. Hæc Hugonis Donelli collectio tot habet vitia quot penè dixerim verba. Primum falsum est dictam exceptionem ad contractus

**P**ars pertinere. Edictum etenim de pactis est conceptum, ideoque necesse est, exceptionem quoque ad pacta spectare. Deinde falsum est quod contractus quibus contra leges quid promissum est, reum tenent, *l. non dubium, C. de legibus*. Ibi dicitur, nullum pactum, nullam conuentionem, nullum contractum inter eos videri volumus subsecutum, qui contrahunt, lege contrahere prohibente. Tertiò falsum est quod contractus dolo malo factus, hoc enim verbo Prætor vtitur, actionem parit. De contractibus quidem strictis hoc dici potest, *l. si quis cum aliter, de verbor. obligationib. l. penult. C. de inutil. stipulation.* Sed non de contractibus bonæ fidei, qui dolo malo facti, ipso iure nulli sunt, *l. & eleganter, de dolo*. Hinc quarto sequitur falsum esse, prætorem exceptionem dare aduersus contractus dolo malo aut contra leges factos, quia cum huiusmodi contractus nulli sint, exceptione nulla opus est.

## A L I V D.

In l. solent, de præscript. verb. pactio, conuentio appellatur. Et Cornificius in 2. ad Herennium & Cicero in 2. de inuentione, pactum definiunt quod inter aliquos conuenit. Igitur pactum & conuentio sunt idem. Respon. Pactum rectè conuentio appellatur & definitur, quia est species conuentionis. Conuentio generale nomen est, Pactum speciale. Et sicuti omnis homo, animal est, contra verò omne animal non est homo. Ita omnis pactio conuentio est, contra verò omnis conuentio, non rectè pactio dicitur.

## A L I V D.

In l. 2. de pactis, & aliàs sæpiissime, Conuentio, pro pactione sumitur. Igitur pactio & conuentio vnum idemq; sunt. Resp. Verum est quod conuentio sæpè pactionem significat, sed inde non rectè dixerimus, omnem conuentionem, pactum esse, vel conuentionem pactumque, vnum idemq; esse. Nam & de homine tractantes, hominem in diuersis orationis partibus, animal appellare possumus, & tamen inde nemo, nisi Logices planè imperitus dixerit, omne animal, hominem esse,

R r 2

aut

aut animal & hominem, vnum idemque esse, genus sapius ad speciem pro subiecta materia restringitur.

## A L I V D.

Erubescimus sine lege loqui, *S. consideremus, in Authent. de oriente & semisse*. Et qui sine lege loquuntur nimis altè volant sine pennis, ideoq; non mirum est, si veluti Icarus cadant. *Hieronym. Cagnol. in l. frater à fratre, de condition. indebit.* Sed nos sine lege distinguimus inter conuentionem pactum & contractum. Igitur malè facimus. Res. Nego minorem. Nec enim sine lege asserimus hoc, sed hoc quod posuimus probatur *l. i. de pactis. & l. iurisdictionum, eod.* In *l. 2. de pact.* dicitur, conuentionis nomen generale esse. In *l. iurisdictionum, de pact.* diuiditur in pactum & contractum. Ibi enim Iuriconsultus, iurisdictionum conuentiones, vel actionem vel exceptionem parere assermat, & conuentiones iurisdictionum, quæ actionem pariunt ostendit esse contractus, qui vel nomen proprium habent, vel si nomine vacant, habent tamen causam. Conuentiones iurisdictionum quæ exceptionem pariunt, docet esse pacta siue pactiones.

## A L I V D.

Iuriconsultus in *l. Labeo, de V. S.* contractum definit, vitro citroq; obligationem, & eodem prorsus modo Theophilus in *Institutis* contractum describit. Igitur malè nos addimus hæc verba, vel ex vno latere tantum. R. Definitio tradita in *d. l. Labeo, de V. S.* pertinet ad *συναλλάγματα διπλευρα*, hoc est, ad contractus, in quibus ex vtroque latere obligatio oritur. Ad eosdem contractus pertinet definitio tradita à Theophilo. At sunt contractus in quibus obligatio oritur ex altero latere tantum. Vt in mutuo obligatio oritur ex altero tantum latere, itemq; in stipulatione, vt si stipuler à te fundum Tusculanum, tu promittas, tu mihi obligaris, ego versa vice tibi in nullo obligor. Sic si dem tibi togam vt mihi des tunicam, tu mihi obligaris, ego in nullo tibi obligor. Et propter huiusmodi contractus, vt definitio omnibus contractibus conueniret, adicimus hæc verba, vel ex vno latere obligationem parit &c.

## A L I V D.

## A L I V D.

Dicimus obligationes descendere ex contractibus non ex pactis. Sed obstat l. 1. de obligat. & action. Ibi Iurisconsultus docet, obligationes descendere ex contractibus aut maleficijs, aut ex varijs causarum figuris. Ecce textum volentem obligationes descendere non solum ex contractibus sed etiam ex varijs causarum figuris. Et per varias causarum figuras Iurisconsultus procul dubio intelligit pacta. Conuentio omnis vel contractus est vel pactum. Si igitur ex contractibus obligationes non tantum descendunt, necesse est vt descendant ex pactis, quia per varias causarum figuras, maleficia Iurisconsultus non intelligit. R. Contractus nomen interdum generaliter interdum specialiter sumitur. Specialiter contractus nomen pertinet ad illos contractus qui proprium & speciale nomen habent. Et ita sumitur nomen contractus, in tit. de obligation. in Institut. vbi Imperator inquit, Obligationes vel ex contractu sunt vel ex quasi contractu &c. & postea tantum Imperator de ijs contractibus agit, qui nomen proprium habent. Specialiter itaque contractus dicuntur, qui proprio nomine præditi sunt. Et ita specialiter contractus, significat contractus nominatos, in l. 1. de obligation. & action. At generaliter contractus nomen, ad omnes contractus pertinet, siue nomen habeant siue non. Et innominati contractus significantur in d. l. 1. per varias causarum figuras, & obligatio oritur vel ex contractu nominato vel ex varijs causarum figuris, hoc est, ex contractibus innominatis, qui oriuntur ex quamplurimis & varijs causis. Sic in l. Sancimus, C. de SS. Ecclesijs, dicitur, actionem præscriptis verbis, admitti ex multis & varijs iuris articulis. Quod Iurisconsultus dixit, varias causarum figuras, hoc Imperator vocat multos & varios iuris articulos.

## A L I V D.

Dicimus pacta, ideo nuda vocari itemq; conuenta, quod obligationem non producant nec actionem. Sed pacta legitima producant obligationem. Igitur pacta legitima proprie non sunt pacta, nec nuda pacta possunt dici; & male nos asse-

R r 3

rimus

rimus omnia pacta, nuda vocari. Resp. Omnium pactorum ea est natura, ut obligationem, ex qua datur actio non producant, ideoque omnia pacta, etsi legitima sint, nuda pacta, itemque pacta conuenta appellantur habito scilicet respectu ad naturam ipsorum pactorum. Sic pacta legitima, nuda pacta dicuntur in l. etiam, de usur. l. frumenti, C. eod. tit. de usuris, tot tit. de dotis promiss. & nuda pollicitas. ubi pollicitatio proprie potest sumi, itemque pro pacto ut l. 5. C. de contrahend. & committend. stipulation. Quod verò pacta legitima actionem producant, hoc fit vi & potestate legis, l. maior. C. de pignor. in qua dicitur pignoris conventionem, tueri solum pactum vel iurisdictionem. Vel iurisdictionem inquirunt Imperatores, ut ostendant hypothecam non vi sua & quatenus pactum est, sed ex iurisdictione, hoc est, ex edicto prætoris actionem parere. Sic in l. si tibi decem, §. de pignore, de pactis, non dicitur, de pignore, nasci pacto actionem, sed dicitur, de pignore honorario iure nasci pacto actionem. Et Iustinianus inquit, de pignore actionem ex iurisdictione prætoris substantiam capere, §. item Serniana, Institut. de actionib.

## A L I V D.

Malè dicimus omnia pacta, nuda vocari, id constat ex l. legem quam dixisti, C. de pactis, l. 1. C. de pact. conuent. In illis ll. Imperator constituit duplicia pacta. Nuda, ex quibus non datur actio, & alia quæ nuda non sunt, ex quibus actio competit. Verba ita se habent, legem quam dixisti cum dotem pro alumna dares, seruari oportet. Nec obesse tibi potest quod dici solet, ex pacto actionem non nasci, tunc enim hoc iure utimur, cum pactum nudum est &c. Ecce textum expressè volentem non omnia pacta, nuda pacta esse. Nam nudum pactum ibi opponitur pacto quod nudum non est. Sic nudum pactum opponitur pacto quod nudum non est, in l. solent, de præscript. verbis. Respon. Pacta dicuntur nuda, duplici respectu. Primum nuda dicuntur, quia sola conventionè consistunt. Et hoc respectu, omnia pacta, sunt nuda. Deinde nuda dicuntur, quia solo nomine pacti censentur, non simul



mul etiam nomine contractus. Et hoc respectu alia pacta sunt nuda, alia non nuda. Et hæc pacta, quæ non nuda pacta sunt, nihilominus nuda sunt primo respectu, per se considerata quia præter conventionem nihil in se habent, & hac consideratione omnia pacta, nuda sunt, etiam illa, quæ contractibus adijciuntur, *quemadmodum Iurisconsultus ostendit in d. l. iurisgentium, §. igitur nuda, cum seq. de pact.* Postquam enim ibi tradidit, nudam pactionem, obligationem non parere sed exceptionem, subijcit ilico, interdum nudam pactionem ipsam actionem formare, cum in continenti adijcitur. *Cuiacius lib. 11. observation. c. 17. & 14. observation. c. 28.*

## A L I V D.

Nudam orationem appellamus, quæ ornatum & vestitum nullum habet, atque ita nuda oratio, dicitur respectu vestita, Ciceroni & alijs. Igitur pacta nuda, appellantur quoque respectu illorum pactorum quæ vestita sunt. Respon. Quemadmodum in simili Iurisconsultus respondet, hæc dissimilia esse, *l. inter stipulantem, §. sacram, de verborum obligation.*

## A L I V D.

Dolum malum dicimus ad differentiam boni doli. *l. 1. de dolo malo.* Item venenum malum ad differentiam boni veneni. *l. qui venenum, de U. S.* Igitur pactum etiam nudum dicitur ad differentiam pacti vestiti. Respon. Dolum cum dicimus malum, hoc fit per διαστολήν, hoc est, per distinctionem, ut dolum malum à bono, & venenum malum à bono distinguamus. Sed pactum cum dicimus nudum non est διαστολή; sed nudum est perpetuum Epitheton pacti, & nulla sunt pacta vestita.

## A L I V D.

Pactum nudum siue pactum conventum, ipso iure actionem non tollit, ut si debeas mihi decem, & paciscor non petere, hoc pacto, actio non tollitur. *§. pretor debitor, Institus. de exceptionibus.* At pacta legitima ipso iure actionem tol-

tollunt *l. si tibi decem, §. quædam actiones, de pactis*, ibi Iurisc. consultus inquit, quædam actiones per pactum ipso iure tolluntur, ut iniuriarum item furti. Igitur pacta legitima, nuda pacta non sunt. Res. Ad maiorem, pactum nudum, quod lege non iuuatur, actionem non tollit. Ad minorem. Pacta legitima tollunt actionem quia lege iuuantur, *l. legitima, de pactis*, atque ita sunt quatuor termini in Syllogismo. Maior loquitur de pactis nudis quæ lege non iuuantur. Minor de pactis nudis, quæ lege adiuvantur.

## A L I V D.

Pacta nuda, naturalem obligationem pariunt. *l. 5. de solue.* Pacta autem legitima, pariunt civilem obligationem, quia ex obligatione illa oritur actio, & ex naturali obligatione non oritur actio. Igitur pacta legitima, non sunt nuda pacta. R. Nego minorem. Nec enim pacta legitima, civilem obligationem producant, sed naturalem tantum. Sic enim Iurisc. consultus inquit, ex pacto nascitur actio, quoties lege adiuvatur. *l. legitima, de pact.* Ex pacto, hoc est, ex naturali obligatione quæ ex pacto descendit, *d. l. 5. de solution.* Ex illa naturali obligatione datur actio, quia naturalis obligatio lege adiuvatur, & fomentum accipit ut *Dd. loquuntur à lege.* Et cum naturalis obligatio fouetur à lege, tunc actionem parit. *l. 5. de auctor. tutor.*

## A L I V D.

Nudum pactum per aliud pactum ipso iure tollitur. *l. Stichum aut Pamphilum, §. naturalis, de solution.* quia nihil tam naturale est quam vnumquodq; eodem genere vinculorum tolli quo colligatum est, *l. nihil tam naturale, de R. I.* Sed si pactus ne peterem, postea paciscar ut petam, prius pactum non tollitur per posterius ipso iure, *l. si unus, §. pactus ne peteret, de pactis.* Igitur hoc pactum nudum non est. R. Maior vera est quando quid nudo pacto promissum est, & postea aliud pactum fit ne petatur. Hic pactum nudum per aliud pactum ipso iure tollitur. Secus est, quando, pactum fit super negotio ex quo compete-  
bat actio, hoc casu pactum per aliud pactum ipso iure non tollitur,

litur, & tamen nihilominus hoc quoq; casu, pactum, nudum pactum est. Sed hæc infra diligentius explicabuntur in argumentis aduersus 6. propositionem.

## A L I V D.

Dicimus contractum esse conuentionem quæ obligationem parit. Sed constitutum, hypotheca, & omnia pacta legitima sunt conuentiones, pariunt quoq; obligationem. Ergo sunt contractus. R. Cum dicimus contractum esse conuentionem, quæ parit obligationem, intelligimus talem obligationem, ex qua datur actio, hoc est naturalem & ciuilem obligationem. Sed pactio legitima, parit obligationem naturalem scilicet tantum quæ natura sui actionem non producit, sed actio datur legis vi & potestate. Sic enim Iurisconsultus, interdum ex pacto, actio datur, cum lege adiuuatur. *l. legitima, de pactis.*

## A L I V D.

Dicimus pactum esse conuentionem quæ obligationem non producit. Hæc definitio est angustior suo definito. Etenim definitio tantum conuenit pactis iurisgentium, non legitimis pactis quæ obligationem & actionem producant. Igitur definitio est vitiosa. R. Hæc definitio in genere omnibus pactis congruit, iurisgentium & legitimis. Et cum dicimus pactum esse conuentionem quæ obligationem non producit, intelligimus obligationem naturalem & ciuilem. Pacta iurisgentium non producant naturalem & ciuilem obligationem. Pacta quoq; legitima non producant naturalem & ciuilem obligationem. Sed omnia pacta iurisgentium & legitima, producant naturalem duntaxat obligationem, ex qua naturali obligatione datur actio quando pactum lege adiuuatur. Sic enim Iurisconsultus inquit. Interdum ex pacto, hoc est, ex naturali obligatione quam pactum parit, datur actio, quando pactum siue naturalis illa obligatio, lege adiuuatur. *l. legitima, de pactis.*

## A L I V D.

Diximus supra contractus non esse pacta. Contra in l. debitori l. legem C. de pact. l. i. C. de pact. conuent. l. solent, de

prescript. verbis. I. diuisionis placitum, de pactis. Contractus appellantur pacta, vt singularum legum species ostendunt. Ibi enim res aliqua fuit tradita pacto adiecto vt quid fieret, & hoc negotium pactum appellatur, cum tamen contractus sit, propterea quod causam habet, hoc est, traditionem, vel factum. Igitur contractus pacta sunt. Res. Pacta sunt duplicia, quædam solo nomine pacti censentur, & illa non sunt contractus. Quædam censentur pacti & contractus nomine, & illa sunt contractus, de quibus agitur in dd. II. Ibi nominatim id actum fuit, vt pactio fieret. Igitur negotium, ex voluntate conuenientium, pactum est. Ibi etiam causa interuenit, vt quia aliquid traditum vel factum fuit. Hoc alienum est à pacto, & contractuum proprium est. Igitur negotium illud, quod ita gestum est, partim pacti nomine, partim nomine contractus censetur. Nec tamen propterea generaliter definiendum est, contractus esse pacta, vel pactum & contractum inter se nihil differre.

### VI. Propositio.

Nuda igitur pactio actionem non parit. Nam vt Theophilus eleganter inquit, *κατὰ τὴν ἀγωγὴν, ἢ ἐνέχῃ*, hoc est, mater actionum est obligatio.

### ARGVMENTVM I.

Dicitur in hac sexta propositione, nudam pactiõnem, actionem non parere. Huic propositioni multa aduersari videntur. Nuda pactio actionem tollit. *I. si tibi decem, §. i. de pact.* Ibi Iuriconsultus inquit, quædam actiones per pactum ipso iure tolluntur, vt iniuriarum, furti. Igitur nuda pactio, actionem quoq; parit, quia vnumquodq; eodem genere vinculo- rum debet tolli, quo colligatum est. *I. nihil tam naturale, de R. I. R.* Nuda pactio quæ lege adiuuatur, actionem tollit. Sic nuda pactio quæ lege adiuuatur, actionem parit. *Vtrumq; traditum est in l. legitima, de pactis.* Pactio autem quæ fit de furto, itemq; de iniurijs, legitima pactio est. Sic enim scriptum est, etiam de furto pacisci lex promittit. *I. iuri gentiæ, §. si paciscar, de pactis.*

ALIVD.

## A L I V D.

Pacta quæ lege adiuuantur, actionem pariunt. *l. legitima, de pactis.* Sed omnia pacta nuda, lege adiuuantur. Sic enim Prætor inquit, pacta conuenta seruabo. *l. iurifecitum, §. ait Prætor, de pactis.* Igitur omnia pacta nuda, actionem pariunt. Res. Primum ad maiorem, pacta quæ lege adiuuantur, hoc est, quæ lege confirmantur, datis actionibus, illa actionem pariunt. Sed omnia pacta nuda, lege adiuuantur, hoc est, confirmantur lege, ita ut ex ijs detur actio, hoc falsum est. Et cum Prætor dicit pacta seruabo, pollicetur Prætor se pacta seruaturum, datis exceptionibus, non datis actionibus.

## A L I V D.

In *l. si tibi decem, §. de pignore, de pactis*, dicitur, de pignore, nasci pacto actionem. Igitur nuda pactio, actionem parit. Res. Cum nos hic dicimus, nudam pactioem, actionem non parere, loquimur de nuda pactioe, quæ lege non confirmatur. Hæc pactio nuda, actionem non parit. At in *d. l. si tibi decem, §. de pignore, de pactis*, agitur de nuda pactioe pignoris, quæ lege confirmatur. Pactio siue conuentio de pignore, ut res aliqua sit pignori, est legitima pactio siue conuentio, quia confirmatur hæc pactio à Prætoribus & ideo actionem parit. Hinc in *d. l. si tibi decem, §. de pignore*, non absolute siue simpliciter dicitur, nasci de pignore, pacto actionem, sed additur iure honorario. Sic enim Iurisconsultus inquit, de pignore nascitur iure honorario, pacto actio. His verbis, iure honorario significat Iurisconsultus, pactioem nudam de pignore, legitimam esse pactioem, pactioem illam iure honorario siue prætorio confirmari, & ideo ex pacto pignoris, actionem nasci. Sic Iustinianus in *§. item Seruiana, Instit. de action.* inquit, quasi Seruiana actio, quæ etiam hypothecaria vocatur, ex ipsius Prætoris iurisdictione, substantiam capit. Et Imperator in *l. imator, C. de pignorib.* rescriptis pignoris conventionem tueri solum pactum vel iurisdictionem. Vel iurisdictionem inquit Imperatores, ut ostendant hypothecam non vi sua & quatenus pactum est, sed ex iurisdictione, hoc est, ex edicto Prætoris obligationem & actionem parere.

Diximus pactionem de pignore, legitimam pactionem esse, & ideo ex pactione illa, actionem dari. Sed contra ita argumentor. Legitima pactio, ipso iure actionem tollit, *d. l. si tibi decem, §. quadam actiones, de pact. & l. legitima, eod.* Sed pactio quæ fit de pignore, ipso iure actionem non tollit. *d. l. si tibi decem, §. de pignore, h. t.* Ibi dicitur, de pignore, iure honorario nascitur pactio actio, tollitur autem per exceptionem quoties paciscor ne petam. Ecce pactio quæ fit de pignore tollitur per exceptionem, non ipso iure. Inde igitur sequitur, pactionem quæ fit de pignore, legitimam pactionem non esse. Res. Pactio quæ fit de pignore constituendo, ut si conveniat inter me & te, ut res illa tibi esset pignori, legitima pactio est, & de hac pactione supra locuti sumus. At pactio quæ fit de pignore dissolvendo aut remittendo, ut si paciscar ne petam pignus, legitima pactio non est, & de hac pactione Iurisconsultus loquitur cum inquit, tollitur autem per exceptionem quoties paciscor ne petam.

Imò dices, pactio quæ fit de pignore remittendo, ipso iure actionem tollit. *l. maior. C. de pignorib.* ibi ab Imperatoribus est rescriptum, maiorem 25. annis, pignoris conventionem remissam persequi non posse. Igitur legitima pactio est. R. Quod dicitur maiorem non posse persequi pignoris conventionem remissam, hoc ita accipiendum est ut cum effectu non possit persequi, ut *Jacobus Cuiactus tradidit.* Persequenti enim pignus, obstat exceptio *d. l. si tibi decem, &c.*

Ipso iure dicitur fieri, quod fit legis potestate, ut compensatio fit ipso iure. Et ideo si debeo tibi 20. & tu mihi incipis debere 10. iam ipso iure non nisi decem debeo, *l. cum alter alteri, cum l. sequenti, de compensation.* Sed pactum tollit actionem ipso iure. *l. Stichum aut Pamphilum, §. naturalis, de solution.* Ibi dicitur naturalis obligatio, ipso iure iusto pacto tollitur. Igitur pactum, actionem tollit legis potestate, & sic pactum lege adiuvatur, & per consequens actionem parit. R. Hæc verba ipso iure;



iure, non vno modo accipiuntur. Interdum ipso iure dicitur fieri quod fit legis potestate, nullo hominis facto accedente. Interdum ipso iure dicitur fieri, quod fit potestate æquitatis naturalis. Sic pactum ipso iure tollit actionem, hoc est, potestate æquitatis naturalis. Et nihil tam naturale est, quam vnumquodq; eodem genere vinculorum dissolui quo colligatum est. *l. nihil tam naturale, de R. I.*

## A L I V D.

Sed dices, verum non est quod pactum vnum aliud tollit ipso iure. *l. si vnus, §. pactum ne peteres, de pactis.* Ibi dicitur prius pactum per posterius non tollitur ipso iure. R. Cum dicimus pactum ipso iure tollere pactum, loquimur in illo casu, quo nudo pacto, quid promissum est, & postea aliud pactum fit, ne petatur. Hoc casu prius pactum per posterius tollitur ipso iure, hoc est, potestate æquitatis naturalis. Vt promisi tibi centum nudo pacto. Postea inter me & te conuenit, ne tu centum peteres. Hic pactum posterius, tollit prius pactum ipso iure, hoc est, potestate æquitatis naturalis, quæ suadet vt vnumquodq; eodem genere vinculorum tollatur quo colligatum est. *l. nihil tam naturale, de R. I.* At quod dicitur, pactum, non tollere pactum ipso iure, hoc tunc procedit, quando pactum fit ne petatur, quod iure ciuili peti poterat, & postea rursus aliud pactum fit, vt petere liceat. Hic pactum, non tollit pactum ipso iure, sed per exceptionem vel replicationem. Vt debeo tibi 100. ex stipulatione, pactus es mecum ne peteres. Postea rursus pactus es vt tibi petere liceret. Hic posterius pactum, non tollit prius ipso iure, sed per replicationem. *d. l. si vnus, §. pactum ne peteres, de pactis.* Ideo verò hoc posteriori casu, pactum posterius non tollit prius ipso iure, quia Prætor prius pactum seruat, data exceptione. Necessè itaq; est vt posterius pactum tollat prius data replicatione, ita fit vt vnumquodq; eodem genere vinculorum tollatur, quo colligatum est. Prius pactum habet paciscentium conuentionem & seruatur à Præatore data exceptione. Posterius pactum itidem habet paciscentium conuentionem, & seruatur à Præatore, data replicatione, atq; ita vtroq; casu, & priori & posteriori, nihil

fit contra regulam iuris, nihil tam naturale est, quàm vnumquodq; eodem genere vinculorū dissolui, quo colligatum est, sed utroq; casu dicta regula optimè procedit.

## A L I V D.

Exceptio nihil aliud est quàm actionis exclusio. Sed posterius pactum prius tollit, per exceptionem siue replicationem, *d. l. si unus, §. pactum ne peteret, de pactis*. Ergò posterius pactum prius tollit per actionis exclusionem, atq; ita relinquitur ex pacto actionem nasci. R. Posterius pactum tollit prius per exceptionem siue replicationem, quando scilicet prius pactum, factum fuit super eo quod iure ciuili peti poterat. Hoc casu posterius pactum, tollit prius per replicationem. Aliàs pactum non tollitur pacto per exceptionem.

## A L I V D.

At dices si pactus sim tecum, vt fundus tuus mihi esset pignori, & postea rursus tecum paciscar ne sit pignori, posterius pactum non tollit prius ipso iure, sed per exceptionem. *l. si tibi decem, §. de pignore, de pactis*. Ergò falsum est quod superius diximus. R. Ideò hîc pactum posterius tollit prius per exceptionem, quia pactum pignoris, vt fundus tuus mihi sit pignori, est legitimum pactum & lege iuuatur, ex eoq; iure pratorio datur actio. Non potest igitur pactum hoc per aliud tolli ipso iure sed per exceptionem, quia aliàs peccaretur in regulam iuris, vnumquodque eodem genere vinculorum debet tolli, quo colligatum est, *l. nihil tam naturale est, de R. l.* Nihil inquit Iurisconsultus tam naturale est &c.

## A L I V D.

Nuda pactio, parit exceptionem, *tot. tit. de pactis*. Igitur parit quoq; actionem, quia exceptio non competit vbi non præcedit actio. R. Quod dicimus nudam pactioem, exceptionem parere, hoc tunc verum est quando nuda pactio sit super negotio, ex quo competebat actio. Vt si debeam tibi centum ex contractu aliquo, & paciscar tecum ne petas. Hîc nuda pactio, mihi exceptionem parit, & si tu centum postea à me petas, ego te agentem, exceptione pacti conuenti repellere possum, *§. praterea debitor, Institus, de exceptionibus*. Si nudo pacto

conuen-



conueniat inter me & te, vt centum mihi des, ex hoc pacto non nascitur actio, non exceptio.

## A L I V D.

In l. etiam de vsur. Iurisconsultus tradit etiam ex nudo pacto ciuitatibus deberi vsuras creditarum ab eis pecuniarum. Igitur nuda pactio, actionem parit. R. Pactum quo ciuitatibus debentur vsuræ, legitimum pactum est, & ideo ex eo pacto datur actio. Et hoc fauore ciuitatum receptum videtur. Qua verò lege receptum fuerit, non satis constat.

## A L I V D.

Frumenti vel hordei mutuò dati accessio etiam ex nudo pacto præstanda est, l. *frumenti*, C. de vsur. Igitur ex pacto accessio siue vsura debetur. Res. Hoc etiam pactum legitimum est, & lege siue rescripto Alexandri iuuatur. Ideò autem Alexander constituit vt ex nudo pacto præstaretur vsura vini, frumenti, vel olei, quod vini, frumenti, vel olei & omnium rerum mensura constantium, non est perpetuò certum precium, sed æstimatio & precium subinde mutatur, locis temporibusque varietatem adferentibus l. *precia*, §. *ultim.* ad l. *Falcid.* l. *ideo*, de eo quod certo loco.

## A L I V D.

Vsuræ pecuniæ nauticæ debentur ex pacto, l. *in quibusdam*, de nautico fœn. Ergo &c. R. Hoc etiam pactum lege adiuuatur, sed non constat qua lege. Nautica siue traiectitia pecunia est, quæ trans mare vehitur & nauigat periculo creditoris. Et si fortè merces ex ea pecunia comparatæ fuerint, traiectitiarum pecuniarum loco erunt, si modò creditor mercium inde comparatarum periculum in se suscepit, l. 1. de nautico fœnor. Et propter periculum quod creditor in se recipit, hoc illi datum est, vt vsuræ debeantur ipsi ex pacto.

## A L I V D.

Constitutum est pactum, §. de constituta, Institut. de action. Ibi Imperator inquit, de constituta pecunia cum omnibus agitur qui pro se vel pro alijs soluturos se constituerunt nulla stipulatione interposita. Ex constituto autem datur actio, l. *ut. tit.* de constit. pecun. Igitur ex pacto datur actio. R. Constitutum

tum quoq; pactio legitima est, & hoc iuuatur pactum, edicto Prætoris. Sic enim Iustinianus inquit. In personam quoque actiones ex sua iurisdictione propositas habet Prætor, §. *in personam, Institut. de action.*

## A L I V D.

Argentarijs debentur vsuræ ex nudo pacto. *Nonell. 136.* Igitur ex pacto datur actio. R. Hoc etiam pactum est legitimum, quia Iustinianus constituit, vt argentarijs vsuræ præstentur ex nudo pacto διὰ τὸ χρεῖσμον τῶν συναλλαγμάτων, vt Iustinianus loquitur in *Nonell. 4.* hoc est propter vtilitatem ipsorum contractuum, aut vt loquitur in d. *Nonella 136.* διὰ τὸ κοινὸν τῆς αὐτῶν λυσιτελείας, ἢ παρέχοντα τις συναλλάγμασι, πολλοῖς ἐμιλῶντις κινδύνους, ἵνα τὰς ἐπὶ τῶν θροαπύσων χρεῖας, hoc est, propter communem ipsorum vtilitatem, quam in contractibus exhibent, dum multis se periculis exponunt, vt ingruentibus aliorum necessitatibus medeantur.

## A L I V D.

Dos nudo pacto promissa, peti potest *tot. tit. C. de dotis promiss. & nuda pollicitation.* Igitur ex pacto datur actio. R. Hoc pactum est legitimum quia iuuatur Imperatorum constitutionibus, d. *1. C. de dotis promission. & nuda pollicit.*

## A L I V D.

Ex pacto donationis datur actio, l. *si quis argentum, §. ultim. C. de donation.* Igitur ex nudo pacto oritur actio. Ref. Olim donatio non perficiebatur nisi traditione, l. *3. 4. & 9. C. de contrah. emptio.* Hodie perficitur nudo pacto, & hoc pactum est legitimum, hoc est, Iustinianus constituit vt ex pacto donationis daretur actio, atque ita hodie ex nudo pacto donationis actio competit.

## A L I V D.

Transactio est pactum. Ex transactione autem oritur actio, l. *4. 6. & 19. C. de transactio.* Igitur ex pacto oritur actio. R. Transactio fit duobus modis, pacto conuento & acceptilatione. l. *2. de transactio. l. ut responsum. C. eod.* Si pacto conuento fiat transactio, tunc pactum est, & ex huiusmodi transactione  
nulla

nulla oritur actio. Nam si actio, transactionem pacto conuen-  
to factam, non seruet, reus, actorem agentem potest repellere  
exceptione pacti conuenti, *l. cum proponat. C. de transaction. §. pre-*  
*terea debitor, institut. de excep.* Si reus non seruet transactionem  
pacto conuenito factam, actor veteri actione aget, & si reus ipsi  
obijciat exceptionem pacti conuenti, actor, exceptionem re-  
plicatione doli mali submouere potest, *l. sub pretextu. i. l. suo*  
*apud acta C. de transaction.* Si transactio fiat acceptilatione, tunc  
contractus est, non pactum *l. contractus. C. de fide instrumentor.* &  
oritur ex transactione actio. Et de transactione quæ facta fuit  
acceptilatione accipienda est, *d. l. 4. l. 6. & 19. C. de transaction.*

## A L I V D.

Dicimus in sexta propositione, matrem actionum esse obli-  
gationem. Contra ita argumentor. Condictio indebiti, condi-  
ctio causa data, causa non secuta, & condictio sine causa  
sunt actiones. *l. actionum de obligation. & action. §. appellamus, Instit.*  
*de action.* Hæ autem actiones non descendunt ex aliqua obli-  
gatione, non sunt ex contractu nec ex quasi contractu, non ex  
maleficio, nec ex quasi maleficio, sed ex bono & æquo, sicuti  
de condictioe indebiti hoc traditum est, *in l. indebiti. l. hæ con-*  
*dictio, de condictio. indebit.* Et de condictioe causa data, causa  
non secuta, *in l. in summa, §. quod ob rem, de condictio. indebit. l. 3. §.*  
*sed si seruus, de condictio. causa data.* Et de condictioe sine causa  
*l. contra. §. ultim. l. verum, Rerum amotarum, l. si & me, Si certum peti-*  
*tur.* Vt si do tibi togam vt des mihi tunicam, vel si do tibi to-  
gam, vt tu facias aliquid, ex hoc contractu est actio præscriptis  
verbis, vt des vel facias, non tamen est actio vt reddas quod  
accepisti, quoniam id nominatim actum non est, sed est condi-  
ctio ex bono & æquo, siue ex naturali æquitate. Igitur malè  
dicimus, matrem actionum esse obligationem. R. Quod dici-  
mus, matrem actionum, esse obligationem, hoc vt plurimum  
verum, non tamen semper. Quandoq; enim actiones dantur  
ex bono & æquo, siue ex naturali æquitate, vt condictio inde-  
biti, condictio sine causa, & condictio causa data, causa non  
secuta, sunt ex bono & æquo, non ex aliqua obligatione.

T t

ALIVD.

Diximus aliquoties ex pacto non dari actionem, nisi legitimum fuerit. Obstat l. legem quam dixisti, C. de pact. l. debitori, C. cod. l. i. C. de pact. conuent. l. solent, de præscript. verbis. In illis legibus omnibus ex pacto datur actio, & tamen pacta de quibus agitur ibi legitima pacta non sunt. R. Cum dicimus ex pacto actionem non dari nisi legitimum fuerit, loquimur de pacto, quod solo nomine pacti censetur non contractus, hoc est, de pacto, quod pactum tantum est, & non simul contractus. At in ll. in contrarium allatis, agitur de pactis, quæ non censentur solo nomine pacti sed etiam contractus, hoc est, quæ tam contractus sunt quam pacta, vel contractus potius quibus pacta insunt *vt Iacobus Cuiusdam loquitur*. Verbi gratia, trado tibi hereditatem, eo pacto vt creditoribus alijs & mihi satisfacias. Ecce hoc negotium partim contractus est, partim pactum. Contractus est quia hinc causa intercedit, & ego trado, hoc est, facio, vt tu facias, hoc est, mihi satisfacias. Pactum est, quia nominatim tradendo hereditatem pactus sum, vt mihi & alijs satisfaceres. *d. l. debitori. C. de pact.* Sic in l. legem, C. de pactis, negotium gestum est, quod partim contractus est, partim pactum. Ibi enim in dotem fundum tradidi, & certum adieci pactum quod obseruari vellem. Hoc negotium partim pactum est, quia pactum est expressum. Partim contractus quia causa intercessit siue traditio fundi. *d. l. legem quam dixisti, C. de pact. d. l. i. C. de pact. conuent.* Sic in l. solent, de præscript. verbis, indicaui tibi seruum fugitiuum ac pactum feci, vt mihi pro indicatione dares præmium, quod ibi dicitur indicium. Hoc negotium partim pactum est partim contractus. Pactum est quia nominatim pactus sum precium pro indicatione. Contractus est quia indicaui tibi seruum fugitiuum, hoc est, feci, quod alienum est à pacto, quod causam, hoc est, dationem vel factum non habet. Sic si pactus sum tecum res diuidere, & pactum hoc traditione effectum sumpsit, negotium hoc partim pactum est partim contractus. Pactum est, quia pactio nominatim facta est. Contractus est quia pactio est impletâ traditione, & traditione pactum sumpsit effectum vt Ictus loquitur. Et ob id, hæc

hoc negotium, partim contractus est, partim pactum *l. dimissio-  
nis placitum, de pactis*, ibi Ictus hoc negotium vocat pactum non  
nudum, *ut & in d. l. legem, C. de pactis, d. l. i. C. de pact. convent. d. l. solent.  
de prescript. verb.*

## VII. Propositio.

Ob hanc causam, qui certis annis, quod nudo pacto  
conuenerat, soluit, ad præstandum imposterum indebi-  
tum cogi non potest.

## A R G V M E N T V M I.

In hac septima propositione dicimus quod qui certis an-  
nis nudo pacto promissum soluit, ad præstandum in posterum  
indebitum cogi non potest. Huic sententiæ multa videtur ad-  
uersari: Primum I cum de in rem verso, de vsuris, quæ refer-  
tur in propositione 15. Ibi dicitur, ideò soluendas vsuras esse  
quod dominus vel pater eas longo tempore præstiterint. Igi-  
tur diuturna præstatio hoc facit, ut qui certis annis indebi-  
tum soluit, in posterum quoque id ipsum præstare teneatur.  
R. Propositio nostra 15. siue I. cum de in rem verso, de vsur. lo-  
quitur in illo casu, quo incertum est vtrum id quod præstitum  
est, ex pacto an verò ex stipulatione sit præstitum. Hoc casu  
diuturna præstatio, non inducit obligationem, facit tamen  
præsumptionem aliquam obligationis, cui statur donec con-  
trarium probatum fuerit. At hæc septima nostra propositio  
loquitur de eo, quod ex pacto solutum est certis annis. Huius-  
modi solutio, nullam inducit præsumptionem obligationis,  
quia certum est, ex pacto solutionem esse factam. Et ob id,  
qui certis annis aliquid soluit ex pacto, imposterum ad sol-  
uendum cogi non potest.

## A L I V D.

In l. litibus, C. de agricol. & censit. lib. 11. dicitur quod co-  
loni, qui diu soluerunt pensiones siue redditus, imposterum  
quoque pensiones siue redditus soluere teneantur, nec audian-  
tur si se in libertatem vindicare, & propriorum bonorum pos-  
sessores contendere, & colonos non esse, dicere velint. Igitur  
diuturna præstatio, inducit obligationem. R. Eodem modo,

T t 2

quo

quo ad legem cum de in rem verso, de usuris, In l. enim litibus, C. de agricol. & Censit. lib. 11. fuit incertum, utrum illi qui pensiones siue redditus soluissent, essent Coloni an non. Illi qui soluerant diu redditum siue pensionem, negabant se Colonos esse, negabant se tanquam Colonos pensionem siue redditum soluisse. Contra, qui pensionem siue redditum perceperat, soluentes, esse suos Colonos, & pensionem siue redditum illos debere tanquam Colonos affirmabat. Et in d. l. litibus. C. de agricol. & censit. ab Imperatoribus disponitur, diuturnam præstationem in dubio, pro possessore, pro eo qui redditus siue pensiones percepit facere. Diuturna itaque præstatio, in dubio præsumptionem obligationis facit, obligationem non inducit. At nos in septima propositione non loquimur de casu dubio sed certo, de illo scilicet qui soluit aliquid aliquot annis ex nudo pacto. Hic diuturna præstatio, non inducit obligationem, non inducit quoque præsumptionem obligationis quia certum est solutum fuisse ex pacto.

## A L I V D.

In l. aduersus, C. de usuris, ab Imperatoribus est rescriptum, quod is qui per certos annos minores usuras soluit, cum maiores soluere debuisset, non teneatur ad maiores usuras præstandas, atque ita diuturna præstatio, inducit liberationem. Igitur diuturna præstatio inducit quoque obligationem & ut regula iuris habet, quibuscunque modis obligamur, iisdem in contrarium actis liberamur. R. Diuturna præstatio atque ita pactum nudum liberationem inducit, ut si debeam tibi soluere usuras semisses, & per aliquot annos solui quincunces, diuturna præstatio inducit liberationem, & ego non nisi quincunces in posterum soluere teneor. Tacite enim tecum pactus videor ne maiores usuras peteres d. l. aduersus C. de usuris. Diuturna præstatio autem siue tacitum pactum, non inducit obligationem, ut si debeam tibi usuras quincunces, & soluam per aliquot annos semisses, diuturna præstatio non inducit obligationem, nec ego in posterum semisses præstare teneor. Ratio est, quia faciliores sumus ad liberandum quam ad obligandum. l. Arrianus, de obligation. & action. Hinc inutilis acce-

acceptilatio, vtile habet pactum, *l. an inutilis, de acceptilation. l. si unus, §. penult. de pact.* Inutilis stipulatio, vtile pactum non habet *l. §. 1. de Verborum obligationibus.*

## A L I V D.

Aduersus datam solutionem obijci potest l. cum notissimi §. penult. C. de præscriptione 30. vel 40. annor. Ibi Iustin. Imperator inquit, quod in promissionibus, legatis vel alijs obligationibus quæ dationem per singulos annos vel menses continent, tempora præscriptionum non ab exordio obligationis, sed ab initio cuiusque anni vel mensis, computari debeant. Igitur qui aliquandiu minores vsuras soluit, nihilominus postea maiores vsuras, quæ promissæ sunt soluere tenetur. R. d. l. cum notissimi. C. de præscript. 30. vel 40. annor. loquitur de annuis præstationibus. Qui annuatim sex percipere debet, si per aliquot annos quinque tantum accipiat, sex postea petere non prohibetur. Imò si per 30. vel plures annos quinque acceperit postea nihilominus sex petere potest præscriptione non obstante. In annuis namque præstationibus, præscriptio locum non habet. *d. l. cum notissimi. Et hæc fuit sententia Ultramontanorum, Grauetta de antiquitat. tempor. 4. part. quam Camera Imperialis probauit, Mysing. centur. 3. obseruat. 13. Andr. Gail. lib. 2. practicar. obseruation. obseruat. 73. reiecta sententia Citramontanorum quam defendit Schurff consil. 10. cent. 1. Et sequuntur Lipsenses & VVittebergenses ut ex constitutione Augusti part. 2. constitur. 2. & 3. videre licet.* Aliud dicimus in contractibus vsurarijs *d. l. aduersus, C. de vsuris, & l. qui semisses, de vsuris.*

## A L I V D.

In l. 4. C. de non numerata pecun. dicitur, quod is qui partem debiti soluit, non habeat exceptionem non numeratæ pecuniæ. Igitur præstatio partis obligationem inducit. R. In d. l. 4. is qui partem debiti soluerat, cautionem siue chirographum emiserat, quo profitebatur se pecuniam debere. Aduersus hanc cautionem siue Chirographum, qui soluit, non habet exceptionem non numeratæ pecuniæ, quia soluendo partem debiti, cautionem siue Chirographum agnouit, atque ita præstatio partis obligationem quæ fuit confirmat & cor-

roborat extincta exceptione non numerata pecuniâ quam Græci ἀναρχυίας exceptionem appellant. *Hoc proponitur in d. l. 4. C. de non numerat. pecunia.* Ibi igitur obligatio fuit literarum, aduersus quam competeat exceptio non numerata pecuniâ. Hanc exceptionem extinguit partis præstatio. In propositione nostra 7. qui soluit ex nudo pacto, obligatus non fuit, & ideo præstatio quæ facta est, in futurum, obligationem non constituit.

## A L I V D.

In l. 2. C. ad SCtum Macedon. dicitur, quod qui debitum agnuit, hoc est, partem aliquam soluit, non possit vti exceptione SCti Macedoniani. Igitur præstatio partis, inducit obligationem. Ref. Eodem modo quo ad l. 4. C. de non numerat. pecun. In d. l. 2. qui soluit partem, debuit, & fuit obligatus, verum habuit exceptionem SCti Macedoniani. Hac exceptione, parte soluta, vti non potest. Et solutio partis confirmat obligationem quæ fuit extincta exceptione SCti Macedoniani, quod etiam traditur in l. item si filius familias §. final. ad SCtum Macedon. vbi dicitur, si pater familias factus soluerit partem debiti, cessabit SCtum, nec solutum repetere potest.

## A L I V D.

Dicimus in septima propositione, indebitum esse quod ex pacto solutum fuit. Contra ita argumentor. Indebitum non dicitur quod aliquo modo debitum est *tot. tit. de condict. indebit.* Sed nudo pacto pronissum, naturaliter debitum est *l. 5. de solution.* Igitur non potest dici indebitum. R. Indebitum aliquid dici potest diuersis respectibus. Interdum indebitum dicitur, quod nullo modo, neq; naturaliter neq; ciuilitè debitum est. Et ita indebitum accipitur in tit. de condition. indebiti. Interdum indebitum appellatur, quod ciuilitè indebitum est, licet naturaliter sit debitum. Et ita quod ex pacto deberetur, indebitum dicitur, quia ciuilitè non debetur, non potest peti, nulla ex debito ex pacto competit actio. Naturaliter tamen debitum est, *d. l. 5. de solutionib.*

## A L I V D.

In traditionibus rerum, quodcumq; pactum sit, id valere

ma-



manifestissimum est, *l. in traditionibus, de pactis*. Igitur si quis soluat quinque; ex pacto & paciscatur se annuatim quinque; soluturum, pactum illud valebit & ex pacto tenebitur. R. Lex in traditionibus rectè intelligenda est. Pacta ut antè diximus sunt duplicia. Alia sunt quæ solo nomine pacti censentur non etiam contractus. Alia quæ censentur nomine pacti & contractus simul, hoc est, quæ & pacta sunt & contractus. Hinc Iurisconsultus pactum scribit proficere ad nouum contractum, *l. si unus, §. idem dicimus, de pact.* Pactum autem quod nomine pacti & contractus censetur, est pactum diuisionis quod traditione sumpsit effectum vel stipulatione, *l. diuisione, de pactis*. Diuisionis inquit Iurisconsultus placitum nisi traditione vel stipulatione effectum sumat, ad actionem ut pactum nudum nulli prodesse poterit. Diuisionis placitum, hoc est, pactum quod traditione non sumit effectum vel stipulatione, nudum pactum est. Ergo diuisionis placitum siue pactum quod traditione vel stipulatione effectum, non est nudum pactum, hoc est, tale pactum quod censeatur solo nomine pacti, sed censetur pacti & contractus nomine. Sic pactum quod nomine pacti & contractus censetur, est pactum permutationis quod traditione vel stipulatione sumpsit effectum, *l. 3. C. de rer. permutation.* Ex placito inquit Imperator permutationis, re non secuta, constat actionem non competere. Ex placito, hoc est, ex pacto permutationis non competit actio, re non secuta, quia est nudum pactum. Ergo ex pacto permutationis, re secuta competit actio, quia est pactum non nudum, hoc est, tale, quod censeatur solo nomine pacti, sed censetur nomine pacti & contractus. Sic pactum dotis quod traditione vel stipulatione sumpsit effectum est pactum quod non censetur solo nomine pacti sed etiam contractus, *l. legem, C. de pact.* Sic in lege Debitori, C. de pact. pactum traditione hereditatis sumpsit effectum, & ideo non est nudum pactum, hoc est, non censetur solo nomine pacti sed & contractus. Et generaliter in traditionibus rerum quodcumque pactum sit, id valere manifestissimum est, *l. in traditionibus, de pact.* hoc est, pacta quæ traditionibus rerum adiunguntur non censentur nuda pacta, non cen-

scia-

sentur solo nomine pacti sed & contractus. Et ideo pacta illa sunt seruanda, & ex ijs datur actio. *Hæc est sententia l. in traditionibus, de pactis.* Ex qua intelligimus, malè inde inferri, quod ex pacto teneatur qui pactus est se quinq; soluturum, cum solueret quinq; ex pacto. Hic enim qui soluit, non vult actionem sibi adquirere, sed ex pacto vult obligari, quod nihil habet commune cum l. in traditionibus.

## A L I V D.

Qui certo animi iudicio aliquid facit, eo ipso quod facit obligatur. *l. si mulier C. ad Senatusconsultum Velleian.* Ibi mulier perfectæ ætatis quæ fideiusserat, post biennium dedit pignus, & ab Imperatore est rescriptum, mulierem obligari, nec habere exceptionem Senatusconsulti Velleiani, quia inquit Imperator intra biennium sæpius mulier hoc cogitare & euitare potuit. At qui certis annis, ex nudo pacto aliquid soluit, certo animi iudicio soluit, & sæpius cogitare potuit se non debere & potuit euitare solutionem. Igitur cum hoc non fecerit, sed certis annis soluerit, obligatur quoq; in futurum ad soluendum. R. Maior propositio loquitur in illo casu, quo faciens aliquid certo animi iudicio, iam ante obligabatur, sed habebat exceptionem qua se iuuare poterat. Vt mulier quæ intercessit pro aliquo, iure ciuili obligatur, sed exceptionem habet Senatusconsulti Velleiani *l. qui exceptionem, de condition. indebit.* Et quod dicitur in Senatusconsulto Velleiano, petitionem & actionem in mulieres non dari quæ intercesserunt. *l. 2. ad Senatusconsultum Velleianum,* hoc ita accipiendum vt cum effectu petitio & actio in mulieres non detur. Ipso enim iure petitio & actio est aduersus mulieres, sed petitio & actio huiusmodi tollitur per exceptionem Senatusconsulti Velleiani. Cæterum si mulier quæ intercessit, post intercessionem intra biennium pignus dederit quia certo animi iudicio id fecit, & intra biennium sæpius cogitare potuit se habere exceptionem Senatusconsulti Velleiani, non potest mulier postea exceptione Senatusconsulti Velleiani uti. Maior itaq; propositio loquitur de eo qui iure ciuili obligatus erat, sed habebat exceptionem. Hic si certo animi iudicio aliquid faciat, obligatur

gatur & exceptionem quam habebat, amittit. At qui certis annis ex nudo pacto aliquid soluit, non fuit obligatus. Igitur soluendo, obligationem non constituit quæ non fuit, nec in futurum ad soluendum obstringitur.

## A L I V D.

Pactum geminatum actionem producit *l. i. de constitut. pecunia*. Ibi nudo pacto debitum, si constituatur nudo pacto, peti potest. At cum soluitur certis annis ex nudo pacto, geminari pactum videtur. Igitur ex huiusmodi geminatione pacti, quis in futurum obstringitur. R. Primum ad maiorem. Maior falsa est. Et pactum geminatum, actionem non producit. Et in *l. i. de constitut. pecunia*, nudo pacto promissum, si constituatur, debetur & peti potest, non propter geminationem pacti, sed quia constitutum est legitima pactio, quæ lege adiuuatur, & ob id actionem parit. *l. legitima de pactis*. Secundò respondeo ad minorem. Minor quoque falsa est. Nec enim cum certis annis aliquid soluitur ex nudo pacto, pactum geminatur, solutio reiteratur, pactum non reiteratur.

## A L I V D.

Pactio quæ rei interuentu confirmatur, valet. *l. legem, C. de pact.* At quando certis annis ex pacto aliquid soluitur, pactum rei interuentu confirmatur. Igitur pactio valet, & peti potest quod pacto promissum est. R. Maior loquitur in illo casu, quo pactum contractui, dictioni scilicet dotis adiicitur. Sic enim Imperator inquit, Legem quam dixisti, cum dotem pro alumna dares, seruari oportet. Legem Imperator pactionē appellat, & lex siue pactio, quæ dotis dationi adiicitur, est seruanda. Hoc est quod Interpretes voluit cum dicunt, pactionem quæ rei interuentu confirmatur, valere. Nunc ad minorem. Minor falsa est. Nam cum certis annis aliquid ex pacto soluitur, pactum rei interuentu non confirmatur. Et ideo qui soluit certis annis ex pacto, in futurum soluere non tenetur, & habet hinc locum illud Plauti: Quod dedi, datum nollem, quod reliquum est non dabo.

## A L I V D.

Qui soluit tribus proximis annis, præsumitur quoque superio-

terioribus annis soluisse *l. quicquid, C. de Apochis publicis lib. 10.* Igitur qui soluit tribus proximis annis, præsumitur quoq; solvere debere annis futuris. R. Antecedens loquitur in illo casu quo quis obligatus fuit, exq; obligatione soluit tribus proximis annis. Hoc casu præsumitur qui soluit, etiam præcedentibus annis soluisse. Inde sequitur consequentiam quoq; intelligendam esse de illo qui soluit ex obligatione aliqua tribus proximis annis. Hic quoq; in futurum solvere tenetur. At nos loquimur de eo, qui soluit ex pacto nudo, qui non soluit ex aliqua obligatione. Hic quamvis certis annis soluerit, tamen in futurum solvere non tenetur, quia constat illum indebitum soluisse, soluisse ex pacto.

## VIII. Propositio.

Et hoc verum est, non tantum si tribus, verum etiam si pluribus annis & quidem longo tempore soluisset.

## IX.

Nec refert sciens an ignorans indebitum soluerit.

## X.

Et quamvis qui sciens indebitum soluit, donare videtur.

## XI.

Spontaneæ tamen huiusmodi præstationes, nullam in futurum obligationem constituunt.

## ARGUMENTVM I.

Dicimus in nona propositione nihil interesse sciens quis an ignorans indebitum soluerit. Contra ita argumentor. Plurimum interest inter eum qui sciens, & eum qui ignorans indebitum soluit. Nam qui sciens indebitum soluit, non potest repetere. At qui ignorans soluit, repetitionem habet. *l. i. C. de cond. et to. indebiti. l. cum quis, C. de turis & facti ignorantia.* Igitur male nos dicimus nihil referre utrum sciens an ignorans quis indebitum soluerit. R. Cum dicimus hic nihil interesse sciens an ignorans indebitum solutum fuerit, respicimus ad obligationem inducendam. Et qui ex pacto nudo certis annis quid soluit,

soluit, siue sciens se non teneri ex pacto soluit, siue soluit ignorans, existimans se ex pacto teneri, non obligatur in futurum. At quando de indebito soluto repetendo tractatur, tunc omnino distinguendum est inter scientem & ignorantem *d. l. 1. C. de condit. indebiti. l. si cum quis, C. de iuris & facti ignorantia*. Indebitum tamen ex pacto solutum, repeti non potest, quia naturaliter debitum fuit *l. 5. de solution. & naturalis obligatio, indebiti repetitionem impedit*.

## A L I V D.

Hodie ex pacto donationis datur actio *l. si quis argentum, §. ultim. C. de donation*. At qui paciscenti promittit se annuatim aliquid soluturum, facit pactum donandi. Igitur ex huiusmodi pacto, in illum qui promisit actio dabitur. R. Nego minorem. Nec enim qui paciscenti promittit se annuatim aliquid soluturum, facit pactum donandi, nisi id nominatim exprimatur. Et in dubio donationem non præsumimus *gloss & Bartolus in l. que dotu, solut. matrimonio*. Et hoc in tantum verum est, ut potius rem à lege prohibitam quam donationem præsumamus. *Bald. in l. ultim. C. de dotis promiss.* Et stultitiam potius quam donationem *Baldus in l. generaliter, col. 2. in 4. oppos. C. de non numerat. pecun.* Denique, nunquam capi debet præsumptio donationis, si præsumptio aut coniectura alterius rei capi possit. *l. si cum aurum, & ibi Bartol. de solution. etiam si illa coniectura levis sit. Bald. in l. ultim. C. de dotis promissione.*

## XII. Propositio.

Ideoq; rectè decretum est, eum qui per errorem censum aliquem diu soluit ostenso & probato errore eundem in posterum præstare non compelli.

## XIII.

Aliaratio esteius, quod ex contractu præstandum venit.

## XIV.

Etenim qui stipulanti promissit, certis annis se aliquid soluturum, si non soluat, ex stipulatu actione, ad soluendum cogi potest.

## XV.

Et cum incertum est, vtrum ex contractu an verò ex pacto, quod aliquot annis præstitum est, debeatur, propter diuturnam præstationem ex contractu id deberi præsumimus. Sic enim cum de in rem verso cum herede patris vel domini ageretur, & vsurarum quæstio moueretur, Imperator Antoninus ideò soluendas vsuras iudicauit, quod eas ipse dominus vel pater longo tempore præstitisset.

## XVI.

Deniq; alimentis legatis, si dubitetur ad certos annos an perpetuò sint legata, in perpetuum ea legata dicimus, si per triennium soluta fuerint.

## XVII.

Quod ad alias nonnullas fauorabiles causas pertrahi posse, Bartolus Alexander & alij censuerunt, & nos non improbamus.

## ARGVMENTVM I.

Obstat l. creditor, C. de vsuris. Ibi aliquando vsuræ præstitæ fuerunt ex consensu: & tamen ex præstatione illa non præsumitur vsuras deberi. R. Ibi ex consensu vsuræ fuerunt præstitæ, hoc est, ex nudo pacto, ideoq; impofterum non debentur nisi doceatur per stipulationem vsuras fuisse promissas. Sic in l. operis, de operis libertor. Libertus operas quas non promiserat aliquamdiu præstiterat, & propterea non obligatur in futurum ad præstandas operas.

## A L I V D.

Diuturna cessatio, non inducit præsumptionem liberationis l. libertis, de alimentis & cib. legat. Igitur diuturna præstatio, non inducit quoq; præsumptionem obligationis. R. Hæc dissimilia esse. Diuturna cessatio non inducit præsumptionem liberationis quia de debito constat, & non est verisimile quod quis debitum remiserit, & suum iactauerit. l. cum de in-

debito

*debito, de probation.* At diuturna præstatio inducit præsumptionem obligationis quia de debito non constat, & cum non sit verisimile aliquem suum iactare & soluere quod non debebat, Ideò in dubio, ex diuturna præstatione ducimus præsumptionem obligationis.

Sed quid fiet si à solutione cessatum fuerit per 30. annos? Hoc casu putarem distinguendum esse inter annuas præstationes, quibus non præscribitur vt supra dictum est. Et inter alias res, quæ in annuas præstationes non cadunt. Et propter diuturnam cessationem quis liberabitur. Nec obstat l. comperit, C. de præscript. 30. annor. Quia ibi lex vsucapioni resistit. Agitur enim de Canone qui Reipublicæ præstari debebat. Canon ille non præscribitur etsi per 30. vel 40. annos solutus non fuerit.

## A L I V D.

Maior ratio est alimentorum quam dotis & aliarum causarum fauorabilium. Igitur quod de alimentis dicitur, ad alias causas non est trahendum. R. In fauorabilibus extendendis procliuius sumus, licet non ubiq; sit eadem ratio, atq; ita communiter Dd. consentiunt.



## DISPVATIO,

Ad cuius sequentes propositiones, pro consequendo gradu Doctoris, in Pontificio & Ciuili iure respondit

HENRICVS GRVNVELDT

16. Octobri Anno 1581.

*Propositiones ex l. item Mela scribis §. legis autem Aquilia actio, ad l. Aquil. l. hereditas, de R. I. l. pactum quod dotali, C. de pact. l. si quando, §. illud etiam C. de inofficio. testamento. l. stipulatio hoc modo concepta, de verbor. oblig. l. 3. C. de collatio. &c. c. quamuis, de pactis. in 6.*

V v 3

Pro-

## I. Propositio.

**H**ereditas ab hero, hoc est, domino nomen habet. Veteres enim heredes, pro dominis accipiebant. Inde in  $\infty$ . Florentinis heres & hereditas perpetuò sine diptongo scribuntur, quod rectum esse putamus.

## I I.

Hereditas autem nihil aliud est, quàm successio in vniuersum ius quod defunctus habuit.

## I I I.

Per successionem ius succedendi intelligimus. Hereditas enim iuris nomen est, & sine vilo corpore iuris intellectum habet.

## I V.

Ex quo apparet hereditatem plurimum differre à rebus ipsis hereditarijs, eamq; non satis commodè defini-ri pecuniam, quæ morte alicuius ad aliquem peruenit, vt Oratorum principi Ciceroni in Topicis visum est.

## V.

Et ridiculus est Seneca lib. 6. de beneficijs c. 5. dum ICtos his verbis ridet: Istæ ICTorum acutæ nugæ sunt, qui hereditatem negant vsucapi, sed ea quæ in hereditate sunt, tanquam quidquam aliud sit hereditas, quàm ea, quæ sunt in hereditate.

## A R G V M E N T V M I.

Dicimus heredem ab hero nomen habere. Contra prima syllaba in herede producitur, in hero corripitur. Igitur heres non est ab hero. R. Ita argumentatur Pardulphus Præteius Augusto: in lexico suo. Et quamuis prima in hero corripitur: tamen inde non rectè infertur, heredem ab hero non dici. Nam & liçtor à ligando nomen habet, & tamen prima syllaba in liçtore producitur, in ligo corripitur. Sic leçtor à legendo, quamuis prima syllaba in verbo lego corripitur. *Gellius lib. 12. c. 9.* Et Iurisconsultus in l. item *Mela*, scribit,



bit, herum esse dominum. Et Iustinianus inquit, veteres heredes pro dominis accipiebant. Sic apud Plautum, heres dominum significat. Abstuli hanc cuius heres nunquam erit post hunc diem. Sic Triphon. *in l. hereditate, §. pater, de castrensi peculio*. Si pater ut heres, viuo filio, vindictam seruo Castrensi imposuit. Calsiodorus *in psal. 2. 15. & 77.* hereditatem ab herode deducit quod Iurisconsulti sequuntur, & probat Cuiacius *in Institut. & lib. 5. obseruat. c. 10* Hottomann. hereditatem deducit ab Era quod terram significat. Hinc heredum apud Varonem agellus qui heredem sequebatur. Alij deducunt ab erisco, quod diuido significat: Isidorus *lib. 9. Etymolog. c. 5. ab ere*.

Et quia heres, ut dictum est, dominum significat. Inde liberi qui in potestate parentum sunt, sui dicuntur heredes, quia viuo patre quodammodo domini sunt, ut Iustinianus loquitur *in Institut. l. 2. de hered. qual. & differentia*.

Aufonius.

*Iusta quidem series patri succedere verum  
Esse simul dominos, gratior ordo piis.*

Hinc non dicuntur sui, hereditatem adire, sed heredes existere, habent ius *ἀναφάρσις* ut Theophilus inquit.

#### A L I V D.

Dicimus per successionem, ius succedendi intelligi, & hereditatem iuris nomen esse. Contra. Alciatus hereditatem refert ad bona & iura per defunctum relicta, & omnia defuncti bona & iura, simul iuncta, vniuersitate quadam comprehensa. dicit constituere hereditatem. Rationes eius hæ sunt. Secundum Grammaticos dictiones verbales, rem ipsam significant. Sed hereditas hic definitur successio. Igitur per successionem non significatur ius succedendi, sed omnes res, omnia iura quæ defunctus habuit. R. Hæc est communis Dd. sententia, quod per successionem, ius succedendi intelligatur, & quod hereditas sit iuris nomen &c. Eaquæ vera est. Nam quod hereditas sit ius succedendi, traditum est *in l. bonorum appellatio 208. de V. S.* Ibi Ictus inquit, bonorum appellatio, sicut hereditatis, ius successionis demonstrat. Et *in l. hereditatis appellatio 119. de V. S.* docet Ictus heredes

hereditatem iuris nomen esse. Et in *l. hereditas, de petition. hered.* dicitur quod hereditas, sine vilo corpore, iuris intellectum habet. Hinc hereditas dicitur res incorporalis. *l. i. de rer. divis. & in tit. de rebus corporal. & incorporal. in Institut.* His præmissis respondeo ad argumentum obiectum hoc modo. Dictiones verbales significant, res ipsas. Hoc, quicquid Grammatici dicant, secundum Ictos, verum non est, quemadmodum nomen hereditatis ostendit, quod est successio, id est ius succedendi tale, quod sine vilo corpore, sine vlla re subsistit, vt supra diximus. Sic possessio, dictio verbalis est, & tamen cum bonorum possessionem dicimus, ius magis intelligimus quam corpus *l. 3. de bonor. possess.* & bonorum appellatio, ius successione demonstrat. *d. l. bonorum appellatio, de V. S.*

Secundum argumentum Alciati tale est. Heres, significat dominum. Ergo hereditas significat dominium ipsarum rerum. R. Hoc argumentum nihil concludit. Etsi enim heres, dominum significat, & hereditas significat dominium ipsarum rerum: tamen non inde rectè inferitur, quod bona defuncti, vniuersitate quadam comprehensa, dicantur hereditas. Nam si ratione rerum, quarum dominium habere possumus, metiemur hereditatem, tunc iura & actiones defuncti, non venient in hereditatem. Dominium quippe rerum corporalium est, non incorporalium. At falsum hoc est, quod nemo non intelligit. Deinde bonorum possessio, tribuit dominium *l. i. de bonor. possess.* & tamen bonorum possessio est ius, & quamuis nihil corporale reperiatur, tamen rectè bonorum possessio dicitur agnita *d. l. 3. de bonor. possess.*

Tertium argumentum Alciati est huiusmodi. Diuisio hereditatis per partes hereditarias fit, & de rebus ipsis dicitur. Ergo etiam integrum, hoc est hereditas, ad res ipsas hereditarias refertur. R. Hereditas non diuiditur. Ius enim est, & hereditatem nunquam pro diuiso possidemus vt inquit Iurisconsultus in *l. Pomponius, 7. in fin. de rei vindicatione.* At res quæ in hereditate sunt, diuiduntur, & aliud sunt res hereditariae, aliud est hereditas *§. fin. Institut. de rebus corporal. & incorporalib.* Igitur à rebus ipsis quæ diuiduntur, ad hereditatem non rectè argumentamur.

A L I

Quantum Alciati argumentum hoc est. Ictus definit bona successionem in ius defuncti & bona pro ipsis rebus accipit. *l. 3. de bonor. possess.* Ergo & hereditas accipitur pro rebus, in quas fit successio. R. Ibi Ictus bona nequaquam accipit pro rebus, sed bonorum possessionem distinguit à possessione rerum. Bonorum possessio iuris magis quam corporis est. Rerum possessio contra magis est corporis quam iuris. Deinde bonorum possessio, sine ullo corpore subsistit. Possessio rerum non item.

Postremò argumentatur ita Alciatus. Si hereditas esset ius succedendi, in omnibus sustineret personam defuncti. Sed non sustinet in omnibus, quia quæ facti sunt in hereditarijs rebus non sunt. Ergò &c. R. Sustinet hereditas personam defuncti in omnibus quæ iuris sunt, non quæ facti.

#### VI. Propositio.

Hereditas porrò vel ex testamento vel ab intestato ad nos pertinet.

#### VII.

Pactis deferri non potest.

#### VIII.

Si igitur conuenerit, ut filia quæ nuptui collocatur, patri succedat ex semisse, vel etiam ex besse, conuentio non valet.

#### IX.

Sic non valet conuentio, si filius pactus fuerit, quod certis rebus contentus esse, & querela inofficiosi agere non velit.

#### X.

Similiter non valet conuentio, si me heredem non feceris, centum dabis.

#### XI.

Item, si filia pacta fuerit, se dote contentam fore, nec ullum regressum ad bona paterna habituram, conuentio est nullius momenti.

xx

Argu.

*Argumenta quæ aduersus has propositiones adduci possunt, vide in disputatione, quam me presidente, Iacobus Bordingus Rosstochij habuit, & quæ infra habetur.*

## XII. Propositio.

Quinimò supra dictæ conuentiones, iure ciuili, nec ex iurisiurandi religione robur accipiunt. Iure enim ciuili, quæ lege fieri prohibentur, si fuerint facta, non solum inutilia sunt, sed pro infectis etiam habentur, nec iureiurando confirmantur, vt à Theodosio & Valentiniano Imperatoribus est rescriptum.

## XIII.

Sanè Bonifacij Octauī decreto, filia quæ mediante iuramento promiserit se dote contentam fore, ad obseruantiam conuentionis tenetur.

## XIV.

Si modò à iuramento vis abfuerit.

## XV.

Itemq; dolus malus: si filia vi compulsā iurauerit, vel etiam dolo malo ad iurandum inducta fuerit, promissio siue renunciatio non valebit.

## ARGVMENTVM I.

Dicimus filiam, quæ vi compulsā iurauit, ad obseruantiam iuramenti non teneri. Obstat c. si verò, & c. verum, extra de iureiurand. Ibi iuramenta vi extorta fuerunt, & tamen iurantes tenentur ad obseruantiam iuramentorum, sed possunt petere absolutionem. R. Cum quæritur, an ex iuramento vi extorto quis obligetur, ita distinguendum est. Aut iuramentum vi vel metu præstitum, interponitur super eo, quod iure siue legibus prohibitum est, & tunc obligatorium non est. Vt lege prohibetur pactio per quam filia futuræ hereditati renūciat, l. 3 de collat. & ob id huiusmodi pactio non roboratur iuramento vi vel metu præstito, c. quamuis, de pact. in 6. Sic dotis alienatio etiam muliere consentiente fieri non potest. §. i. inst. quib. alienar. licet

*licet vel non l. unica §. & cum lex Julia, C. de rei vxor. actio. & idcirco dotis quoq; alienatio, iuramento vi præstito confirmari non potest. c. cum contingat, de iureiur. c. licet, de iureiur. in 6. Aut verò iuramentum interponitur super conuentionibus, iure civili non prohibitis, vtpotè super proprijs rebus, & tunc iuramentum vi extortum, obligat, sed iurantes possunt petere absolutionem. Et ita loquuntur, d. c. si vero, & c. verum, Extra, de iureiuran. Ita accipiendum quoq; est c. Abbas, de iis qua vi metusue causa fiunt. Ibi quidam Ecclesiam suam abiurauit, vi compulsus, ne scilicet à domo & vniuersa possessione expelleretur, & restituitur. Ita quoq; accipiendum c. ad aures, de iis qua vi metusue &c. Ibi quidam renunciauit electioni de se factæ iuramento mediante ad terrorem Laicorum & obligatur. Ita quoq; accipiendum c. ad audientiam, extra de iis qua vi &c. Ibi quidam grauissimo metu regis fuit compulsus, vt mediante iuramento resignaret Ecclesiam suam, & propter iuramentum tenetur resignare, sed repetere potest Ecclesiam, quia inquit textus, Iuramentum ad resignandum pertinet non ad repetendum.*

Sed obiicitur c. peruenit, de iureiurand Ibi comes quidam spoliavit Episcopum rebus suis, cumque coegit iurare quod ablata repetere nollet. Papa docet, hoc iuramentum esse nullius momenti. Igitur iuramenta vi præstita, de rebus proprijs nullius sunt momenti, non obligant. R. Distinctionem suprà traditam non confinximus, sed eam à Felino habemus, in d. c. peruenit, nu. 2. extra de iureiurand. Panormitano in c. cum contingat, num. 3. eodem, eamque Couarruuias comprobatur in o. quamuis, de pactis in 5. in 3. parte relection. §. 4. num. 2. Quod verò attinet ad c. peruenit, non loquitur c. illud, de proprijs rebus, sed de rebus Ecclesiæ. Et hæc verba, rebus suis, ita glossa interpretatur id est, rebus Ecclesiæ suæ. Et iuramentum præstitum super rebus Ecclesiæ non repetendis, nullum est, quia seruari non potest sine interitu salutis æternæ.

## A L I V D.

Diximus suprà de anisfione bonorum, quæ iustus metus

Xx 2

est.

est. Pecunia enim, vita hominis existimatur, ut est in prouerbio ex Hesiodi carmine.

*Pecunia est anima miseris mortalibus.*

Quod Erasmus adducit in Prouerbio, anima & vita. Caelius lib. 14. antiquar. lectio c. 2. Pecunia est alter sanguis Salicetus in l. admonendi, de iureiurando. Tullius utrumq; coniunxit in 5. Verrin. Huic homini iudices, honestissimæ ciuitatis, honestissimi, non modo frumenti scitote, sed vitæ & sanguinis, tantum relictum est, quantum Apronij libido abstulit. Hinc paria sunt vitæ insidiari & omnibus bonis &c.

#### A L I V D.

Dicimus ea quæ fieri non possunt ciuili iure, non confirmari. Obstat l. 1. C. si aduersus vendition. ressit. postuletur, & Authent. ibi posita. Ibi est textus quod iuramento confirmetur, quæ iure ciuili non possunt fieri. R. Lex illa loquitur de ijs quæ iure ciuili non prohibentur. Nam ibi minor prædium vendidit, ea venditio valet. Intelligitur hoc ex eo, quod minori aduersus venditionem restitutio datur, qua opus non esset, si contractus non valeret. Hanc restitutionem impedit iuramentum, si minor iurauerit se contractum seruaturum, quia inquit Imperator, neq; perfidiæ, neq; periurij auctor ero. Nos hîc loquimur de ijs quæ facta non valent, quæ omnino iure ciuili non prohibentur. Hæc inreiurando non confirmantur. l. non dubium, in fin. C. de ll.

#### XV I. Propositio.

Non tamen extenditur renunciatio filiæ cum iuramento facta, ad legitimam eiusque supplementum. Et idè potest filia legitimæ supplementum petere, si minus legitima in dotem accepit, & hæc communior & receptior est interpp. opinio.

#### XV II.

Legitima olim quadrans erat, hodiè triens est vel semis, pro numero liberorum, eaq; debetur ex bonis quæ mortis tempore relinquuntur. Et idcirco, si pater tradidit

didit filiæ legitimam integram, inspecto eo tempore, quo fit traditio, & bona patris postea augentur, potest filia, mortuo patre, petere, vt legitima sibi suppleatur. Et hæc sententia communiori Interpp. calculo recepta est.

## XVIII.

Renunciatio quoque filiæ iurata, non pertinet ad lucra quæ filiæ deferuntur in poenam parentis transeuntis ad secundas nuptias. Talia enim lucra filiæ deferuntur ex causa renunciationem non concernente.

## XIX.

Deniq; decretum Bonifacij Octavi etiam ad filium extendimus. Si enim filius accepta donatione propter nuptias, paternæ hereditati renunciaverit, iuramento præstito, renunciatio valida & firma est, atq; ita Dd. magis communiter sentiunt.

## ARGUMENTVM I.

Dicimus iuramentum non extendi ad legitimam. Obstat, quod iuramentum habet vim specialis expressionis *ut multis firmat Anton. Gabriel. Roman. lib. 1. conclus. tit. de iureiurand. conclusio. 4.* Igitur legitimæ quoq; renunciatum videtur. R. Iuramentum habet vim specialis expressionis, vbi pro forma rei alicuius expressio non requiritur. At vbi pro forma requiritur specificatio, iuramentum non supplet illam formam. Deinde iuramentum habet vim expressi, vbi est defectus solemnitatis omisæ. Secus est vbi est defectus substantiæ & consensus, vt hîc *ita eleganter Boerius in decis. 3. docet. & Romanum loco suprâ dicto.*

## A L I V D.

Obstare videtur l. si quando, §. & generaliter, C. de inoffic. testament. R. Nihil obstat, nam ibi Imperator, de speciali renunciatione legitimæ loquitur.

## A L I V D.

Dicimus legitimam deberi ex bonis quæ mortis tempore

relinquuntur *l. cum quaritur, 6.C. de inofficis. testament.* Ratione dubij euentus tolerantur, quæ aliàs improbantur. *l. de fidei-commisso C. de transactio. l. pater puella. C. de inofficis. testamento.* Sed dubium omninò est, vtrum data semel legitima, bona possint crescere. Nam diminui etiam possunt. Igitur ratione dubij euentus videtur dicendum, quod legitima semel integrè data, supplementum non possit peti bonis postea auctis. R. Ratione dubij euentus tolerantur, quæ aliàs improbantur, hoc verum est, quando de dubio euentu fuit cogitatum, & ratione dubij euentus transactio facta est vel pactio *ut in d. l. de fidei-commisso.* Sed quando filia dotem accipit, & iurat se dote contentam fore, non cogitat de dubio euentu, nec ratione dubij euentus fit pactio. Igitur hoc in consideratione non est, quod bona diminui possunt,

Sed instatur hoc modo. Qui sentit commodum, debet quoque sentire incommodum, sed filia sentit commodum, si bona patris postea diminuantur. Ergo bonis postea auctis sentire quoque debet incommodum. R. ad minorem. Filia sentit commodum, si bona patris, postea diminuantur, sed hoc commodum non consideratur, propterea quod maximo incommodo filia afficitur, quæ dotem accipit & renunciat futuræ hereditati. Hoc incommodum grauissimum est, quod dotem accipit & reliquæ hereditati renunciat & illud commodum, quod rebus paternis postea auctis sentit, ex eo, quod legitima augetur, est leue commodum respectu renunciationis factæ, imò non potest commodum dici.

Iniuriam faciunt liberis primi matrimonij, qui secundas nuptias aggrediuntur, *ut dicitur in Nouella 2.* Imò mulier marito, & maritus mulieri iniuriam facit secundis nuptijs, negligit enim memoriam viri vel mulieris *Nouella 22. de his qui nuptias iterant.* Apud Lucanum *lib. 3.* Iulia in somnis Pompeio apparens sese indignantem ostendit quod ille secundas nuptias appetiuisset. Et apud AEgesippum *lib. 2. c. 2.* Alexander filius Herodis mortuus, in somnis Glaphyræ suæ quondam vxori apparuit, quæ alteri atque alteri se matrimonio post mortem ipsius copulârat. Hæc illum amplecti desiderat.



rat. At ille indignanti similis complexu refugiens, visus est dicere. Hæc Glaphyra, promissa fides, ita amores erga te seruasti meos? sed esto adulescentula secundas nuptias non refugies, etiam non tertias. Exurrexit mulier, & familiaribus narrauit somnium atq; ipsa biduo post defuncta est, quod etiam narrat Iosephus *lib. 17. antiquitat. c. ultimo*. Hinc multæ leges & constitutiones latæ sunt in odium contrahentium secundas nuptias, & pœnæ istæ non tantum ad fœminas pertinent, sed in viris etiam locum habent. Sed iure Canonico, pœnæ secundarum nuptiarum, quoad ipsos nubentes sunt sublata. Sed pœnæ quæ respiciunt fauorem liberorum prioris coniugij, non sunt sublata per Canones. Vt fauorem liberorum hoc concernit, quod mulier secundo nubens reseruare debet liberis prioris matrimonij, quicquid ex bonis prioris viri adquisiuit. *Tiraquellus in l. bones, §. hoc sermone, de uerbor. signif. Conarruias in tractat. de matrim in 2. part. c. 3. §. 9. Anton. Gabriel Roman. lib. 3. conclusio. de secund. nupt. conclus. 5. §. 6. Forsterius in tractat. de success. ab intestat. mibi folio 287.*

## A L I V D.

Filia promittit se nullum regressum ad bona paterna habituram. Ergo etiam lucra quæ deferuntur in pœnam parentis transeuntis ad secundas nuptias petere non potest. R. Promittit filia se nullum regressum habituram ad bona paterna, iure scilicet sanguinis & successione paternæ. Sed in lucris istis succedit iure pœnæ & reservationis legalis, statuta in fauorem filiorum.

## A L I V D.

Dicimus c. quamuis, de pactis in 6. in filio quoq; locum habere: Contra. In filia toleratur pactum, quia exit familiam paternam. Fœmina enim familiæ suæ caput est & finis. *l. pronuntiatio, in fin. de V. S.* At filius non exit familiam paternam, sed per eum familia paterna conseruatur. Igitur videtur dicendum quod non idem sit dicendum in filio, quod in filia dicimus. R. Vinculum iuramenti consideratur, non familia & idè inter filium & filiam non distinguimus hoc casu.

## A L I-

# DISPUTATIO EX L. LECTA A L-I V D.

Correctoria non sunt extendenda de vno casu ad alium.  
Ergo & c. R. Hoc non procedit vbi iuramentum intercedit, &  
salus animarum vertitur.



## DISPUTATIO EX L. LECTA, DE REBUS CREDITIS.

R. ALBERTO BEHREN  
*Lubecensi.*

### I. Propositio.

**A**ccipiens quindecim mutua numerata de do-  
mo, si Calendis futuris se soluturum, promit-  
tat, & non soluat, in vsuras non obligatur. V-  
suræ enim in contractibus strictis ex mora  
non debentur, sicuti nec ex pacto etiam in continenti  
adiecto.

### ARGVMENTVM I.

Actio ex testamento est actio stricta. §. *actionum autem, in-  
stitut. de action.* quia non numeratur inter actiones bonæ fidei,  
& receptum est, stricti iuris esse actiones omnes, quæ inter  
actiones bonæ fidei, *in d. §.* non enumerantur. Sed in actione ex  
testamento debentur vsuræ ex mora *l. Titia Scto, §. 1. de leg. 2.* Ibi  
Paulus Ictus inquit, vsuras fideicommissi, post impletos an-  
nos 25. puellæ ex quo mora facta est, deberi respondi, quam-  
uis enim constitutum sit, vt minoribus 25. annis vsuræ omni-  
modò præstentur: tamen non pro mora hoc habendum est,  
quum sufficit semel interuenisse vt perpetuò debeantur. Igi-  
tur in actionibus strictis vsuræ debentur ex mora. R. Quod  
dico

dico in actionibus strictis, siue in contractibus strictis, usuras non deberi ex mora, ab eo excipi debet actio ex testamento. In sola actione ex testamento, usura debetur ex mora, sicuti in contractibus bonæ fidei. Ratio autem quare in hac actione usuræ debeantur ex mora, est hæc, quod actio ex testamento, non censetur eodem iure stricto quo reliquæ actiones strictæ. Omnes actiones & stricti iuris & bonæ fidei bonam fidem desiderant & exigunt. Bona fides aliàs integra fides dicitur. *l. 1. C. de suffragio.* & sincera fides. *l. 2. C. si propter publicas pensat.* Et inde *in l. 10. C. de distraction. pignor.* prædia, Ictus inquit, bona fide vendita synceriter comparauit. Hæc bona fides existit in strictis contractibus & in contractibus bonæ fidei. Sed in contractibus bonæ fidei maximè existit, ita loquitur Imperator in *l. 5. C. de rescind. vendition.* Verbi gratia. In utrisque contractibus existit, ut debita sine mora reddantur, quæ pars est bonæ fidei Symmach. *in Epistol.* bonæ fidei debitor est qui moram non facit in reddendo. Seneca in initio declamation. memoriam suam vocat bonæ fidei, quæ reddat deposita sine mora. Hoc autem ut debita sine mora reddantur, in contractibus bonæ fidei maximè existit, & ideò ex mora in bonæ fidei contractibus usuræ veniunt *l. mora, de usur. l. 2. C. depositi.* In contractibus strictis non veniunt ex mora. Magis culpatur mora in contractu bonæ fidei quàm stricto. Sic bonæ fidei est, ut in contrahendo ablit mala fides. Hoc in contractibus bonæ fidei maximè existit, & ideò malæ fidei emptio non est emptio *l. 1. C. de rescind. vend.* Malæ fidei stipulatio est stipulatio, nec nisi exceptione excluditur *l. 36. de verbor. obligation.* Requiritur igitur in actionibus bonæ fidei & stricti iuris bona fides &c. Contractus autem bonæ fidei, alij alijs ampliorem & maiorem bonam fidem requirunt. Optimæ fidei est depositum, ob id actio depositi est famosa, reliquæ non sunt *l. 1. & 6. de his qui notant. infam.* Ob id depositarum rerum ratio anteponitur privilegijs, *l. si hominem, depositi.* Ob id chirographis depositarum rerum, non opponitur exceptio non numeratæ pecuniæ *l. in contractibus, C. de non numerat. pecun.* Deniq; ob id actioni depositi non obijcitur compensatio *l. ult. C. de compensat.* Ad

Y y

cun-

eundem modum non omnes actiones strictæ, pari iure stricto censentur, sed bona fides, quæ in illis etiam spectatur, licet non tam diligenter, ut in bonæ fidei contractibus, in alijs magis spectatur in alijs minus. Magis spectatur in actione ex testamento, quàm in actione ex stipulatu, fortè in defuncti fauorem & gratiam, Idcirco in actione ex testamento, vsuræ veniunt ex mora. In actione ex stipulatu, & reliquis actionibus strictis ex mora non debentur.

## A L I V D.

Pactum in continenti factum inest stipulationi siue contractui stricto, ut in quinta propositione dicimus. *l. lecta, si cert. petet.* Inest pactum ad hoc, ut contractus naturam mutet, augeat, minuat, ut contractum formet, transformet, reformat. Constantinus Harmenop. hæc his verbis exprimit, ἀμείψαν, ἰσχυρίζεσθαι ἰσχυρίζεσθαι, Iustinianus κατερίξαι in *Novella 136.* Et hæc de pacto dicuntur quod apponitur in continenti, id est, ut Græci interpretantur, πρὸς τὴν ἐν τῇ συστάσει τῆς συμβαλλόμενης, vel ut alibi dicitur, in ingressu contractus, in initio, in exordio. Nam quod ex interuallo adijcitur, non format actionem. Igitur videtur dicendum, vsuras quoq; ex pacto in continenti appposito, deberi. R. ad antecedens hoc modo. Pactum ex continenti factum inest stipulationi siue contractui stricto, ex parte rei tantum, non ex parte actoris. Pactum quod ex continenti apponitur contractui siue iudicio bonæ fidei, inest ex parte rei, & ex parte actoris *l. iurigentium, §. quinimo, de pact. l. 3. de resm. l. vendit. l. in bonæ fidei contractibus, C. de pact.* Quod autem ex parte rei tantum inest contractui stricto pactum quod in continenti adijcitur, id perspicue probat *d. l. lecta.* Species eius hæc est: Scripsi me accepisse à P. Mruio quindecim mutua numerata mihi de domo. Per quindecim mutua nonnulli festeria intelligunt. Et vnum sestertium valet mille sestertios siue nummos, & ideo quindecim sestertia, facient quindecim milia sestertiorum siue nummorum. Si res ad denarios redigatur, prouenient, ter mille, septingenti & quinquaginta denarij. Denarius enim quatuor sestertios valet. Sed hanc expositionem non probo, propterea quod veteres cum intelli-

gebant,

gebant sestertia, numerum aduerbialiter solebant pecunia proferre, non per nomen, hoc modo, decies, quindecies, centies, millies &c. Exempla sunt complura apud Budæum in 1. de assē. Per 15. mutua, intelligo 15. milia denariorum, vt concisē hīc dicatur quod alibi à Paulo fufius dicitur. *l. si ita stipulatus fuero, §. si tibi nupsero, de V. O.* Adijcit hæc verba, numerata mihi de domo, quæ verba vt intelligantur scire oportet, quod pecunia mutua, interdum sumebatur ex mensæ scriptura, interdum ex domo siue arca. Duplex fuit ratio credendæ pecuniæ. Interdum vt dixi pecunia mutua accipiebatur ex mensæ scriptura, & tunc nominibus obligatio contrahebatur. Dicebatur contrahi nominibus ab eo quod Calendarijs id est, libris fœneratorum, eorum quibus pecuniæ credebantur, nomina perscribebantur, quæ inde tituli dicebantur, auctore *Asconio Pediano in 3. Verrina* Interdum verò pecunia accipiebatur de domo *l. lecta, de reb. credit* siue ex arca, *l. quidam, de const. pecun.* & tunc obligatio contrahebatur re tantum. Et quidem nominatim solebat cautionib⁹ adijci, vtrū pecunia mutua ex mensa argētarij, vel ex domo siue arca sumpta esset, *vt constat ex d. l. lecta, & d. l. quidam & Donatus testatur in Phormione ad §. scen. 2.* Hodie inquit additur chirographis, domo ex arca sua, vel ex mensæ scriptura. Significatur hī duo modi contrahendæ obligationis, in *l. si plures, l. idem & l. si unus, de pact.* dum argentarijs, stipulatores vel promissores comparantur. Significantur etiam suprà dicti duo modi, in *l. de annuis legat.* vbi stipulationibus nomina adiunguntur. Deniq; significatur hī duo modi contrahendæ obligationis in *l. si duo rei sunt, de recept* in qua etiā stipulatores argētarijs comparantur. Scripsi igitur me accepisse à Mæuio quindecim mutua, numerara mihi de domo & promisi me quindecim illa mutua redditurū Calendis proximis proba, rectē. Ita in *l. lecta* scriptū est, eaq; verba, proba rectē explicatio- nis tantū gratia adiecta sunt, non necessitatis. Proba denaria opponuntur de adulterinis. Rectē significat, ne quod periculū vel damnū ex ea re sit creditori. Id non necesse fuit adijcere, quia qui reprobos nummos dat, nō soluit *l. eleganter, §. qui repro- bos, de pign. act.* & reddere cū creditoris incommodo non licet,

vt alia regula iuris habet *l. 3. de rebus cred.* sed ad rem. Promissi me redditurum Calendis proximis, si ad diem non redderem, promissi in dies triginta, inq; denarios centenos singulos, singulos denarios. His verbis Paulus centesimam vsuram exprimit, & eleganter indicat, vnde centesima vsura nomen habeat. Non ex eo nomen habet, quod centesimo mense æquet sortem, vt *Iohannes Mercerus* putauit, & *Budæus*. sed ex eo quod sortis centesima pars sit, menstrua vsura, vt in hac l. lecta dicitur. Postea vbi hæc omnia acta fuerunt, in continenti inter me & Mæuium conuenit, vt ex sorte soluerem singulis mensibus trecentos denarios, atq; ita mutauimus diem modumque solutionis. Cum enim stipulatione conuenisset, vt tota fors solueretur Calendis proximis, mox pacto conuenit eam solui debere diuisis pensionibus. De vsuris nihil conuenit, vsurarum nulla fuit facta mentio. Quæritur an etiam vsurarum dies mutatus censeatur id est, quæritur vtrum currant vsuræ totius sortis ex Calendis proximis, an verò ex singulis mensibus, vsuræ pensionum tantum. Creditor mora facta, totius sortis vsuras petebat ex stipulatione. Debitor contra dicebat se debere eorum denariorum vsuras quas debuisset præstare. Quæritur quid iuris sit. Paulus Ictus interrogatus respondit, non totius sortis vsuras deberi, sed vsuras eorum denariorum qui debuissent exsolui. Dicebam inquit, quia pacta in continenti facta stipulationi inesse creduntur, perinde esse ac si per singulos menses certam pecuniam stipulatus, quoad tardius soluta esset, vsuras adieciisset. Igitur finito primo mense, primæ pensionis vsuras currere &c id est, eius pecuniæ quæ debuit solui calendis, vsuræ dumtaxat debentur. Pactum enim ex continenti factum mutauit formam stipulationis vtriusque, & cum sortis solutionem distulerit & diuiderit, consequens etiam est, vt diuiderit vsurarum solutionem. Current ergo vsuræ ex tempore moræ pro rata pensionum tantum. Atq; ita l. lecta, id quod initio proposui, hoc tantum probet, pactum factum ex continenti, inesse stipulationi ex parte rei. Ex parte actoris vt formet actionem ex stipulatu, pactum inesse non probat, vt si conuenisset, vt fors citius redderetur.

deretur. Et tantum in bonafidei iudicijs receptum est vt pacta ex continenti adiecta, ex parte rei & actoris insint, *supra dictis legibus* Non obstat l. petens, C. de pact. Petens ex stipulatione quæ placiti seruandi causa secuta est, seu antecessit pactum, seu post statim interpositum sit, rectè secundum se ferri sententiam postulat. Nam ea l. loquitur de pacto stipulatione confirmato, non de stipulationis lege.

## A L I V D.

Vsuræ pecuniæ creditæ, ex tacito pacto debentur, & creditor vsuras seruare potest per retentionem fructuum rei sibi pignorata *l. 8. in quibus caus. pignus vel hypoth. &c.* Cum debitor inquit Paulus gratuita pecunia vtatur, potest creditor de fructibus rei sibi pignoratæ ad modum legitimum vsuras retinere. Ergo certè dicendum videtur vsuras pacto promissas deberi. Si enim pactum tacitum prodest ad retentionem, expressum pactum multò magis debet prodesse. R. Concedo totum argumentum rectè intellectum. Sicuti pactum tacitum prodest ad retentionem vsurarum, ita prodest expressum quoque ad retentionem & vsuræ ex pacto tacito itemq; expresso naturaliter debentur, non ciuilitur. Hoc totum concedo. Cæterum si inferre volueris, ex pacto expresso, ciuilitur deberi, & posse peti, cum ex pacto tacito, debeantur naturaliter, id negabo. Illud autem diligenter notandum est, ex pacto tacito vsuras seruari per retentionem fructuum rei pignoratæ, & quidem ad modum legitimum tantum. *d. l. cum debitor.* Nam tacita antichresis est, quæ modo legitimo cohercetur. Ex tacito autem pacto, vsuræ non seruantur per retentionem ipsius rei pignoratæ. Retentione rei pignoratæ, seruantur vsuræ debitæ ex conuentione id est, ex pacto vel stipulatione *l. 4. & l. pignoris, C. de usur.* Porro cum ἀντιχρῆσις mentio facta sit, scire rudiores debent quid sit ἀντιχρῆσις & quotuplex sit. *ἀντιχρῆσις* species est pignoris ita dati, vt donec pecunia soluatur, pignore creditor vtatur fruatur in vicem vsurarum *l. si pecuniam, de pignor. action.* vt dedi tibi pecuniam mutuam, & accepi ædes tuas pignori, ea lege vt eas inhabitarem vsurarum vice nulla

mercede habitationis constituta. Hæc lex pignorum dicitur ἀνελξεσι. Et si ego ædes inhabitauero, licet ea habitatio pluris æstimetur quàm legitimus modus vsurarum ferat, tamen conuentio seruabitur, l. si ea pactione, 14. l. si ea lege 17. C. de vsur. Ex duæ leges sunt πρὸς ἀνελξεσι, & idèd à Constantino Harmenop. lib. 3. Epitom. iuris tit. 5. ponuntur sub titulo de ἀνελξεσι. Itaq; ἀνελξεσι modum vsuris præscriptum non admittit. Porro ἀνελξεσι duplex est. Tacita & expressa. Expressa vt dictum est, modum legitimum vsurarum non seruat. Tacita seruat modum vsurarum. d. l. cū debitor, in quib. caus. pignus &c. Cum agricola ἀνελξεσι contrahi non potest. Nouell. 32. ne quis mutuum dans agricola terram eiue teneat.

## A L I V D.

Argentarijs, vsuræ pecuniæ creditæ debentur ex pacto Nouella 136. πρὸς ἀργυροπράκτων συναλλαγμάτων. Igitur verum non est quod dicimus, vsuras pecuniæ creditæ ex pacto non deberi. R. Hæc regula iuris est generalis. Ex pacto in contractibus strictis vsuræ non debentur, l. 3. C. de vsur. Ibi Seuerus & Antoninus rescripserunt. Quamuis vsuræ pecuniæ sænebris, citra vinculum stipulationis peti non possint: tamen ex pacti conuentione solutæ, neque vt indebitum repetuntur, neque in sortem accepto ferendæ sunt. Cæterum ab hac generali regula excipere oportet argentarios. Argentarij dicuntur etiam argenti distraçtores l. ult. C. de pig. orib. l. penult. ad finem, de consuet. pecunia, & à Iuliano patrito in Nouella de fideiussor. Item argenti venditores l. 12. C. de cohortas. lib. 12. Item dicuntur collectarij l. penult. C. si cert. petet. Symmach. in Epistol. 28. ad Theodosium, quos collectarios vocat, in princ. Epistole, postea vocat nummularios Suetonius in Augusto c. 4. argentarios vocat mensarios. A Iustiniano in Nou. 136. dicuntur, ἀργυροπράκται. Argentarij igitur siue argenti distraçtores, venditores, collectarij, mensarij, nummularij excipiendi sunt. Iis debentur vsuræ ex nudo pacto, ὡς τοις ἐθέσιμον των συναλλαγμάτων, vt Iustinianus loquitur in Nouell. 4. hoc est propter vtilitatem istorum contractuum, propter vtilitatem argentariorum. Aut vt loquitur



quitur *In Nouella 136. διὰ τὸ καὶ τὸν τῶν ἀνθρώπων λυπηθείας, ἢ πα-  
ρέχοντα πῶς συναλλάγμασι, πολλὰς ἐπιλοιδώσας καὶ δύνανται, ἵνα τὰς ἐ-  
πὶ τῶν θεσπευομένων ῥέσας* id est, propter communem ipsorum  
utilitatem quam in contrahētibz exhibent, dum multis se pe-  
riculis immiscent, ut ingruentibus aliorum necessitatibus  
medeantur. Quemadmodum autem ob hanc causam argen-  
tarijs ex nudo pacto vsuræ debentur, ita debentur quoque il-  
lis vsuræ etsi nullum modum, nullam certam quantitatem v-  
suris dixerint. Debentur semper illis, etsi certam quantita-  
tem non expresserint, vsuræ bestes id est, octo quotannis in  
centum. Dicta Nou. 136. quod in alijs qui pecuniam credide-  
runt, similiter non obtinet. *Id quod in stipulatione, de vsur.* Quod  
in stipulatione sic adiectum est, & vsuras si quæ competierint,  
nullus est momenti, si modus certus non adijciatur.

## A L I V D.

Ex nudo pacto debentur ciuitatibus vsuræ creditarum  
ab eis pecuniarum *l. etiam, de vsur.* Igitur vera non est nostra  
prima propositio, in qua dicimus, vsuras non venire in con-  
tractibus strictis ex pacto. R. Singulare est in ciuitatibus ut ijs  
vsuræ debeantur ex pacto nudo.

## A L I V D.

Dies interpellat pro homine *l. ratelitte, de obligat. & actio.*  
*l. magnam, C. de contrahend. & committend stipulat. l. 2. C. de iure Em-  
phyt. l. ad diem, 77. de Verbor. obligatio.* Igitur malè nos dicimus in  
prima propositione in qua dies Calendarum fuit adiectus quo  
pecunia debebat reddi, moram committi primum per inter-  
pellationem creditoris factam congruo tempore & loco. Ref.  
Prius hîc videndum est quid sit mora & quomodo mora com-  
mittatur Mora nihil aliud est, quàm iniusta tarditas debitoris,  
rem aut pecuniâ, cuius nomine actio est, non soluētis, aut cre-  
ditoris rem siue pecuniâ quæ offertur, non accipientis. Hac  
definitione creditoris & debitoris mentionē facio, propterea  
quod non minus creditor in accipiendō, quàm debitor in soluē-  
do moram facere potest Dico autem esse iniustam tarditatem  
soluen-

soluendi vel accipiendi crediti. Nam si debitor rem soluere distulerit bona fide, non est mora *l. sciendum est, de usur.* Similiter si creditor ex iusta causa recusauerit rem accipere, vt quia non offertur oportuno loco & tempore, mora non erit. Addo, rem cuius nomine actio est, talis scilicet, quæ non potest elidi per exceptionem. Etenim si actio tolli per exceptionem potest, non dicitur debitor moram fecisse. Non enim in mora est is à quo pecunia propter exceptionem peti non potest *vt Paulus loquitur in l. lecta, de rebus cred.* Fit autem mora in persona debitoris, plerumq; per interpellationem, denunciationem, admonitionem creditoris factam oportuno loco & tempore *l. mora, de usur.* Mora inquit &c. *Paulus in 3. sentent. in fine.* Mora fieri videtur cum postulanti non datur. Interdum fit per quasi interpellationem, si non sit qui interpelletur, qui conueniatur, admoneatur vt soluat. Vt si quis sine herede decesserit, si hereditas non sit adita, cum nulla sit persona quæ interpelletur, in re ipsa fit mora. *l. sed etsi rei publicæ, in fin. de usur.* sed necesse est hoc casu, vt id ipsum creditor publicè cōtestetur id est, vt palàm testetur, aut testatione in scriptis comprehendat, se non inuenire quæ interpellat, & hæc contestatio, pro tacita interpellatione habetur, *l. 2. de naut. fœnor.* Interdum mora fit neq; per interpellationē expressam neq; tacitam, sed in re ipsa omnino, puta si quis rem alienam rapuerit, si pecus alienum abegerit, *l. ult. C. de condic. ob turpem causam.* Hic res ipsa moratorem facit, & plus quàm moratorem siue frustratorem, *l. penult. de vi & vi armat.* Morari est trahere diem ex die, eludere, ludificari creditorem. Hic non tantum moratur, sed & rem alienam, quam malo more abstulit, retinet, & ideo merito in odium eius statutum est, rem ipsam quotidie eum admonere, *d. l. ult. C. de condic. ob turpem causam.* Quemadmodum autem superiori casu odium facit vt mora in re ipsa fiat, ita fauor efficit, vt minoribus 25. annis, si quid eis debeatur ex quacunq; causa, mora in re fiat ex constitutione Imperatoris Seueri. *l. cum usro §. apparet, de fideicommiss. libertat. l. 3. C. in quibus caus. in integ. restit. l. 1. C. de action. empt.* Sed hæc mora quæ fit minoribus extra interpellationem, non est propriè mora. Etenim usura quæ debent

debentur minoribus sine interpellatione, post vicesimum quintum annum desinunt deberi, nec rursus incipiunt deberi, nisi mora fiat per interpellationem quod non fieret, si vera esset mora. *l. Titii, de legat. 2.* Ex vera mora, perpetuò usuræ debentur quoad corrigatur mora, oblatione, solutione vel quo alio modo. Ad hunc modum ut dixi, mora plerumq; fit. Dico plerumq; quoniam an mora facta sit, quæstio facti potius est quam iuris, de qua absolutè responderi non potest, & eius rei definitio ad iudicem potius spectat & virum bonum quam ad Ictum. Hoc est quod dicitur in *l. mora, de usur.* difficilem esse huius rei definitionem id est, hac de re non potest constitui certa aliqua regula, quia ea *l. est ex Marciani libro quarto regularum.* His breuiter præmissis, respondeo nunc ad argumentum propositum. Dies interpellat pro homine, verum non est, nec probatur in dictis siue allegatis legibus. In illis legibus omnibus agitur de eo qui in diem promisit, se aliquid daturum vel facturum, & si ad diem non daret vel faceret, promisit pœnam vel usuram. Hæc pœna vel usura committitur ex die solo sine interpellatione, quia id actum est, ut qui falleret, incideret in pœnam vel impendium usurarum. Ceterum ex eo non est colligendum, moram fieri ex die solo, aut diem, ut dici vulgò solet, pro homine interpellare. Nulla fit mora in illis legibus, nec debentur usuræ ob id quasi mora facta sit, sed debentur ex conuentione ut in secunda mea propositione etiam dico. Mora non fit, quod ex eo apparet, quod oblatio postea facta, non resoluit stipulationem pœnalem vel usurariam *d. l. traiecitia, de obligat. & action.* At ubi mora est facta, extinguatur aut corrigatur mora, oblatione postea facta, *l. interdum, 73. §. vltim. de Verbor. obligation.*

## A L I V D.

Obstat *l. 24. de verbor. obligation.* Ibi Titius debebat Stichum, & interpellatus non soluit. Postea Stichus mortuus est, per Titium inquit Ictus non videtur mora fieri ut mortuo Sticho teneatur. Igitur mora per interpellationem non contrahitur. *R. l. 24. de verbor. obligat.* loquitur de pupillo, qui interpellatus moram non facit, nisi interpelletur tutore

Z z

audio-

auctore, vel nisi ipse tutor interpelletur. Nec obitat l. si di-  
ctum, §. vlti. de euiction. Ea non loquitur de interpellatione,  
sed de laudatione auctoris. Laudari pupillus auctor potest,  
sine tutoris auctoritate si tutor non compareat, idq; benigne  
est receptum, ne in fraudem emptores incident.

## A L I V D.

Mutuum est contractus stricti iuris, §. in bonafidei, *Instit. de  
actio.* Sed in mutuo debentur vsuræ ex pacto l. frumenti, C. de  
vsur. Igitur in contractibus strictis debentur vsuræ ex pacto.  
R. ad minorem. Lex frumenti, C. de vsur. loquitur de rebus  
constantibus mensura, vt de vino, oleo, frumento. Harum  
rerum vsuræ debentur ex pacto. Ratio est hæc: vini, olei, fru-  
menti & cæterarum rerum quæ mensura constant æstimatio  
& pretium subinde mutatur, locis temporibusq; varietatem  
adferentibus l. pretia, §. vltim. ad l. Falcid l. Ideoq; de eo quod certo  
loco. *Plinium lib. 33 c. vltim.* pretia rerum non ignoramus alia in  
alijs locis esse, & omnibus penè annis mutari, prout nauiga-  
tiones constiterint, aut vt quisq; mercatus sit, vt aliquis præ-  
ualens manceps annonam flagellet. Itaq; propter incertum  
pretium harum rerum receptum est, vt vsuræ debéantur ex  
pacto nudo. Ob hanc ipsam causam, supradictæ res, grauiores  
vsuras recipiunt quàm pecunia mutua l. oleo, C. de vsur. Ibi in-  
quit Imperator. Oleo quidem vel quibuscunq; fructibus  
mutuo datis, incerti pretij ratio additamenta vsurarum eius-  
dem materiæ suasit admitti. Ait incerti pretij ratio, & addi-  
tamenta vsurarum vocat *πλεονα τόκων*, id est, maiores vsuras.  
*Sic Iustinianus in Nouell. 32. 33. & 34. constituit, vt creditor, agri-  
colæ credita pecunia, in singulos solidos quotannis accipiat  
singulas siliquas. Siliqua dicitur *πεντάβολοις* d. *Nouell. 32. & Nou.  
130.* & est 24. pars solidi. Igitur permittit creditori trientem.  
Frumento autem credito agricolæ, permittit accipere quo-  
tannis in singulos modios octauā partem modij quæ est vsura  
centesima vt constat ex *Nouell. 130.* Nam vt in pecunia est vsura  
centesima, quæ in singulos solidos quotannis reddit tres sili-  
quas id est, octauā partem solidi, qui constat siliquis 24. Ita  
in frumento vsura centesima est, quæ in singulos modios quo-*

quotannis reddit duos sextarios id est, octauam partem modij, qui constat aut capit 16. sextarios. Ratione igitur incerti pretij, vini, olei, frumenti, usuræ ex pacto debentur, pecuniæ, usura ex pacto non debetur, quia pecunia pretium certum est.

## A L I V D.

Usuræ, nudo pacto promissæ & solutæ non condicuntur, neq; in sortem computantur *l. 3. C. de usuris*. Igitur usuræ nudo pacto, promissæ, debentur. R. Concedo totum argumētum recte intellectum. Usuræ nudo pacto promissæ, debentur naturaliter scilicet non ciuilitur. Certissimum enim est ex pacto naturalem obligationem nasci, licet id negetur à Francisco Connano lib. 5. suor. commentar. Textus est expressus in *l. 5. de solutione*. Ibi Ictus Vlpianus inquit. Cum creditor pignoribus distractis pecuniam redigit, si aliæ sint usuræ debitæ, aliæ indebitæ, quod soluitur in vsuras, ad vtramq; causam vsurarum pertinet tam debitarum quam indebitarum vt si aliæ debebantur ex stipulatione, aliæ ex pacto naturaliter. Sic nudum pactum, naturalem etiam obligationem tollit, *l. Stichum aut Pamphilum, §. naturalia, de solutione* propter illam naturalem obligationem quæ oritur ex nudo pacto, cessat repetitio vsurarum solutarum, quia indebitæ usuræ non sunt Sic usuræ nudo pacto promissæ, propterea quod naturaliter debentur possunt seruari per retentionem pignoris *l. 4. C. de usuris*. quod tamen ita procedit, si pignus in vsuras fuerit acceptum. Nam ob Chirographariam vsuram, pignus ex alia causa acceptum non retinetur *l. 4. C. de usuris*. Ob sortem Chirographariam hoc est, in quam pignus acceptum non est, pignus ex alia causa acceptum potest retineri, *l. unica C. etiam ob Chirographariam pecuniam &c.* Debentur ergo usuræ nudo pacto promissæ naturaliter. Cæterum ciuilitur non debentur. Pactum enim actionem non producit, sed exceptionem parit. *vt ex tot tit. de pact. constat.*

## II. Propositio.

Si autem debitor centesimam vsuram eius temporis quo post diem Calendarum tardius soluisset stipulanti promiserit; tunc omnino usuræ peti possunt.

Z z 2

ARGV.

In l. 5. de nautic. fœnor. dicitur, vsuras ex pacto sine stipulatione deberi. Et loquitur ea lex de pecunia mutua. Igitur in contractibus strictis vsuræ debentur ex pacto citra stipulationis vinculum. R. ad antecedens hoc modo. Lex 5. de nautico fœnor. vt titulus ipse indicat loquitur de nautica siue traiectitia pecunia. Nautica pecunia est, quæ trans mare vehitur & nauigat periculo creditoris. Et si forte merces ex ea pecunia, comparatæ fuerint, traiectitiarum pecuniarum loco erunt, si modo creditor mercium inde comparatarum periculum in se suscepit, l. 8. de nautic. fœnor. Ac quidem creditor suscipiat periculum vel in omne nauigationis tempus, in tempus profectionis & reditutionis, vt in l. qui Roma 122. §. Callimachus, de Verbor oblig vel in certum portum dumtaxat, vt in l. 2. C. de nautic fœnor. Inde Græcis duo pecuniarum nauticarum genera, ἐπὶ πλοία, & ἐμφορὸς πλοία. Nauticum igitur creditum, periculo est creditoris. Terrestre est periculo debitoris. Hoc δὲ πικίνδων, illud ἐμκίνδων, vt est apud Iulium Pollucem lib. 8. περὶ ἱερεισμάτων. Ob hanc causam, vel propter hoc periculum creditor pecuniæ nauticæ duo habet, quæ alij creditores non habent. Primum. quod nauticæ pecuniæ vsuræ, debentur illi, ex pacto d. l. 5. & l. in quibusdam, de nautic. fœnor. Deinde infinitas & immensas vsuras potest accipere. Hoc est pretium, hæc est compensatio periculi suscepti. Paul. in 2 sentent. tit. 4. de vsur. Traiectitia pecunia inquit propter periculum creditoris quamdiu nauigat nauis, infinitas vsuras recipere potest. Sed hoc posterius Iustinianus mutauit in l. eos, C. de vsur. Ex ea constitutione nautica vsura dumtaxat est centesima. Ex alijs pecunijs non percipitur centesima, vt supra dictum est. Singulare igitur est ratione suscepti periculi, quod in nautica pecunia, vsuræ debentur ex pacto.

## A L I V D.

Dictum est pecuniæ nauticæ vsuras infinitas & immensas fuisse. Id verum non videtur per l. 4. de nautic. fœnor. Ibi Papinianus significat vsuram pecuniæ nauticæ fuisse centesimam



nam tantum. Pro operis inquit serui traiecitiz pecuniæ gratia secuti, quod in singulos dies in stipulatum deductum est, ad finem centesimæ, non ultra duplum debetur. R. Præceptor meus Iacobus Cuiacius in 2. receptar. sententiar. Pauli tit. 14. de usur. scripsit se putare verbum centesimæ, Tribonianum, ex constitutione Iustiniani ad Papinianū addidisse. Sed id postea præceptori meo non placuit, & ideo in 5. observatio. c. 38. id mutauit rectissimè. Res autem ita est explicanda Creditor pecuniæ nauticæ in diem præfinitum periculo, inmensam vsuram paciscebatur vel stipulabatur vt antè dictum est. Post eum diem, non nisi centesimam in menses singulos stipulabatur, quæ legitima erat vsura. Solebat etiam creditor mittere seruum vel libertum nauigaturū cum debitore, quem Græci *περμακόλορον* vocant, quod vsurarum sua die exigendarum causa mittatur. Et ob operas vel sumptus, huius serui vel liberti persequentis & petentis pecuniam, creditor pœnam in singulos dies stipulabatur, l. traiecitia, de vbl. gat. & altron. l. qui Roma, § Callimachus, de Verbor. obligatio siue autem creditor post diem periculi solam pœnam stipuletur, siue pœnam & vsuram, vtriusq; ratio ita iniri debet, vt id omne non excedat centesimam, nec duplum sortis. Et hoc est quod Papinianus ait in d. l. de nauticæ fœnor eam scilicet pecuniā quæ post diem periculi ob serui operas debetur, nec supra centesimam, nec supra duplum deberi. Et quod ait Papinianus centesimæ, non est ex constitutione Iustiniani, sed est generale, merumq; ius vetus. Supra duplū vsura vel pœna non debetur id est, si sortem æquauerit, non amplius debetur, sed quod soluitur deinde, id in sortem cedit. Ideoque qui debet centum si præstiterit 200. vsuræ vel pœnæ nomine, omnimodò est liberatus & à sorte, & ab vsuris & pœnis. Et non tantum Romanorum legibus fuit cautum, ne vsuræ communes exigantur supra duplum, sed & Aegyptiorum vetus fuit lex quam Diodorus Siculus refert lib. 2. τὰς μετὰ συγγραφήν δανεισάμεντας, ἐκάλους δια τὰ τέκνα το κεφάλαιον πλεῖν πένη ἢ διπλασίον. Iustinianus in Nouell. 121. & 138. constituit, vt vsuræ solutæ per partes coaceruentur, & in duplum computentur, & ne duplum excedant, atque

ita eis Nouellis abrogatur l. *usura*, C. de *usur*. ubi constituitur ut *usura* particulatim soluta, possint excedere duplum.

### III. Propositio.

Centesima verò *usura* hîc est, quæ reddit in singulos triginta dies, inque centenos denarios singulos, singulos denarios, hoc est, quæ reddit quotannis duodecim denarios in centenos, eaq; legitima ad Iustiniani usq; tempora fuit *usura* pecuniæ terrestris, non nauticæ siue traiectionis, quæ immensa & infinita erat, sed hodiè intra centesimam coercetur.

*Hîc vide, quæ alibi conscripsi, de usura centesima, in dissertatione de usuris supra parte prima.*

### ARGUMENTVM I.

Dicimus legitimam *usuram* pecuniæ terrenæ fuisse centesimam secundum ius Pandectarum. Id verum non videtur. per l. i. C. de his quibus ut indignis. In ea lege disponitur, ut heres qui testatoris necem non vlciscitur, hereditatem cum fructibus restituat, & pecuniæ quam à debitoribus exegit, vel ex distractione rerum hereditariarum redegit, *usuras* præstet & dependat. *Usuras* inquam semisses. Igitur legitima *usura* non fuit centesima ut nos dicimus. Item verum non videtur per l. cum quidam, §. si debitores, de *usur*. Ibi legitima *usura* vocantur semisses Si debitores, inquit Ictus, qui minores semissibus præstabant *usuras*, sibi esse cœperunt, postquam ad fiscum transierunt, semisses cogendi sunt præstare. Igitur legitima *usura* non fuit centesima. R. ante Iustinianum legitima *usura* erat centesima, nec centesimam excedebat l. i. & 2. C. Theod. de *usur*. Constat quoq; ex Paulo in 2. sentent. tit. de *usuris*. Ibi scribit, *usuras* supra centesimam solutas sorti imputari, quod scilicet supra centesimam iure non exigantur. Idem probat l. nostra. Denique l. 8. C. si certum petetur. Ea lex quam initio vocat centesimam, postea vocat legitimam *usuram*. Et hæc fuit *usura* pecuniæ creditæ. Fructuum *usura* fuit qua-



quadruplex centesima d.l. 1. C. de usuris. Iustinianus postea alium modum pro qualitate personarum usuris præscripsit in l. eos, C. de usuris. Nam viri illustres & qui supra eos sunt, accipiunt trientes. Argentarii & negotiatores bessēs. Reliqui omnes semisses, & hic fiscus aggregatur, qui non nisi semisses exigit vt vulgus l. ult. C. de fiscal. b. usuris lib. 10. Est illa lex Iustiniani, ex eaque Tribonianus ad d. l. 1. C. de his quibus vt indignis, & ad d. l. cum quidam, §. si debitores, de usuris, addidit verbum semisses more suo.

#### IV. Propositio.

Quod si post interpositam usurarum stipulationem mox conuenerit, vt ex sorte, menstrui duntaxat denarij trecenti refunderentur, ijs ad diem Calendarum non solutis non totius summæ, sed trecentorum tantum denariorum usuræ currunt.

#### ARGUMENTVM I.

Pactum super vna re factum, ad aliam non porrigitur. l. si vnus §. ante omnia, de pactis. Sed pactum super sorte tantum factum est non super usuris. Ergo ad usuras non pertinet & per consequens debentur usuræ totius sortis. R. Pactum super vna re factum principali scilicet non porrigitur ad aliam rem æquæ principalem. Sed ad rem accessoriam, vt ad stipulationem usurarum, quæ dependet ex stipulatione sortis porrigi potest.

#### ALIVD.

Restitutio concessa super sorte, non porrigitur ad usuras l. vltim. de conditione indebiti. Igitur pactum super sorte factum ad usuras quoque non pertinet. Ref. Nego consequentiam & ratio est, quia hæc valde sunt dissimilia. Pactum super sorte factum extenditur ad usuras, quia pactum inest stipulationi sortis. Ea est natura pactorum, quæ in  
conti-

continenti contractibus adijciuntur, vt insint contractibus, ideoq; reformant contractum principale eiusq; accessoria. Restitutio verò non inest contractibus, sed datur à pratore, & ideo vltra id, ad quod facta est restitutio ad aliud non porrigitur.

## A L I V D.

Vnumquodque eodem genere debet dissolui quo colligatum est. *l. nihil tam naturale, de R. l.* Sed vsuræ colligata, vt ita loquar, & promissæ fuerunt per stipulationem. Ergò per stipulationem possunt tantum dissolui & diuidi, non per pactum, & pactum multò debilius est quàm vt stipulationem, contractum validiorem reformet, & sic per consequens ipso iure totius sortis vsuræ debentur. R. Concedo totum argumentum rectè intellectum. Vsuræ enim non diuiduntur & differuntur per pactum ex interuallo adiectum. Cæterum si pactum adijciatur ex continenti, tunc diuiduntur & differuntur vsuræ per pactum, & pactum illud censetur pars stipulationis, atq; ita in proposito nostro pactum ex continenti fuit adiectum.

## A L I V D.

Actus agentium non debent operari vltra eorum intentionem *l. non oneria, de Reb. cred. l. obligatorum substantia, de obligat. & actio.* sed ea est intentio agentium, vt sortis diuisio fiat non vsurarum, siquidem de sorte tantum dictum est, non de vsuris. Igitur vltra hanc intentionem agentium, agentium actus nihil operabitur, & sic per consequens debebuntur vsuræ totius sortis, non trecenorum tantum denariorum. R. nego minorem. Nec enim ea est intentio agentium, vt sortis dumtaxat diuisio fiat. Quinimò id agunt contrahentes vt diuisio fiat sortis & vsurarum. Et quamuis de vsuris nihil expresse fuerit dictum à contrahentibus, tamen tacitè contrahentes id egerunt vt vsuræ quoq; differrentur & diuiderentur quia vsurarum stipulatio dependet ex stipulatione sortis.

## A L I V D.

Prorogatio non fit cum suis qualitatibus & accessionibus. In proposito nostro facta est prorogatio sortis. Sors enim quæ Calendis proximis solui debebat non soluitur integra, sed

sed per plures calendas. Ergò videtur dicendum quod non fuerit facta cum suis accessionibus, & sic per consequens vsuræ penitus censentur remissæ, aut si debentur totius sortis vsuræ debentur, non eius pensionis quæ exsolui debuisset. R. Vtrum prorogatio fiat cum suis qualitatibus & accessionibus, aut non fiat, de eo nullam certam perpetuamq; regulam constitui posse censeo, sed id ex qualitate facti siue speciei propositæ sapienter dijudicandum & discernendum erit. Pro qualitate enim facti, ius subinde variat, & qualitas facit, vt sæpè in vno facto diuersum ius statuatur. Fit prorogatio cum suis accessionibus, cum debitor, qui Calendis proximis integram sortem exsoluere debebat, aut si non solueret, in singulas Calendas exsoluere debebat centesimam, ex continenti paciscitur, vt singulis Calendis ex sorte, trecenos tantum denarios soluat. In hac prorogatione temporis, vsuræ quoque veniunt, quamuis de eis nihil sit dictum. Sunt enim vsuræ accessio sortis, & cum inter debitorem & creditorem in continenti conuenerit, vt sortis solutio differretur & diuideretur, tacitè quoq; de vsuris diuidendis & differendis conuenisse inter eos videtur, atq; ita fit prorogatio accessorij & principalis simul. Secus est cum debitori, pro quo alius fideiusserrat, prorogatur tempus ad soluendum. Tunc fideiussor liberatur, & prorogatio ad accessiones id est, ad fideiussores non extenditur. Ac qualitas alia est huius speciei quam superioris. In superiori specie prorogatio fiebat in continenti. Hic ex intervallo. Præterea in superiori specie, vnus erat qui sortem debebat & vsuras, isq; ex continenti pacius erat vt sortis dilatio & diuisio fieret. In hac specie est debitor principalis, & est fideiussor. Ac debitor cum creditore agit & dilationem impetrauit, fideiussore ignorante & non consentiente. Non potuit itaque debitor fideiussorem vltius obligare. Quinimò si obligaretur fideiussor posset in magnum damnum incurrere. Fieri namq; posset, vt debitor qui soluendo est, post prorogationem sine consensu & voluntate fideiussoris factam desinat soluendo esse.

Si debitor sub iuramento promittat se soluturum ad certum diem, & dies proferatur, iuramenti nulla facta mentione, iuramentum non censetur repetitum, nec debitor ut periurus si non soluat. Iuramentum enim habet tacitam clausulam, & intelligitur rebus manentibus & durantibus in eodem statu in quo erant tempore iuramenti. Ergo & si sortis solutio proferatur, usurarum non habita ratione, usurae non censentur repetitae, & sic per consequens non debentur, aut si debentur, integrae sortis usurae debentur. R. Hae species valde sunt dissimiles. In vna accessio rem pecuniariam respicit: in altera animae ac aeternae salutis periculum. Praeterea ex usuris creditor emolumentum & commodum aliquod sentit. Ex iuramento nullum, sed tradit iuramentum tantum ad dispendium salutis aeternae ipsius debitoris. Denique pactum in continenti adiectum inest stipulationi. Prolatio diei, praecedenti promissioni non inest. Merito itaque videtur dicendum quod iuramentum non censetur repetitum, si debitori qui sub iuramento, ad certum diem soluere promisit, dies postea proferatur nulla iuramenti facta mentione. Et in hac sententia quod iuramentum non censetur repetitum, fuerunt &c.

#### V. Propositio.

Idemque est si post secundum, tertium, quartum mensem, pensio debita exsoluta non fuerit.

#### ARGUMENTVM.

Pœna semel tantum infligitur propter moram, usura factus. Bartol. in l. qui sine, de negotiis, l. cum stipulante, l. si insulam, de Verbor. obligat. Hic pœna fuit promissa, l. lecta, b. 1. Igitur videtur dicendum quod semel pœna illa exsoluta ulterius nihil debeatur, quamvis mora tertio vel quarto mense fuerit facta. R. Duplex est usura. Alia propter quantum infligitur, quæ scœnus appellatur, & cedit statim ex die interpositæ sti-

stipulationis. Alia propter moram quæ poena dicitur, & cedit ex tempore tardæ solutionis *l. lecta, h. tit.* Rursus poena alia est quæ semel tantum infertur ob moram. Hæc non est usura. Alia sæpius, illa est usura. *Vide Cuiacium in l. 90.*

## VI. Propositio.

Pactum enim in continenti factum inest stipulationi, & ideo cum sortis stipulationem diuiserit & distulerit usurarum quoque diuississe & distulisse credendum est.

## EXPLICATIO.

Ad hanc propositionem notandum erit, quod verba in continenti tribus accipiantur modis in libris nostris. Interdum in continenti dicitur fieri quod fit in initio, in exordio, in ingressu contractus alicuius, quod Græci dicunt συγγένως τῇ συστάσει ὁ παλλαγαμαί. Sic pacta in continenti facta, dicuntur inesse bonæ fidei iudicijs, *l. in iugentium, §. quintimo, de pactis.* itemque contractibus strictis, *l. lecta, h. tit.* Interdum in continenti significat intra duas vel tres horas, *ut in l. Iulia, de adulteriis coercend.* In *l. Iulia* scriptum est, patrem in continenti occidere debere adulterum cum filia, *l. quod ait lex, ad l. Iuliam, de adult.* Et ut Iurisconsultus declarat, in continenti videtur filiam occidisse, si cum persequeretur filiam, interpositis horis, apprehendit eam ac interfecit, *d. l. quod ait lex, in fin. ad l. Iuliam, de adult.* Sic Græci in *l. sed & partus vi*, quod metus causa. quod dicitur, vim vi ex continenti repellendam esse, sic interpretantur ut dicant licere vim vi repellere intra duas horas. Nam Theodorus Hermopolit. inquit τὸ παραχρῆμα ἐν τοῖς δύο ὧραι. Interdum in continenti significat triduum *l. final. C. de errore advocator.* In continenti appellandum est, hoc est, inquit Imperator intra triduum. Sic Constantinus Harmenop. lib. vlt. περὶ χη: τὸ καὶ δι' ἐκτὸς ῥῆμα, ἵνα παραχρῆμα, πρὸς ἡμέρας δὲ αὐτῶν, hoc est, verbum in continenti quod Græci vocant παραχρῆμα, tres dies significat.

## A R G V M E N T V M I.

Cum pactum reformat contractum, non est necesse ut apponatur in continenti, sed sufficit si apponatur ex intervallo *l. iururgentium, §. adeò, de pact.* sed in proposito nostro pactum reformat contractum. Igitur videtur dicendum, quod frustra à nobis adjiciantur illa verba ex continenti. R. Pacta vel contractibus adjiciuntur vel non adjiciuntur. Hæc nunquam actionem pariunt, sed semper pariunt exceptionem. Illa aut ex continenti adjiciuntur, aut ex intervallo. Si ex continenti, non pariunt actionem sed formant contractum *l. cum dotem C. de iure dotium*, id est, formam & legem dant contractui, formant ipsam actionem *l. iururgentium, §. quintum, de pact.* id est, actionem ex ipso contractu. Ut si conuenerit ab initio ut venditor satisficeret de euictione, qui ex natura contractus non cogitur nisi repromittere, aget emptor ex empto cum venditore ut satisficeret. Aut si conuenerit ab initio ne venditor teneretur ob euictionem quod est alienum à natura & qualitate contractus, proderit pactum venditori ad exceptionem, vel etiam ipso iure se tutum contendet quoniam pactum inest bonæ fidei iudicij. Si pacta adjiciantur contractibus ex intervallo, tunc videndum erit utrum de adminiculis contractuum fiant, an verò de his quæ sunt ex substantia contractus. Si fiunt de adminiculis contractuum, ut de non præstanda euictione, quæ perfectæ emptioni subsidio & auxilio est, actionem non pariunt, & vtilia tantum sunt venditori excipiendo, & eatenus dici possunt emptioni inesse. Si fiant de his quæ sunt ex substantia contractus, puta, re, pretio & consensu, si res non sit integræ, nulla nascitur actio. Si res sit integræ, emptio tollitur mutuo dissensu, vel etiam reformatur, remouetur, repetitur, & hoc casu datur actio, non ex pacto, sed ex noua emptione, eaq; est sententia. *l. pacta conuenta, de contr. emptio.* Ea etiam est sententia, *l. iururgentium §. item responsum, & §. adeò, de pactis.* Loquitur §. adeò de pacto, quod sit de eo quod ad substantiam contractus pertinet. Id rectè adjicitur ut dictum est, ex intervallo. Sed in proposito nostro pactum non fuit factum de eo quod ad substantiam contractus pertinet.

A L I-

## A L I V D.

Quando pactum adiuvat reum solum, tunc per se extra contractum sumitur & consideratur. Sed hic pactum extra contractum non sumitur. Dicitur enim in continenti factum. Igitur solum reum non adiuvat, aut non inest ex parte rei tantum, sed etiam ex parte actoris. R. Admodum facilis est responsio. Cum solum reum pactum iuvat per exceptionem scilicet, tunc per se extra contractum sumitur & consideratur. Hic pactum iuvat solum reum, non per exceptionem, Id enim disertè à Paulo *in hac l. nostra* negatur, sed iuvat ipso iure reum, sua natura & absq; hominis ministerio actionem subvertit. Et hoc pactum ex continenti necesse est contrahui apponi,

## VII. Propositio.

Sed & ex eo solo tempore, puta, tertio vel quarto mense, usuræ debentur. Retrò ex die interpositæ stipulationis non currunt, nisi de eo nominatim conuenerit, ut ad diem non soluta pecunia etiam medij temporis usuræ præstarentur.

## A R G V M E N T V M I.

Obijcitur I. cum quidā, de usur. Accepi à te mutuo centum, & tibi stipulanti promisi in singulos annos quincunces usuras. Hoc amplius promisi, si quo anno quincunces usuras non soluissem. tunc totius pecuniæ ex die qua mutuatus sum pecuniam soluturum usuras semisses. Redditis per aliquot annis usuris, mox stipulatio est commissā. Quæritur an ex die qua mutuatus sum pecuniam, debeam præstare usuras semisses? Ictus docet, ex die cessationis duntaxat crescere usuram, id est, me præstare debere semisses usuras, non ex die qua mutuatus sum pecuniam, sed ex die cessationis. Igitur videtur dicendum quod conueniri non possit, ut pecunia non soluta, etiam medij temporis usuræ præstentur. R. I. cum quidam, de usuris, loquitur de usuris non solutis. Nos hic loquimur de

non soluta forte. Ob sortem non solutam ex die contractus grauiores vsuræ infligi possunt. Ob vsuras non solutas, vsuræ grauiores non possunt infligi ex die contractus, sed ex die cessationis *d.l. cum quidam, de vsuris.*

## A L I V D.

Stipulatio præpostera non valet. Vt si ita stipuler si Titius consul factus fuerit, hodiè dare spondes, stipulatio est inutilis. Datio enim prior est conditione, quod est *ὁσπερ πρὸ πρῶτον*. Idq; ante Iustinianum obtinuit. Sed hæc stipulatio, si quo die pecuniam non solueris, tunc ex die interpositæ stipulationis vsuras dabis, est præpostera. Igitur videtur dicendum, stipulationem illam non valere aut certè ante Iustinianum non valuisse. R. Stipulatio de qua hîc agitur, præpostera non est. Datio enim conditionem sequitur, licet retrò habita ratione præteriti temporis tum dari oporteat. Sic stipulatio præpostera non est, quæ ita concipitur. Si Titius consul factus fuerit, tunc ex hac die in annos singulos dena dare spondes, *l. huiusmodi stipulatio, & l. si ita stipulatus fuero, in princ. de Verbor. obligation.*

## A L I V D.

Obstat l. si ita quis promiserit, §. Seia, de Verbor. obligation. Seia emit hortos mandato Titij, ac deinde stipulanti Titio promisit se hortos ei tradituram, cum is pretium & vsuras soluisset. Stipulationi mox subditum est pactum ut Titius solueret pecuniam Calendis Maijs & hortos reciperet. Titius potest vi pacti soluere Calendis Maijs & hortos accipere. Videtur igitur dicendum quod pactum inest stipulationi etiam ex parte actoris, idq; Accursius ibi tradidit. Nam in verbo in continenti, inquit. Nota quod tam in contractibus stricti iuris quàm bonæ fidei pacta insunt, & pariunt actionem præscriptis verbis & informant veterem. R. Pactum non inest ex parte actoris, & nequaquam actionem parit, sed hanc tantum vim habet, ut Titius ante diem præfixum non possit hortos petere,

A L I-



## A L I V D.

Obstat l. Titius, de præscript. verb. Facti species mira est. Titius dedit Sempronio triginta mutuo, & pactus est, ut Sempronius eam pecuniam exerceret & occuparet usuris semissibus, & ex usuris tributum solueret, quod ipsi principi debebat pro agro. Hoc amplius conuenit ut quod ultra usuras semisses percepisset usura nomine, id sibi haberet, & si minus intulisset tributorum nomine quam redigisset ex usuris semissibus, id quod minus esset quodq; restaret ex usuris, id Titio redderet. Et si plus intulisset tributi nomine quam ferrent usura semisses, tanto minus ex sorte redderet id est, ut id quod plus intulisset, sorti decederet. Denique dictum fuit, ut si summa tributi excederet sortem & usuras quod amplius inferret de suo Sempronius, id Titius Sempronio. Huic conventioni non fuit addita stipulatio. Quæritur qua actione Titius à Sempronio, id quod plus est in usuris semissibus quam in tributis consequi possit. Iurisconsultus Africanus docet videndum esse quale negotium fuerit contractum. Non est mutuum contractum, quia in mutuo agitur ut tantundem reddatur. Hic fuit actum, ne tantundem redderetur, si plus tributorum nomine fuisset illatum quam usura semisses ferrent. Hoc ius & causam pecuniæ creditæ excedit ut Africanus loquitur. Non est igitur mutuum. Videtur potius esse mandatum fœnerandæ pecuniæ & tributi soluendi, sed una tantum res obstat, ne sit propriè mandatum, quia actum fuit ut, quod ultra usuras semisses percepisset Sempronius id sibi haberet, atq; ita non est gratuitum, & sic per consequens non est etiam propriè mandatum. Itaq; ex hoc negotio datur actio præscriptis verbis, qua Titius à Sempronio potest petere id quod superest ex usuris. Idcirco autem usura petuntur actione præscriptis verbis ex pacto, quia hoc negotium ex quo datur actio præscriptis verbis proxime accedit ad mandatum. Et contractus innominati regulantur & iudicantur secundum naturam contractuum nominatorum quibus magis assimulantur l. i. §. si quis seruum, ibi quæp. genus locati & conduci interuenit, depositi, quem textum Bartolus & Dd.

ad hoc notant *l. eum qui, §. si rem, commodat. l. si gratuitam, §. i. l. naturalis, §. sed si facto*, ibi dum dicit textus, quæ actio similis est mandati actioni, & dicit ibi Dominus Iason, quod ille sit melior textus de iure ad hoc, de præscript. verbis. & dicit ibi gloss. in verbo similis, in secunda parte. Nota quod in omnibus his contractibus innominatis obseruo, ut id in singulis veniat, quod venit in eo cui est simile.

Hinc fit quod summè notandum est, quod ex do ut des, do ut facias, facio ut facias datur actio præscriptis verbis. Etenim contractus innominatus do ut des similis est permutationi. Do ut facias locationi, facio ut facias, mandato. At ex contractu facio ut des, non datur actio præscriptis verbis, quia hoc negotium nullam habet similitudinem cum negotijs similibus. Videtur quidem prima facie simile esse locationi, sed non est. Locatio semper incipit à verbo do, & semper in conuentionibus spectandum est, non quis prior fidem liberarit, sed quis conuentioni initium dederit, & quo verbo, quod Interpp. dicunt, conuentiones æstimari ex initio non ex incremento &c.



PRAESIDE IOHANNE BORCHOLT  
Luneburgensi

ad sequentes propositiones

*ex l. 4. C. de inutilib. stipulation. l. pactum quod dotali C. de pact. l. 3. C. de collation. & c. 2. extra de pactis desumptas, pro licentia in iure consequenda respondit*

IACOBVS BORDINGVS.

I. Propositio.



VM conuentiones, pacta & contractus ad inducendam hereditariam successionem, nullius esse momenti iuris non sit incogniti.

ARGV.

## ARGUMENTVM I.

Obstat l. licet, C. de pactis. ibi duo pergentes ad discrimen praelij pacti inter se sunt, vt qui superuiveret, alterius hereditate potiretur. Et hoc pactum vt ab Imperatoribus est rescriptum, valet. Igitur pacta de futura successione valent. R. In l. licet, de militibus agitur. Illi super futura hereditate pacisci possunt. Secus verò est in alijs priuatis, quemadmodum etiam dicta lex licet, apertis verbis innuit. Quod autem milites de futura hereditate rectè paciscuntur, hoc fauore militiæ receptum est, cuius fauore & pleraq; alia, militibus indulta sunt, quæ alijs denegantur. Vt ecce nemo potest pro parte testatus, pro parte intestatus decedere, earumq; rerum naturaliter inter se pugna est, vt loquitur l. Cuius in l. ius nostrum, de R. I. Et ob hanc causam ius adcrefcendi est introduci, quo portio deficiens, aut ab vno herede repudiata, alteri adcrefcit, de quo iure adcrefcendi tractari solet in l. re coniuncti, de legat. 3 l. triplici, de V. S. & tot tit. C. de caducis tollend. At hoc non procedit in milite. Miles enim vt Iustinianus loquitur pro parte testatus, pro parte intestatus decedit, & eius sola voluntas in testando spectatur §. non autem utiq;, Inst. de heredib. instituend. l. si duobus, de testam. milit. Rursus in testamento pagani multæ requiruntur solemnitates. Debent namq; esse septem testes, ijq; rogati, testes debent subscribere se, item suo anulo testamentum consignare &c. Hæ solemnitates non sunt necessariae in testamento militis. Et si quid miles in vagina aut clypeo literis sanguine suo rutilantibus adnotauerit, aut in puluere scripserit gladio sub ipso tempore, quo in praelio, vitæ sortem derelinquit huiusmodi voluntas stabilis est l. milites, C. de testamento militis.

## A L I V D.

Quod potest fieri testamento, potest etiam fieri pacto l. pactum inter heredem, de pact. Ibi legatarius remisit heredi cautionem, quam legatorum nomine præstare debebat. Quæritur an pactio sit rata? Iurisconsultus dicit pactionem ratam esse, propterea quod etiam testator potuerit testamento rem-

B b b

mit-

mittere cautionem heredi. Sed testamento inducitur hereditaria successio. Igitur etiam pacto induci potest. R. ad maiorem. Maior vera est, quando in testamento & pacto, eadem ratio versatur. Sed hinc ratio est diuersa. Et testamento hereditaria successio inducitur, ut Titius, si vult, potest me heredem scribere in suo testamento, quia est libera voluntas testandi. Si pacto diceremus induci successionem hereditariam, iam impediretur libera illa testandi facultas, & ideo pactum de futura successione est inualidum & merito cum nihil sit quod magis hominibus debeatur quam ut supremæ voluntatis postquam aliud velle non possunt, liber sit stylus, & licitum quod iterum non redit arbitrium, *ut dicitur in l. 1. C. de SS. Ecclesiis*. Et ambulatoria debet esse voluntas hominis, usque ad extremum vitæ spiritum, *ut dicitur in l. cum hic statui, de donat. inter vir. & uxor. l. 4. de adimend. vel transferend. legatis*.

## A L I V D.

A consuetudine ad pactum rectè argumentamur & contra. Sed consuetudine hereditaria successio induci potest. Igitur & pacto. Minor probatur per consuetudines feudales quæ rationem succedendi prorsus immutarunt. Nam in feudis ascendentes non succedunt descendantibus *c. unic. de natura success. feud.* Item in feudis succedunt tantum filij, filiabus exclusis, *c. unic. de success. feud.* Sic etiam valet consuetudo ut primogenitus succedat in vniuersis bonis & fratres suos decenter alimentet, sorores verò pro nobilitatis & facultatis qualitate dotet. *Iohannes Andrea & Canonista in c. licet, de voto*. Sic consuetudine hinc receptum est, ut mortuo marito, mulier superstes dimidiâ hereditatis partem habeat. R. maior quandoque procedit, non semper. Etenim quandoque consuetudo, pacto fortior est, & valet ubi pactum valere non potest. *Baldus c. 1. §. filij nati, in princip. si de feudo fuerit controuers. inter domin. & agnatos, quod dictum refert & sequitur Dectus in consil. 225. col. 2. Granetta consil. 4. num. 12* Ratio diuersitatis in promptu est. Consuetudo tacito totius populi consensu inducitur, *l. de quibus, de legibus*, & diuturno vñu populi *l. diuturnæ, eod.* & firmatur contradictorio aliquando iudicio *l. cum de consuetudine, de legib.*

Pactum

Pañum est priuatorum tantum, nihil igitur mirum si plus possit consuetudo quàm pañum.

## A L I V D.

Hæc conuentio valet si me vel filium meum exheredaue-  
ris, centum dabis, *l. quidam 132. de Verbor. obligatio.* At per hanc  
conuentionem inducitur hereditaria successio. Si enim me  
heredem non scripseris incidis in pœnam. Igitur pañto vel  
conuentione hereditaria successio induci potest. R. ad ma-  
iorem conuentio illa si me exheredaueris &c. valet quia non  
apertè sed tacitè inducit hereditariam successionem. Hæc  
conuentio, si me heredem non scripseris, centum dabis, aper-  
tè inducit hereditariam successionē, & ideò non valet, *l. stipu-  
lationibus modo concepta, de Verbor. obligat.* Altera illa conuentio ta-  
citè, & ideò rata & firma est. Et habet hîc locum regula. Non-  
nunquam contingit, vt quædam nominatim expressa, offici-  
ant, quamuis omiſſa, tacitè intelligi potuissent, nec essent of-  
futura *l. nonnunquam contingit, de condition. & demonstration. l. si ita  
legatum sit, de legat. 1. l. expressa, & l. actus legitimi, in fin. de R. l.* De-  
inde ob id etiam illa conuentio si me exheredaueris &c. va-  
let, quia non tam videtur fieri ob id, vt quis succedat, quàm  
vt exheredationis notam effugiat. Exheredatio nota quædam  
est, *l. multis non nota, de liber. & post. l. cum te pietatis, C. de inoffic. te-  
stam. & ob hanc causam hæc conuentio, legibus toleratur.*

## A L I V D.

Obligationes non debent ex aliena voluntate pendere.  
Id constat ex definitione obligationis §. 1. *Institut. de obligation.*  
Hinc dicitur in vendentis & emētis voluntatem collata con-  
ditione comparādi, nullā esse obligationem, quia non adstrin-  
git necessitate contrahentes, *l. in vendentis C. de contrah. emptio.*  
Hinc quoque traditum est stipulationem non valere, in rei  
promittendi arbitrium collata conditione, *l. stipulatio non va-  
let, de Verbor. obligatio.* Item nullam promissionem posse consi-  
stere quæ ex voluntate promittentis statum capiat, *l. a Titio, §.  
final. de Verborum obligationibus.* Veteres item constanter decre-  
uisse, testamentorum iura ipsa per se firma esse oportere, non  
ex alieno arbitrio pendere, *l. illa institutio, de hered. instituend.*

Deniq; legatum in heredis voluntatem poni non posse *l. senarum, §. penul. de legat. 1.* Sed si pacta non valent de futura successione, tunc obligatio pendet ex aliena voluntate. Etenim si ille cum quo feci pactum de futura successione me heredem scribat, valet pactum, & obligatio sortitur vires. Si me non scribat heredem, pactum non valet. Igitur &c. R. Si scriptus sim heres ab eo cum quo feci pactum, tunc sum heres, non propter pactum, aut vi vel virtute pacti aut conuentionis sed propter institutionem & vi ac virtute institutionis.

## A L I V D.

Obstat *l. si quis seruum, de action. empti.* Ibi seruum quem cum peculio vendideram, manumisi. Non solum peculij nomine, quod seruus habuit, emptori teneor, sed etiam teneor emptori cauere, quicquid ex hereditate liberti ad me peruenierit, me restitutum. Igitur pactio de futura successione valet. R. Ibi pactio fit non directò & principaliter super futura hereditate, sed in consequentiam præcedentis contractus, & non tam videtur fieri super hereditate quàm super interesse ipsius emptoris. Manumisso etenim seruo quem ante vendideram, teneor emptori in id quod eius interest.

## A L I V D.

Obstat *l. 3. pro socio,* ibi Iurisconsultus docet quod super futura hereditate, societas coiri possit. Igitur contrarius de futura successione valet. R. Pacta de futura successione non valent, quæ scilicet fiunt specialiter, de vnus alicuius certi hominis hereditate vel successione. Illa enim pacta vel liberam testandi facultatem impediunt, vel alias inducunt votum captandæ mortis, atq; ita bonis moribus aduersantur. At si generaliter concipiuntur pacta, neq; in alicuius mortem specialiter dirigantur tunc valere possunt. Et sic potest contrahi societas vt si qua iusta hereditas obueniat, communis sit, *d. l. 3. pro socio.*

## A L I V D.

Spem futuram donare aut vendere licet, *l. spem futura donationis. C. de donation. l. 8. de contrah. empt. et vend.* Ibi Ictus inquit captum piscium, vel auium vel missilium rectè enò, et si nihil inci-

inciderit, quia spei est emptio. Sed spes de futura hereditate vel successione optima spes est. Igitur illam licet emere. R. Maior vera est si ex donatione aut venditione nihil improbitatis consequatur. Sed venditio spei de futura hereditate, est improba, quia inducit votum captandæ mortis alterius.

## A L I V D.

Rursum obijcitur I nam hoc modo, de heredit. vel action. vendit. In illa lege aperte dicitur, quod spes hereditatis vendi possit. Igitur valent contractus ad inducendam hereditariam successionem. R. Ibi non agitur de spe hereditatis futuræ, sed de spe hereditatis iam delatæ, & quæ iam obuenit, ideoq; non simpliciter dicitur spes sed qualis spes. Et emptor emit hereditatem, ignorans quid & quantum esset in hereditate, atque ita contrahentium respectu est spes hereditatis.

## A L I V D.

Obstat I. & I. cum proponas. C. de pactis. l. de fideicommissio, C. de transaction in illis legibus dicitur, quod pacta de futura successione valeant. Igitur propositio nostra est falsa. R. In legibus illis agitur de hereditate fideicommissaria. De fideicommissaria hereditate licet pacisci, sed non etiam de alia hereditate. Ratio hæc est, quia per pactum quod fit super hereditate fideicommissaria, remouetur improbabile votum captandæ mortis alterius. vt Imperator tradit, *in d. l. de fideicommissio, C. de transact.* quod exemplis ita declaro. Pone testator Titium instituit heredem, cumq; rogauit, vt si sine liberis decederet, hereditatem restitueret Sempronio Hæc est fideicommissaria hereditas quæ Sempronio debetur. Titius metuens, ne conditio fideicommissi existeret id est, ne decederet sine liberis, pactus est cum Sempronio, vt spem fideicommissi remitteret, & acciperet verbi gratia centum. Hoc pactum de fideicommissaria hereditate factum valet, & per hoc pactum Sempronius, qui Titij mortem expectabat votum captandæ mortis Titij remittit *eaq; est species d. l. i. C. de pact.*

Rursum finge, Testator suos filios duos instituit heredes, eosq; rogauit, vt qui primus decederet, alteri portionem hereditatis restitueret. Fratres isti, mutuo consensu, precariam

substitutionem sibi remiserunt. Hoc pactum fratrum valet & tollitur hic etiam improbabile votum captandæ mortis alterius, & illa est species, l. cum proponas.

Rursus finge. Testator filios duos heredes instituit, eosq; rogauit, vt si alter eorum sine liberis vita excederet, alteri portionem hereditatis restitueret. Hi fratres de fideicommissio transegerunt. Hæc transactio rata est, quia tollit votum captandæ mortis, d. l. de fideicommissio, C. de transact. De fideicommissaria igitur hereditate, pactio iniri potest, & inita firma est. Super hereditate alia, non fideicommissaria, fieri non potest pactio, quia induceret votum captandæ mortis, & auferret liberam testandi facultatem. *Ex supra dictis petenda est solutio ad l. cum arthemidoram C. vt in possessionem legatorum mittatur &c.*

## A L I V D.

Obstat l. si constante, § si vir, solut. matrimon. Ibi maritus seruum dotalem manumisit, & Iurisconsultus dicit, maritum cauere debere vxori, se restitutum quicquid ex bonis liberti ad eum peruenisset. Igitur pactio de futura successione valet. R. rectè Accursius dicit, pactionem super futura successione ibi tolerari, ratione præambuli alicuius contractus id est, ibi valet pactio quia est facta in consequentiam alicuius præcedentis contractus, non principaliter super hereditate.

## A L I V D.

Pater non est heres filij emancipati nisi ex contractu fiducia, §. final. Instituit. de legitima agnat. success. Igitur contractibus hereditaria successio induci potest. R. ad antecedens hoc modo. Proxima causa, quod pater filio emancipato succedit, est manumissio. Remota, fiducia, & pater non aliter manumittere potest, quàm si fiduciam contraxerit. Fiducia autem nihil aliud est, quàm redhibendi vel reuendendi lex, venditioni apposita, quod vt rectius intelligatur, sciendum est quod olim pater non poterat filium emancipare, nisi ter filium vendidisset & quidem seriò vt Dionysius Halicar. narrat. Nam manumissus ab emptore primo, in patris potestatem recidebat, idemque fiebat si rursus venditus & manumissus



sus esset. Post tertiam verò venditionem, secuta manumissione, filius patris potestate exhibat, & sui iuris fiebat. Et hoc totum, lege 12. tabul. cautum fuit his verbis. Si pater filium ter venundabit, filius à patre liber esto. *Ulpianus in fragment. tit. 10.* ac fuit hæc lex ut Halycar. scribit, ἐν τῇ υπέρῳ τῶν λεγωμένων δαδὲς αὐτῶν, ὡς ἐνεργεῖται ἐν ἀγορᾷ. Quia verò lex 12. tabular. nimis erat dura, idè interpretatione Prudentum sic postea mollita est, ut triplici mancipatione & manumissione intercedente, filius è patris potestate exiret. *Ulpian. d. t. 10.* Et solebat pater, qui filium suum emancipare volebat, & idcirco ter vel feriò vel imaginariè illum vendebat, venditioni hanc legem adscribere, ut filius tertio venditus, sibi ab emptore reuenderetur, idque idè faciebat, ut per manumissionem, ipse iura legitimæ successionis sibi acquireret. *Catus lib. 1. Instit. tit. 6.* Hic igitur filius à parente postea manumissus, dicebatur contracta fiducia manumissus, atq; ita intelligitur proximam causam, quod filio emancipato pater succedit esse manumissionem, remotam esse fiduciam contractam. Hodie emancipationes semper contracta fiducia intelliguntur fieri, *l. fina. C. de emancipatione, liber 6. d. 5. finali.*

## A L I V D.

Obstat l. 2. de hered. vel action. vend. Ibi Ictus Ulpianus significat, in venditionem hereditatis etiam venire hereditatem impuberis, cui venditor substitutus erat, si hoc actum sit, maximè inquit, si iam delata impuberis hereditate, venierit hereditas. Cum Ictus dicat maximè si iam delata & c. significat idem esse etiam antequam deferatur. Igitur textus ibi super futura hereditate contractus fieri possit. R. Dicitio maximè ita accipienda est, non quasi aliàs idem sit, sed quasi aliàs idem non sit, & idem valet quod utique. Et sensus hic erit. Vendita hereditate, venit in venditionem illam etiam hereditas impuberis si hoc actum sit, & si iam delata fuerit. Et ita hanc voculam Maximè in multis iuris partibus accipiendam esse docet *Barnabas Brissenius lib. 11. de Verbor. significatione.* Aliàs, maximè significat, aliàs idem esse ut cum Impera-

Imperator dicit, bonam fidem in bonæ fidei iudicijs maximè desiderari, *l. 1 C de resind vendition.* hoc dicit, in omnibus contractibus & bonæ fidei & strictis desiderari bonam fidem, sed maximè in contractibus qui à bona fide dicuntur.

## A L I V D.

Si tibi stipulanti promittam, me post mortem, hereditatem meam tibi daturum, valet stipulatio. Igitur contractibus hereditaria successio induci potest. Antecedens probatur, *per ut. C. ut obligationes ab heredibus incipiant &c. & §. post mortem, Institut. de instit. stipulationum* Ibi dicitur quod valeat obligatio qua quis post mortem se daturum promittit. R. Olim obligatio quæ non cœperat à defuncto vel contra defunctum in persona heredis vel contra heredem, incipere non poterat. Et hæc iuris antiqui regula erat, *l. ult C. Theod. de divers. rescript.* Ex hac regula efficiebatur stipulationem post mortem stipulatoris vel promissoris factam, non valere, quia id agebatur ea stipulatione ut obligatio ab herede inciperet vel contra heredem. Eadem ratione post mortem heredis vel legatarij legatum relictum non valebat, *§. post mortem, Institut. de legat.* Verum Iustinianus regulam illam antiquam emendavit & constituit ut actiones ab heredibus & contra heredes incipiant, atq; ita hodiè stipulatio post mortem stipulatoris vel promissoris rectè concipitur. Legatum etiam post mortem heredis vel legatarij, relictum valet. Quamvis autem obligatio qua quis post mortem se daturum spondet, valeat: tamen necesse etiam est, ut res quam stipulamur, talis sit quæ in stipulationem deduci possit. At hereditas talis non est. Ergò &c.

## II. Propositio.

Rectissime pactum dotali instrumento comprehensum, quo pater filiam inæquali portione cum filio successuram promittit, iuris ciuilis improbat auctoritas.

## A R G V M E N T U M I.

Pacta in continenti facta insunt bonæ fidei iudicijs *l. iur. iugentium, §. quinimo, de pact.* Imò insunt etiam iudicijs strictis  
*l. lectas*

*l. l. et de rebus credit.* Hoc pactum ut filia ex æquo heres esset cum filio, in continenti dote fuit adiectum. Igitur inest, & sic per consequens valet, & actio de dote porrigetur etiam ad id quod pacto comprehensum est. R. Pacta in continenti facta insunt, si modò natura pactorum talis sit, ut inesse possint. Sed hoc pactum non potest inesse contractui dotis cui adijcitur, quia est contra bonos mores & aufert liberam testandi facultatem. Et quod solutio ista sit vera hac ratione probo. Pacta contractibus adiecta non sunt maioris virtutis & efficaciam quàm contractus. Sed contractus ita initus, puta stipulatio ita facta, ut filia esset heres ex æquo cum filio, non valet, *l. stipulatio hoc modo concepta, de Verbor. obligat.* Igitur nec pactum valebit contractui accedens.

## A L I V D.

In omnibus maximè tamen in iure æquitas est spectanda, *l. in omnibus, de R. l.* Sed hoc pactum est æquissimum. Hoc enim pacto successio deducitur ad causam intestati, quæ causa intestati est æquissima, cum omnes liberi aequaliter succedant. Igitur dicendum est hoc pactum valere. R. Verum est quod per pactum propositum, successio reducitur ad causam intestati, verum est & illud, quod causa intestati sit æquissima, sed propter illas causas propositum pactum, non est æquissimum dicendum. Etenim si pactum valeret, tunc impediretur libera testandi facultas, & non esset ambulatoria hominis voluntas usq; ad extremum spiritum, quod esset contra *l. cum hic statum, de donation. inter vir. & uxor. & l. i. C. de SS. Eccles.* in qua dicitur, nihil est quod magis hominibus debeatur &c. Et ut illa lex propriè intelligatur, sciendum est quod olim collegio Christianorum legari non potuit, non tanquam illicito, sed quia omnes certatim bona sua, Ecclesiæ & Collegijs dabant instinctu sacerdotum. Eius rei prohibendæ, & avaritiæ sacerdotum coercendæ gratia, ab Imperatoribus prohibitum fuit, ne Collegio Christianorum legaretur. Ad illam legem & prohibitionem Imperatorum, Divus Hieronymus quodam in loco respiciens inquit. Non queror de lege illa, sed doleo quod legem illam meruerimus. Postea Imperatores id rursus

C c c

fustu-

sustulerunt & permiserunt vt liceret collegio Christianorum legare. Et eo pertinet d. l. i. C. de Sacros. Ecclesiis.

## A L I V D.

Nemo debet locupletari cum alterius iactura & damno. *l. nam hoc natura, de condition. indebit. l. iure natura æquum est, de R. l.* Sed si pactum quo conuenit, vt filia vnà cum filio, ex æquo succederet, non valet, tunc socer locupletatur cum generi sui iactura & damno. Gener enim hac fiducia fretus, quod filia succedere deberet, minus dotis accepit, plus postulaturus si filia non esset successura. Igitur pactum valet. R. ad maiorem. Nemo debet &c. absque culpa illius cuius damno locupletatur. Sed socer locupletatur cum damno generi culpa ipsius generi, ideoq; damnum illud sibi imputare debet, secundum regulam iuris. Quod quis sua culpa damnum sentit non videtur sentire.

## A L I V D.

Diuisio bonorum quocunque modo inter liberos facta, rata est, *l. filia, C. famil. exciscund.* Hoc pactum inducit diuisionem bonorum inter filium & filiam & quidem æquissimam. Igitur valet saltem parente intestato mortuo. R. Maior vera est si diuisio procedat ex huiusmodi voluntate quæ libera sit vsq; ad mortem. Ad minorem, pactum propositum inducit bonorum diuisionem, non voluntariam, vsq; ad vitæ exitum, sed necessariam & coactam. Si enim valeret pactum, pater obstrictus & obligatus esset ad hoc pactum seruandum, atq; ita diuidere post pactum interpositum, hereditatem quo vellet modo, non posset, quod est contra *l. parentib. C. de inoffic. testam.*

## A L I V D.

Posterius imperfectum testamentum valet, & prius perfectum rumpit, si in eo sit scriptus heres is, qui ab intestato successurus erat, *l. 2. de iniust. rupto &c.* Igitur hoc etiam pactum, aliàs inualidum valebit, cum pactio conuenerit, vt filia quæ aliàs ab intestato æqualiter successura erat, ex æquo cum filio heres sit. R. Nego consequentiam & ratio est, quia hæc sunt dissimilia. Testamentum imperfectum ideo admittitur, quod ibi libera est testandi voluntas, vsq; ad extremum vitæ

vitz spiritum. At si pactum aliàs inualidum, ex eo validum esse diceremus, quod pacto comprehensum sit eam successuram, quæ ab intestato ad hereditatem peruentura esset, tunc eriperetur parenti libera illa facultas testandi, & post pactum interpositum non posset pater quovellet modo testari. Igitur pactum tanquam prohibitorium liberæ facultatis testandi non valet. Testamentum contra valet.

## A L I V D.

Æqualitas in contractibus est seruanda, & in dubio interpretatio ita fieri debet, vt contrahentium æqualis sit conditio, *l. si id quod, §. fin. de rescind. vendit. l. pen. in fine. C. commun. diuidund.* Et propter æqualitatem seruandam aliquid venit & includitur in dispositione quod aliàs non includeretur, *l. quæsitum, §. sed & ipse Papinianus, de instructo fundo &c.* Imò dispositio generalis restringitur vt æqualitas seruetur, *Socium cons. 98. col. 3. lib. 2. Aretin in cons. 6. col. 6. & in cons. 152. col. 2. ad finem versicul. confirmatur ista conclusio.* Sic fit extensio de vno casu ad alterum ratione æqualitatis seruandæ, *§. Illud, institut. pro socio, l. fin. C. de fructibus & litium expensis.* Sed hoc pactum inducit æqualitatem inter liberos, inter filium & filiam. Igitur est seruandum. R. ad maiorem. Maior est vera cæteris paribus, & vt seruata æqualitate, nihil fiat contra bonos mores. Ad minorem, hoc pactum inducit æqualitatem, sed est contra bonos mores propterea quod aufert liberam testandi facultatem.

## III. Propositio.

Eiusdem iuris auctoritate improbatu conuentio, vt dote contenta quæ matrimonio elocatur, nullum amplius ad bona paterna habeat regressum.

## IV.

Nec intestato patri succedere filia ea ratione prohibetur.

## A R G V M E N T V M I.

Omnes licentiam habemus renunciandi ijs quæ pro nobis introducta sunt, *l. si quis in conscribendo, C. de Episc. & Cleric. l. pen. C. de pact.* Sed quod filia patri succedit, hoc in gratiâ filiæ introdu-

ctum est. Igitur potest filia, huic suo iuri, & futuræ successioni renunciare. R. Maior procedit in ijs, quæ in fauorem renunciantis tantum introducta sunt. Vt in fauorem militum & Clericorum, fori præscriptio introducta est, vt trahi non possint ad communem & ordinarium magistratum, huic ergo iuri milites & Clerici rectè renunciant, *d. l. si quis in consensendo, & d. l. penult.* Sic quod minor 25. annis, læsus & circumuentus in integrum à prætore restituitur, in fauorem & gratiam ipsius minoris à prætore est constitutum. Potest igitur minor, restitutione à prætore impetrata, restitutioni renunciare quia inquit Iurisconsultus licet unicuiq; contemnere quæ pro se introducta sunt, *l. si iudex circumuento, de minor. l. si intra, C. de in integr. restitut. minor.* Sic lex Falcidia heredis causa lata est, & ideo potest heres cauere, vt lege Falcidia interueniente, solida legata præstentur, *l. potest heres, ad l. Falcidiam.* Renunciare igitur possumus ijs quæ tantum in fauorem nostrum sunt introducta. Secus est si ea quibus renunciamus, respiciant quodammodo vtilitatem publicam. Tunc renunciatio non tenet. Et ius publicum priuatorum pactis non immutatur *l. ius publicum, de pact.* Et huius generis est successio quæ filia iure publico defertur, non ob id tantum quod filia est, sed etiam idcirco, quod pietatem erga parentem exercet, *l. parentibus, C. de inoffic. testam.* & quod debitum obsequium, iugiter, prout ipsius naturæ religio flagitat, parentibus adhibet, *l. liberi, C. eod.* quod non ingrata erga parentem est *l. omnino, C. eod.* quod deniq; ijs meritis filia ad paterna obsequia pronocatur. *l. si quando, §. illud etiam sancimus, C. eod.* Hinc filia quæ ingrata erga parentem existit, potest exheredari. Et si filia, dote accepta, reliquis bonis renunciare posset, retraheretur facilè filia, à pietate & obsequijs, quæ parenti, propter spem futuræ successione præstare tenetur. Et ob id, huiusmodi renunciatio non valet. *Hanc causam postea deprehendi a Castrense assignatam in l. 3. C. de collatione. Sed Castrensis nullas adduxit leges.*

## A L I V D.

Hereditate repudiata, nullum repudians ad hereditatem regressum habet. Igitur quoque, renunciatione facta, nullum ampli-

amplius renunciāns ad hereditatem regressum habebit, cum renunciatio quædam sit repudiatio. R. Hæc similia non sunt. Repudiāns ideò non habet regressum, quod ea tantum repudiāntur, quæ iam delata sunt, & nondum delata repudiari non possunt, *l. i. §. decretalis, de successor. edicto*. Renunciāns contra regressum habet quia renunciatio fit de hereditate nondum delata, de futura adhuc hereditate, & ideò renunciatio non valet.

## A L I V D.

Quod statuitur in vno correlatiuorum, statui quoq; debet in altero *l. final. C. de indict. viduitat. tollend.* Sed pater certis rebus à filio acceptis, rectè renunciat hereditati huij *l. i. §. paterens, si à parente quis manu. fuer.* Patronus, hereditati item sui liberti. *l. 3. de bonis libert.* Igitur etiam filia, dote accepta, reliquæ hereditati, renunciare poterit. R. Maior vera est, si sit utrobq; eadem ratio. At hîc ratio est diuersa. Etenim filia ideo non potest renunciare, futuræ hereditati, quod per illam renunciationem pietas & obsequia debita parentibus, tollerētur, *ut supra prolixius dictum est*: Hoc periculum in patre non est metuendum & paternus affectus non extinguitur ob id quod pater filio non est successurus. Pater namq; plus diligit filium quàm filius patrem quemadmodum Aristoteles docet, in 8. *Ethicor. ex quo id refert Albericus, constit. ff. Vet. nu. 21. & in l. veluti. nu. 9 de iust. & iur.* propterea scilicet quod filius pars est corporis paterni *l. cum finius, §. fin. C. de agricola. & censu. lib. 11. quod etiam Aristoteles affirmat lib. 3. Ethicor. c. 5. Et sic Dido ad AENEAM inquit.*

*Forſitan & grauidam Dido ſcelerata relinquit,  
Parsq; tui latitat, corpore clauſa meo.*

Hinc dicitur quod parentum affectus in liberos magnus *l. isti quidem, in fine, quod metus causa.* Et adeò magnus vt nullus affectus, paternum vincat affectum. *l. cum furioſus, C. de curatore furioſi.* Et parentes omnia quæ habent liberos ſuis ex voto parant, *ut dicitur in l. nihil intereſt. §. faciliusq; de bonis libertorum.* Et liberos ad hereditatem admittit parentum & naturæ commune votum *l. ſcripto ſi tabul. teſtam. nulla extabunt.* Econtra pa-

rentes nō expetunt hereditatem filiorum, & vt ICTus loquitur, parentibus non debetur hereditas filiorum propter votū parentum, & naturalem erga filios charitatem, *l. nam et si parentibus, de inoffic. testam.* Vulgò ad superius argumentum aliter respondent, & ad hunc modum quod parentibus minus debeatur hereditas filiorum, & idèò renunciare possunt. Sed si ea ratio vera est, sequetur, filios ob id non renunciare futurā hereditati certis quibusdā bonis acceptis, quod filijs siue liberis magis debeatur hereditas parentum. Sed hæc ratio nulla est, aut certè non est sufficiens, igitur & altera illa nulla est aut certè est insufficiens.

## A L I V D.

In pactum, quo filia, dote accepta paternæ hereditati renunciat includimus, vnum tantum casum, si pater intestatus decesserit, & in illum casum pactum dicimus nō valere. Igitur videtur dicendum quod in alterum casum testati, & si pater testatus decesserit, pactum valeat. Inclusio enim vnus, alterius est exclusio, *l. cum prator, de iudiciis, l. maritus, C. de procurator.* R. idèò hīc tantum vnum casum ponimus, quod filia, dote accepta, intestato parenti succedit vnā cum fratribus & sororibus, Testato non item, propterea quod dos, filix in legitimam computatur. Et legitima Pandectarum & Codicis iure, quocunq; modo potest relinqui, & relicta excludit querelam inofficiosi, § *igitur quartam, Inst. de inoffic. testam. l. quoniam nouella constitutio, C. de inoffic. testam.* Pactum igitur etiam in causam testati non valet, & filia patrē testato mortuo, non succedit, non quod pactum obstet filix, sed quia legitimam habet, quæ filiam à querela inofficiosi remouet.

## A L I V D.

Obstat. tot. t. de filijs natis ex matrimonio ad morganaticam contracto. Ibi dicitur huiusmodi pactiōem, vt filij certis rebus contenti sint, nec patri suo in hereditate, in bonis feudalibus & allodialibus succedant, valere. Idem ostenditur in c. vntc. § *filij, si de feudo defuncti content. sit inter domin. & agnatos uasalli.* Sed ibi deest negatio, & ita legitur, in feudo succedunt, legendum in feudo non succedunt. Et ita legèdum esse, ratio quæ



quæ subijcitur satis demonstrat. Igitur hæc nostra propositio vera non est. R. Nego consequentiam & ratio est, quia non rectè argumētatur à consuetudinibus feudalibus ad ius civile, aut alias res non feudales. *Ita prolixè docet Franc. Curtius in-  
mior, in 1. parti tractatus sui feudal. quest. 3. & rectè.* Nam consuetudo iuris est stricti. *Bart. in l. 1. §. si quis hoc interdicto, in fin. de itinere a-  
Aug. prius. Paulus de Castro in cons. 340. quia supra col. 2. ad fin. lib. 2.  
Baldus in cons. 275. quod pro regulis, circa fin. lib. 2.* Ibi dicit quod in consuetudine nihil debet suppleri ultra solitam observantiā, & si cōsuetudo de aliquo non disponit, nec nos disponere debemus. Idem Bald. *in c. vnic. de feud. cognition.* dicit quod consuetudo est stricti iuris, & strictè est interpretanda, ideoque non extenditur de loco ad locum, nec de persona ad personam *Gracetta consil. 30. nu. 5.* Non rectè igitur infertur, pacta de futura successione valere hodiè propter ea quæ traduntur *in d. c. vnic. de filiis natis &c.*

## A L I V D.

Qui dominus est, super re sua conuenire, pacisci & contrahere potest, quod definitio dominij indicat. Dominium enim ius est plenè disponendi de re aliqua corporali. Facit hîc quod dicitur vulgò quemlibet in re sua moderatorem & arbitrum esse *l. in re mandata, C. mandati.* Sed filia etiam viuente patre, domina est hereditatis paternæ *l. in suis, de liberis & post.* quod etiam Aufonius significat his versibus :

*Insta quidem series patri succedere, verum  
Esse simul dominos gratior ordo pjs.*

Hinc mortuo parente non dicitur filia, hereditatem adire, sed heres existere statim, *l. 1. §. qui sunt, si quis omissa causa testā.* Et habet filia ius *ἀναφάντως*. Videtur igitur dicendum quod super bonis paternis, conuenire, pacisci & contrahere possit, & sic per consequens valebit pactio, ne ipsa regressum habeat ad bona paterna. R. Filia non est propriè domina paternorum bonorum viuente patre, sed impropriè tantum, & ideo Ictus vtitur dictione quodammodo *in d. l. in suis.* Qui propriè iam dominus est, is super re sua conuenire, pacisci & contrahere potest. Et de vero domino maior propositio est intelligenda.

A LI-

Frustra dubitatur de eo vtrum pactum, cum filia initum, vt dote contenta sit, valeat, cum pactum nullum cum filia, in potestate existente fieri possit. Etenim filia vox, patris vox est, vt dicitur in *Instit. de inutilib. stipulation.* Et lis nulla nobis potest esse cum eo quem in potestate habemus, *l. li nulla, de iudi. c. i.* R. Vulgò ita respondent quod sit dos excipienda quæ proprium filia patrimonium est *l. 3. de minor.* quamvis sit profectitia *l. parer, ad l. Falcid. l. 4. C. de collation.* Sed illa solutio mihi non probatur, propterea quod hîc non super dote pactio fit, sed super hereditate futura adhuc. Ita ergò potius respondendum censeo. Ideò de pactione proposita dubitatur, quia videtur fieri post mortem parentis, & in illud tempus reijci quo filia debebat succedere.

Renunciatio futuræ hereditatis valida est, illo consentiente de cuius hereditate agitur *l. fina. de pact.* Sed hîc pater consensit filia renuncianti. Igitur renunciatio valida est. R. In d. l. final. non agitur de renunciatione hereditatis, sed de diuisione, quam duo, qui sperant hereditatem viuents faciunt illo adhuc viuo. Illa pactio quasi coruina est, & verè vulturina. Seneca illos qui aliorum hereditates ita anxie & sollicitè expectant, vultures appellat. Vultur inquit es, cadauer expectas. Valet tamen conuentio si consentiat de cuius hereditate agitur, & in illo consensu persistat vsq; ad extremum vitæ spiritum. Deinde quod in l. final. C. de pact. statuitur, non rectè extra illam facti speciem de qua lex loquitur, protrahitur ad alias facti species vel casus. Est enim lex vltima, vna ex 50. decisionibus, quas Iustinianus secundæ Codicis editioni inseri iussit. Et quinquaginta istæ decisiones, strictissimè sunt accipiendæ adeò vt nec consequentia ex eis necessaria contra ius vetus admittenda sit, cuius rei innumera exempla adduci possent. Hoc vnum sufficiat. Olim adulterium non fuit capitale, & ideò de adulterio non potuit transigi. Hodie ex nouis constitutionibus capitale est effectum. Quæritur an hodie liceat transigere de adulterio?

Et ita

Et ita videbatur dicendum cum de capitalibus criminibus transactiones fiant. Verum non potest etiam hodiè transigi, quia noua illa constitutio strictissimè accipienda est, idque Tribonianus satis intellexit, qui idcirco ad l. transigere, C. de transaction. adiecit hæc verba, excepto adulterio.

### V. Propositio.

Sed hoc ita nisi iuramentum eius accesserit, quo casu filia promissione constringitur.

### VI.

Quod si tamen dolus, vis vel metus accesserint, renuncianti filia præiudicium iuramentum non pariet.

### ARGUMENTVM I.

Quæ lege fieri prohibentur, si fuerint facta, non solum inutilia, sed pro infectis etiam habentur nec iuramento confirmantur, *l. non dubium, in fin. C. de legibus*. Sed huiusmodi conuentio, vt filia dote contenta sit, nec vllum ad bona paterna habeat regressum, lege fieri prohibetur. Igitur iuramento confirmari non potest. R. Concedo totum argumentum de iure ciuili, non etiam de iure Canonico. Et iure ciuili, non potest conuentio supradicta iuramento confirmari. Secus est de iure Pontificio, & ex Pontificum placitis, huiusmodi conuentio iurata valet.

### ALIVD.

Accessorium sequitur naturam principalis, *e. accessorium, de R. J. in 6*. Et principali perempto, perimitur accessorium, *l. 2. de pecul. legat. l. nihil dolo, de R. I. l. cum principalis, eod.* Sed hîc principalis conuentio non valet. Nec igitur valebit iuramentum accessorium. R. Regula non procedit in iuramento. Et enim quamuis principale non subsistat: tamen iuramentum accessorium id corroborat, eique firmitatem addit. *Latè post Dd. Mynsingerus in obseru. obseru. 2. cent. 3.* Confirmatur solutio, *per c. cum contingat, de iureiurand.* Ibi fundus dotalis fuit alienatus, consentiente muliere. Hæc alienatio nulla est, *et sic. de fundo dotal. in Pandect. & C. l. 1. §. penult. C. de rei uxor. actio.* Cæterum

Ddd

rum

rum si mulier iurauerit se alienationem ratam habituram tenet alienatio *d. cum contingat, extra de iureiurand.*

## A L I V D.

Certi sunt modi introducendæ obligationis. Inter illos modos non innumeratur iuramentum. Igitur iuramentum obligationem nullâ introducit. R. ad minorem. Vera est secundum dispositionem iuris ciuilis. Etenim iure ciuili, ex iureiurando, nulla quæritur obligatio *l. ut iurisiurandi, de operis libertor. l. penult. de obsequiis parentibus & patron. præstand.* Et ideò qui fideiussit pro illo qui iurauerat se decem daturum, non obligatur, *l. si quis pro eo, de fideiussorib.* Verum secundum Pontificum decreta, iusiurandum obligationem introducit propter animæ periculum, quod non seruato iureiurando sequeretur.

## A L I V D.

Iuramentum quod contra bonos mores præstatur non est obligatorium *c. non est obligatorium, de Reg. l. in 6.* Hoc iuramentum est contra bonos mores, Igitur non est obligatorium. R. Duplices sunt boni mores. Alij sunt boni mores ciuiles, alijs boni mores naturales. Contra bonos mores naturales iuramentum præstitum non obligat. Vt si iurem me homicidium, furtum adulterium commissurum, iuramentum non est obligatorium. Et de moribus bonis naturalibus est accipienda regula, non est obligatorium. Contra mores bonos ciuiles iuramentum præstitum obligat Iure Canonico, nec id mirum videri debet, cum illa quæ Iuris ciuilis sunt, & contra bonos mores ciuiles dicuntur esse, per aliud ius ciuile tolli possint. Vt Leo Imperator sustulit *l. pactum quod dotali, C. de pact.*

## A L I V D.

Valet argumentum à tortura ad iuramentum, & iuramentum est tortura quædam spiritualis *Secan. consil. 253. col. 1. lib. 2. Granetta consil. 6. num. 34.* Huc facit *l. 8. de condition. institut.* quæ dicit Institutionem sub conditione factam iurisiurandi, non valere. Quia inquit textus, nonnulli, perquam faciles sunt ad iurandum, alijs perquam timidi metu diuini numinis vsque ad superstitionem. Sed renunciatio, in tortura facta, pro-

procul dubio non valet. Igitur nec valebit ea quæ fit iuramento. R. Est differentia inter torturam & iuramentum. Tortura semper corpus affligit. At iuramentum, absque vlla tortura animæ præstari potest. Igitur non procedit recte argumentatio &c.

## DE LOCATIONE.

### I. Propositio.

Locatio est contractus, quo quid vtendum vel faciendum pro certa mercede alicui datur.

### ARGUMENTVM I.

Hæc definitio latior est suo definito. Igitur non est bona. Antecedens probatur, per l. 2. locat. & conduct. & §. item queritur, Instit. de locat. & conduct. Ibi quis aurifabro decem dedit, vt ex suo auro aurifaber annulum faceret aureum. Hoc negotium non est locatio sed emptio. At ibi datur quid faciendum pro certa mercede. R. Nego ibi quid dari faciendum. Etenim is qui aurifabro decem dat, vt annulum faciat, non dat aurifabro rem aliquam siue materiam aliquam, ex qua annulum faciat aurifaber, sed tantum mercedem, ea lege vt aurifaber faciat annulū ex sua materia, ex suo auro. At locatio non est, nisi quid detur id est, nisi à locatore res aliqua, siue materia aliqua proficiscatur, qua re, conductor possit vti, aut ex qua certā aliquam formam, aut certum corpus possit conficere. Recte igitur dicitur, locationē non esse, sed emptionem esse, cum quis aurifabro decē dat, vt is ex suo auro faciat annulum aureū. Cassius duplex volebat esse negocium, & dicebat materiæ quidem emptionem & venditionem contrahi operæ autem locationem & conductionem, d. §. itē queritur, Instit. de locat. & conduct. Sed reliquis ICTis placuit vnum tantum esse negociū emptionem & venditionem d. l. 2. locat. & conduct. Sane si aurifabro aurū dedi, mercede pro opera constituta locatio est & cōductio, d. l. 2. §. fin. Et sicuti emptio & venditio, mercedem, pretium, & cōsensum requirit. Ita locatio & conductio

non est, nisi interueniat res aliqua siue materia quæ vtenda vel facienda detur, merces item certa & consensus contrahentium.

## A L I V D.

Sed hîc rursus ita inferri posset. Quæ substantia non differunt, illa inter se non differunt. Sed locatio & conductio, ab emptione & venditione substantia non differunt. Igitur inter se non differunt & sic per consequens definitio nostra emptioni & venditioni conuenit. Minor probatur ex suprà dictis. Nam tria illa quæ substantiam emptionis constituunt, merx pretium & consensus, constituunt etiam locationem & conductionem. Et locatio non est nisi sit merx aliqua id est, res quæ locetur, nisi item accedant consensus & pretium. R. ad maiorem, quæ substantia non differunt, tendente ad eundem finem, illa inter se non differunt. Cuiuslibet enim rei substantia, finem tanquam causam respicit, quæ causa ob id principium ipsius rei quod dicitur. Et ea ratione ἀρχή, Græcis principium & finem significat. Docet Aristoteles in 4. *Metaphysicor.* Et à fine fit denominatio, & iustum est à fine omnia denominari secundum Aristotelem quem citat Bald. *confil.* 272. *super eo quod quaritur col. 2. lib. 1.* Et idem dicit ipse Baldus in repetitione l. *A Emilius, col. 4. vers. & scias quod libellus, de minoribus.* Albericus de *Rosat. in l. 1. col. 2. versic. & an sit, de origine iuris.* Finis namq; declarat qualis sit res censenda, l. *sed et si quid, §. 1. de usufructu. c. fraternitatu, §. vltim. extra de frigid. & maleficia.* Nunc ad minorem. Emptionis & locationis, vna eademq; est substantia, sed illa substantia tendit ad finem diuersum. Etenim pretium in emptione, datur pro merce, vt merx nostra fiat. In locatione datur pretium siue merces, pro opera. Item in emptione, emptor rem semper accipit. In locatione locator semper rem dat vtendam vel faciendam. Denique in emptione, emptor semper pecuniam dat. In locatione locator modò dat pecuniam, modò accipit. Dat pecuniam, cum dat aliquid faciendum. Accipit, cum dat aliquid vtendum.

## A L I V D.

Rursus obijcitur definitionem locationis, suo definito, multò

multò latiore esse propterea quod definitio cadat quoq; in Emphyteusin. Nam Emphyteusis est contractus, quo quid vtendum datur pro mercede. R. Definitio nostra in Emphyteusin non cadit. Nam hoc vult definitio, quod locatio sit contractus quo quid tantum vtendum vel faciendum pro mercede datur. Emphyteusis non ea tantum lege contrahitur, vt fundo vtamur pro pensione certa, sed etiam vt fundum meliorem & cultiorem reddamus, *l. 2. C. de iure Emphyt.* Ob id Emphyteusi finita, culpa Emphyteuticarij, meliorationes ab Emphyteuticario non remouentur, *d. l. 2. C. de iure Emphyrent.* Scus est in inquilino qui meliorationes siue Emponemata remouere potest, *l. sed addes, §. si inquilinus, locati.* Conuenit itaque Emphyteusis cum locatione in aliquo tertio, sed non propterea Emphyteusis & locatio inter se conueniunt.

## A L I V D.

Instatur, definitionem locationis à nobis positam, conuenire contractui libellario. Etenim in libellaria, prædium vtendum datur sub certa pensione. Sed vt superius responsum est de Emphyteusi, ita & hîc respondendum erit. Et in libellaria non tantum quid vtendum datur pro pensione certa, vel pro mercede certa. Sed etiam alia lex adjicitur, vt statò conditioq; tempore libellaria renouetur numerato pretio certo, vt ex definitione constat, quæ hæc. Libellaria est contractus. quo res alicui scriptura interueniente venditur certo pretio, & hoc amplius certa pensione constituta in annos singulos, hac plerumque lege adiecta vt statò conditioq; tempore, contractus renouetur, rursus numerato pretio certo vel arbitrario.

## A L I V D.

Quod si obijciatur vterius, definitionem nostram precariæ conuenire, obex iste, collatis definitionibus, remouebitur. Et precaria est contractus quo rei immobilis vsusfructus ei ceditur qui Ecclesiæ rem suam donauit, aut liberis eius, vel in ea re sola, vel in alijs rebus Ecclesiæ ad tempus certum, vel in tempus vitæ donatoris tantum, aut etiam filiorum eius.

Hoc amplius contra definitionem nostram adfertur tale argumentum. Finge do tibi togam, vt tabulam mihi pingas. Hic datur quid faciendum, & tamen locatio non contrahitur, sed contractus incertus, seu vt vulgò loquuntur contractus innominatus *l. 5. §. at cum do, de præscript. verb.* Igitur definitio adhuc latior est suo definito. R. Locatio est cum merces interuenit, & cum quid datur vtendum vel faciendum pro mercede. At in *d. l. 5.* & exemplo adducto, non datur pecunia pictori vt pingat tabulam, sed datur toga. Itaq; locatio non est, quæ vt dixi pretium siue mercedem recipit, in tantum vt certum pretium siue certa merces ab initio sit constituenda. Si incerta merces constituatur, non est locatio. Vt si sarcinatori dem vestimenta mea sarcienda, postea pretium daturus de quo inter nos conuenerit, non est locatio sed negotium incertum ex quo nascitur actio præscriptis verbis, vt *Inst. de location. & conduction.*

## A L I V D.

Dare significat dominium transferre *l. ubi autem non apparet, §. fin. de Verbor. obligation.* §. sic itaq; discretis, *Inst. de action.* Et non videntur data, quæ ita dantur, vt accipientis non fiant, *l. non videntur data, de R. l.* Sed in locatione, dominium rerum locatarum non trāsferitur, vt in domo locata, non transferitur dominium, sed tantum vsus, vel vsusfructus domus. Igitur non benè dicimus, locationem contractum esse quo quid datur. R. Propriè dare significat dominium transferre, sed sæpius in iure, dare pro tradere etiam accipitur, vt in *l. 4. de usufructu.* Et ita dationem hîc accipimus.

## A L I V D.

Locatio est, non tantum cum domus vtenda datur, verum etiam cum domus datur fruenda. Igitur in definitione nostra, malè vsus mentionem tantum facimus, & definitio angustior est suo definito. R. Vocabulum vsus quandoq; etiam vsusfructum in se continet. *Textus est in l. 5. §. fin. & l. 10. de usufruct. eorum rerum quæ usu consumuntur.* Et hîc verbo vsus, modò vsum significamus, modò vsusfructum.

Pro-



## II. Propositio.

Et habet locum non solum in vrbanò sed etiam rustico prædio, quod ab vrbanò non loco sed materia separatur.

## ARGUMENTVM I.

Obstat l. 2. de seruitut. rusticor. præd. & l. eo iure 4. in quibus causis pign. vel hypothec. In illis legibus significatur, quod vrbanum prædium à rustico loco separatur. Et quidem in l. 2. Iurisconsultus seruitutem altius tollendi, quæ vrbanæ seruitus est, vt constat ex Instit. titu. de seruitut. inter rusticas seruitutes refert, si altius tollendi officiat prætorio vicini id est, si quis ædes suas altius tollat extra urbem, ruri, non etiam in vrbe. Prætorium enim ædificium est, in villa, voluptatis causa extructum. Galli vocant maison de plaisance. Ratio nominis hæc est. Olim omnis magistratus, cui pareret exercitus Prætor dicebatur, & tabernaculum eius prætorium. *Asconius Pedianus in 3. Verrina. Varro lib. 5. de lingua latin. Sextus Festus lib. 14. Iustinianus in Nouella 24. & rursus in Nouella 25.* Postea cum lege Regia, potestas omnis populi Romani, in Principem translata esset, eius domum vocarunt prætorium. Et quia in prædio, vnusquisque instar Principis est, idè domum quæ est in villa, prætorium dixerunt, quasi ibi rex & Princeps villæ habitaret. In l. eo iure, stabula, inter rustica prædia numerantur, quia sunt in villis, quæ tamen vrbanæ prædia esse dicuntur, in l. vrbanæ prædia, de Verbor. signific. Igitur nostra propositio est falsa. R. l. 2. de seruitut. rusticor. prædio. & l. eo iure, in quibus causis pignus &c. sunt Neratij Icti. & in distinctione vrbanorum & rusticorum prædiorum inter Neratium & cæteros Iurisconsultos non conuenit. Neratius ea loca distinguebat. Cæteri omnes, qualitate & materia, & horum sententia obtinuit.

## A L I V D.

Obijcitur l. vrbanæ familiæ, de V. S. ibi Ictus docet quod dispensator in vrbanis non est, si rerum rusticarum rationes dispenset, ibique habitat. Ecce Ictus hoc exigit vt seruus, ibi

ibi id est, ruri habitet, tunc rusticum est mancipium. Si igitur mancipium rusticum ab urbano, loco separatur. Igitur urbanum etiam prædium à rustico loco separari debet. R. Iurisconsultus in initio istius legis, docet quod urbana familia ab rustica, non loco separatur sed genere operis, & si postea hoc exigeret Ictus in rustico mancipio, ut non solum rationes rerum rusticarum dispensaret sed etiam ibi id est, ruri habitaret, tunc sibi ipsi contradiceret. Igitur pro his verbis, ibique habitet legendum est, ubi habitet, id est, ubicumque habitet. *Atque ita Cuiacius adnotavit; quod observandum Ludovicus Russardus monet.*

## A L I V D.

Obijcitur l. tugurij appellatione, & l. fundi appellatione, de V. S. Ista duæ leges videntur hoc velle quod urbanum prædium à rustico loco separaretur. R. In duabus illis legibus agitur de ædificio urbano & rustico, non de prædio urbano & rustico. Et omnia ædificia non solum urbana, sed etiam rustica, urbana prædia dicuntur. *l. urbana prædia, de verbor. significat.*

## III. Propositio.

In urbanum prædium inuecta & illata, pignoris iure dominis prædiorum tenentur.

## IV.

In rusticum prædium inducta non item, sed ea quæ ibi nata sunt, pignori dumtaxat obligata sunt.

## ADNOTATIO.

Si quærat quæ sit ratio istarum duarum propositionum, sumenda ea erit ex moribus populi Romani. Solebant in prædijs rusticis nata pro mercede obligari. *l. si servus, §. locant, de furt.* In urbanis, inuecta. Et quod primum in more positum fuit, in ius paulatim transiit, & pro dicto habitum fuit, sicubi dictum non esset. *Hanc rationem differentie, assignavit Conmanus lib. 4. suor. commentarior. c. 16. & Cuiacius in l. 4. de pact.* Sic moribus primum receptum fuit, ne donationes inter coniuges

ges valerent *l. 1. de donation. inter vir. & uxor.* Sed postea id in ius transiit *coe. cit. de donation. inter vir. & uxor.* Sic pupillaris substitutio, moribus introducta dicitur, eamq; postea ius ciuile probauit, *l. 2. de vulgar. & pupillar. substitut.* Et similia exempla complura adduci possent.

## ARGUMENTVM I.

Obijcitur §. item seruiana. Institut. de action. Ibi dicitur quod res Coloni, pignoris iure pro mercedibus fundi, dominis prädiorum teneantur. Igitur propositio nostra quarta, est falsa. R. Res coloni tenentur pro mercedibus fundi, non tacito iure, sed ex pacto, §. *interdictum*, Institut. de interdict. atq; ita §. *illum* Gracius Interpres Theophilus ibi accepit, & interpretatus est.

## A L I V D.

Obstat I certi iuris est, C. locat & conduct. ibi dicitur quod inducta in fundum, obligentur locatori, etiam nulla pactione intercedente si modò locator sciuerit res in fundum inductas esse. Igitur malè nos dicimus, inducta in prædium rusticum pignoris iure non teneri. R. *ex sententia Francif. Connani & Iacobi Cuiacy*, ad hunc modum: Voluntatis aut scientiæ nomine, in d. l. certi iuris est, nihil aliud significatur, quam expressa conuentio, expressa pactio, atq; ita voluntatis verbum, pactionem subindicat, in *l. Pomponius*, in quibus causpi-  
gnus &c. & quæ in d. l. certi iuris est, differentia traditur, illa planè cum alijs locis, iuris ciuilis congruit in quibus dicitur quod inducta in prædia urbana, pignori sint in prædia rustica non item, nisi de eo pactio interpolita fuerit. §. *interdictum*, Institut. de interdict. l. 4. in quibus causpi-  
gnus vel hypoth. tacitè, contrahitur. l. 5. C. eod. l. 4. de pact. Et quia differentia illa cum alijs locis iuris ciuilis congruit, ideò Imperator inquit, certi iuris est. Si noua ibi poneretur differentia, non esset certi iuris. Quinimò lex illa, multarum aliarum legum correctionem induceret. Nam lex præter scientiam domini, exigit voluntatem coloni & locatoris. Si voluntas non significat conuentionem expressam, sed voluntatem tacitam ipsius coloni & locatoris, tunc hoc vult lex, quod inducta in fundum, tacitè pignoris

Ecc

iure

iure teneantur, atque ita lex illa corrigit leges supradictas omnes, quæ dicunt in vrbaniis prædijs hoc tantum receptum esse vt inducta & illata tacite teneantur, *d. l. 4. de publicis, d. l. 4. in quibus causis &c.* At legum correctio est vitanda, & legum correctionem Imperator non vult introducere, ideo inquit, certi iuris est.

## A L I V D.

Obstat l. si in lege locationis, §. si colonus, locati. Ibi Iuriscultus inquit si colonus locauerit fundum, res posterioris conductoris, domino non obligantur, sed fructus in causa pignoris manent. Cum Iuriscultus dicit non obligari res conductoris posterioris, hoc significat, prioris conductoris res obligatas fuisse. R. Omnino Iuriscultus vult res prioris conductoris obligatas fuisse, obligatae autem fuerunt ex pactione, quæ pactio personalis est, & ideo posteriorem conductorem non obstringit. Alia ratio est vrbaniis prædiorum, *l. solutum, §. solutam, de pignorat. action.*

## A L I V D.

Obstat l. 1. §. fina. de rebus eorum quæ sub tutela vel cura sunt. Ibi dicitur, quod prædium emptum, non recte pignori obligetur, etsi conuenerit vt pignori obligatum esset, quoad pretium solueretur. R. Ibi de minore ICTus loquitur, vt verba textus satis ostendunt. Minor non potest sine tutoris auctoritate prædium pignori obligare.

## A L I V D.

Obstat l. generali obligatione, de pignoribus. ibi ICTus docet quod in generalem obligationem non veniant quæ quis specialiter obligaturus non fuisset. Igitur omnia inducta & illata pignori tacite quoque obligari non possunt. R. facile admittimus illa tacite non obligari, quæ quis expresse non fuisset obligaturus atq; ita Interpretibus videtur.

## A D N O T A T I O.

Res aliena vtiliter potest obligari sub conditione si debitoris facta fuerit, *l. si fundum §. aliena, de pignor.*

ALIA.

## A L I A.

Si locator sibi prospiciat de hypotheca speciali, tunc cessat tacita obligatio, quia prouisio hominis facit cessare legis prouisionem, quod intellige si sit æquè plena. *Angelus in §. item Seruiana, Institut. de action.*

## A L I A.

Quæritur an conductor pensione non soluta, propria auctoritate expelli possit? R. Existimo quod in re manifesta & perspicua possit, sed tamen tutius erit, si expulsio fiat iudicis auctoritate, vt de Emphyteuticarij expulsionem dicitur, in *l. lex uetigali, de pignorib.*

## V. Propositio.

Pensione domino in solidum soluta, inuitus conductor expelli non potest.

## VI.

Nisi proprijs vsibus dominus domum necessariam esse probauerit, aut corrigere domum maluerit aut conductor in domo conducta malè versatus fuerit.

## A R G V M E N T V M.

Obstat l. 3. §. cum inquilinus, vti possidet. Ibi dominus ædium, voluit domum reficere. Inquilinus dominum reficere volentem prohibuit. Iurisconsultus dicit, dari hoc casu interdictum vti possidetis. Igitur videtur dicendum, quod dominus ædium inquilinum expellere non possit vbi domum vult reficere. Si inuito inquilino, dominus ædium non potest ædes reficere, ergò multò minus poterit expellere ob refectionem inuitum inquilinum. R. In l. 3. refectionem non fuit necessaria, & ideo inquilinus qui propter refectionem incommoda patitur, noluit refectionem admittere. Inde orta controuersia, ne alter alteri vim inferat, datur interdictum vti possidetis, quo interdicto prætor defendit in possessione inquilinum donec causa refectionis discussa fuerit &c.



## DISPVATIO

*Ex l. naturalis, ff. de prescript. verb.*

Cuius sequentes propositiones defendit

ARNOLDVS KEMMERER.

## Propositio I.

**C**ontractus, definitore Labeone, est vltro citroque obligatio.

## A R G V M E N T V M I.

Hæc definitio est angustior suo definito. Igitur non bona est. Antecedens probo quia in stipulatione is qui dari sibi stipulatur, non obligatur, sed is tantum obligatur qui promittit. Mutuum etiam dantem non obligat, sed eum tantum qui mutuo accipit. At stipulatio itemque mutuum contractus sunt. R. *συναλλαγμάτων* id est, contractuum duo sunt genera. Alia sunt *συναλλαγμάτων διπλευρα* ex quibus mutua nascitur obligatio, ex illo genere est emptio, venditio, locatio, conductio. Et de contractibus *διπλευροις* accipienda est Labeonis definitio quæ à nobis hîc posita est. Alia verò sunt *συναλλαγμάτων μόνοπλευρα*, ex quibus nascitur obligatio ex vna tantum parte. Ex hoc genere est stipulatio itemque mutuum. Nam per stipulationem ex promissoris tantum parte verborum obligatio constituitur. In mutuo quoque is tantum obligatur qui pecuniam mutuo accepit.

## A L I V D.

Sed rursus obijcitur quod in contractibus innominatis cum causa id est, datio vel factum iam subest & vnus ex parte sua quod promiserat, impleuit, alter solum obligatus remanet. Igitur contractus non est vltro citroque obligatio, & definitio suo definito adhuc angustior est. R. Hic obex ad eundem modum,

modum, quo superior, remouendus est, adhibita scilicet distinctione contractuum. Et omnes contractus innominati, pertinent ad *συναλλάγματα μοιόπλευρα* id est, ad contractus ex quibus ex vna parte tantum obligatio constituitur. Sicuti mutuum non est, nec esse potest nisi pecunia proficiscatur, *ut Ictus docet in l. 2. §. item mutuum, de reb. credit.* ita contractus innominatus non est, nec esse potest, nisi subsit causa id est, nisi datio accedat vel factum. Conuentio, vt pecunia mutua detur, pactum est non mutuum. Sic pactio est, si conuenerit vt ego tibi darem, equum, tu mihi mulum. Cum pecuniam tibi do, tunc mutuum incipit esse. Cum tibi do equum, tunc incipit esse contractus innominatus. Ceterum sicuti mutuum quod re perficitur, ad *συναλλάγματα μοιόπλευρα* pertinet, ita contractus innominati qui non perficiuntur nisi causa accedat, similiter ad *συναλλάγματα μοιόπλευρα* referendi sunt.

## A L I V D.

Amplius instatur, contractum ex vno tantum latere subsistere cum pupillus sine tutore suo contrahit. *Textus est expressus, in l. Iulianus, §. si quis à pupillo, de action. empt.* Si inquit Iurisconsultus quis à pupillo sine tutoris auctoritate emerit, ex vno latere constat contractus. Nam qui emit, obligatus est pupillo, pupillum autem sibi non obligat. Igitur adhuc videtur dicendum, definitionem angustiores esse suo definito. R. Quod ex vno latere tantum contractus constat cum à pupillo quis emit; hoc facit persona ipsius pupilli. Sic persona pupilli locum facit repetitioni, cum alias repetitio denegatur, *l. interdum, de conduction. Indebitt.*

## A L I V D.

Iterum insurgitur mandatum ita contrahi posse, vt is dumtaxat qui mandatum suscepit, teneatur & obligatur. *l. potest, mandati vel contra.* Igitur adhuc ex vno tantum latere contractus potest subsistere, & sic per consequens adhuc definitio vitiosa est. R. In mandato hinc inde nascitur obligatio, quod indicat titulus mandati vel contra, quibus verbis significatur duplex actio mandati, directa, quæ datur man-

danti, & contraria, quæ datur mandatario. Verum est post facto potest fieri ut ab una dumtaxat parte actio mandati detur. Ut si mandatarius egressus fuerit fines mandati, ipsi aduersum me actio non competit, mihi autem aduersus eum competit. *Et hoc Iuriconsultus tradit in l. potest, mandati.*

## A L I V D.

Rursus contra definitionem obijcitur. Definitio rei substantiam exprimere debet. Hæc definitio contractus, non exprimit rei substantiam. Nam obligatio, effectus est, non substantia contractus. Igitur non recte definitur contractus vltro citroque obligatio. R. Ut rei substantia, definitione exprimatur, in ea tantum definitione exigitur, quæ *ὑπόθεσις* nuncupatur. At hæc definitio nostra, *ἐννομία καὶ ἐν ὁρίῳ* est, rei tantum notionem tradens, & ab effectu ducta.

## A L I V D.

Obijcitur amplius, quod definitio nullam aliam in rem transferri debeat. Sed definitio nostra contractus, in aliam rem transfertur. Etenim inter patrem & filium vtrinq; obstringens obligatio est *l. ult. C. de alend. liber. l. si quis a liberis, de liber. agnoscend.* cum tamen contractus non sit, nec esse possit, *§. item, Instit. de inut. lib. stipulation.* Igitur bona non est definitio. R. Nego minorem, & leges quæ pro confirmatione minoris adductæ fuerunt, de naturali tantum obligatione loquuntur, quæ nihil commune cum ijs obligationibus quæ ex contractu descendunt habet.

## A L I V D.

Ad extremum obijcitur, quod definitio nostra contractus, consensus non meminit, sine quo contractus non subsistit *l. 1. §. penult. de pactis.* Igitur cum omnia non euoluat, quæ sub nomine, definito continentur, manca atque imperfecta erit. R. Cum definitio *ὑπόθεσις* est, hoc exigitur ut omnia euoluat, sed hæc nostra, ab effectu, ut. antè diximus ducta est, & rei quandam notionem tradit & consensus tacite subintelligitur.

## A L I.



## A L I V D.

Contra definitionem quoque obijci potest, quod ex donatione, oriatur obligatio, *l. non omnis, §. 1. de rebus credit.* At donatio non est contractus, est liberalitas quaedam quæ nullo cogente iure conceditur, *l. donari, de donation.* Igitur videtur dicendum quod definitio sit latior suo definito. R. Donatio dupliciter consideratur. Interdum prout vera liberalitas est. Et tunc donatio non est conuentio, non est etiam contractus. Interdum donatio, negotium aliquod in se habet, & fit certa lege, & tunc contractus dicitur, *l. contractus, §. de fide instrumentor.*

## A L I V D.

Insuper contra definitionem ita insurgitur. Ex delictis oritur obligatio. Igitur hæc definitio delicta quoq; comprehendit, & sic latior est suo definito. R. cum dicitur contractum esse obligationem, intelligimus huiusmodi obligationem quæ procedit ex voluntate & consensu contrahentium. Et omnes contractus non solum ij qui consensu contrahuntur, sed etiam qui re contrahuntur, consensum habent. Quinimò stipulatio quæ verbis constituitur, consensum habet & stipulatio sine consensu nulla est. *l. 3. §. ultim. de obligat. & acti.* At ex delictis oritur quidem obligatio. Caterum illa obligatio non procedit ex voluntate ex consensu delinquentium. Nec enim id agunt delinquentes vt obligentur, & vt ex obligatione illa conueniantur.

## A L I V D.

Obligationes non tantum ex contractu descendunt vel ex maleficio, sed ex varijs causarum figuris, *l. 1. in princ. de oblig. & act.* Igitur adhuc definitio latior est suo definito. R. Contractus nomen generaliter & specialiter accipitur. Specialiter contractus appellatio, pertinet ad illos contractus qui proprium & speciale nomen habent, & ita in specie contractus nomē accipitur, *in tit. de oblig. in Inst.* Obligationes inquit Imperator vel ex contractu sunt vel ex quasi cōtractu &c. & postea tantum Imperator de ijs contractibus tractat, eosq; tantū exquitur qui nomen propriū habent. Vnde apparet quod contra-

tractus nomen generaliter ibi non accipiat Imperator. Generaliter autem contractus nomen, pertinet tam ad contractus qui nomine legitimo vacant, quam ad illos qui proprium & speciale nomen habent. Et in d.l.i. de obligatio. & action. contractus nomen in specie sumitur, pro contractibus nominatis tantum. Innominati contractus significantur per varias causarum figuras. Et sunt genera contractuum innominatorum quatuor, ut in propositionibus nostris dicimus, verum sub illis quatuor generibus, comprehenduntur variae causarum figurae id est, contractus innominati oriuntur ex quamplurimis & varijs causis. Et sunt multò plures contractus innominati quam nominati. Nam verborum civilium non est tanta copia, ut omnes contractus possint verbis civilibus nuncupari ut quinta nostra propositio vult: Res sunt infinitae, voces finitae praesertim civiles hoc idè quia res sunt à natura, voces ab hominibus, & natura facile vincit hominum industriam. Ita fit ut in actionem praescriptis verbis multò plura veniant negotia quam in alijs actionibus quae nomine proprio praeditae sunt. Negotia quae continentur actione praescriptis verbis sunt numerosiora, & idè Iurisconsultus inquit obligationes descendere ex varijs causarum figuris. Et quod hic quem dixi verus sit legis sensus, apparet perspicue ex l. sancimus, i. C. de SS. Ecclesijs. Ibi Imperator de actione in factum loquitur id est, de actione praescriptis verbis, & dicit huius actionis tenorem in multis & varijs iuris articulis esse admissum. Quod Iurisconsultus, varias causarum figuras dixit, hoc Imperator vocat multos & varios Iuris articulos, & ut dixi, Imperator loquitur de actione in factum id est, de actione praescriptis verbis, quae varia nomina sortitur.

### De varijs appellationibus actionis, quae praescriptis verbis nuncupatur.

Praescriptis verbis dicitur, quia ut in contractibus verba contrahentium praescripta sunt, ita datur. Ceterae actiones

nes dantur à Pratore meditatatis, conceptis verbis. Hæc, ex scripto contrahentium, vel si contractus scripto non constat, ex nuda conuentione, l. 1. §. si quis, depositi. Ibi Iurisconsultus de actione præscriptis verbis loquens, inquit, sequemur quod habuerunt præscriptum aut quod conuenerit.

Dicitur, secundò, actio in factum, quasi scilicet in factum composita ut dicitur in Institut. de exception. vel quasi in factum concepta, l. quod de bonis, ad l. Falcid. vel quasi in factum comparata, l. 4. §. si a Titio, de doli exception.

Tertiò appellatur propria actio, nullo alio addito, quia scilicet datur ex nouo peculiari & proprio quodam negotio, quod à ciuilibus negocijs separatum & seruicium est, l. pignori, de pignorat. action.

Quartò dicitur incerti actio sæpissimè sub hoc nostro titulo, propterea quod datur in id quod interest.

Quintò appellatur actio ciuilis, non quod nominatim hæc actio iure ciuili prodita sit, sed quod sit comparata ad exemplum & similitudinè ciuilis alicuius actionis. Directio ciuilis non est, sed est utilis, & utilis actio dicitur, in l. cum mota, C. de transact. l. 1. C. de pact. conuent. l. 3. C. de donat. quæ sub modo. Alia est actio ciuilis in factum quæ non est præscriptis verbis. Etenim actio in factum ciuilis duplex est, alia est præscriptis verbis. Alia non est præscriptis verbis. Hinc Ictus, in l. si tibi rem vendendam, §. sed si puerum, & in l. si tibi polienda, in fin. h. ut dicit, in factum actio competit, id est, præscriptis verbis. Idèd dicit, id est, quod duplex est actio in factum ciuilis, præscriptis verbis, & non præscriptis verbis. Exemplum actionis ciuilis in factum quæ præscriptis verbis non est, sumetur ex l. Aquilia. Ex l. Aquilia est actio directa, quæ etiam ciuilis appellatur, l. si heres institutus, §. 1. ad Trebellian. quæ tunc competit, cum corpori corpus damnum dedit, ut si quis sua manu seruum alienum occiderit. Tunc, competit actio legis Aquiliæ directa. Quod si corpori damnum datum fuerit, non à corpore, sed corporis occasione, ut si quis seruum alienum incluserit, atq; ita seruus fame perierit, dabitur actio utilis legis Aquiliæ, quæ est in factum ciuilis. Ita appellatur in l. Aquilia. Est in

factum ciuile, quia datur in casum similem l. Aquilix. Nam hic casus, si corpori per corpus damnum datum sit, est similis illi, si corpus corpori damnum dederit. Et in simili casu datur actio utilis, l. si mensor, si mensor falsum modum dixerit, quæ dicitur in factum ciuile, sed non est præscriptis verbis. Actio in factum ciuile præscriptis verbis, est ex contractibus incertis, qui similitudinem cum negotio ciuili habent, & tantum ex contractibus incertis.

## II. Propositio.

Et quidem contractuum prima diuisio hæc est, quod alij ab vtraque parte obligationem pariunt, alij ab vna parte tantum.

## III.

Altera diuisio contractuum est hæc, quod alij nominati sunt alij inominati.

## IV.

Nominati sunt qui certum legitimum & ciuile nomen habent, vt emptio, venditio, locatio, conductio, depositum mutuum & similes: ex quibus singulis nominata quoq; & singulæ actiones dantur.

## V.

Sed quia verborum ciuiliu non est tanta copia vt omnes contractus verbis ciuilibus nuncupari possint, hinc quotiens contractus est, qui nomen ciuile & legitimum non habet, habet tamen causam, hoc est, dationem aut factum, inominatus contractus esse dicitur.

## VI.

Sunt tamen & alia signa quibus contractus nominatus ab inominato dignosci potest, quæ ferè ex conventionione partium dependent. Ideoq; si id agatur inter partes vt pecunia numerata detur & res accipiatur, emptio & venditio est.

Si

## VII.

Si verò hoc inter contrahentes agatur, vt res detur & res vicissim accipiatur, quia non placet permutationem rerum emptionem esse, ciuilis obligatio oritur, contractus inominatus re ab vna parte data, perficitur, do vt des, & actio praescriptis verbis datur.

## A R G V M E N T V M I.

Dicimus emptionem & venditionem esse, si pecuniam dem, vt rem accipiam. Obstat vehementer l. fina. de condict. causa data, causa non secuta. Ibi dedi tibi pecuniam vt mihi Stichum dares, & Iurisconsultus dicit non esse emptionem & venditionem. Plus dicit non esse portionem emptionis & venditionis. Iis verbis significat non esse negotium simile emptioni, non esse permutationem, siue do vt des. R. In d. l. final. primum non est emptio, quia ita dictum est, do pecuniam vt Stichum des. Dare est dominium transferre, & rem accipientis facere, l. vbi autem non apparet, § final de Verbor. obligat. S. he itaq; discretis, insunt. de action. Et non videntur data quæ ita dantur, vt accipientis non fiant, l. non videntur data, de R. l. Hoc verò alienum est à natura emptionis & venditionis. Nam venditor tradere non dare debet. Et emptio ita fit, do pecuniam vt Stichum tradas. Non fit ad hunc modum, do pecuniam, vt Stichum des. Hoc negotium non est emptio, non est etiam vt diximus permutatio, quia permutatio in pecunia non consistit. Denique non est negocium ciuile, nec ciuili proximum, itaque ex eo non est actio ex empto, non praescriptis verbis, sed est condictio ob rem dati. Et hæc vt Corasius refert, in Miscellaneis suis, communis est solutio, à qua tamen ipse desciiuit, noua tradita solutione, quæ nullo modo potest subsistere.

## A L I V D.

In septima propositione videmur velle, quod permutatio

Fff 2

fit

fit contractus do ut des. Contra ita inferri potest. Contractus nomen habens, contractus est certus siue nominatus. At permutatio nomen habet, & quidem insigne & elegans nomen. Igitur permutatio est contractus nominatus, atq; ita differt à contractu innominato, do ut des. R. ad maiorem. Contractus nomen habens, legitimum & ciuile nomen, est contractus nominatus. Sed permutatio est nomen naturale siue iurisdictionis, non legitimum. Hinc est quod emptionis & venditionis placitum, obligationem constituit. At permutationis placitum, obligationem non constituit, *l. ex placito, C. de rerum permutatione*. ut obligatio oriatur, causam id est, dationem accedere oportet, *d. l. ex placito, C. de rerum permutatione*.

## A L I V D.

In iure nulla est superfluitas, & superfluitatē vitāunt Iurisconsulti, in tantum ut ne verbum quidem superfluum admittere voluerint, ut videre licet in *l. i. quod metus causa*. Ibi Ictus inquit. Ait Prator, quod metus causa gestum erit, ratum non habebo, & adiicit, olim dicebatur quod vi metusue causa, sed postea detracta est vis mentio. At si permutatio idem est, cum do ut des, tunc totus titulus de rerum permutatione, est superfluus. Videtur igitur dicendum, quod permutatio sit quiddam diuersum à do ut des, atq; ita communiter Dd. sentiunt. R. ad minorem, quamvis permutatio & articulus do ut des, conueniunt, & nihil inter se differunt tamen titulus de rerum permutatione non est superfluus: Sub illo enim titulo Iurisconsultus potissimum tradit differentias, quæ sunt inter emptionem venditionem, & permutationem, & hoc post absolutum tractatum de emptione venditione, item locatione & conductione quæ vicina est emptioni & venditioni, ideo fuit necesse quod in *l. i. de contrah. emption.* originem emendi vendendiq; dictum fuit ex permutatione cepisse.

## A L I V D.

Dicimus emptionem esse, cum pecunia datur & res accipitur. At emptio etiam est, cum pecunia datur pro pecunia *l. lege Cornelia cauetur, de lege Cornel.* Eadem inquit Ictus lege exprimitur, ne quis nummos stanneos, plumbeos, emere ven-

vendere, dolo malo vellet. Igitur malè nos hic loquimur. R. nummi quibus merx ipsa aestimatur, mercis vice fungi non possunt, & quod Iurisconsultus dicit nummos emi vendique posse, id ad peregrinos nummos referendum est, puta ad nummos Daricos, Philippos, tetradrachmum Atticum, Siclos, & alios id genus, quos cæterarum rerum exemplo in emptionem deduci solitos Volusius Metianus in lib. de asse & partibus eius indicat. Similiter victoriatum nummum, qui à victoria signo impresso id nomen accepit, priusquam lege Clodia percussus esset, ex Illyrico aduectum, mercisq; loco habitum. Plinius lib. 33. c. 3. refert. Barnabas Briffon. lib. 1. antiquitat. c. 8.

## A L I V D.

Cum res datur & res accipitur, emptio contrahitur. Igitur malè nos dicimus contrahi permutationem. Antecedens probatur auctoritate Homeri lib. 7. Iliados ad finem.

εἴθεν ἀρ' ὀνιζοῖτο καμηκομῶντες ἄχαιοι  
ἄλλοι δ' αὖ χαλκῶ, ἄλλοι δ' αἰθωνισθῆραι  
ἄλλοι δ' ἐρμῶϊ, ἄλλοι δ' αὖτοισι βείωσι  
ἄλλοι δ' ἀνδραπόησσι &c.

R. Pugna fuit inter Sabinianos & Proculianos, vtrum, cum togam do vt tunicam accipiam, emptio & venditio contrahatur, an verò permutatio. Sabinus volebat emptionem & venditionem contrahi. Et profusæ sententiæ confirmatione utebatur versibus Homericis suprà adductis. Contrà Proculus dicebat permutationem, non emptionem hoc esse, & adducebat Proculus pro se alios versus Homeri, hos nimirum.

ἐνθ' αὖτις γλαυκῶ κροῖσθης Φρεΐας ἐξέλεπ' ἕϊους,  
ὅς περὶς Τυδείδῃ Διομήδεα πύχε' ἄμεγεν  
χρύσσα χαλκίων: ἐκάπεμθ' οἶονα βείων.  
Tunc iterum Glaucō Saturnides mentes abstulit Iupiter  
Qui ad Tydidem Diomedem arma commutavit,  
Antea, arcus, centum boum, novem boum.

Ad hunc locum Homeri alludit Aristoteles lib. 5. Ethicor. c. 2 & Martialis lib. 9. Epigrammat.

*Tam stupidus nunquam, nec in puto Glaucē fuisse  
 ῥυπα, donanti χάλκῳ, qui dederas.*

Et Proculi sententia præualuit ut Iuriconsultus docet, *in l. 2. de contrahend. emptio.* Et Imperator *in Institut. titu. de emptio. & venditio.* Et posterioribus versibus Homeri, permutatio significatur, de quo dubium nullum est. Verbum enim ἀμείνω quo Poeta utitur permuto & commuto significat. In illis versibus boum fit mentio, & boues nonnulli ibi acceperunt pro nummis, in quibus effigies bouis impressa erat. *Iulius Pollux, lib. 9. c. 6.* Hinc ortum vetus illud Adagium Atheniensium *ὅς ἐστι γλάτης* id est, bos in lingua, quod de his dicebatur auctore Suida, qui loqui liberè non audebant, metu multæ deterriti, quam pendere eos oportebat qui paulò liberius loquerentur, *Tiraquellum in tractatu de utroq; retractu.*

## A L I V D.

Dicimus non esse permutationem cum pecuniam do & rem accipio. Obstat l. ita constante, de iure dotium. Ita constante inquit Iuriconsultus matrimonio, permutari dotem posse dicimus si hoc mulieri utile sit, ut ex pecunia in rem, aut ex re in pecuniam, idq; probatum est. Ecce Iuriconsultum dicentem permutationem esse cum pecunia datur ut res accipiatur. R. permutatio est & hoc Iuriconsultus ibi nominatim significat. Et hoc casu seruus breui quadam manu mihi videtur traditus emptionis causa, deinde à me rursus videtur Titio traditus manumissionis causa. Et si non manumittatur ipso iure fit liber quod etiam significat Imperator *in l. si is qui pretium, C. si mancipium ita fuerit alienatum &c.*

## A L I V D.

Diximus constitutionem D. Marci in donatione locum habere. Obstat l. quod autem spectetur, §. vxori quis donauit. de donation. inter vir. & vxor. Ibi maritus donauit seruum vxori ea lege ut intra certum tempus seruum manumitteret. Mulier non manumisit, non est inquit Ictus constitutioni D. Marci locus. R. Constitutio D. Marci in donatore locum habet, sed non in donatore marito. Ratio est, quia cum mari-



maritus vxori donat, maritus dominium non mutat, & ideo maritus qui donat seruum vxori ea lege vt manumittatur, sibi legem dicit non vxori, & ideo cessat constitutio, qua tunc locum habet, cum lex alteri dicitur, & ab altero negligitur.

Illud notandum est quod constitutioni D. Marci non sit locus, si ante diem praescriptum manumissioni venditor mutarit suam voluntatem. Post paenitentiam constitutio cessat. Qui auctor est libertatis, ea nondum locum habente potest mutare voluntatem & deficit constitutio, l. 1. & ultim. C. si mancip. ita fuerit alienatum, l. 3. de seruis exportand. Non obstat l. quaesitum, eodem. Nam post paenitentiam non competit libertas ex constitutione D. Marci ipso iure, competere tamen potest ex facto emptoris, si forte velit manumittere. Paenitentia obstat libertati quae contingit ipso iure, non liberalitate emptoris. Nec obstat rursus l. 1. in fine, qui sine manumissione ad libertatem perueniunt. Ibi Iuriconsultus dicit, mutata voluntate, nihilominus libertatem competere. Hoc intelligendum est secundum initium istius legis. Competit post paenitentiam libertas, si emptor & venditor decesserint sine heredibus. Tunc competit libertas ipso iure, quia iam nullius interest, non eripi seruum ad libertatem.

### VIII. Propositio.

Quod si pecuniam tibi dedi vt seruum manumitteres, quia non est factum tale quod locari solet, contractus inominatus do vt facias initus dicitur, ideoq; actio praescriptis verbis datur, si seruus intra tempus manumissioni praestitutum manumitti potuerit, nec tamen a te manumissus sit.

### ARGVMENTVM I.

Dicimus, aut certe videmur dicere, quod seruo, pro quo manumittendo pecuniam dedi, intra tempus manumissioni praestitutum, mortuo, non detur actio praescriptis verbis, quod verissimum est, cum etiam hoc casu non competat conditio ob re dati l. 3. §. 1. de conditio. causa data causa non secuta At obstat d. l. 3.

d. l. 3. §. quinimò. Ibi Ulpianus Ictus docet, quod seruo defuncto competat actio. R. Nos hinc in octaua nostra propositione loquimur improprie cum res pro re datur. Sed quandoque permutationis verbum, improprie accipitur pro emptione venditione. Et ita permutationis verbum sumitur, *in d. l. ita constante, de iure dotum*. Sic permutare pro vendere Cicero non vno in loco usurpauit, itemque Plinius ut Tiraquellus in dicto loco, de utroque retractu notauit. Sic permutationis verbum accipere oportet, *in l. si mulier, §. fina. de pact. dotal.* Constat inquit Iurisconsultus inter uxorem & virum posse conueniri, ut dos quæ in pecunia numerata esset, permutaretur, & transferatur in corpora cum mulieri prodest.

## A L I V D.

Dicimus quod ex hoc negotio, do tibi pecuniam ut seruum manumittas, detur actio, si seruus manumissus non fuerit. Obijcitur l. 2. C. si mancipium ita fuerit alienatum. Ibi significatur ex constitutione D. Marci & Commodi, seruum pro quo manumittendo pecunia data est, ipso iure liberum fieri, cessante eo qui pecuniam accepit. Si seruus ipso iure liber sit, frustra ob cessationem & moram eius qui pecuniam accepit, agitur, atque ita male dicimus, dari actionem, seruo non manumisso, quod etiam ostendit l. ultim. C. eod. R. Constitutio illa Marci & Commodi pertinet tantum ad seruos venditos ea lege ut manumittantur, si non fuerint manumissi intra statutum tempus, statim rapiuntur ad libertatem ipso iure & potestate constitutionis. Non pertinuit constitutio ad seruos donatos ea lege ut manumittantur, *l. qui Roma §. Flauius, de Verbor. obligation* sed postea etiam porrecta est ad seruos ea lege donatos, *l. 1. C. si mancipium ita fuerit alienatum, l. pen. C. qui sine manumiss. ad libertat. perueniant*. Verum illa constitutio non pertinet nec vnquam porrecta est, ad hoc genus contractus de quo nunc disputamus, & locum habet constitutio in emptione & donatione, In do ut facias non item, & male Interpretes constitutionem sapius dictam huic legi nostræ opponunt. Non pertinet etiam constitutio ad seruum legatum ut manumittatur, *l. si fundum sub conditione, §. Stichum, de legat. 1.*

A L I.

## A L I V D.

Rurfus objicitur l. Paulus respondit, §. 1. de liberal. cau-  
fa. Ibi pecuniam Titio dedi vt seruum manumitteret. Et In-  
risconsultus Paulus respondit, constitutionem D. Marci hñc  
etiam locum habere. Igitur seruus adhuc fit iure ipso liber &  
frustrà dicimus seruo non manumisso, actionem dari. R. In l.  
Paulus respondit, §. 1. ego, quasi pretij nomine, dedi pecuniam  
Titio, vt seruum suum manumitteret, illis terminis cum tibi  
pecuniam dedi vt seruum intra certum tempus manumitte-  
res. Hoc casu, mortuo seruo intra tempus manumissioni  
præfinitum, mihi, qui pecuniam tibi dedi vt manumitteres,  
non competit actio præscriptis verbis aduersum te. Non da-  
tur etiam mihi condictio ob rem dati. Verum d. l. 3. §. quinimò  
loquitur in illis terminis, cum non dedi tibi pecuniam vt ma-  
numitteres, sed tantum inter me & te conuenit, vt ego da-  
rem pecuniam, & tu manumitteres intra certum tempus.  
Hoc casu seruo mortuo intra statutum tempus, perinde est ac  
si tu seruum manumisisses, quoniam iam per te non stat quo-  
minus seruus manumittatur. Itaque tu aduersum me habes  
actionem præscriptis verbis, in id quanti tua interest pecu-  
niam tibi dari. Lex ait competere tibi actionem quæ ex hoc  
contractu nascitur id est, condictionem. Intelligit Ictus a-  
ctionem præscriptis verbis, quæ etiam condictio appellatur,  
l. duo, §. vlt. de precario. Non sunt illa verba accipienda de con-  
dictione ob rem dati, quæ non est ex contractu sed ex bono &  
æquo, vt condictio indebiti, l. in summa, §. quod ob rem datur, de  
condict. indebit. vel ex naturali æquitate, vt dicitur in d. l. 3. §. sed  
si seruus, de condictione causa dat.

## I X. Propositio.

Tertius contractus innominatus est facio vt des, qui  
quia nullam similitudinem cum aliquo negotio ciuili  
habet, præscriptis verbis actio ex eo non datur.

## X.

Datur igitur actio de dolo quæ subsidiaria est &  
tunc competit cum nulla alia actio superest.

G g g

Vlti-

Ultimus inominatorum contractuum est facio ut facias, qui licet mandato similimus sit, quia tamen cum mandato omninò non congruit, tutius est non mandati actionem sed præscriptis verbis ex eo dari.

## XII.

Et in summa quotiens negotiū aliquod est causam habens, si simile est alij alicui ciuili negotio, actio præscriptis verbis datur. Si verò cum alio ciuili negotio similitudinem nullam habet, non actio præscriptis verbis datur, sed tantum competit actio de dolo.

## A D N O T A T I O.

Primum quæritur, cur ex facio ut des, non competat actio præscriptis verbis. Ex reliquis autem tribus contractibus detur actio præscriptis verbis. Ratio perspicua hæc est. Actiones ciuiles quæ ex contractibus dantur, aut sunt directæ, aut sunt in factum ciuiles siue utiles. Actiones directæ sunt quæ dantur ex contractibus, quorum appellationes iure ciuili proditæ sunt, ut ex emptione, venditione, locatione, conductione, societate &c. directæ actiones dantur. In factum autem ciuiles quæ & utiles dicuntur & præscriptis verbis, dantur ex contractibus, qui vacant nomine legitimo, similes tamen sunt superioribus. Et notandum est, omnem actionem utilem siue sit præscriptis verbis siue non, dari ex casu simili, ex casu dissimili non datur, *l. si mensor, si mensor falsum modum dixerit*. Ex illo edicto datur actio in mensorem, qui falsum modum agri dixit. Finge falsum modum mensor non renunciauit, aut serò nimis, atq; ea re factum est ut contrahentes læderentur. Qua actione tenebitur ex ea causa quod tardius renunciauit, an tenebitur directio ex edicto? minimè. An utili? minimè, quia hîc casus est dissimilis, quia tantum abest, ut falsum renunciauerit, ut verum renunciauerit, sed tardius. Ergo inquit lex confugiendum est ad actionem de dolo. Sic actio præscriptis verbis quæ est utilis non datur nisi

ex

ex contractibus qui sunt similes superioribus, vt mandato, societati &c. Actio praescriptis verbis datur ex permutatione, siue do vt des, quia permutatio similis est emptioni. Datur ex do vt facias, quia do vt facias simile est locationi. Datur ex facio vt facias quia est simile mandato. Actio itaq; praescriptis verbis est instar directarum, & negocia ex quibus nascitur actio praescriptis verbis sunt similia illis quae suum nomen habent. Hoc autem negotium facio vt des, nullam habet similitudinem cum negotio ciuili, cum negocijs, quae nomen legibus proditum habent. Ideoq; ex eo non datur actio praescriptis verbis.

## A R G V M E N T V M I.

At dices facio vt des simile est locationi. Nam locatio plerumq; ita fit vt quis suscipiat onus faciendum, vt ex eo mercedem ferat. Sed ad hoc respondeo. In conuentionibus non spectatur quis prior fidem liberarit sed quis conuentioni initium dederit, & quo verbo. Interpretes sic aiunt. Conuentiones aestimari ex initio non ex incremento. Et ideo hanc conuentionem dabo vt facias, non perueritis, eiusq; formam non immutas, licet me anteuertas in faciendo. Spectatur initium non executio. Et hac de causa separatur do vt facias, a facio vt des. Nam hic articulus cum illo non conuertitur, & hae sunt diligenter separanda. Quod sunt initia contractuum, tot sunt contractuum formae. Facit etiam haec ratio ineundarum conuentionum, vt in locationis & conductionis contractu, idem alias sit locator, alias conductor. Verbi gratia contrahitur locatio inter primum & secundum. Si primus ineat contractum, primus locator est, si secundus ineat contractum, primus conductor erit. Non quaerimus quis prior expleat contractum, sed quis ineat. Si magister se discipulo ultro dat vtendum, id est, suam operam defert, & de mercede paciscitur, magister init contractum, est locator, discipulus conductor. Si discipulus ineat contractum, id est, si det se docendum, si det se prior in disciplinam magistri, eumq;

suscipiat Magister certa mercede, tunc magister est conductor, discipulus locator. Sic igitur concludo, non idem semper homo initium dat locationi. Vt magister contrahens cum discipulo, non semper dat initium locationi. Locationi initium dat, modò Magister, modò discipulus. Verum qui dat initium, semper dicitur locator. Idem semper verbum dat initium locationi videlicet, do. Si magister ineat locationem, ait, do me vtendum. Si discipulus, ait, do me docendum, & locatio semper ab hoc verbo, Do, incipit. Igitur hoc negotium do vt facias, rectè locationi comparatur. At hoc negotium facio vt des, tabulam pingo vt des togam, manumitto vt des decem, non potest comparari locationi. Nam hac forma nunquam fit locatio. Denique nullum aliud est negotium ciuile, cui ea forma, facio vt des, possit comparari. Restat igitur vt ex eonegocio non possit dari actio præscriptis verbis, quoniam alienum est à forma ciuiliū negotiorum. Igitur ordo actionum postulat, vt detur actio de dolo.

## A L I V D.

Dicūm est ex facio vt des competere actionem de dolo. Obstat l. solent, de præscript. verbis. Ibi de indiçijs agitur. Indicia sunt præmia quæ dantur indicanti furtum vel plagiū. Et turpe non est accipere indicia l. 4. §. *ultim. de condition. ob turpem causam*. Finge nunc conuenit inter nos & vt ego indicatem furtum, & tu præmium dares pro indicio. Res ita est gesta, indicabo vt des, faciam vt des. Ego indicaui, tu non das præmium, quæritur qua actione, agam? Lex ait posse agi præscriptis verbis. Igitur ex facio vt des datur præscriptis verbis actio. R. Solutio petenda est ex eo quod sequitur in d. l. solent. Ciuilis inquit Iurisconsultus actio oriri potest id est, præscriptis verbis, nisi si quis & in hac specie de dolo actionem competere dicat, vbi dolus aliquis arguatur. Ciuilis inquit potest oriri id est, potest tentari, potest dici dari actionem præscriptis verbis. Sed postea ICTus id corrigit, & dicit nisi si quis & c. & subintelligendum est quod verius est. Sic in l. si mihi purè, de legat. 2. nisi corrigit. Et quod ICTus velit competere de dolo actionem, non præscriptis verbis, id hac ratio-

ratio-

ratione euidenter conuincitur. Cum est actio præscriptis verbis vel esse potest, tunc quamuis dolus arguatur, non competit actio de dolo, sed ea actio dum demum datur, cum alia actione prorsus destituimur. Nam ita prætor edixit, quæ dolo malo facta esse dicentur, si de his rebus alia actio non erit, iudicium dabo, l. 1. de dolo malo. Et Iuriconsultus in d. l. 1. de dolo malo, verba edicti prætoris explicans, docet, tunc hanc actionem competere, cum non est alia actio ciuilis, quod etiam passim sub illo titulo ostenditur. Sed Ictus in postremis verbis dicit competere de dolo actionem. Igitur non potest esse actio ciuilis. Et alterutrum omninò concedere oportet, vel esse actionem præscriptis verbis vel de dolo. Si est præscriptis verbis, tunc quamuis dolus arguatur, non competit de dolo. Si est de dolo actio, tunc non potest competere præscriptis verbis. Sed de dolo dicit Iuriconsultus competere, deficit igitur præscriptis verbis & sic nisi particula, quemadmodum dixi, necessariò corrigit quod de præscriptis verbis actione fuit dictum. His addatur ratio quæ facit quo minus ex facio ut des, actio sit præscriptis verbis.

## A L I V D.

Obijcitur amplius l. cum mota, C. de transact. Filia exheredata egit querela aduersus heredem scriptum. Deinde transiegit, ita Imperator inquit ut bonorum partem acciperet & à lite discederet. Deinde ipsa à lite discessit. Postea heres non dat bonorum partem. Quæritur qua actione teneatur? Actione rescriptis Imperator præscriptis verbis. Atq; ibi res ita fuit gesta ut videtur, à lite discedam id est, faciam & tu dabis bonorum partem. R. Nego ibi, ita rem fuisse gestam. Imò verò lex ait transactum fuisse ut ipsa partem bonorum susciperet, ut daretur ei, & à lite discederetur. Res ergò sic fuit gesta. Dabo partem bonorum ut à lite discedas. Ipsa quidem prior discessit à lite, sed hoc non mutat formam conventionis quamuis ipsa præuenterit, non ideo conuentio degenerat à suo initio Conuentio ex initio æstimatur, non ex executione.

## A L I V D.

Obijcitur præterea l. 3. §. quinimò, de condition. causa data,

G g 3

data, causa non secuta. Sed breuiter ibi negotium ita fuit gestum, dabo vt manumittas, id est, facias. Ex hoc contractu nascitur conditio, id est, actio præscriptis verbis vt. prolixius supra exposui.

Dicimus quod ex do vt facias, detur actio præscriptis verbis. Obstat §. sed si dedi tibi seruum, hac lege nostrâ naturalis. Ibi talis proponitur species dedi tibi seruum, vt seruum tuum manumitteres. Tu manumisisti, postea seruus quem tibi dedi est euictus. Quæritur quam habeas aduersum me actionem serui euicti nomine? Iulianus ita distinxit, aut sciens alienum dedi, & tunc habes actionem de dolo. Aut ignorans, & habes actionem in factum ciuilem. At ibi negotium ita gestum fuit, do vt manumittas, id est, facias. Igitur etiam ex do vt facias non est præscriptis verbis actio vt nos hîc asserimus. R. Iulianus Ictus, in proposita facti specie dedit actiones extremas, actionem de dolo, & actionem in factum prætoriam quæ subsidio est actioni de dolo, atque ita putauit in dicta specie deficere actionem præscriptis verbis. Verum in eo Iulianus fuit reprehensus à Mauritiano qui scripsit notas ad Iulianum & Mauritianus in proposita specie, siue sciens dedi alienum seruum, siue ignorans dat actionem in factum ciuilem, id est, præscriptis verbis. Nam negotium ita gestum fuit do vt facias, ex quo negotio præscriptis verbis oritur actio: Et cum sit præscriptis verbis, actiones sequentes de dolo & in factum prætoria dandæ non sunt. Et extat Mauritiani sententia in l. iurugiensium, §. 1. de pact. Ex illo §. apparet, Tribonianum in hac lege nostrâ naturalis, §. sed si dedi tibi seruum, adiecisse verbum ciuilem. Nam Iulianus dedit actionem de dolo, & dolo deficiente, in factum prætoriam vt Mauritianus disertè affirmat, in d. l. iurugiensium, §. 1. de pact. Id verò adiecit ex nota Mauritiani & incisè adiecit siue imperitè. Nam si in ignorantem est actio in factum ciuilem, necesse est etiam in scientem vt sit actio ciuilem non de dolo. Nam vbi potest esse actio in factum ciuilem, cessat de dolo vt antea dixi. Vel si in scientem est actio de dolo necesse est in ignorantem vt sit actio in factum prætoriam



ria quæ subsidio est actioni de dolo, *l. qui seruandum, h. t. nostro.*



## DISPUTATIO

Cuius sequentes propositiones defendit,

*M. HENRICVS CAMERARIVS.*

## I. Propositio

**P** Actum est duorum pluriumuè in idem placitum consensus.

## II.

Et est pactum conuentionis species, proindeq; non tam latè patet, atq; conuentionis verbum, qua de vide quæ supra tradita sunt, in disput. ex l. Iurisperitum, Respondente Iohanne VVolfio.

## A R G V M E N T V M I.

Definitio pacti siue pactionis contractui conuenit. Nam contractus est duorum pluriumuè in idem placitum consensus. Verbi gratia, cum emptio venditio contrahitur, duo pluresuè in idem placitum consentiunt. Similiter cum locatio conductio initur, duo pluresuè in idem placitum consentiunt. Idem de omnibus bonæ fidei contractibus, est dicendum. Similiter in contractibus strictis, duo pluresuè in idem placitum consentiunt. Verbi gratiâ. In mutuo, in stipulatione duo pluresuè in idem placitum consentiunt. Hoc amplius non tantum in contractibus certis, quos vulgò nominatos appellant, duo pluresuè in idem placitum consentiunt, verum etiam in contractibus incertis siue innominatis. Cum enim do ut des, do ut facias, facio ut des, & facio ut facias tecum in idem placitum consentio. Videtur igitur dicendum, quod definitio suo definito multò latior est. R. Interpretes nostri videntur hoc

hoc commune esse pactis cum contractibus, quod tam in pactis quam in contractibus, est duorum plurimumve in idem placitum consensus. Viderunt etiam & rectissime intellexerunt, aliud esse pactum, longè aliud esse contractum. Ceterum cum non possent discernere inter pactum & contractum tandem eo prolapsi sunt, vt statuerent differentiam inter pactionem & pactum, & pactiones contractus adpellare contenderent, pacta non item, atq; ita volunt Interpretes in l. 1. de pact. non pactum definiri, sed contractum, quod subverti potest his potissimum rationibus. Primum ex arte est vt definitio *ὁρισμὸς τῶν πραγμάτων*, rei definitionem præcedat. Sic in l. 1. de iustit. & iur. Primum nominis definitionem tradit, & ius à Iusticia appellatum docet. Deinde proponit definitionem rei, quod ius sit ars boni & æqui. At in l. 1. de pact. Iuriconsultus nominis definitionem præposuit, pactum inquit à pactione descendit. Igitur ex arte est vt sequatur rei definitio, quæ naturam pacti exponat, & insulsum ac ridiculum valde esset, si Ictus traderet vnde pactum descenderet, & postea non pactum sed contractum definiret. Deinde definitio pactionis quæ hic traditur, tribuitur etiam pacto, in l. 3. de pollicitationibus. Pactum inquit Ictus est duorum consensus. Et quæ definitionibus conveniunt, illæ inter se conveniunt quod satis est tritum ac vulgare, atq; ita his duabus rationibus satis evincitur, pactionis definitionem, non esse contractus definitionem. Sed nunc ad contraria respondendum est. Contrarium hoc fuit. Definitio pactionis cadit in contractum. Igitur latior est suo definito, aut definitur contractus non pactum. Ad hoc ita respondeo. Nequaquam definitio pactionis, latior est suo definito, & nequaquam contractibus convenit. Nam cum Ictus dicit, pactum est duorum in idem placitum, consensus, hoc dicit, pactum nihil aliud esse quàm consensum, nudum consensum, nihil nisi consensum. At contractus aliquid amplius est. Contractus est consensus duorum in idem placitum, ex quo consensu nascitur obligatio, atq; ita Theophilus, in titu. de obligation. contractum definit. *συμβαλλεῖν* inquit,

inquit, ἐστὶ δύο ἢ καὶ πλεονόν εἰς τὸ αὐτὸ σωσθὲς τὴν καὶ σωαίεσ. ἐπὶ τὸ σωσθαι αὐτὸν ἐνοχλῆν, καὶ τὸν ἔπρον τῷ ἐπέρω ποιῆσαι ὑπὸ θυῶν. Sic Iurifconsultus in l. Labeo, de Verbor. signific. contractum dicit esse obligationem, id est, consensum ex quo consensu oritur obligatio. Nam Ictus ibi effectum ponit pro causa, & contractus non est obligatio, sed aliud est contractus aliud est obligatio. Effectus autem contractus est obligatio siue contractus sit δὲ πλευρ, quem Ictus ibi definit, siue sit μονί- πλευρ, qualis est stipulatio. Ex his relinquitur pactum hic definiri, non contractum, & hanc definitionem nostram, non incidere, in contractus definitionem.

## A L I V D.

Rursus ita instatur. Hæc definitio pacti, in transactionem incidit. Etenim qui transigunt, in idem placitum consentiunt. Igitur adhuc suo definito latior est. R. Incidit definitio pacti in transactionem sed propterea non est latior suo definito dicenda. Etenim pacti definitio, generis est definitio, quæ speciei sub genere comprehensa semper aptatur quod ex collatione exempli similis intelligetur. Cum dico homo est animal, hæc definitio est generis definitio, quæ aptatur omnibus speciebus sub genere comprehensis. Vt rectè dico, Titius est animal, Pamphilus est animal, Sempronius est animal. Quod prædicatur siue dicitur de genere, homine scilicet, idem prædicatur siue dicitur de speciebus sub genere illo comprehensis. Icti dicunt hominem esse genus singulos homines dicunt esse species. Ad eundem prorsus modum hæc definitio, pactum est consensus duorum, est generis definitio, quæ omnibus speciebus sub genere comprehensis aptatur. Vt si fiat pactum, de non petenda pecunia promissa, rectè dico hoc pactum esse consensum duorum. Si fiat pactum de non ædificanda insula promissa, rectè dico, hoc pactum esse duorum consensum. Si fiat pactum ut decem acceptis à lite instituta discedas, hoc pactum est consensus duorum. Et hoc postremum pactum transactio nominatur. Itaq; pactum genus est & quod prædicatur siue dicitur de genere pacto scilicet, idem

H h h

præ-

prædicatur siue dicitur rectè de speciebus sub genere comprehensis. Et quamuis quod de genere dicitur, dicatur de singulis speciebus rectè: tamen inde non sequitur, generis definitionem ob id dicendam esse latiore suo definito.

## A L I V D.

Contra solutionem obijcitur. Diximus transactionem esse pactum. Hoc non videtur verum. Nam pacta proprium nomen non habent, non habent etiam causam. At transactio vtrumq; habet, nomen quia transactio vocatur, causam id est, dationem. Ego enim tibi decem do, vt à lite discedas. Videtur igitur dicendum quod transactio non sit pactum sed potius contractus. R. Transactio pactum est vt supra diximus non contractus. Quod contractus non sit, ostendit *l. contractus, C. de fide instrumentor.* vbi à contractu, transactio separatur. Id ostenditur quoq; hac ratione. Transactio non interponitur negotij contrahendi causa sed decidendi, *l. i. §. conuentionis, de pactis.* Igitur non est contractus. Nomen tamen habet transactio, sed id ex iure naturali siue gentium accepit, non ex iure legitimo. Et cum dicimus pacta proprium nomen non habere, legitimū nomen intelligimus. Naturale enim siue iurisperitorum nomen habere possunt, & transactio naturale siue iurisperitorum nomen est. Sic permutatio naturale siue iurisperitorum nomen est, emptio, ciuile, siue legitimum, Ideoq; ex permutationis placito obligatio non descendit, *l. ex placito, C. de rerum permutatione.* ex placito emptionis, obligatio nascitur. Verbi gratia, placet vt domus mea sit tibi empta mille florenis. Ex hoc placito est obligatio, est actio empti venditi. At ex hoc placito, & ex hac conuentione, dabo tibi togam vt tunicam accipiam, nulla est obligatio, nulla actio. Vt obligatio oriatur & vt actio sit rem tradi oportet, & ex re tradita permutatio initium obligationi præbet, vt loquitur *Iurisconsultus in l. i. de rerum permutatione.* Verbi gratia do tibi togam, vt mihi des tunicam, hæc ex re tradita est obligatio, est actio. Nam nisi tu vicissim des, agam aduersus te præscriptis verbis actione. Nunc quod ad causam attinet, quam dictum est, transactionem habere, negamus transactionem causam habere, & ita fieri do tibi decem

cem vt à lite discedas. Non ita fit transactio, sed ad hunc modum, dabo tibi decem vt à lite discedas. Et quamdiu huic conuentioni causa non accedit id est, quamdiu vel ego decem nō do, vel tu à lite non discedis, pactio est siue transactio est id est, nihil hīc est, nisi consensus vtriusq; , nudus & solus consensus, ex quo neq; obligatio neq; actio vlla est. Et sicuti ex illa conuentione, dabo tunicam vt togam accipiam, nulla est obligatio, nulla actio vt supra diximus: ita ex hac transactione dabo decem vt à lite discedas, nulla est obligatio, nulla actio. Verum sicuti ex illa conuentione, dabo togam vt tunicam accipiam, tunc obligatio oritur, tunc actio nascitur, cum vel ego do togam, vel tu tradis tunicam. Ita ex hac transactione, dabo decem vt à lite discedas, tunc obligatio, tunc actio oritur vbi vel ego decem dedi, vel tu à lite discessisti. Et tunc me cogere potes vt decem tibi dem, vel si ego decem dedi, possum te cogere actione præscriptis verbis vt à lite discedas. Postquam verò iam causa accessit id est, postquam ego vel decem dedi, vel tu à lite discessisti negotium illud quod inter me & te prius gerebatur, quodque in terminis nudi placiti siue consensus nudi consistebat & quod pactum siue transactio nuncupabatur, non amplius consistit in terminis nudi placiti, non amplius consistit in terminis solius consensus, non amplius est pactum, non amplius transactio sed contractus incertus. Et si dicatur postquam iam causa accessit, transactio adhuc, illud κατηχηστικὸς abusive & improprie fiet. Non enim amplius pactum est sed contractus incertus siue contractus innominatus vt popularius loquamur. Et dicetur transactio tantum respectu eius quod fuit antequam causa id est, datio vel factum accederet. Sic dos soluto matrimonio dicitur respectu eius quod primus fuit, soluto namq; matrimonio, non est dos reuera cum dos sine matrimonio esse non possit, *l. 3. de iure dotum*.

## A L I V D.

At dicet quis malè nos negasse transactionem causam habere, cum transactio non fiat nisi aliquo dato, retento vel pro-

H h h 2

misso

missio l. transactio nullo dato, C. de transact. Si fit transactio aliquo dato, retento vel promisso, certè iam causam transactio habet. Rectè dicimus transactionem causam non habere quia transactio pactum est, quod ut nomine legitimo vacat, ita quoque causam non habet, l. iuris gentium, §. sed cum nulla, de pact. Nec obstat quod dicitur transactionem non fieri nisi aliquo dato, retento &c. Hoc enim ad conventionem tantum referendum est, quæ ita fit vel constituitur ut aliquid detur vel retineatur, non est referendum ad realem dationem vel retentionem. Et ita pactum elegantissime & rectissime Harmenopol. lib. 1. Epitom. tit. p. definit. *Ἡ δὲ σύμφωνος ἐστὶν, ἥτερά μὴ προσηγορίᾳ δόσης, ἀλλὰ μόνον οὕτῃ ἐπὶ δόσιν.*

## A L I V D.

Hoc amplius contra definitionem insurgitur hoc modo. Pacti definitio congruit diuisioni. Cum enim aliqui diuidunt hereditatem, in idem placitum consentiunt. Igitur dicendum quod sit latior definitio suo. R. Nego antecedens, & pacti definitio hinc à nobis posita, diuisioni non congruit propterea quod pactum est nudus consensus, nihil nisi consensus, solus consensus, ex quo consensu nulla oritur obligatio, actio nulla, ut supra latius dictum est. At ex diuisione quæ consensu perficitur, oritur obligatio, ex obligatione actio præscript. verb. l. si fratres, C. communia utriusq. iudicij, l. si familia, l. licet, C. fam. l. heretisc. l. si filia, §. pater, fam. l. heretisc. l. his consequenter, §. sed & cum monumentum, eod. Etenim diuisio genus quoddam est permutationis cum perficiatur partibus vltro citroq. permutatis. Ita Icius docet, in l. cum pater, §. hereditatem post mortem suam rogati restituere, de legat. 2. Ibi Papinianus inquit; Diuisio est permutatio rerum, quæ communionem discernit.

## A L I V D.

At precario conuenit definitio pacti. In precario enim est consensus duorum in idem. R. Hic quoq. antecedens negamus. Et precarium aliquatenus commodato simile est, l. i. de precario, & quatenus commodato simile est, precarium contractus dicitur, in l. contractus, de R. l. ex eoq. oritur obligatio, & ex obligatione actio præscriptis verbis, l. 2. de precario.

A L I-



## A L I V D.

Adhuc instatur definitionem pacti, constituto congruere, cum in constituto, duo in idem consentiant. Sed breviter ut suprà de transactione dictum est, ita hîc quoq; de constituto similiter dicendum. Et constitutum species est, quæ sub suo genere pacto comprehenditur, quod definitionem neque latiore neque angustiore, & in summa vitiosam non reddit. At nomen habet: sed illud nomen non est legitimum sed iurisperitiū. Rursus actionem parit, *l. i. de constit. pecun. & §. de cēstituta, Inst. de action.* inde relinquitur legitimū esse pactum. Quod si legitimum est pactum, igitur & nomen ipsum legitimū est: Sed legitimum pactum dici potest, legis vocabulo largè sumpto, propriè honorarium est. Sic pignus quod pacto cōstituitur, & hypotheca dicitur, propriè honorarium pactum est, & de pignore, iure honorario, nascitur pacto actio, *l. si tibi decem, §. de pignore, de pact.* de quo mox separatim dicam. Nomen autem legitimum non est neq; honorarium sed Iurisperitiū dumtaxat & fuit constitutum, antequam Prætor accessit & ex constituto actio non dedit quod Iurisconsultus Ulpianus, *in l. i. de constit. ut. pecun.* satis ostendit, & indicant ipsa verba edicti quod de constituto Prætor proposuit.

Nunc quod ad hypothecam attinet sciendum est, hypothecam quoq; pactum esse. Hypotheca enim propriè dicitur quando res non traditur creditori, sed nuda conventionē à creditore tenetur, *§. item Serviana, Institut. de action.* & in eo à pignore distat. Nam pignus est quod re constituitur id est, pignus est quando res creditori traditur, & hoc nomen ipsum satis ostendit, quia pignus à pugno habet nomen, quod res quæ pignori datur, manu traditur, *l. plebs, de V.S. Icti* huius generis pignora, deposita pignora appellant. Quamvis autem hypotheca pactum sit: tamen ex eo pacto nascitur obligatio, quia pactum lege id est, iure prætorio adiuuatur, *d. l. si tibi decem, §. de pignore, de pact.* Hinc rectè in l. maior, C. de pignorib. ab Imperatore est rescriptum, pignoris conventionem tueri solum pactum vel iurisdictionem secundum voluntatem convenientium. Rectè iurisdictionis meminit & id-

circo quidem ut ostendat pactum non vi sua sed ex iurisdictione id est, ex edicto prætoris obligationem parere. Iurisdic-  
tio ibi pro edicto Prætoris sumitur.

## A L I V D.

Uterius obijci potest quod definitio pacti congruat donationi. Sed donatio dupliciter consideratur. Interdum est mera liberalitas per quam res alienatur, hac mente ut non recipiatur. Et tunc donatio non est conuentio, non est etiam contractus, sicut pollicitatio, neq; conuentio est neque contractus. Et sicut pollicitatio tantum respicit pollicitantem, est enim solius offerentis promissum, *l. 3. de pollicitatione*, ita donatio tantum respicit donatorem non donatarium, ideoq; etiam absenti rectè donari potest, quamuis absens dominus non fiat antequam cognouerit rem sibi esse donatam, *l. absente, de donatione*. Et hac consideratione pacti definitio, non potest donationi congruere. Interdum donatio negociū aliquod in se habet & fit certa lege, & tunc propriè contractus dicitur, & donatio contractus nominatur, in *l. contractus, C. de fide instrum.* Et hac posteriori consideratione definitio pacti in donationem quoq; non cadit. Nam pactū est cum causa non accedit.

## A L I V D.

At ex donatione datur actio, & donatio traditionis necessitatem in se habet, ut Iustinianus loquitur, in *§. alta autem, Institue. de donatione*. Igitur videtur dicendum quod donatio vel contractus sit vel pactum. R. Quod supra de donatione diximus, de ipsius rei alienatione quæ liberalitatis causa fit intelligi volumus, non de pacto donationis. Super donatione fieri potest pactum & ex pacto donationis, olim actio nulla nascebatur & donationes non perficiebantur sine traditione, mancipatione vel cessione in iure. Hodie consensu perficiuntur, hodie ex pacto donationis ex Iustiniani constitutione id est, ex *l. si quis argentum, §. ultim. C. de donat.* nascitur actio, & pactū lege iuuatur. At malè diximus pollicitationem contractum non esse, cum contractus sit propterea quod causam habet *l. 1. de pollicitato*. Causa est *πρόσιμιοι*. Interdum significat litem. Inde causa cadere, est litem amittere. Interdum signifi-



gnificat impulsione[m] propter quam aliquid fit, vt cum dono alicui quia negocia mea curauit, ob causam donatum dicitur. Quandoq[ue] causa significat rem id est, dationem vel factum, & ita sumitur frequentissimè sub titulo de pactis. Et quando conuentio causam habet id est, dationem vel factum, tunc contractus dicitur, & in media significatione causa accipitur cum dicimus pollicitationem causam habere. Pollicitatio habet causam id est, fit ob causam aliquam, alias non valet.

## III. Propositio.

Pactorum autem prima diuisio hæc est, quod aliud est expressum, aliud tacitū; Illud vel re fit, vel per epistolam, vel per nuncium; Hoc nec re fit, nec per epistolam, nec per nuncium, sed sola conuentione & consensu tacito sustinetur.

## A R G V M E N T V M I.

Re intercedente obligatio constituitur, *cor. item. quibus mod. re contrah. obligat.* At pactio non constituitur obligatio. Igitur pactum non fit re. R. Rei appellatio in libris iuris ciuilibus variè accipitur. Quandoq[ue] res significat litem, *l. 8. §. si quis post rem, de inoffic. testam.* Si quis post rem inofficiosi ordinatam, litem dereliquerit, postea non audietur. Post rem inofficiosi ordinatam id est, post litem. Et res vel lis coniunguntur, *in l. si defunctus, C. de suis & legit.* Cicero in oratione pro Murena ostendit, ea de re plurimum dubitatum fuisse, rem an litem dici oporteret. Interdum res significat nomen siue debitum, *l. v. rem pupilli saluam fore.* ibi dicitur cum pupillus à tutore stipulatur rem saluam fore, etiam nomina salua fore stipulatur. Nonnunquam res significat hereditatem & emolumentum successionis. Ita dicimus rem habere & rem auferre, *in l. 15. & 16 de legat. prestand.* Interdum etiam res significat emolumentum & commodum, vt cum dicimus tutorem in rem suam non posse auctorem fieri. Denique rei appellatio latissimè patet, omnes res significans quæ in patrimonio & extra patrimonium sunt, *l. rei appellatio, de Verborum significatio- ne.* Inde in l. Falcidia rectissimè scriptum est, quas pecu-

nias

nias quasvè res, quia rei verbum latius est. Hic cum dicimus re fieri pactum expressum, hoc volumus quod pactum fiat sermone & tractatu habito, non volumus quod res aliqua intercedere debeat. Etenim pactum rem non agnoscit id est, dationem vel factum, ut supra dictum est. Et est pactum conventio cui res non accessit. Contractus conventio cui res accessit.

## A L I V D.

Quæ verbis expediuntur per epistolam vel nuncium non fiunt. Argumento est stipulatio quæ fit verbis, & ideo non potest fieri inter absentes per Epistolam vel nuncium, *l. 1. de Verbor. obligatio*. At pacta fiunt verbis, & quidem per interrogationem & responsionem, *re traditur in l. iurigentium, §. quod ferè, de pactis*. Igitur pacta non fiunt per Epistolam vel per nuncium. R. ad maiorem, quæ verbis expediuntur pertinentibus ad substantiam negotij de quo agitur, illa non fiunt per Epistolam, vel per nuncium. At in pactis verba non sunt de substantia pacti, quia pacta fiunt consensu. Interuenire tamen verba possunt, & quandoque interrogatio & responsio. Sed quod principale est ad id respicimus. Sic è contrario, mutuum, depositum, commodatum, re contrahi dicuntur, quod ibi res dominantur, & tamen in illis contractibus est consensus. Sic stipulatio dicitur verbis contrahi quod verba ibi prædominantur, & tamen stipulatio sine consensu nulla est, *l. 3. §. ultim. de O. & A.*

## A L I V D.

Quæ per Epistolam fiunt, tacite fiunt. Inde epistolam, tacitum nuncium vocamus. Igitur male dicimus per Epistolam, expressum pactum fieri. R. ad maiorem, quæ per Epistolam &c. Tacite respectu scilicet verborum, non respectu consensus quem aperte literis datis testamur. Ideoque quæ consensu peraguntur inter absentes fiunt per Epistolam.

## A L I V D.

Alteri pacisci nemo potest quia nec stipulari, *l. stipulatio ista habere licet, §. alteri, de Verbor. obligat.* Igitur per nuncium non fit pactum quia nuncius nobis pacisceretur. R. nuncius

cuius nobis non paciscitur sed est tantum nudus minister pactionis quæ fit inter absentes, & sicuti absentes per epistolam consensum declaramus, ita absentes declaramus consensum per nuncium.

## IV. Propositio.

Reddita itaq; debitori cautione, tacitè videtur convenisse inter me & debitorem, ne peterem.

## A R G U M E N T V M I.

Donatio non præsumitur, & nemo tam supinus est ut facilitè suas pecunias iacet, *l. cum de debito, de probation.* At si reddita cautione dicimus debitorem liberari, tunc præsumimus donationem. Igitur non liberatur. R. Maior est vera nisi adsit causa præsumendi. Hæc causa est & vehemens, quæ nos ad præsumptionem inducit.

## A L I V D.

Pignore à creditore, debitori reddito, debitor non liberatur. Igitur & Chirographo reddito, debitor non liberatur. R. Hæc diuersa sunt. Ratio diuersitatis est. Ex redditione pignoris multæ aliæ utilitates fingi possunt, & ideo ex redditione pignoris coniectura remissæ sortis non capitur. Ex redditione autem Chirographi nulla alia utilitas capi potest, quam condonatio sortis debitæ. Hæc ratio à Iohanne antiquo Glossatore redditur, quam non probamus cum multæ aliæ utilitates ex reddita cautione fingi possint. Potior ergo erit ratio hæc ex natura rerum sumpta. Chirographo continetur principalis obligatio. Huius obligationis accessio quædam & *παρρησία* est pignus ut fideiussor. Porro quemadmodum fideiussore liberato nihilo magis sortis obligatio perimitur. Ita pignore liberato, non ideo dicemus principalem obligationem extinguì. At reddito Chirographo quo principalis obligationis auctoritas continetur, etiamsi de ea soluenda nullus tractatus habitus sit, id tamen æquum dicemus ut solvatur Chirographum, ut solvatur obligatio. Eademque ratione reddita cautione pignoratitia, licet pignus redditum

non sit, placet pignoris obligationem solutam videri, *l. creditorum, C. de Remission. pignor.* Soluta autem principali obligatione, quod sit, ut diximus, iure prætorio per exceptionem pacti si creditor debitori Chirographum reddiderit consequitur statim & pignoris obligationem solui. Et hanc rationem Martinus & Hugolinus probârunt.

### V. Propositio.

Sic illata & inuecta in prædium vrbanum, taciti pacti iure Domino prædij pignori obligata sunt, pro mercede, inuecta & illata in prædium rusticum non item.

### A N N O T A T I O.

Si quærat, quæ sit ratio diuersitatis, illa sumenda erit ex moribus populi Romani. Solebant in prædijs rusticis nata, pro mercede obligari, *l. si seruus, §. locati, de furt.* In vrbanis inuecta. Et quod primû in more positû fuit, in ius paulatim transiuit, & pro dicto habitum fuit, sicubi dictum non esset. Hanc rationem differentia, assignauit Connanus, *lib. 4. suorum commentar. c. 6. & Iacobus Cuiaci in l. 4. de pact.* Sic moribus primum receptû fuit, ne donationes inter coniuges valerent, *l. 1. de donat. inter vir. & uxor.* Sed postea id in ius transiuit, *tot. t. de donat. inter vir. & uxor.* Sic pupillaris substitutio moribus introducta dicitur, eamq; ius ciuile postea probauit, *l. 2. de vulgar. & pupillar. substitut.* Et similia exempla plura adduci faciliè possent.

### A R G V M E N T V M. I.

Obijcitur §. item Seruiana, Institut. de actio. ibi dicitur quod res Coloni, pignoris iure pro mercedibus fundi dominis prædiorum tenentur. Igitur nostra propositio est falsa. R. Res Coloni tenentur pro mercedibus fundi non tacito iure, sed ex pacto, §. interdum, Institut. de interd. atq; ita §. illum Gratianus Interpres Theophilus ibi accepit & interpretatus est.

### A L I V D.

Obstat l. certi iuris est, C. locati. Ibi dicitur quod inducta in fundum obligentur, locatori, etiam nulla pactione inter-

tercedente si modò locator sciuerit res in fundum inductas esse. Igitur malè nos dicimus inducta in prædium rusticum, pignoris iure non teneri. R. Ex sententia Francisci Connani & Iacobi Cuiacij ad hunc modum. Voluntatis aut scientiæ nomine, *in d.l. certi iuris est*, nihil aliud significatur quàm expressa conuentio, expressa pactio, atq; ita voluntatis verbum, pactionem subindicat, *In l. Pomponius, in quibus caus. pignus &c.* & quæ in d.l. certi iuris est, differentia traditur illa planè cum alijs locis iuris ciuilibis congruit, in quibus dicitur quod inducta in prædia vrbana pignori sint, in prædia rustica non item, nisi de eo pactio interposita fuerit, *§. interdictum, Institut. de In e. d. l. l. 4. in quibus causis pignus vel &c. l. s. C. eod. l. 4. de pact.* Et quia differentia illa cum alijs locis Iuris ciuilibis congruit, ideò Imperator inquit, certi iuris est, si noua ibi poneretur differentia, non esset certi iuris.

## A L I V D.

Obstat l. si in lege locationis §. si colonus, locati. Ibi Iurisconsultus inquit. Si Colonus locauerit fundum, res posterioris conductoris, domino non obligantur sed fructus in causa pignoris manent. Cum Iurisconsultus dicit, non obligari res conductoris posterioris, hoc significat prioris conductoris res obligatas fuisse. R. Omnino Iurisconsultus vult res prioris conductoris obligatas fuisse. Obligatæ autem fuerunt ex pactione, quæ pactio personalis est, & ideò posteriorem conductorem non obstringit. Alia ratio est vrbanoꝝ prædiorum, *l. solutum, §. solutam, de pignoratit. actione.*

## A L I V D.

Obstat l. i. §. final. de rebus eorum qui sub tutela &c. Ibi dicitur quod prædium emptum, non rectè pignori obligetur etsi conuenerit vt pignori obligatum esset quoad pretium solueretur. R. Ibi de minore Iurisconsultus loquitur vt verba rextus satis ostendunt. Minor non potest sine tutoris auctoritatè prædium pignori obligare.

## A L I V D.

Obstat l. generali obligatione, de pigno. ibi Ictus docet

Iii 2

quod



quod in generalem obligationem non veniant, quæ quis specialiter obligaturus non fuisset. Igitur omnia inducæ & illata pignori tacite quoq; obligari non possunt. R. Facile admittimus illa tacite non obligari quæ quis expresse non fuisset obligaturus, atq; ita Interpretibus recte videtur.

## VI. Propositio.

Vsuræ tamen ex pacto, in stricti iuris contractibus, regulariter non debentur.

### ARGUMENTVM I.

Vsuræ pecuniæ creditæ ex tacito pacto debentur, & creditor vsuras seruare potest per retentionem fructuum rei sibi pignoratæ, *l. 8. in quibus caus. pignus &c.* Ergo certò dicendum videtur, vsuras pacto promissas deberi. Si enim pactum tacitum prodest ad retentionem, expressum pactum multò magis debet prodesse. R. Concedo totum argumentum recte intellectum. Sicuti pactum tacitum prodest ad retentionem vsurarum, ita prodest expressum quoq; ad retentionem & vsuræ ex pacto tacito itemque expresso, naturaliter debentur non ciuilitè. Cæterum ex eo, quod ex pacto tacito & expresso, naturaliter vsuræ debentur, non recte infertur, deberi eas ciuilitè ita vt peti possint. Seruantur autem vsuræ ex pacto tacito per retentionem fructuum rei pignoratæ ad modum legitimum tantum, *d. l. 8.* Nam tacita antichripsis est quæ modo legitimo coercetur. Ex tacito autem pacto vsuræ non seruantur per retentionem ipsius rei pignoratæ. Retentione rei pignoratæ, seruantur vsuræ debitæ ex conuentione id est, ex pacto vel stipulatione, *l. 4. & l. pignoribus, C. de usur.* Argentarijs vsuræ debentur ex pacto &c. Vide quæ alibi conscripti.

## VII. Propositio.

Pactum quoq; priuatorum, contra ius commune factum, nullum subsistit, sicut nec illud, quod turpem causam continet.

### ARGUMENTVM I.

Pacifici contra edictum ædilitium omnimodo licet *l. pacifici*

*et scilicet, h. et.* Sed edictum adilitium; iuris honorarij portio est, *S. pratorum quoq; edicta, Instit. de iure naturali Gent. & civili.* Igitur contra ius honorarium pacisci licet; & sic contra ius commune. R. Edictum adilitium portio quidem est iuris honorarij, verum totum respicit ad rem familiarem id est, pertinet ad priuatam contrahentium vtilitatem. Constituit namque vt emptor qui rem vitiosam emit, intra certum tempus eam venditori redhibere possit, *tot. tit. de adilit. edict.* Nunc si emptor pactum faciat cum venditore quod adilitio edictio nolit vti, valebit pactum quia emptor priuatam suam vtilitatem remittit & quilibet potest iuri pro se introducto renunciare. &c.

## A L I V D.

Pactio ne venditor de euictione teneatur valet, & si in venditione ita ab initio conuenerit ipso iure si ex interuallo, per exceptionem venditor tutus est. Hæc autem pactio est contra ius commune, est contra totum edictum Prætoris, de euiction. *tot. tit. de euiction.* Igitur contra ius commune sunt pacta. R. Edictum Prætoris de euictionibus ad rem familiarem respicit id est, illo edicto, priuatæ vtilitati contrahentium consulitur. Datur namq; illo edicto emptori potestas, vt re vendita euicta, venditorem ob euictionem possit conuenire. Cum ergo ad rem familiarem respiciat edictum illud, & quilibet possit iuri suo renunciare, recte emptor cum venditore paciscitur, ne de euictione teneatur.

## A L I V D.

Si pactum tecum faciam, vt furem indicem, & tu mihi des decem, valet pactio. *l. solent, de præscriptis verbis.* At hæc pactio turpem causam continet. Igitur pacta quæ turpem causam continent, seruantur. Minor probatur, quia Reipublicæ expedit vt peccata nocentium nota sint, *l. eum qui nocentem, de In iuriis.* R. Indicia accipere id est, præmia pro indicatione furis, turpe non est, *d. l. solent, & l. 4. §. ultim. de condictio. ob turpem causam.* Igitur pactio ibi non est turpis, non continet turpem vel improbam causam.

## A L I V D.

Si meretrici nudo pacto promittam decem valet pactio.

At hæc pactio turpem continet causam. Igitur &c. R. Quod meretrici promittitur vel datur, turpiter non promittitur vel datur, quia mulier turpiter quidem facit quod est meretrix, sed non turpiter accipit cum sit meretrix, *l. 4. de conditio, ob turpem causam &c.*

### VIII. Propositio.

Ea porro vis est pacti, in continenti contractui adiecti, ut actionem formet, in bonæ fidei contractibus tam à parte actoris quam rei, in stricti iuris contractibus à parte rei tantum.

### ARGUMENTVM I.

Dicimus, quod pactum ex continenti adiectum, format actionem ex contractu descendentem. Hoc falsum videtur. Etenim pactum, peculiarem actionem parit. Textus est expressus, in *l. 2. G. de pact. inter emptor.* Ibi fundus fuit venditus ea lege id est, pacto isto adiecto, ut si pretium inter diem certum refunderetur, fundus venditori vel heredibus ipsius restitueretur. Postea intra diem dictum, pretium fuit refusum & tamen emptor noluit restituere fundum. Alexander Imperator rescripsit cogi emptorem posse ad restitutionem fundi actione præscriptis verbis, vel ex vendito. Ecce ibi duæ dantur actiones præscriptis verbis & ex vendito, datur ex venditione, actio præscriptis verbis ex lege siue pacto contractui in continenti adiecto. R. Olim inter Sabinianos & Proculianos hæc quæstio fuit controuersa, utrum pacto in continenti adiecto emptioni & venditioni, dari deberet actio ex ipso contractu emptionis & venditionis, an verò deberet dari actio præscriptis verbis quasi ex negotio transformato quod proprio nomine vacaret. Et quidem Proculus quasi ex contractu transformato dabat actionem præscriptis verbis. Textus est expressus, in *l. si vir uxori, de præscript. verbis.* Ibi maritus vendidit uxori fundos, ea lege ut soluto matrimonio eos reuenderet viro nolenti. Hæc lex reuendendi, venditioni opposita, facit ut non omnino videatur contracta esse venditio, sed

ut



ut videatur contractum nouum negotium & non vulgare. Queritur quæ sit actio? & dicitur ibi esse actionem præscriptis verbis, & ea lex est Proculi. Contra Sabinus ex contractu ipso cui lex erat apposita dicebat actionem competere, & hanc sententiam fuisse Sabini nominatim Paulus affirmat, in l. si conuenit, de rescribend. vendition. Ibi rei venditæ hæc lex fuit apposita, ut si displicuisset, intra certum tempus redderetur. Et Paulus affirmat, Sabinum putasse, ex empto esse actionem. Et subiicit Paulus, aut est proxima empti in factum actio, & hæc posterior sententia fuit Proculi. Hoc ipsum dissidium intra Proculum & Sabinum indicatur. in l. Labeo 3. de contrahend. emptio. Ea lex est Vlpiani & refert Vlpianus. Labeonem scripsisse præscriptis verbis esse agendum cum venditioni lex aliqua adscribitur quæ venditionem quasi in aliud negotium transformat. Sed Vlpianus postea subiicit se putare quod competat ex vendito actio. Labeo autem Proculianus fuit, Vlpianus, Sabinianus. Dubium itaque ex iam dictis non est, Principes Iurisconsultorum Sabinum & Proculum in eo dissensisse, utrum pacto adiecto contractui dari deberet, præscriptis verbis an ex vendito actio. Hoc dissidium postea Imperator Alexander itemq; Antoninus, dirimerunt, & uterq; rescripsit ex vendito actionem competere, d. l. 2. C. de pact. inter emptor. & venditor. & l. si fundus, in princip. de lege commissoria. In d. l. si fundus, agitur de lege commissoria id est, de pacto venditioni adiecto, ut nisi intra certum diem, pretium esset exsolutum, fundus esset inemptus. Et dicit Vlpianus iam decisam esse questionem, hoc casu competere ex vendito actionem. Et subdit postea, questionem decisam esse rescriptis Antonini & Diui Seueri. Cum Vlpianus D. Seuerum nominat. Alexandrum intelligit id est, intelligit l. 2. C. de pactis inter emptor. & venditor. Sic idem Vlpianus in l. cum alter alteri, de compensation. Diuum Seuerum nominat, intelligens Alexandrum, ut constat ex l. 4. C. de compensat. & d. l. cum alter alteri, est ex eodem libro ex quo est lex si fundus. Et quamuis in d. l. 2. C. de pactis & c. Imperator rescribat præscriptis verbis vel ex vendito dari actionem: tamen hoc tantum vult ex

VED-

vendito competere actionem & non præscriptis verbis. Et dictio vel, corrigit quod ante dictum fuit, ut in l. is qui commodatum, §. si libero homini, commodati. Sic aut corrigit, §. igitur, Institut. de pupillar. substitut. d. l. si convenit, de rescind. vendition. l. si conveniente, in fin. communi dividund. l. si cum venderet, de pignorat. action. Sic nisi corrigit, l. solent, de præscriptis verb. l. si mihi purè, de legat. 2. Et quod dictio, vel, in d. l. 2 corrigit, & Imperator Alexander tantum velit dare actionem ex vendito non præscriptis verbis, significat Vlpianus in l. Imperator Severus rescripsit, in fine, de in diem addition. Ibi Vlpianus inquit, Credo principem Severum Alexandrum, ut antè diximus, sensisse de empti venditi actione. Credo, inquit Iuriconsultus, sensisse principem. Idcirco inquit sensisse principem &c. quod Severus vel Alexander rescripserat dari præscriptis verbis vel ex vendito actionem, & ijs verbis inquit Vlpianus credo principem sensisse de empti venditi actione, non de actione præscriptis verbis. Et post rescriptum Alexandri, Iuriconsulti passim affirmarunt, pacto apposito in continenti venditionis contractui, competere actionem ex vendito, ut in l. si sterilis, §. si tibi fundum, de action. empti, l. qui fundum, de contrahend. emptio. Et ex d. l. si sterilis, §. si tibi fundum, & d. l. qui fundum, apparet nihil referre quale pactum venditioni adjiciatur, utrum sit de reuendendo, an legis commissoria, an pactum, additionis in diem aut simile pactum, quod diligenter etiam notandum est, ne existimemus rescriptum Alexandri tantum ad vnum genus pactorum pertinere.



DISPV



## DISPUTATIO

DE CONTRAHENDA EMPTIONE ROSTOCHII  
habita.

## I. Propositio.



Contractus est conuentio quæ nomen ciuile & legitimum habet, aut si nomine vacat habet tamen causam.

## II.

Prima ergò contractuum diuisio hæc est, quod alij nominati sunt alij innominati.

## III.

Sed quia in omnibus non hoc agitur, vt vterq; contrahentium obligetur, hinc secunda exurgit contractuum diuisio, qua alij ab vtroq; latere obligatorij dicuntur, alij ab vno latere tantum. Hos græci συναλλαγμα-  
τα μισοπλεονεγα: Illos συναλλάγματα διπλεονεγα appellant.

## A R G V M E N T V M . I.

Definitio non debet esse latior suo definito. Sed nostra definitio latior est definito. Ergò est vitiosa. Minor probatur. Nam definitio conuenit transactioni, & transactio est conuentio, & nomen habet, non tamen est contractus. R. Cum dicimus contractum esse conuentionem nomen habentem, non quodlibet nomen intelligimus, sed ciuile & legitimum tantum quale est emptio, venditio, locatio, conductio societas, mandatum, commodatum &c. Transactio autem quæ conuentio est, nomen quidem habet, sed nomen illud, legitimum & ciuile nomen non est, sed naturale tantum, & ideo transactio in nostram definitionem non cadit.

K k k

A L I-

Diximus transactionem non esse contractum. Contra ita instatur. Transactio est conuentio & habet causam. Nam transactio fit aliquo dato, retento vel promisso, *l. transactio, C. de transactionibus*. Contractus igitur est. R. Nego antecedens. Transactio enim causam id est, dationem vel factum non habet. Et quod dicitur transactionem nullo dato, retento vel promisso minimè procedere, id dumtaxat ad conuentionem referendum est, quæ ita fit vt aliquid detur, retineatur & promittatur. Et rectè Harmenopulus inquit, pactio siue transactione non inducitur datio sed id tantum agitur, vt aliquid detur. verbi gratia, dabo tibi decem vt à lite discedas. Hæc conuentio, transactio est. Si decem do vt à lite discedas, est contractus, quia iam negotium causam habet.

Rursus instatur. Transactionem contractum esse, & vincitur ex l. contractus, *C. de fide instrumentor.* Ibi Imperator inquit. Contractus venditionum, permutationum & transactionum quas in scriptis fieri placuit. R. ibi vitiosè transactionum legitur pro transactiones, & alij Codices ita habent. Contractus venditionum permutationum & transactiones, idque à Ludouico Russardo ibi notatum est.

Rursus instatur ex l. cum te transigisse, *C. de transaction.* Ibi Imperator de transactione agit, & ita inquit, si de fide contractus constet scriptura non est necessaria. Transactio ergo contractus est. R. Transactio vt dictum est hoc modo fit, dabo decem tibi, vt à lite discedas. Et huiusmodi conuentio quæ transactio dicitur, pactum est. Transactio enim species quædam pacti est. Cæterum si vel ego decem tibi dederò, vel tu à lite discesseris, iam conuentio in contractum transiit innominatum, do vt facias. Et sic Imperator in d. l. cum te transigisse. Conuentionem quæ ante pactum fuit, & per dationem vel factum paciscentium in contractum transiit, contractum rectè nominat.

## A L I V D.

Amplius instatur ex l. vltim. C. de litigios. Ibi Imperator de litigiosis rebus loquitur, & docet res litigiosas, per contractum non posse alienari. Et ab illa generali regula excipit contractum dotis, donationis propter nuptias, itemq; transactionem. Transactio ergo contractus est, quia alias male exciperetur à regula, quæ de contractu est. Et exceptio vt vulgò dicimus, est & esse debet de regula. R. Ibi transactio à regula contractus excipitur, non propterea quod sit contractus, sed quod per transactionem non minus quàm per certos quosdam contractus, res litigiosa, alienari potest. Et in cotransactio similis est quibusdam contractibus. Itaque excipitur transactio à regula, non quod per omnia transactio sit de regula ibi proposita, sed quia est de regula secundum quid. Et huc facit quod in simili dicimus, in omnibus similitudinem non requiri, sed satis esse similitudinem esse eo respectu de quo agitur. Ita Cagnolus post alios docet in l. 1. de R. I. Et quod hæc nostra solutio sit vera, ex eo confirmatur, quod in d. l. vltim. C. de litigiosis. à contractibus excipitur legatum itemque fideicommissum. Et per legati & fideicommissi causam, res litigiosa rectè alienatur, & tamen legatum non est contractus, sicuti nec fideicommissum.

## A L I V D.

Denique instatur Bartolum tradidisse, transactionem esse contractum, in l. sine apud alia, C. de transaction. quod & Paulus de Castro voluit consil. 379 lib. 1. R. propter nouas Bartoli fantasias, non est recedendum à veriori sententia. Ita Baldus & Paulus de Castro tradunt, in l. fin. C. de instent. & substitutione. Et à textibus iuris recedi non debet, etiamsi mille glossæ & Dd. opiniones contrà sentirent, quemadmodum Somsbeck loquitur in 9. parte tractatus sui feudalium.

## A L I V D.

Redeundo ad definitionem contractus, videtur dicendum, definitionem vitiosam esse ex eo, quod constituto conuenit. Nam constitutum est conuentio & nomen habet, non tamen est contractus sed pactum, §. de constituta, Instit. de action. Ibi

dicatur constitutum fieri pacto, nulla stipulatione interueniente. R. Quod de transactione diximus, idem quoq; de constituto dicendum est. Nam constitutum ciuile & legitimum nomen non est, sed naturale vel honorarium.

## A L I V D.

At dices ex constituto datur actio *tot. tit. de const. pecun. in p. & C.* Igitur contractus est non pactum, quia ex pacto actio non est. R. Pacta alia sunt legitima, alia Iurisgentium, *l. 6. de pact.* Constitutum legitimum pactum est, hoc est, edicto Prætoris approbationem accepit, & ideo datur ex constituto actio.

## A L I V D.

Rursus obijcitur. Definitio nostra contractus hypothecæ conuenit. Nam hypotheca conuentio est, & habet nomen. At hypotheca non est contractus sed pactum. Ergo definitio est vitiosa. R. Hypotheca conuentio quidem est, quæ ita fit, ut res alicui sit pignori. Sed nomen legitimum non est, sed naturale dumtaxat, ideoq; hypotheca in definitionem nostram non cadit. Nec obstat si dixeris, ex huiusmodi conuentione actionem dari. Nam ex hypotheca ideo actio datur quod pactum illud lege id est, iure prætorio adiuuatur, *l. si tibi decem, §. de pignore, de pactis.* Hinc in *l. maior, C. de pignor.* ab Imperatoribus est rescriptum, pignoris conuentionem tueri solum pactum vel iurisdictionem secundum voluntatem conuenientium. Vel iurisdictionem inquirunt, ut ostendant pactum siue hypothecam, non vi sua & quatenus pactum est, sed ex iurisdictione id est, ex edicto prætoris obligationem parere. Et iurdictio ibi pro edicto Prætoris sumitur.

## A L I V D.

Rursus contra definitionem dicitur quod definitio, rei substantiam debet exprimere. Sed hæc nostra definitio rei substantiam non exprimit. Ergo &c. R. In ea tantum definitione, quæ *σπουδης* est, hoc exigitur ut rei substantia exprimat. Sed nostra non est *σπουδης*, sed in genere tantum id exprimit, quod omnium contractuum commune est.

A L I-

## A L I V D.

Rursus contractus nomen, ijs tantum conventionibus tribuitur quæ nomen habent, *Intelligitur ex §. final. Instit. de obligation.* Ibi Imperator docet quatuor esse species contractuum. Aut enim inquit re contrahuntur, aut verbis &c. Ergò malè nos facimus quod contractus nomen extendimus ad conventiones quæ nomen non habent. R. Contractus nomen specialiter sumitur pro contractibus nomen habentibus. At generaliter contractus dicuntur etiam negocia illa quæ nomine carent si habeant causam, *l. iurigentium, de pact.*

## A L I V D.

Erubescimus sine lege loqui, *§. consideremus, in authent. de triente & semisse. c. illa, ne sede vacante, c. 1. de suppl. negli. prala. lib. 6.* Sed nos hîc loquimur sine lege, quia nostra definitio contractus nusquam extat : Ergò malè facimus, nec sumus audienti. R. Nego minorem quia non loquimur sine lege, sed definitio à nobis posita extat, *in l. iurigentium, de pact.*

## A L I V D.

Contractus non tantum nomen habent, sed cum nomine habent etiam causam id est, dationem vel factum. Vt ecce, vendo tibi domum, eamq; statim trado, vt tu postea des pretium. Hic contractus nomen habet, quia emptio est. Habet quoq; causam, quia tradidi domum. Ergò malè facimus, quod nominis dumtaxat mentionem facimus non simul causæ. R. nos contractum definimus in genere, ita vt definitio omnibus contractibus conueniat. Hoc omnibus contractibus in genere conuenit quod nomen habent, vel si nomine vacant, quod habent causam. At non semper contractibus nominatis adest datio. Intelligitur ex eo quod emptionem & venditionem perficit sola conuentio, *l. 2. de contrah. emption.*

## A L I V D.

Dicimus contractum esse conuentionem quæ causam habet, si nomine vacet. Contra contractus potest causam habere & simul nomen. Verbi gratia. Do tibi togam vt tunicam accipiam. Hæc conuentio habet causam. Habet quoque nomen, quia permutatio dicitur. Ergò malè dicimus conuen-

tionones quæ causam habent nomen non habere. R. Hæc conuentio do tibi togam vt tunicam accipiam nomen proprium ciuile & legitimum non habet. Id perspicue ostendit Vlpianus, in *l. iurugiendum, de pact.* & Ictus in *l. 3. de præscripte verb.* Ad præscriptis verbis inquit actionem confugimus quoties contractus existunt quorum appellationes iure ciuili non sunt proditæ. Et permuratio naturale nomen est, non legitimum,

#### IV. Propositio.

Et contractum ab utroque latere obligatorium Iurisconsultus Labeo definit, his verbis: Contractus est utroque utroque; obligatio.

#### ARGUMENTVM I.

Labeo Iurisconsultus diligentissimus fuit in constituendis definitionibus, *Intelligitur ex l. 1. de dol malo* Ibi Seruius definiuit dolum malum machinationem alterius decipiendi causa cum aliud agitur & aliud simulatur. Hæc definitio Labeoni displicuit, propterea quod & sine simulatione id agi potest vt aliquis circumueniatur. Ipse ergo Labeo ibi nouam definitionem constituit. Dolus malus est calliditas, fallacia, machinatio ad circumueniendum fallendum & decipiendum alterum adhibita, & hanc definitionem Labeonis Vlpianus probat. Verisimile igitur est quod Labeo etiam contractum ita definiuerit vt definitio esset generalis, plena & perfecta R. Concedo Labeonem fuisse diligentem in constituendis definitionibus. Sed definitio contractus tradita à Labeone ad contractus *διπλέυρος* tantum pertinet, & Labeo ibi tantum voluit definire contractus *διπλέυρος*, non simul etiam *μικροπλέυρος*. Intelligitur ex d. l. Labeo, vbi Labeo nominatim à definitione contractus excludit stipulationem.

#### ALIVD.

Interpretatio Antonij Guiberti nihil habet in commodatis. Imò omnibus contractibus in genere conuenit. Nullus enim est contractus, qui non pariat obligationem, ex duorum consensu procedentem. Omnis obligatio habet in se conuentionem id est, consensum duorum. Quinimò stipulatio quæ



quæ verbis fit, consensum habet duorum & sine duorum consensu nulla est, *l. i. in fine de pactu.* Ea expositio potius amplectenda est quàm nostra quæ vni tantum generi contractuum conuenit. R. Expositio Antonij Guiberti posset recipi, si ita Labeo voluisset. Sed non ita voluit. Labeo enim à suo contractus definitione nominatim remouit stipulationem, remouit mutuum. Ex his contractibus non nascitur obligatio ex vtrâq; parte, sed ex vna tantum. Et cum hos contractus Labeo remoueat à sua definitione, certum est Labeonem tantum definire contractus ex quibus nascitur obligatio ex vtroque latere.

## A L I V D.

In re obscura & dubia ea accipienda est interpretatio quæ vitio caret. Sed Antonij Guiberti expositio omni vitio caret. Conuenit enim omnibus contractibus, nostra vitium habet, quia vni dumtaxat generi contractuum conuenit. Ergo Guiberti expositio est amplectenda. R. ad minorem, nego minorem. Imò Guiberti expositio in maximum vitium incidit. Nam Antonius Guibertus longius producit contractus definitionem quàm Labeo voluit. Labeo excludere voluit stipulationem & mutuum. Antonius Guibertus contractus illos includit.

## V. Propositio.

Huiusmodi contractus ab vtroq; latere obligatorius emptio & venditio est.

## VI.

In emptione & venditione licet consensus plurimum operetur, tria tamen hæc coniunctim concurrere debent vt emptio perfecta sit, nimirum consensus, pretium & merx.

## A R G V M E N T V M I.

In quintâ propositione dicimus emptionem venditionem, ex illo contractuum genere esse, qui vtrò citroque pariunt obligationem. Obstat l. Iulianus, §. si quis à pupillo, de action.

action. empt. Si quis à pupillo sine tutoris auctoritate emerit, ex vno latere constat contractus. Nam qui emit obligatus est pupillo, pupillum autem sibi non obligat. Ecce textum de emptione loquentem, & tamen dicentem, quod ex vno latere dumtaxat contractus constat. R. Natura emptionis & venditionis est, quod obligatio oritur vtro citroque. Sed in d. l. Iulianus, §. si quis à pupillo, ex accidenti contingit quod ex vno latere tantum contractus constat, quia ibi pupillus contrahit sine tutoris auctoritate.

## A L I V D.

Dicimus emptionem venditionem esse, si tria hæc adsint, merx, pretium & consensus. Obstat l. vltim. de condict. caus. data &c. Ibi dedi tibi pecuniam ut mihi Stichum dares. Ecce hic est merx Stichus, est consensus, est quoque pretium, & tamen Ictus dicit, non esse emptionem & venditionem. Imò plus dicit, non esse portionem emptionis & venditionis, ijs verbis significat non esse negotium simile emptioni. R. In d. l. final. Primum non est emptio, quia ita dictum fuit, do pecuniam ut Stichum des. Dare est dominium transferre & rem accipientis facere, l. ubi autem non apparet, §. final. de Verbor. obligatio. §. sic itaque discretus, Instans. de action. l. non videntur data, de R. l. Hoc verò alienum est à natura emptionis & venditionis. Nam venditor tradere non dare debet. Et emptio ita fit, do pecuniam ut Stichum tradas, non fit ita do pecuniam ut Stichum des, l. ex empto, §. 1. de action. empti. Hoc ergo negotium non est emptio venditio. Non est enim permutatio, siue do ut des, quia permutatio in pecunia non consistit. Denique non est negotium civile nec. civili proximum, itaque ex eo non actio ex empto, non præscriptis verbis, sed conditio ob rem dati oritur, *Ex hac ut Corrasius in miscellaneis refert, communis est opinio & solutio, à qua tamen ipse decessit.*

## A L I V D.

Dicimus emptionem esse cum pecunia datur & res accipitur. At emptio etiam est cum pecunia datur pro pecunia, l. lege Cornelia cautetur, de lege Cornelia. Eadem inquit Ulpianus lege exprimitur, ne quis nummos stanneos, plumbeos emere ven-

vendere dolo malo vellet. R. Nummi quibus merx ipsa æstimatur, mercis vice fungi non possunt. Et quod Iurisconsultus dicit nummos emi vendique posse, id ad peregrinos nummos referendum est, puta ad nummos Daricos, Philippos, tetradrachmum Atticum, Siclos & alios id genus, quos cæterarum rerum exemplo in emptionem deduci solitos. *Voluntario Metastano in libro de asse & partibus indicat. Baruchus Brissonus lib. 1. antiquitat. c. 8.*

## A L I V D.

Emptio contrahitur etiam rerum permutatione. Ergo nos malè pretium dumtaxat exigimus, & res excludimus. Antecedens probatur auctoritate Homeril. lib. 7. Iliados ad finem. Tunc inquit vinum emebant Græci, ære, auro, ferro &c. Græci versiculi extant in l. 1. de contrah. emption. R. Pugna fuit inter Sabinianos & Proculianos vtrum cum togam do, vt tunicam accipiam, emptio & venditio contrahatur, an verò permutatio. Sabinus volebat emptionem & venditionem contrahi. Et pro suæ sententiæ confirmatione utebatur versibus Homeri in 7. Iliados. Contra. Proculus dicebat permutationem esse non emptionem, & adducebat pro se alios versus Homeri qui itidem extant, in l. 1. de contrah. emption. Et ad illum postremum locum Homeri alludit Aristoteles, lib. 5. Ethicor. c. 9. Et Martialis. lib. 9. Epigrammat.

*Tam stupidus nunquam nec tu puto Glauce fuisti*

*δωρεα, donanti χαλκεια, qui dederas.*

Et Proculi sententia prævaluit, vt Iurisconsultum docet, in d. l. 1. de contrahend. emption. & Imperator in Instit. tit. de emption. & vendition.

## A L I V D.

Dicimus esse emptionem venditionem, cum pecunia datur & res accipitur. Obstat l. 1. ita constare, de iure dotium. Ita constante inquit Iurisconsultus matrimonio permutari dotem posse dicimus si hoc mulieri sit utile, vt ex pecunia irrem, aut ex re in pecuniam. Ecce Iurisconsultum dicentem non esse emptionem venditionem, sed permutationem cum pecunia datur vt res accipiat. R. permutatio est proprie cum res pro re datur. Sed quandoq; permutationis verbum

improprie accipitur pro emptione venditione. Et ita sumitur in d.l. ita constante. Ita sumitur, in l. si mulier, §. final. de pact. dotalibus, quæ itidem lex nobis obijci posset. Sic permutare pro vendere Cicero non vno in loco usurpauit, itemque Plinius, *ut Tiraqueb. docet in libro de viroq; retractu.*

## A L I V D.

Quæ substantialibus non differunt, illa inter se non differunt. Sed tria illa, merx, pretium & consensus quæ in emptione venditione requiruntur, requiruntur etiam in locatione & conductione. Et nulla est locatio, nisi sit merx, hoc est, res quæ locetur, Item merces, quæ pretium dicitur, *in l. si quis ante, de acquir. posses. l. ultim. §. ultim. ad l. Rhodiam, l. 28. & 38. locati & conduct.* In locatione & conductione est quoque consensus. Ergo locatio & conductio est emptio & venditio. Aut certe plura ad emptionem & venditionem requiruntur quam tria illa quæ nos posuimus. R. Quæ substantialibus non differunt, tendentibus ad eundem finem, illa inter se non differunt. Minor sed eadem tria, quæ in emptione & venditione interueniunt, interueniunt quoque in locatione & conductione, sed ad finem diuersum. Nam in emptione & venditione pretium datur pro merce, eo fine ut merx emptoris fiat. In locatione & conductione datur merces siue pretium non ut domus locata fiat conductoris, sed ut ea utatur. Finis autem cuiuslibet rei præcipue inspiciendus est. Et à fine omnia denominantur secundum Aristotèlem quem citat *Baldus consil. 272. super eo quod queritur col. 2. lib. 1. Finis item declarat qualis sit res censenda, l. sed etsi quid, §. 1. de usu fructu.*

## A L I V D.

In sexta propositione exigimus mercem, hoc est, rem quæ veneat. Obstat l. 8. de contrahend. emptio. Ibi Iurisconsultus docet, quod fructus & partus futuros recte emamus. At fructus & partus futuri nondum sunt. Ergo emptio fit etiam sine merce sine re. R. Emptio non potest esse sine re quæ veneat. Et cum fructus emuntur aut partus futuri, non statim emptio valet, quia nulla subest res quæ veneat. Et quod futurum est nondum est, imò futurum ex Chrysippi & aliorum

rum sententia, incertum est, quia fieri potest ut non eueniat. Hinc incerta etiam dicitur stipulatio si quis fructus nascituros stipuletur. *l. ubi autem non apparet, de Verbor. obligation.* Emptio igitur non statim valet cum fructus futuri emuntur vel partus futurus sed conditionalis est, & tunc cum editus est partus, venditio facta intelligitur, *d. l. 8.*

## A L I V D.

Rursus ex eadem lege 8. ita instatur. Captum piscium, auium vel missilium emere possumus. At ibi nulla subest res quæ veneat. Ergo emptio fit sine re. R. Emptio non fit sine re, præterquam si quis emat captum piscium auium vel missilium, vel etiam hereditatem quamcunq; obuenturam, *l. 11. de hered. vel action. vendit.* Huiusmodi emptiones admittuntur sine rebus. Et spes loco rei est, cum emo captum piscium, auium, missilium, vel hereditatem quamcunque obuenturam, quasi aleam emere videor inquit Ictus, *in d. l. 8. hoc est ipsum incertum rei emo, ut dicitur in d. l. 11. de hered. vel action. vendit.*

## VII. Propositio.

Mercem cum dicimus, rem omnem intelligimus qui modo in commercio est hominum.

## VIII.

Rei itaque sacræ, religiosæ, sanctæ, liberi hominis, itemq; rei propriæ, emptio nulla est.

## A R G V M E N T V M. I.

Dicimus rem sacræ, religiosæ, eamque quæ extra commercium est, ut est liber homo, emi non posse. Obstat l. 4. de contrahend. emption. ibi dicitur quod liberi hominis, loci sacri & religiosi emptio intelligatur esse. R. Solutio est petenda ex d. l. 4. Ibi non simpliciter dicitur liberi hominis, loci sacri & religiosi emptionem esse, sed additur, si ab ignorante emitur. Ignorantes liberum hominem, rem sacræ vel religiosæ, emere possumus, quia ut subiicitur in l. 5. ibi, difficile dignosci potest liber homo à seruo, res item sacræ & religiosæ à profana.

Dicimus rem sacram & religiosam, ab ignorante emi posse. Obstat l. qui officij, §. 1. de contrahend. empti. Ibi Iurisconsultus docet, non tenere emptionem, si quis nesciens loca sacra vel religiosa comparauit. R. Res sacra vel religiosa vendita, vtrumq; rectè dicimus, emptionem intelligi, & non tenere emptionem. Intelligitur esse emptio si liber homo, res sacra vel religiosa ab ignorante ematur, quia emptori datur aduersus venditorem actio empti, per quam consequitur, quanti ipsius interest, l. si sibi liberam, C. de emtion. Et ostendit Ictus in d. l. qui officij, §. 1. Non tenet autem emptio, quia res vendita tradi & emptori adquiri non potest, & ita lex qui officij, §. 1. accipienda est.

Diximus liberum hominem ab ignorante rectè emi. Obstat l. 1. C. de patrib. qui filios distrax. Ibi Imperator rescriptit, etiam sub prætectu ignorantiz, liberum hominem emi non posse. R. Imperator non de quouis homine libero loquitur, sed de filio, & filium à parente, etiam sub prætectu ignorantiz, nemo emere potest.

At obstat iniquis, l. 2. C. cod. de patribus qui filios distraxer. ibi enim Imperator permittit parenti, vt filium possit vendere. R. quod ibi statuitur, ratio necessitatis & paupertatis extrema, fecit & extorsit. Nam pater propter extremam egestatem, cum filium nulla ratione alere potest, filium vendere potest. Filium inquam sanguinolentum tantum id est, recens natum, rubentem adhuc à natiuitate, & quasi adhuc persusum sanguine vteri materni. Accursus verbum sanguinolentus ad patrem refert, quasi sit pater sanguinolentus id est, dignus de quo capitis supplicium sumatur si filium vendat. Sed id nomen non ad patrem sed filium sanguinolentum referendum est. *Sic sanguinolentum accipimus, in tit. C. de infantib. expos. & is qui sanguinolentos nutriendos. acceperunt lib. 8.*

Locus sacer vel religiosus rectè venditur, l. In modicis, de  
contra-

*contrahen. emption.* Ergò malè dicimus, rem sacram vel religiosam non vendi. R. Solutio est petenda ex d. l. in modicis. Locus sacer vel religiosus specialiter & nominatim & per se vendi non potest. At cum locus sacer vel religiosus, emptioni alterius rei accedit, tunc rectè venditur, d. l. in modicis.

## A L I V D.

In §. sacra, Institut. de rer. diuision. dicitur quod sacra res pro redemptione captiuorum licitè alienantur. Ergò malè nos dicimus res sacras, non posse vendi. R. Ille casus à generali regula excipiendus est. Et res sacra licitè venduntur vt captiui redimantur. Animæ enim hominum quibuscunque rebus pretiosiores sunt, l. *sancimus*, C. de Sacrosanctis Ecclesiis.

## A L I V D.

Si stipuler rem sacram vel religiosam quam humani iuris esse credebam, vel liberum hominem, quem credebam esse seruum, inutilis est stipulatio, §. 1. *Instit. de inutilib. stipulat.* Ergò etiam inutilis erit emptio, si etiam ignoras rem sacram vel religiosam. R. Differentia est constituenda inter stipulationem & emptionem. In stipulatione transfertur dominium in stipulantem, & cum res sacra, religiosa & liber homo, nemini adquiri possint, meritò in stipulationem deduci non possunt. In emptione non est necessè dominium transferri, & ideò emptio illarum rerum esse intelligitur, & emptor agit aduersus venditorem actione ex empto ad id quod interest. Hæc differentia ratio traditur à Icto, in l. si ita distrahatur, de contrahend. emption. his verbis. Qui vendidit necessè non habet fundum emptoris facere, vt cogitur qui fundum stipulanti spopondit.

## A L I V D.

Dicimus in emptione & venditione necessariò requiri rem quæ veneat, ex l. nec emptio, de contrah. emption. Nec emptio nec venditio sine re quæ veneat potest intelligi. Obstat l. si sterilis, in princp. de action. empti. Ibi nulla res subest venditus enim est partus qui non erat futurus, nempe partus quinquagenaria mulieris. Et tamen emptio contrahitur, & datur actio ex empto. R. Petenda est solutio ex d. l. si sterilis,

ibi adduntur hæc verba, cum id emptor ignorauerit. Emptor ignorauit mulierem quinquagenariam esse, atque ita emit partum futurum, fuit emptor deceptus à venditore. Et ideo emptori in venditorem datur actio empti, quamuis emptio nulla sit. Et sic sæpè ad id quod interest actio ex empto datur etiamsi nulla sit emptio.

## A L I V D.

Dicimus me rem meam emere non posse. Obstat I. existimo, de contrahend. emptio. Ibi dicitur, posse me id, quod meum est, emere. R. Solutio ex textu est petenda. Existimo inquit Iurisconsultus, posse me id quod meum est sub conditione emere, quia fortè speratur meum esse desinere. Sub conditione, rem meam rectè emo, si mea esse desierit. Sic rem meam rectè sub conditione stipulor, *l. si rem meam, & l. existimo, de Verbor. obligat.*

## A L I V D.

At dices, liberum hominem non rectè stipulor sub conditione si seruus erit, nec rem sacram cum profana erit, *l. continuum, §. penult. de Verborum obligationibus*. Ergò nec rem meam, cum mea esse desierit. R. rem meam sub conditione rectè stipulor cum mea esse desierit, quia vix vnquam comparatur ea animi destinatione vt perpetuò mea sit. At liberum hominem vel rem sacram non rectè stipulor sub conditione cum seruus erit, vel res profana, quia liberi hominis seruitutem, vel rei sacræ detestationem expectari, durum est. Impossibilis hæc conditio videtur esse in libero homine & re sacra. Possibilis in re mea, *d. l. continuum, §. penult. de Verborum obligationibus, l. si in emptione, §. omnium, de contrahend. emptione*. Ibi Iurisconsultus inquit, non est fas huiusmodi casus expectare.

## A L I V D.

Obstat *l. si mandauero §. si hi, mandati*. Ibi rem pignori dederam, puta fundum. Creditor postea fundum vult distrahere. Ego fundum per interpositam personam emo, & valet emptio. Igitur suæ rei emptio valet. R. Rem meam emere non



non possum, quia id quod meum est, amplius meum fieri non potest. Verum per interpositam personam rem meam rectè emo, d. l. si mandauero, §. si hi, mandat. l. Epistola, §. i. de pact.

## IX. Propositio.

Pretium quoque quod in emptione requirimus, in numerata pecunia consistere debet : Nam si res pro re detur, permutatio est, non emptio & venditio.

## X.

Sic certum quoque debet esse pretium, consensu partium expressum, ut emptio & venditio subsistat.

## ARGUMENTVM I.

Pecunia significat omnes res tam soli quàm mobiles, tam iura quàm corpora, l. pecunia verbum, l. pecunia nomine, l. pecunia appellatione, de Verbor. significat. sed pretium in rebus immobilibus, iuribus & corporibus non consistit. Pretium igitur non rectè definitur pecunia, & definitio multò latior est suo definito. R. Pecuniæ verbum interdum latissimè accipitur, pro omni pecunia, hoc est, pro omnibus rebus tam soli quàm mobilibus, tam iuribus quàm corporibus ut supradictæ leges probant. Ita sumitur pecunia in l. illa 12. tabularum. Paterfamilias uti super pecunia tutelauit suæ rei legasset, ita ius esto. *Ulpianus in fragment. de tutel. Cornificius lib. 1. ad Herennium.* Sic etiam sumitur pecunia in l. Falcidia. Quicunque ciuis Romanus post hanc legem rogatam testamentum faciet, is, quantam cuique ciui Romano pecuniam iure publico dare legare volet ius potestasque esto, l. 1. ad l. Falcidiam. Interdum pecuniæ nomen sumitur aliquantò strictius, pro rebus, dumtaxat constantibus pondere, numero & mensura. Ut cum dicimus pecuniam compensari. Solæ enim res constantes numero, pondere & mensura, compensantur, quia hæ solæ mutuam functionem inter se recipiunt.

Ita

Ita sumitur pecuniæ verbum, in illa clausula vulgari quæ testamentis olim adscribi solita erat. Quas pecunias legani quibus dies appositus non est, eas annua, bima, trima die heres meus dato, *italia scriptura, de legat. 1.* Ita sumitur quoq; pecunia in edicto prætoris de constituta pecunia, *quemadmodum Iustinianus docet, in l. 2. C. de constitut. pecun.* Sic etiam sumitur pecunia in tit. C. de prohib. pecun. sequestration. Accursius quidem ibi pecuniam latè accipit, sed strictè pro quantitate accipere oportet. Cæterarum enim rerum mobilium quæ petuntur & de quibus lis est, fit sequestratio. Pecuniæ siue quantitatis sequestratio non fit. Ratio est, res quæ certum habent corpus, faciliè interuerti & corrumpi possunt, & idè pendente lite collocantur in tuto apud sequestrum, exigente aduersario. At quantitatis nullum subest corpus, quantitas non perit. Denique pecuniæ verbum quandoque strictissimè sumitur pro pecunia numerata tantum, *ut in tot. tit. π. & C. ad Scitum Macedon.* In l. 1. eius tituli in π. ita scriptum est. Placet ne cui qui filiofamilias mutuam pecuniā sine iussu parentis credidit, etiam post mortem parentis, in cuius potestate fuit actio petitioq; daretur, ut scirent qui pessimo exemplo fœnerarent, nullius posse filijfamilias bonum nomen exspectata patris morte fieri. Postea in l. 7. eius tituli, Iurisconsultus docet pecuniæ verbum dumtaxat ad numeratam pecuniā pertinere, non ad alias res. Et ita strictissimè pecuniæ verbum hîc accipimus pro pecunia scilicet numerata tantum.

## A L I V D.

Theophilus in tit. de Verbor. obligat. dicit incertam esse stipulationem, si quis stipuletur, *ἡ ἐν τῇ κιβωτῇ* hoc est, ea quæ sunt in arca, in cista. Igitur malè nos dicimus certum esse pretium si dicatur quantum pretium est in arca. R. Theophilus in d. titu. malè loquitur. Nam si quis stipuletur pecuniā, quæ est in arca, certa est stipulatio. Certa inquam est stipulatio natura, etiam si contrahentibus forsitan incerta sit. Ita Ictus docet in l. vbi autem non apparet, §. sed qui vinum, de Verbor. obligat. Qui vinum inquit Iurisconsultus aut oleum, aut triticum quod in horreo est, stipulatur, certum stipula-

ulari intelligitur. Similis est textus in l. hæc venditio, §. huiusmodi emptio, de contrahend. empt. Huiusmodi inquit Iuriconsultus emptio quanti tu cum emisisti, quantum pretium in arca habeo, valet. Nec enim incertum est pretium in tam euidenti venditione, magis enim ignoratur quanti emptus sit, quam in rei veritate incertum est. d. l. hæc venditio.

## A L I V D.

Rursus instatur. Si ita stipulor, quod Seius mihi debet, dare spondes, vel quod ex testamento mihi debes dare spondes, incerta est stipulatio, licet Seius certum debeat, vel ex testamento certum debeatur, d. l. vbi autem non apparet, §. qui verò a Titio, de Verbor. obligat. Ergo quoque incertum est pretium, cum dico quantum precium in arca habeo, licet in arca sit certum pretium. R. Inciuile est, nisi tota lege perspecta, vna aliqua particula proposita, iudicare vel respondere, l. in-stituile, de legib. Ictus in d. l. vbi autem non apparet, §. qui verò a Titio, de Verbor. obligat. initio eius §. hoc quidem proponit, incertam esse stipulationem, si stipuler quod Seius mihi debet, dare spondes, vel quod ex testamento mihi debes dare spondes, verum id postea corrigit sequentibus verbis, quamuis istæ species vix separari possint ab ea quam proposuimus de vino, oleo vel tritico quod in horreo repositum est. Et in summa hoc dicit Ictus hanc speciem quod Seius mihi debet, dare spondes, similem esse illi, triticum quod in horreo est, dare spondes. Hæc autem posterior stipulatio certa est, Ergo & illa prior. Et hoc Antiquus Glossator, Iohannes rectè animaduertit, qui tradidit particulam quamuis, in d. §. qui verò a Titio, corrigere. Sic corrigit in l. 2. §. incertam, de prator. stipulat. & in l. tigni, §. si quis cum, ad exhibend.

## A L I V D.

Diximus in emptione pretium certum esse debere. Obstat l. si fundus, §. fin. de pignorib. Ibi nullum pretium certum fuit constitutum & tamen emptio valet. Dedi namque tibi pignus, ea lege, vt si intra certum tempus pecuniam non soluerem, iure emptoris possideres rem iusto pretio tunc æstimandam. Hoc casu inquit Ictus conditionalis est venditio.

M m m

Ecce

Ecce venditio est, & tamen nullum certum est pretium. R. Ius quod ibi proponitur singulare est, introductum in fauorem debitorum, vt facilius reperirentur qui illis pecunias crederent. Et hoc ius ex rescripto Diui Seueri & Antonini proflixit vt in fine d. l. si fundus, ab ICto indicatur.

## A L I V D.

Pecunia quæ est in arca, speciei siue corporis locum obtinet, *l. planè §. i. de legat. i.* Ideoque si testator centum quæ in arca habet, sæpius legauerit, semel dumtaxat legatum debetur, *d. l. planè, & l. si certos nummos, de legat. i.* Sic si legauerit 10. quæ in arca habet, & in arca solum quinque inueniantur, sola quinque debentur, & alia quinque ex testamento peti non possunt. Nā inquit Iurisconsultus quodammodo certum corpus, quod in rerum natura non est, legatum videtur, *l. si seruum legatum, §. qui quinque, de legat. i.* Malè igitur nos pecuniam quæ in arca est pro quantitate accipimus. R. Cum testator legat pecuniam quæ in arca est, pecunia corporis locum obtinet. Idq; ideò ne heres oneretur, & eandem pecuniam sæpius præstare teneatur. At in contractu emptionis & venditionis, pecunia quæ in arca est, pro quantitate sumitur.

## A L I V D:

In emptione exigimus mercem, pretium & consensum. Pone ego domum emo vno nummo, hic merx est, est pretium est consensus, & tamen non est emptio sicuti nec conductio est quæ fit vno nummo, *l. si quis ante, §. final. de acquir. possess.* Igitur tria prædicta emptionem non constituunt. R. Cum domum emo vno nummo, vel conduco, non est emptio, non est conductio, quia emptio pretium requirit sicut conductio, & vnus nummus non est pretium, *d. l. si quis ante, §. final. de acquir. possess.* Et huiusmodi venditionem, Iurisconsulti nudam & imaginariam vocant, *l. nuda, de contrah. empton. l. imaginaria, de R. l. eaq; veteres vsi sunt in testamento quod fiebat per æs & libram, §. accessit, Institut. de testamens. in emancipationibus liberorum, §. præterea, Instit. quibus mod. ius patria potest. soluitur, in matrimonijs quæ per coemptionem fieri dicebantur. Vide Petrum Fabrum in d. l. imaginaria, de R. l. Ibi docet imaginariam quan-*

quandoq; dici emptionem, non quæ fit vno nummo, sed quæ fit sub imagine alterius personæ vel quæ fit per suppositam imaginarij emptoris personam, *l. & qui sub imagine, C. de distriction. pignor.* Inrerdu imaginaria emptio dicitur, cum seruus emitur suis nummis, *l. 4. de manumiss.*

## XI. Propositio.

Nec pretium quod in emptione & venditione interuenit in arbitrium emptoris conferri potest.

## XII.

In tertij tamen alicuius boni viri arbitrium, pretij quantitas rectè confertur.

## XIII.

Quod si itaque partes de certo pretio inter se conuenerint, huiusmodi consensu emptio & venditio perficitur licet pretium nondum solutum & ne arrha quidem data sit.

## A R G V M E N T V M I.

Totus contractus in arbitrium emptoris conferri potest, *S. vltim. Instit. de empt. & vendition.* Ergo multò magis precium. R. Emptio in arbitrium emptoris, vel venditoris propalam conferri non potest, hoc modo si volueris, *l. in vendenti, C. de contrah. emptio.* In vendentis inquit Imperator vel ementis voluntatem collata conditione comparandi obligatio nulla est. Adijcit rationem, quia non adstringit necessitate cōtrahentes quibus verbis Imperator ad definitionem obligationis respicit, quæ dicitur esse iuris vinculum, quo necessitate adstringimur &c. Tacitè potest, vt si Stichus intra certum diem tibi placuerit, erit tibi emptus tot aureis, *d. S. vlt. Instit. de emptio. & vendit.* Et hoc nouum non est, quia & aliàs multa tacitè fieri possunt, quæ si expressè fierent, non valerent, *l. si quis Sempronius, de hered. instituend. l. si ita sit legatū de legat. 1. l. nonnunquam contingit, de condit. & demonstrat. l. expressa de R. I.* Pretium neq; tacitè neq; expressè in arbitrium emptoris confertur, quia certum esse debet, hoc est eius taxatio apparere debet.

## A L I V D.

Obstat l. 3. C. de dot. promiss. &c. Ibi promissi, me pro muliere dotem daturum, quamcunq; arbitratus fuissim, atq; ita obligatio in meam voluntatem confertur, & valet dotis constitutio. R. Ibi promissio dotis collata est non in meram voluntatem promittentis, sed in voluntatem promittentis quasi boni viri, d. l. 3.

## A L I V D.

Legatum ita relictum si aestimauerit, heres, si comprobauerit, si iustum putauerit, valet l. si sic legatum 75. de legat. 1. l. 11. §. sic fideicommissum, de legat. 3. Ergo valebit etiam emptio, quanti aestimaueris, quanti æquum putaueris. R. Legatum modo supradicto, relictum, valet, quia non videtur collatum in meram voluntatem heredis, sed in voluntatem heredis, quasi viri boni, d. l. si sic legatum, de legat. 1. At emptio ita facta, quanti aestimaueris &c. non potest sustineri hoc prætextu, quod pretium in voluntatem & arbitrium emptoris quasi viri boni collatum sit. Nam in emptione, certi pretij taxationem exigimus. Taxatio autem pretij certa non est etiam cum arbitrio emptoris, quasi viri boni pretium commissum est. At arbitrium boni viri semper certum est, & certam quantitatem continet, l. 1. de legat. 2. Certum aliquid esse, non dicitur vno modo. Interdum certum dicitur quod in oculos incurrit hominum. Sic certus locus qui pro diuiso possidetur, l. 1. de emption. l. 6. de seruitut. Interdum certum dicitur cum ex ipsa pronuntiatione quid quale quantumuè sit appareat, vt cum dico decem aureos dabo, l. stipulationum quedam certa sunt, cum l. seq. de Verbor. obligation. Interdum certum dicitur, quod natura certum est, licet contrahentibus incertum sit. Vt si dicam pretium quod est in arca. Et his posterioribus duobus modis, certum intelligimus, cum dicimus pretium certum esse debere. Et vel ex ipsa pronuntiatione debet apparere, quid quale quantumq; sit pretium. Vel natura debet esse certum, licet contrahentibus sit incertum. At cum venditor ita dicit res erit tibi emptæ, quanti aestimaueris, quanti putaueris &c. neq; ex pronuntiatione quid quale quantumuè sit pretium intel-

intelligitur, nec etiam natura certum est. Ergo ita pretium non potest constitui. Sic licet hæc verba, quanti æstimaucris &c. in emptione, pro viri boni arbitrio accipiamus, tamen pretium ijs, quibus diximus modis, certum non erit. Et quamvis arbitrium boni viri dicitur esse certum, quia est ipsa æquitas quæ semper certa est: tamen in ijs questionibus quæ sunt de bono & æquo siue de æquitate, plerumq; sub auctoritate iuris scientiæ, perniciosè erratur, *ut Celsus respondit, l. si seruum. §. sequitur, de Verbor. obligation.* Hinc Paulus inquit, si arbitrium ita prauum est, vt manifesta eius iniquitas appareat, corrigi potest per iudicium bonæ fidei, *l. unde si Nerva, pro socio.*

## A L I V D.

At dices, si pretium in arbitrium extranei conferatur, valet emptio. Hic autem certi pretij taxatio non apparet. R. Cum in arbitrium extranei pretium confertur non statim valet emptio, sed tunc demum cum extraneus pretium definiuerit.

## A L I V D.

Rursus contra solutionem datam ita instatur, diximus legatum in heredis voluntatem conferri posse. Obstat *l. Senatus, §. legatum, de legat. 1.* Ibi Ictus inquit. Legatum in aliena voluntate poni potest, in heredis non potest. R. Voluntas siue quod idem est arbitrium, duplex est. Aliud est liberum arbitrium, *l. 7. §. 1. de rebus dubiis, l. liberum arbitrium, de adoption.* quod etiam plenum dicitur, *l. fidelcommissa, §. quanquam, de legat. 3.* Et mera voluntas, *in l. si sic legatum, de legat. 1.* Aliud est arbitrium boni viri, *l. 7. de contrahend. emptio. l. 1. de legat. 2. l. 3. de annis legat. l. fidelcommissa, de fidelcommisariis libertatibus.* Liberum arbitrium est cum quid in meram alicuius voluntatem confertur. Et legatum in heredis liberum arbitrium poni non potest, *d. l. senatus, §. legatum, de legat. 1.* Si ergo ita dixerit testator, lego decem si heres voluerit, inutile est legatum, idq; ideò ne sit in heredis potestate an debeat legatum. Heres est qui debet legata, & absurdum est vt sit in eius potestate an debeat. Non accipimus hæc verba, si heres voluerit, pro

conditione, nisi favore libertatis, *l. si fideicommissa, de fideicommiss. libertas*. In arbitrium heredis quasi boni viri, legatum rectè confertur hoc modo, si æstimauerit heres, si comprobaue-  
rit, si iustum putauerit, *d. l. si sic legatum in princip. de legat. 1. l. fidei-*  
*commissa, §. quanquam, de legat. 3.*

## A L I V D.

In bonæfidei contractibus, arbitrium, pro viri boni arbitrio accipitur, *l. si societatem 1. l. societatem l. in proposita, cum l. seqq. pro socio, l. 7. de contrah. emptio. l. in personam de R. l. Idq; semper*  
*certum est, & certam quantitatem continet, l. 1. de legat. 2.* At emptio est contractus bonæfidei. Ergo in emptione arbitrium pro viri boni arbitrio accipitur, & per consequens Titio pretium non definiente nihilominus emptio valebit, & pretium statuetur ex bono & æquo. R. Maior propositio, quantum ad pretium emptionis attinet, in emptione & venditione locum non habet. Olim quidem inter veteres ICtos magna pugna fuit de eo, vtrum pretium certum esset, cum dicitur quāti Titius arbitratus fuerit. Alij dicebant pretiū esse certum. Nam ea verba quanti Titius arbitratus fuerit, accipiebant pro viri boni arbitrio quod semper certum est & ideò dicebant emptionē valere, etiam pretium non statuente Titio & statuendū esse pretium ex bono & æquo. Alij negabant emptionem valere Titio non statuente & definiente pretium. Et hanc posteriorem sententiam Iustinianus probauit, *in §. pretium, de emption. & vendition. & in l. ultim. C. de contrahend. emption. & vendition.* Ratio autem, cur arbitrium pro viri boni arbitrio hīc non accipiatur petenda erit ex ijs quæ paulò antè, dixi.

## A L I V D.

Legatum, in voluntatem extranei non rectè confertur, *l. nonnunquam, de condition. & demonstration.* Ergo etiam emptio, in voluntatem extranei non rectè confertur. R. Legatum in alienam voluntatem rectè confertur. *Ita textus est in l. senatus, §. legatum, de legat. 1.* quasi conditio scilicet, *ut Iurisconsultum docet in l. 1. de legat. 2.* At alias in voluntatem extranei  
nomi-



nominatim & expresse, non rectè confertur, tacite autem conferri potest, *d. l. nonnunquam, de condition. & demonstration.*

## A L I V D.

Huiusmodi stipulatio decem dabis cum volueris, valet, si promissor dixerit se velle dare, etiamsi eo non dato decesserit. Quod si antequam vellet decesserit, heres non tenetur, *l. centesimis, §. ultim. de verborum obligationibus*. Sic valet legatum ita relictum, cum heres voluerit, *l. ii. §. sic fideicommissum, de legat. 3.* Valet etiam legatum ita relictum, nisi heres meus voluerit, illi decem dari volo, *d. §. sic fideicommissum*. Videtur igitur dicendum, emptionem etiam valere, si dictum fuerit, cum volueris emptor pro Sticho decem dabis. R. Stipulatio itemque legatum valet si dicatur cum volueris, quia his verbis cum volueris, id palam in debitoris vel heredis arbitrio non ponitur an debeat, sed quando debeat. Ad eundem modum existimo valere emptionem ita factam, cum volueris decem dabis pro Sticho. Nam stipulatio stricti iuris est, emptio bonæ fidei est contractus. Ergo quod in stipulatione dicitur, idem multo magis in emptione dicendum erit.

## A L I V D.

Dicimus in 13. propositione, solam conuentionem pretij perficere emptionem. Obstat l. 1. de pericul. & commod. rei vend. Ibi Iurisconsultus docet quod vino vendito, solo consensu, venditio non perficiatur sed opus sit degustatione, quodque venditor usque ad degustationem periculum sustineat. R. ab eo quod dicimus, conuentionem de pretio perficere emptionem, excipienda emptio vini. Si vinum fuerit venditum, solo consensu venditio non perficitur, sed degustatione opus est & periculum sustinet venditor quoad vinum degustetur. Post degustationem periculum est emptoris, quia tunc plenissime vinum venditum videtur cum est degustatum, *d. l. 1.* sed hoc ita est si vinum auersione venierit. Auersione venire vinum dicitur quod venit vniuersaliter vno pretio, non pretio constituto in singulas amphoras. Ita auersione venditum  
vinum

vinum accipere oportet, *l. 4. §. 1. de pericul. & commod. rei vendita. l. qui officij, §. final. de contrah. emptio.* Dicitur auerfione venditum quod quasi auerfi quodammodo negotium contrahamus re omni neq; perspecta neq; explorata satis. Per auerfionem, Græci interpretantur, *ἐν ὅλῳ* id est, in vniuerso, & *ἐν κότῳ* id est, in alea. Valentinianus dixit in aggere. *Cuiusmodi g. obseruat. c. 15.* Quod si vinum veniat ad mensuram, ita vt in singulas amphoras certum pretium dicatur, non est perfecta venditio ante degustationem & adimensionem vini, *l. quod sæpè §. in his, de contrah. emptio.*

## A L I V D.

Diximus vino vendito degustationem requiri. Obstat d. l. quod sæpè, §. in his. Ibi dicitur vino vendito perfectam esse venditionem simulatq; de pretio conuenierit. R. perfecta videtur venditio vbi de pretio conuenit, sed tunc plenissimè vinum videtur venditum, cum fuerit degustatum.

## A L I V D.

In arbitrium extranei pretium rectè confertur. Obstat l. si merces promissa sit, locati. Ibi merces promissa fuit generaliter alieno arbitrio, & Ictus docet locationem & conductionem non videri contractam. Ergò nec emptio contrahitur cum pretium extranei arbitrio committitur. R. si pretium extranei arbitrio committatur, ita scilicet vt extraneus ille qui arbitrari debet, nominetur & designetur, tunc valet emptio. At si precium conferatur in arbitrium extranei generaliter, nullo nominato nec designato, tunc non valet emptio sicuti nec locatio, *d. l. si merces promissa, locati.*

## XIV. Propositio.

Inuitus verò distrahere siue vendere nemo cogitur.

## XV.

Quia emptio & venditio consensu perficitur, & consensui nihil magis contrarium est quàm coactio, vis atq; metus.

## XVI.

Eandem ob causam si errauerint contrahentes circa res emendas vendendasq; emptio nullius momenti est.

ARGV-

## ARGVMENTVM. I.

Obstat §. sed & maior asperitas, Instit. de his qui sunt sui vel alien. iuris. Ibi Imperator Iustinianus disponit, quod domini, qui asperius seruos suos tractant, coguntur illos vendere. Ergo falsa est nostra propositio. R. Inuitus rem suam distrahere nemo cogitur, sine causa scilicet iusta & probabili. At si probabilis & iusta causa fuerit, cogi quis potest ad vendendum.

## A L I V D.

Rursus obstat l. cum res legata est, §. final. & l. etsi æquo pretio, de legat. 1. Ibi Ictus docet, quod heres cogitur vendere fundum. Sed ille specialis casus est, & ideo heres cogitur ibi vendere legatario, quia testator damnauit heredem vt fundum ipsi venderet. Et si heres damnatus est vt vendat fundum certoviliori pretio, vtile est legatum & adfert emolumentum legatario & heres necesse habet tanti vendere quanti damnatus est, *d. l. cum res legata est, §. final.* Quod si heres damnetur vendere simpliciter, intelligitur damnatus vendere iusto pretio, *d. l. cum res legata est, §. final.* Quod si damnetur vendere iusto & æquo pretio, nihilominus legatum vtile erit, quoniam plerumq; legatarij interest eam rem habere vel vicinitatis causa, vel quia fuit maiorum suorum, vel alia de causa, *d. l. & si æquo, de legat. 1.*

## A L I V D.

Obstat l. communi diuidendo, §. final. communi diuidend. Ibi talis proponitur species. Titius habens fundum communem cum Sempronio, partem fundi vendidit. Postea priusquam fundum traderet emptori, communi diuidendo iudicio, à Sempronio prouocatus est, ipsiq; altera pars fundi adiudicata est. Hoc casu cogitur emptor, qui partem fundi vnā iam emit & alteram partem fundi, quæ venditori postea adiudicata fuit, emere. Ecce textum expressum quod inuitus quis cogitur comparare siue emere. R. Ille etiam casus specialis est. Regulariter inuitus nemo cogitur emere. At certis casibus compelli potest. Ideo autem emptor in dicto casu alteram partem fundi emere cogitur, quia venditor ideo suam

Nan

par-

partem antea vendidit, quod in communione fundi amplius esse nollet. Communio mater est discordiarum. Et ideo si conueniat, ne vnquam diuisio fiat, huiusmodi pactum nullas vires habet, *l. in hoc iudicio, §. si conueniat, commun. diuidend.* Et cum communi diuidendo iudicio, venditori, pars fundi obuenerit, illam inuitus cogitur emptor emere aut actionem empti, ad partem, quam emit non habet.

## A L I V D.

Obstat l. Iulianus, §. idem Celsus, de action. empti. R. Ibi eadem proponitur species quæ proposita est in d. l. communi diuidendo. Ergo & eadem solutio.

## A L I V D.

Consensum in emptione & venditione exigimus. Contra ita instatur. Emptio & venditio contrahitur etiam si contrahentes errauerint. Verbi gratia, ego putauit me vinum emere, & emi acetum, valet emptio, *l. in venditionibus, de contrahend. emptio.* Sic emi virgulam, quæ aurea dicebatur, eaque inuenta est magna ex parte ænea, & tamen emptio valet, *l. quid tamen, de contrahend. emptio.* At qui errant non consentiunt. Consensui enim nihil tam contrarium est quam error qui imperitiam detigit, *l. si per errorem, de iurid. et. on. l. nihil. on. sensui, de R. I.* Videtur igitur dicendum, quod frustra consensum requiramus, quodque emptio contrahi possit sine consensu. R. Si contrahentes in corpore errauerint, nulla est emptio, ut si ego putauit me fundum emere. Cornelianum, tu te vendere Sempronianum, emptio nulla est, quia in corpore dissentimus. Sic si ego puto me Stichum emere, tu te vendere Pamphilum, similiter nulla est emptio, quia in corpore dissentimus. Sic nulla est emptio si contrahentes in materia, in substantia, *et etia*, in qualitate errauerint. Ut si as pro auro veneat, plumbum pro argento, nulla est emptio, quia in materia est erratum. At si inauratum vel inargentatum, pro argenteo vel aureo veneat, valet emptio. Nam licet id quod venditum est, aureum non sit, vel argenteum, aliquid tamen auri vel argenti habet, & ideo contrahentes in materia, siue qualitate non omnino errarunt. Sic si vinum acuit,

& ego

& ego acetum pro vino emo, valet emptio, quia aceto aliquid vini inest. Cum igitur non omnino in materia erratur, tunc emptio valet. Et consentire dicuntur in emptione & venditione, qui in materia siue qualitate omnino non errant. Si omnino erretur in materia, vt si æs veneat pro auro, plumbum pro argento, nulla est emptio.

## A L I V D.

Diximus emptionem esse si in materia siue qualitate omnino non erretur. Obstat l. si sterilis, §. quamuis, de actio. empti. Ibi Iurisconsultus significat emptionem esse, etsi in materia siue qualitate erratum fuerit. Quamuis inquit Iurisconsultus suprà diximus, cum in corpore consentiamus, in qualitate autem dissentiamus, emptionem esse, tamen venditor teneri debet quanti interest emptoris se deceptum non esse. R. Ibi in  $\pi$ . Florentinis malè legitur affirmatiuè emptionem esse, cum legi debeat negatiuè, emptionem non esse, atque ita Norici libri habent, eamque lectionem esse verissimam, verba ipsa ostendunt quæ sequuntur, hæc nimirum, venditor teneri debet quanti interest. Si emptio valet, frustra, inquit Iurisconsultus, licet emptio valet: tamen est ex empto actio. Quis enim vnquam dubitauit ex empto actionem esse cum emptio valet &c. Legi igitur ita debet, quamuis emptio non valet: tamen est ex empto actio, quod prima specie falsum videbatur, sed Iurisconsulti sæpius hoc admittunt.

## A L I V D.

Rursus ita instatur. Error in materia siue qualitate stipulationem non vitiat nec etiam pignus. Ergo nec emptionem, l. si id quod aurum putabam, de Verborum obligationibus, l. i. de pignor. actio. l. cum æs, de furt. R. Differentia est constituenda inter stipulationem & pignus. Itemque emptionem. Si per errorem pignori accepto, vel in stipulationem deducto ære pro auro, pignus & stipulationem nullam esse dixerimus, nihil supererit in obligatione. At creditoris & stipulatoris interest vt æs saltem sit in obligatione. Alia est ratio emptionis. Nam in ea interest emptoris potius ne vllò

N n n a

modo

modo in ære emptio consistat quod venditum est pro auro. Itaque emptio non valet.

## A L I V D.

Obstat rursus l. cum ab eo, §. final. de contrah. emptio. Ibi dicitur non valere venditionem, si mensa argento cooperta, veneat pro argentea. At mensa argento cooperta aliquid argenti habet, videbatur igitur dicendum, emptionem valere. R. Accursius dicit, id actum in ea specie fuisse, ut solida mensa esset ex argento. Nam l. ait pro solida, quod quia aliter se habet, recte emptio nulla esse dicitur. Et hanc Accursij solutionem Rufardus in d. l. cum ab eo §. final. probat. Verum ea Iacobo Cuiacio non placet, propterea quod & vas inargentatum dum venit, pro solido venit, idque pro cauto habetur semper. Cuiacius ergo inargentata separat ab ijs quæ argento cooperta sunt. Mensa æneæ inargentata, argentum inest, eiusque materia duplex est, æs & argentum. Mensa argento cooperta, argentum non inest, eiusque materia æs non-argentum, sicut vestis non est materia hominis. Lamina argentea quasi vestis est mensa.

## A L I V D.

Denique obstat l. Labeo, de contrah. empt. quæ ait emptori competere actionem ex empto, etsi erratum sit in materia. Ergo emptio valet, cum in materia erratur. R. nego consequentiam, quia potest esse actio ex empto ad id quod interest, etiamsi nulla sit emptio, l. qui officij, §. 1. de contrah. emptio.

## A L I V D.

Nemo inuitus cogitur distrahere. Obstat l. 1. C. ut nemi-ni liceat in coemptione specierum se excusare, & de munere Sitionæ, lib. 10. Ibi prouinciales inuiti, coguntur annonam vendere. R. Ille casus specialis est. Ratio specialitatis est necessitas ut dicitur in d. l. 1. Cum exercitui necessaria est annona, fiscus etiam à prouincialibus inuitis, annonarias species coemit.

## A L I V D.

Rursus obstat l. 2. C. de commun. rer. alienation. Ibi ab Impe-

Imperatoribus est rescriptum. Valere venditionem, si fiscus rem communem inuito socio alienauerit. Igitur Socius ibi inuitus, partem suam admittit. R. Cum à priuato res communis alienatur, alteri socio in emptorem, datur rei vindictio per quam partem suam euincit, & parte euicta datur in venditorem actio ex empto in id quod interest. Nec enim potest socius partem socij vendere, *l. ultim. C. de commun. rer. alienat.* Verum ab hac sententia fiscus excipiendus est, qui inuito socio rem communem, alienat, tuncq; socio pars pretij seruatur quam petit actiōe vtili ex vendito quasi videatur ipse vendidisse quod fiscus vendidit, rem ipsam socius ab emptore nullo modo reuocare potest, *l. 2. C. de commun. rerum alienat. l. vnic. C. de vendit. rerum fiscalium cum priuatis communium lib. 10.* Hoc ius ideò introductum est, vt fiscus facilius inueniat emptorem.

## XVII. Propositio.

Porro potest quilibet rem suam vendere cui vult: Nec enim iure Romano ius prothemiseos agnatis competens, venditorem ad certam personam astringit, licet ex noua Friderici constitutione, & de consuetudine communi Germaniæ ius prothemiseos adhuc locum habeat.

## ARGVMENTVM I.

Obstat *l. vnic. C. non licere habitatoribus metroconiaz loca sua ad extraneum transferre.* Ibi Imperator docet, vicarium, qui fundum venalem habet, debere conuicarium præferre extraneo emptori. Lex igitur illa ius Prothemiseos approbat. R. d. *l. vnica* loquitur de conuicarijs. Conuicarius aduersus conuicarium, ius Prothemiseos habet. Nos hic non loquimur de cōuicarijs, sed de propinquis & socijs hi non habent ius Prothemiseos, hi non præferuntur extraneis emptoribus. Conuicarius extraneo emptori præfertur, & propter cōuicarios ad *l. dudum, C. de contrahend. emption.* Tribonianus adiecit hæc verba, nisi lex specialiter quasdam personas hoc facere prohibuerit, quæ non sunt in *C. Theodosiano.*

Obstat l. vltima, C. de iure Emphyt. in ea lege Iustinianus Imperator docet, quod Emphyteuta qui ius suum Emphyteuticum vult vendere, domino id vendere debeat, non extraneo, & si dominus post denunciationem sibi factam, intra duos menses emere noluerit, tunc Emphyteuta ius suum potest vendere cui vult. Malè igitur nos dicimus quod qui rem venalem habet potest eam vendere cui vult. R. Quod in d. l. vlt. statuitur, ad Emphyteutam tantum pertinet, qui prædia venalia, domino potius quàm extraneo vendere tenetur. At nos loquimur de propinquis &c.

## A L I V D.

Dicimus eum qui rem venalem habet, posse eam vendere cui vult. Obstat l. i. C. de metallarijs & metall. lib. 11. In ea lege constituitur quod cuilibet effodiendi auri debeat patere aditus, ita tamen vt fisco inferat octo scrupulos in baluca & reliquum quod collegerit, fisco potissimum distrahat. Si effodiens aurum, fisco id potissimum distrahere debet. Ergo non potest vendere cui vult. R. Quod in d. l. i. statuitur ad metalla tantum pertinet, ea effossa, fisco potissimum distrahenda sunt. Et metalla ab hac nostra propositione excipienda sunt. Qui rem venalem habet, præter metalla scilicet, potest eam vendere cui vult.

Romanus Imperator, ius Prothemiscos rursus induxit. Eius constitutio extat apud Harmenopulum, lib. 3. titu 3. Fecit autem quinque gradus. Et primum ex illa constitutione vocantur agnati consortes, veluti fratres qui paterna prædia indiuisa possident. 2. Socij quilibet, quos ad societatem coniunxit voluntas. 3. Extranei quos ad societatem coniunxit fortuna. 4. συμπαρακείμενοι μοιραῖς id est, qui eidem domino Canonem pensitant. 5. Confines. Hanc Romani constitutionem postea Fridericus secutus est qui Romani verba, de verbo ad verbum refert.

Ius Prothemiscos legibus Mosaicis introductum est vt  
con-



constat ex 25. c. Leuitici, vbi scribitur, si attenuatus frater tuus vendiderit possessiunculam, & voluerit propinquus eius, potest redimere. Et apertè quoque declaratur Ruth. c. 4. vbi ita scribitur. Partem agri patris nostri Elimelech vendidit Naemi, quod audire te volui & tibi dicere coram cunctis sedentibus & maioribus natu de populo meo. Si vis possidere agrum iure propinquitatis eme & posside. Et Hieremiæ 32. c. Eme tibi agrum meum, tibi enim expetit ex propinquitate vt emas. &c.

*FINIS SECUNDÆ  
PARTIS.*

S. D. G.





472

15

LEGATORIA  
R. SALV. R. - R.  
Via Val Sassina, 8 PR 1991  
Tel. 899.229

